

#### молитвы

Во имя Отца, и Сына, и Свята́го Ду́ха. Ами́нь. Сла́ва Тебе́, Бо́же наш, сла́ва Тебе́.

#### Молитва Святому Духу

Царю Небесный, Утешителю, Душе истины, Иже везде сый и вся исполняяй, Сокровище благих и жизни Подателю, прииди и вселися в ны, и очисти ны ог всякия скверны, и спаси, Блаже, души наша.

# Трисвятое

Святый Боже, Святый Кре́пкий, Святый Безсме́ртный, помилуй нас. (Трижды)

Слава Отцу и Сыну и Святому Духу, и ныне и присно и во веки веков. Аминь.

#### Молитва ко Пресвятой Троице

Пресвятая Троице, помилуй нас: Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй.

(Трижды)

Слава Отцу и Сыну и Святому Духу, и ныне и присно и во веки веков. Аминь.

#### Молитва Господня

Отче наш, Иже еси на небесех! Да святится имя Твое, да прийдет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Теред началом всякого дела помолись мысленно: Господи, благословия!

По окончании же: Слава Тебе, Господи!

#### Символ веры

Верую во единаго Бога Отца, Вседержителя, Творца небу и земли, видимым же всем и невидимым. И во единаго Господа Иисуса Христа, Сына Божия, Единороднаго, Иже от Отца рожденнаго прежде всех век; Света от Света, Бога истинна от Бога истинна, рожденна, несотворенна, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы, и вочеловечшася. Распятаго же за ны при Понтийстем Пилате, и страдавша, и погребенна. И воскресшаго в гретий день по Писанием. И возшедшаго на небеса, и седяща одесную Отца. И паки грядущаго со славою судити живым и мертвым, Егоже Царствию не будет конца.

И в Духа Свята́го, Го́спода, Животворя́щаго, Иже от Отца́ исходя́щаго, Иже со Отце́м и Сы́ном спокланя́ема и ссла́вима, глаго́лавшаго проро́ки. Во еди́ну Святу́ю, Собо́рную и Апо́стольскую Це́рковь. Испове́дую еди́но креще́ние во оставле́ние грехо́в. Ча́ю воскресе́ния ме́ртвых, и жи́зни бу́дущаго ве́ка. Ами́нь.

# Песнь Пресвятой Богородице

Богоро́дице Де́во, ра́дуйся, Благода́тная Мари́е, Госпо́дь с Тобо́ю; благослове́на Ты в жена́х и благослове́н плод чре́ва Твоего́, я́ко Спа́са родила́ еси́ душ на́ших.

Достойно есть яко войстинну блажити Тя Богородицу, Присноблаженную и Пренспорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.



# прявослявный МОЛИТВОСЛОВ

ПСЯЯТНРЬ



НЗДАНИЕ МОЕКОВЕКОЙ ПАТРИАРХИИ Москва · 1988

# По благословению Святейшего Патриарха Московского и всея Руси ПИМЕНА



#### молитвы утренние

Востав от сна, прежде всякого другого дела, стань благоговейно, представляя себя пред Всевидящим Богом, и, совершая крестное знамение, произнеси:

Во имя Отца, и Сына, и Святаго Духа. Аминь.

Затем немного подожди, пока все чувства твои не придут в тишину и мысли твои не оставят всё земное, и тогда произноси следующие молитвы, без поспешности и со вниманием сердечным:

#### Молитва мытаря

(Евангелие от Луки, глава 18, стих 13)

Боже, милостив буди мне грешному. (Поклон)

#### Молитва предначинательная

Господи Иисусе Христе, Сыне Божий, молитв ради Пречистыя Твоея Матере и всех святых, помилуй нас. Аминь.

Слава Тебе, Боже наш, слава Тебе.

# Молитва Святому Духу

Царю Небесный, Утешителю, Душе истины, Иже везде сый и вся исполняяй, Сокровище благих и жизни

 $<sup>\</sup>Pi$  римечание. Напечатанное *курсивом* (названия молитв и пояснения) не читается во время молитвы.

Подателю, прииди и вселися в ны, и очисти ны от всякия скверны, и спаси, Блаже, души наша \*

#### Трисвятое

Святый Боже, Святый Крепкий, Святый Безсмертный, помилуй нас. (Читается трижды, с крестным знамением и поясным поклоном.)

Слава Отцу и Сыну и Святому Духу, и ныне и присно и во веки веков. Аминь.

# Молитва ко Пресвятой Троице

Пресвятая Троице, помилуй нас; Господи, очисти грехи наща; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. (Трижды) Слава, и ныне \*\*.

#### Молитва Господня

Отче наш. Иже еси на небесех! Да святится имя Твое. да прийдет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

#### Тропари Троичные

Воставше от сна, припадаем Ти, Блаже, и ангельскую песнь вопием Ти, Сильне: Свят, Свят, Свят еси, Боже, Богородицею помилуй нас.

Слава: От одра и сна воздвигл мя еси, Господи, ум мой просвети и сердце, и устне мой отверзи, во еже пети Тя, Святая Тронце: Свят, Свят, Свят еси, Боже, Богородицею помилуй нас.

ская все предшествующие.

Это замечание относится и к молитвам на сон грядущим.

<sup>•</sup> От Пасхи до Вознесения вместо этой молитвы читается тропарь: «Христос воскресе из мертвых, смертию смерть поправ, и сущим во гробех живот даровав». (Трижды) От Вознесения до Троицы начинаем молитвы со «Святый Боже...», опу-

<sup>\*\*</sup> Когда написано «Слава:», «И ныне:», надо читать полностью: «Слава Отцу́ и Сы́ну и Свято́му Духу», «И ныне и присно и во вски веков. Аминь».

И ныпе: Внеза́пно Судия́ прийдет, и коего́ждо дея́ния обнажа́тся, но стра́хом зове́м\* в полу́нощи: Свят, Свят, Свят сси́, Бо́же, Богоро́дицею поми́луй нас.

Господи, помилуй. (12 раз)

## Молитва ко Пресвятой Троице

От сна воста́в, благодарю́ Тя, Свята́я Тро́ице, я́ко мно́гия ра́ди Твося́ бла́гости и долготерпе́ния не прогне́вался еси́ на мя, лени́ваго и гре́шнаго, ниже́ погуби́л мя еси́ со беззако́ньми мои́ми; но человеколю́бствовал еси́ обычно и в неча́янии лежа́щаго воздви́гл мя еси́, во е́же у́треневати и славосло́вити держа́ву Твою́. И ны́не просвети́ мои́ о́чи мы́сленныя, отве́рзи моя́ уста́ поуча́тися словесе́м Твои́м, и разуме́ти за́поведи Твоя́, и твори́ти во́лю Твою́, и пе́ти Тя во испове́дании серде́чнем, и воспева́ти всесвято́е и́мя Твое́, Отца́ и Сы́на и Свята́го Ду́ха, ны́не и при́сно и во ве́ки веко́в. Ами́нь.

Приидите, поклонимся Цареви нашему Богу.

(Поклон)

Приидите, поклонимся и припадем Христу́, Царе́ви нашему Бо́гу. (Поклон)

Приидите, поклонимся и припадем Самому Христу, Цареви и Богу нашему. (Поклон)

#### Псалом 50

Помилуй мя, Боже, по велицей милости Твоей, и по множеству шедрот Твоих очисти беззаконие мое. Наипаче омый мя от беззакония моего, и от греха моего очисти мя; яко беззаконие мое аз знаю, и грех мой предо мною есть выну. Тебе единому согреших и лукавое пред Тобою сотворих; яко да оправдишися во словесех Твоих, и победиши внегда судити Ти. Се бо, в беззакониих зачат есмь, и во гресех роди мя мати моя. Се бо, истину возлюбил еси; безвестная и тайная премудрости Твоея явил ми еси. Окропиши мя иссопом, и очищуся; омыеши мя, и паче снега убелюся. Слуху моему даси радость и веселие; возрадуются кости смиренныя. Отврати лице Твое от грех мойх и вся беззакония моя очисти. Сердце

<sup>\*</sup> В церковнославянском языке нет звука ё а поэтому надо читать «зове́м», а не «зове́м» «твое́», а не «твое́», а не «мое́», и т. д.

чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святаго не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушенно и смиренно Бог не уничижит. Ублажи, Господи, благоволением Твоим Сиона, и да созиждутся стены Иерусалимския. Тогда благоволиши жертву правды, возношение и всесожегаемая; тогда возложат на олтарь Твой тельцы.

#### Символ веры

<sup>1</sup> Верую во единаго Бога Отца, Вседержителя, Творца небу и земли, видимым же всем и невидимым. <sup>2</sup> И во единаго Господа Иисуса Христа, Сына Божия, Единороднаго, Иже от Отца рожденнаго прежде всех век; Света от Света. Бога истинна от Бога истинна, рожденна, несотворенна, единосущна Отцу, Имже вся быша. 3 Нас ради человек и нашего ради спасения сшедшаго с небес и воплотившагося от Духа Свята и Марии Девы, и вочеловечшася. 4 Распятаго же за ны при Понтийстем Пилате, и страдавша, и погребенна. <sup>5</sup> И воскресшаго в третий день по Писанием. 6 И возшедшаго на небеса, и седяща одесную Отца. 7 И паки грядущаго со славою судити живым и мертвым, Егоже Царствию не будет конца. <sup>8</sup> И в Духа Свята́го, Го́спода, Животворя́щаго, Иже от Отца исходящаго, Иже со Отцем и Сыном спокланяема и сславима, глаголавшаго пророки. <sup>9</sup> Во едину Святую, Соборную и Апостольскую Церковь. <sup>10</sup> Исповедую едино крещение во оставление грехов. 11 Чаю воскресения мертвых, 12 и жизни будущаго века. Аминь.

# Молитва 1-я, святого Макария Великого

Бо́же, очи́сти мя гре́шнаго, яко николи́же сотвори́х благо́е пред Тобо́ю; но изба́ви мя от лука́ваго, и да бу́дет во мне во́ля Твоя́, да неосужде́нно отве́рзу уста́ моя́

недостойная и восхвалю имя Твое святое, Отца и Сына и Святаго Духа, ныне и присно и во веки веков. Аминь.

#### Молитва 2-я, того же святого

От сна востав, полунощную песнь приношу Ти, Спасе, и припадая вопию Ти: не даждь ми уснути во греховней смерти, но ущедри мя, распныйся волею, и лежащаго мя в лености ускорив возстави, и спаси мя в предстоянии и молитве, и по сне нощнем возсияй ми день безгрешен, Христе Боже, и спаси мя.

#### Молитва 3-я, того же святого

К Тебе, Владыко Человеколюбче, от сна востав прибегаю, и на дела Твоя подвизаюся милосердием Твоим, и молюся Тебе: помози ми на всякое время, во всякой вещи, и избави мя от всякия мирския злыя вещи и диавольскаго поспешения, и спаси мя, и введи в Царство Твое вечное. Ты бо еси мой Сотворитель и всякому благу Промысленник и Податель, о Тебе же все упование мое, и Тебе славу возсылаю, ныне и присно и во веки веков. Аминь.

#### Молитва 4-я, того же святого

Господи, Иже многою Твоею благостию и великими щедротами Твоими дал еси мне, рабу Твоему, мимошедшее время нощи сея без напасти прейти от всякаго зла противна; Ты Сам, Владыко, всяческих Творче, сподоби мя истинным Твоим светом и просвещенным сердцем творити волю Твою, ныне и присно и во веки веков. Аминь.

#### Молитва 5-я, св. Василия Великого

Господи Вседержителю, Боже сил и всякия плоти, в вышних живый и на смиренныя призираяй, сердца же и утробы испытуяй и сокровенная человеков яве предведый, Безначальный и Присносущный Свете, у Него же несть пременение, или преложения осенение; Сам, Безсмертный Царю, приими моления наша, яже в настоящее время, на множество Твоих щедрот дерзающе, от скверных к Тебе устен творим, и остави нам прегрешения наша, яже делом, и словом, и мыслию, ведением, или неведением согрешенная нами; и очисти ны от всякия

скверны плоти и духа. И даруй нам бодренным сердцем и трезвенною мыслию всю настоящаго жития нощь прейти, ожидающим пришествия светлаго и явленнаго дне Единороднаго Твоего Сына, Господа и Бога и Спаса нашего Иисуса Христа, в оньже со славою Судия всех прийдет, комуждо отдати по делом его; да не падше и обленившеся, но бодрствующе и воздвижени в делание обрящемся готови, в радость и Божественный чертог славы Его совнидем, идеже празднующих глас непрестанный, и неизреченная сладость зрящих Твоего лица доброту неизреченную. Ты бо еси истинный Свет, просвещаяй и освящаяй всяческая, и Тя поет вся тварь во веки веков. Аминь.

#### Молитва 6-я, того же святого

Тя благословим, вышний Боже и Господи милости, творящаго присно с нами великая же и неизследованная, славная же и ужасная, ихже несть числа, подавшаго нам сон во упокоение немощи нашея, и ослабление трудов многотрудныя плоти. Благодарим Тя, яко не погубил еси нас со беззаконьми нашими, но человеколюбствовал еси обычно, и в нечаянии лежащия ны воздвигл еси, во еже славословити державу Твою. Темже молим безмерную Твою благость, просвети наша мысли, очеса, и ум наш от тяжкаго сна лености возстави: отверзи наша уста, и исполни я Твоего хваления, яко да возможем непоколеблемо пети же и исповедатися Тебе, во всех, и от всех славимому Богу, Безначальному Отцу, со Единородным Твоим Сыном, и Всесвятым и Благим и Животворящим Твоим Духом, ныне и присно, и во веки веков. Аминь.

# Молитва 7-я, ко Пресвятой Богородице

Воспева́ю благода́ть Твою́, Влады́чице, молю́ Тя, ум мой облагодати́. Ступа́ти пра́во мя наста́ви, путе́м Христо́вых за́поведей. Бде́ти к пе́сни укрепи́, уны́ния сон отгоня́ющи. Свя́зана плени́цами грехопаде́ний, мольба́ми Твои́ми разреши́, Богоневе́сто. В нощи́ мя и во дни сохраня́й, борю́щих враг избавля́ющи мя. Жизнода́теля Бо́га ро́ждшая, умерщвле́на мя страстьми́ оживи́. Яже Свет невече́рний ро́ждшая, ду́шу мою́ осле́пшую просвети́. О, ди́вная Влады́чня пала́то, дом Ду́ха Боже́ственна мене́ сотвори́. Врача́ ро́ждшая, уврачу́й души́ моея́ многоле́т-

ныя страсти. Волнующася житейскою бурею, ко стези мя покаяния направи. Избави мя огня вечнующаго, и червия же злаго, и тартара. Да мя не явиши бесом радование. иже многим грехом повинника. Нова сотвори мя, обетшавшаго нечувственными, Пренепорочная, согрешении. Странна муки всякия покажи мя, и всех Владыку умоли. Небесная ми улучити веселия, со всеми святыми, сподоби. Пресвятая Дево, услыши глас непотребнаго раба Твоего. Струю давай мне слезам, Пречистая, души моея скверну очищающи. Стенания от сердца приношу Ти непрестанно, усердствуй, Владычице, Молебную службу мою приими, и Богу благоутробному принеси. Превышшая Ангел, мирскаго мя превышша слития сотвори. Светоносная Сене небесная, духовную благодать во мне направи. Руце воздею и устне к похвалению, осквернены скверною, Всенепорочная. Душетленных мя пакостей избави, Христа прилежно умоляющи; Емуже честь и поклонение подобает, ныне и присно, и во веки веков. аминь.

# Молитва 8-я, Господу нашему Иисусу Христу

Многомилостиве и Всемилостиве Боже мой, Господи Иисусе Христе, многия ради любве сшел и воплотился еси, яко да спасеши всех. И паки, Спасе, спаси мя по благодати, молю Тя; аще бо от дел спасещи мя, несть се благодать и дар, но долг паче. Ей, многий в щедротах и неизреченный в милости! Веруяй бо в Мя, рекл еси. о Христе мой, жив будет и не узрит смерти во веки. Аще убо вера, яже в Тя, спасает отчаянныя, се верую, спаси мя, яко Бог мой еси Ты и Создатель. Вера же вместо дел да вменится мне, Боже мой, не обрящеши бо дел отнюд оправдающих мя. Но та вера моя да довлеет вместо всех, та да отвещает, та да оправдит мя, та да покажет мя причастника славы Твоея вечныя. Да не убо похитит мя сатана, и похвалится, Слове, еже отторгнути мя от Твоея руки и ограды; но или хощу, спаси мя, или не хощу, Христе Спасе мой, предвари скоро, скоро, погибох: Ты бо еси Бог мой от чрева матере моея. Сподоби мя, Господи, ныне возлюбити Тя, якоже возлюбих иногла той самый грех; и паки поработати Тебе без лености тощно, якоже поработах прежде сатане льстивому. Наипаче же

поработаю Тебе, Господу и Богу моему Иисусу Христу, во вся дни живота моего, ныне и присно, и во веки веков, аминь.

## Молитва 9-я, к Ангелу хранителю

Святый Ангеле, предстояй окаянной моей души и страстной моей жизни, не остави мене грешнаго, ниже отступи от мене за невоздержание мое. Не даждь места лукавому демону обладати мною, насильством смертнаго сего телесе; укрепи бедствующую и худую мою руку и настави мя на путь спасения. Ей, святый Ангеле Божий, хранителю и покровителю окаянныя моея души и тела, вся мне прости, еликими тя оскорбих во вся дни живота моего, и аще что согреших в прешедшую нощь сию, покрый мя в настоящий день, и сохрани мя от всякаго искушения противнаго, да ни в коем гресе прогневаю Бога, и молися за мя ко Господу, да утвердит мя в страсе Своем, и достойна покажет мя раба Своея благости. Аминь.

# Молитва 10-я, ко Пресвятой Богородице

Пресвятая Владычице моя Богородице, святыми Твойми и всесильными мольбами отжени от мене смиреннаго и окаяннаго раба Твоего уныние, забвение, неразумие, нерадение, и вся скверная, лукавая и хульная помышления от окаяннаго моего сердца и от помраченнаго ума моего; и погаси пламень страстей моих, яко нищесмь и окаянен. И избави мя от многих и лютых воспоминаний и предприятий, и от всех действ злых свободимя. Яко благословена еси от всех родов, и славится пречестное имя Твое во веки веков. Аминь.

# Молитвенное призывание святого, имя которого носишь

Моли Бога о мне, святый угодниче Божий (имя), яко аз усердно к тебе прибегаю, скорому помощнику и молитвеннику о душе моей.

# Песнь Пресвятой Богородице

Богоро́дице Дево, ра́дуйся, Благода́тная Марие, Госпо́дь с Тобо́ю; благослове́на Ты в жена́х и благослове́н плод чре́ва Твоего́, я́ко Спа́са родила́ еси́ душ на́ших.

## Тропарь Кресту и молитва за отечество

Спаси, Господи, люди Твоя, и благослови достояние Твое, победы на сопротивныя даруя, и Твое сохраняя Крестом Твоим жительство.

#### Молитва о живых

Спаси, Господи, и помилуй отца моего духовнаго (имя), родителей моих (имена), сродников (имена), начальников, наставников, благодетелей (имена их) и всех православных христиан.

#### Молитва о усопших

Упокой, Господи, души усопших раб Твойх: родителей мойх, сродников, благодетелей (имена их), и всех православных христиан, и прости им вся согрешения вольная и невольная, и даруй им Царствие Небесное.

Если можещь, читай вместо кратких молитв о живых и усопших этот помянник:

#### О живых

Помяни. Господи Иисусе Христе. Боже наш. милости и щедроты Твоя от века сущия, ихже ради и вочеловечился еси, и распятие и смерть, спасения ради право в Тя верующих, претерпети изволил еси; и воскрес из мертвых, вознеслся еси на небеса и седиши одесную Бога Отца, и призираещи на смиренныя мольбы всем сердцем призывающих Тя; приклони ухо Твое, и услыши смиренное моление мене, непотребнаго раба Твоего, в воню благоухания духовнаго, Тебе за вся люди Твоя приносящаго. И в первых помяни Церковь Твою Святую, Соборную и Апостольскую, юже снабдел еси честною Твоею Кровию, и утверди, и укрепи, и разшири, умножи, умири, и непреобориму адовыми враты во веки сохрани; раздирания Церквей утиши, шатания языческая угаси, и ересей востания скоро разори и искорени, и в ничтоже силою Святаго Твоего Духа обрати. (Поклон)

Спаси, Господи, и помилуй богохранимую страну нашу, власти и воинство ея, да тихое и безмолвное житие поживем во всяком благочестии и чистоте. (Поклон) Спаси, Господи, и помилуй Великаго Господина и Отца нашего Святейшего Патриарха (имя), преосвященныя митрополиты, архиепископы и епископы православныя, иереи же и дпаконы, и весь причет церковный, яже поставил еси пасти словесное Твое стадо, и молитвами их помилуй и спаси мя грешнаго. (Поклон)

Спаси, Господи, и помилуй отца моего духовнаго (имя его), и святыми его молитвами прости моя согрешения. (Поклон)

Спаси, Господи, и помилуй родители моя (имена их), братию и сестры, и сродники моя по плоти, и вся ближния рода моего, и други, и даруй им мирная Твоя и премирная благая. (Поклон)

Спаси, Господи, и помилуй старцы и юныя, нищия и сироты и вдовицы, и сущия в болезни и в печалех, бедах же и скорбех, обстояниих и пленениих, темницах же и заточениих, изряднее же в гонениих, Тебе ради и веры православныя, от язык безбожных, от отступник и от еретиков, сущия рабы Твоя, и помяни я, посети, укрепи, утеши, и вскоре силою Твоею ослабу, свободу и избаву им подаждь. (Поклон)

Спаси, Господи, и помилуй посланныя в службу, путешествующия, отцы и братию нашу, и вся православныя христианы. (Поклон)

Спаси, Господи, и помилуй ихже аз безумием моим соблазних, и от пути спасительнаго отвратих, к делом злым и неподобным приведох; Божественным Твоим Промыслом к пути спасения паки возврати. (Поклон)

Спаси, Господи, и помилуй ненавидящия и обидящия мя, и творящия ми напасти, и не остави их погибнути мене ради грешнаго. (Поклон)

Отступившия от православныя веры и погибельными ересьми ослепленныя, светом Твоего познания просвети и Святей Твоей Апостольстей Соборней Церкви причти. (Поклон)

#### O yconwux

Помяни, Господи, от жития сего отшедшия святейшия патриархи, преосвященныя митрополиты, архиепископы и епископы православныя, во иерейстем же и причте церковнем, и монашестем чине Тебе послужившия, и в вечных Твоих селениих со святыми упокой. (Поклон)

Помяни, Господи, души усопших рабов Твойх, родителей мойх (имена их), и всех сродников по плоти; и прости их вся согрешения вольная и невольная, даруя им Царствие и причастие вечных Твойх благих и Твоея безконечныя и блаженныя жизни наслаждение. (Поклон)

Помяни, Господи, и вся в надежди воскресения и жизни вечныя усопшия, отцы и братию нашу, и сестры, и зде лежащия и повсюду, православныя христианы, и со святыми Твоими, идеже присещает свет лица Твоего, всели, и нас помилуй, яко Благ и Человеколюбец. Аминь. (Поклон)

Подаждь, Господи, оставление грехов всем прежде отшедшим в вере и надежди воскресения, отцем, братиям и сестрам нашим и сотвори им вечную память. (Трижды)

#### Окончание молитв

Достойно есть яко войстинну блажити Тя Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем \*.

Слава, и ныне: Господи, помилуй. (Трижды)

Господи Иисусе Христе, Сыне Божий, молитв ради Пречистыя Твоея Матере, преподобных и богоносных отец наших и всех святых помилуй нас. Аминь.

От Пасхи до Вознесения вместо этой молитвы читается припев ч ирмос
 9-й песни пасхального канона:

<sup>«</sup>Ангел вопияще Благодатней: Чистая Дево, радуйся! И паки реку: радуйся! Твой Сын воскресе тридневен от гроба и мертвыя воздвигнувый; людие, веселитеся! Светися, светися, новый Иерусалиме, слава бо Господня на тебе возсия.

Светися, светися, новый Иерусалиме, слава бо Господня на тебе возсий. Ликуй ниме и веселися, Сионе. Ты же, Чистая, красуйся, Богородице, о востании Рождества Твоего».

Это замечание относится и к молитвам на сон грядущим.



# молитвы на сон грядущим

Во имя Отца, и Сына, и Святаго Духа. Аминь.

Господи Иисусе Христе, Сыне Божий, молитв ради Пречистыя Твоея Матере, преподобных и богоносных отец наших и всех святых, помилуй нас. Аминь.

Слава Тебе, Боже наш, слава Тебе.

Царю Небесный, Утешителю, Душе истипы, Иже везде сый и вся исполияни, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас. (Трижды)

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. (Трижды) Слава, и ныне:

Отче наш, Иже еси на небесех! Да святится имя Твое, да приидет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

#### **Tponapu**

Помилуй нас, Господи, помилуй нас; всякаго бо ответа недоумеюще, сию Ти молитву яко Владыце грешнии приносим: помилуй нас.

Слава: Господи, помилуй нас, на Тя бо уповахом; не прогневайся на ны зело, ниже помяни беззаконий наших, но призри и ныне яко благоутробен, и избави ны от враг наших; Ты бо еси Бог наш, и мы людие Твой, вси дела руку Твоею, и имя Твое призываем.

И ныне: Милосердия двери отверзи нам, благословенная Богородице, надеющиися на Тя да не погибнем, но да избавимся Тобою от бед: Ты бо еси спасение рода христианскаго.

Господи, помилуй. (12 раз)

#### Молитва 1-я, святого Макария Великого, к Богу Отцу

Боже вечный и Царю всякаго создания, сподобивый мя даже в час сей доспети, прости ми грехи, яже сотворих в сей день делом, словом и помышлением, и очисти, Господи, смиренную мою душу от всякия скверны плоти и духа. И даждь ми, Господи, в нощи сей сон прейти в мире, да востав от смиреннаго ми ложа, благоугожду пресвятому имени Твоему, во вся дни живота моего, и поперу борющия мя враги плотския и безплотныя. И избави мя, Господи, от помышлений суетных, оскверняющих мя, и похотей лукавых. Яко Твое есть царство и сила и слава, Отца и Сына и Святаго Духа, ныне и присно и во веки веков. Аминь.

#### Молитва 2-я, святого Антиоха, ко Господу нашему Иисусу Христу

Вседержителю, Сло́во Отчее, Сам соверше́н сый, Иису́се Христе́, мно́гаго ра́ди милосе́рдия Твоего́ никогда́же отлуча́йся мене́, раба́ Твоего́, но всегда́ во мне почива́й. Иису́се, до́брый Па́стырю Твои́х ове́ц, не преда́ждь мене́ крамоле́ змийне, и жела́нию сатанину́ не оста́ви мене́, я́ко се́мя тли во мне есть. Ты у́бо, Го́споди Бо́же покланя́емый, Царю́ Святы́й, Иису́се Христе́, спя́ща мя сохрани́ немерца́ющим све́том, Ду́хом Твои́м Святы́м,

Имже освяти́л сси́ Твоя́ ученнки́. Даждь, Го́сподн, и мне, недосто́йному рабу́ Твоему́, спасе́ние Твое́ на ло́жи моє́м: просвети́ ум мой све́том ра́зума свята́го Ева́нгелия Твоего́, ду́шу любо́вию Креста́ Твоего́, се́рдце чистото́ю словесе́ Твоего́, те́ло мое́ Твое́ю стра́стию безстра́стною, мысль мою́ Твои́м смире́нием сохрани́, и воздви́гни мя во вре́мя подо́бно на Твое́ славосло́вие. Яко препросла́влен еси́ со Безнача́льным Твои́м Отце́м и с Пресвяты́м Ду́хом во ве́ки. Ами́нь.

# Молитва 3-я, ко Пресвятому Духу

Господи, Царю Небесный, Утешителю, Душе истины, умилосердися и помилуй мя грешнаго раба Твоего, и отпусти ми недостойному, и прости вся, елика Ти согреших днесь яко человек, паче же и не яко человек, но и горее скота, вольныя моя грехи и невольныя, ведомыя и неведомыя: яже от юности и от науки злы, и яже суть от нагльства и уныния. Аще именем Твоим кляхся, или похулих е в помышлении моем; или кого укорих; или оклеветах кого гневом моим, или опечалих, или о чем прогневахся; или солгах, или безгодно спах, или нищ прийде ко мне, и презрех его; или брата моего опечалих, или свадих, или кого осудих; или развеличахся, или разгордехся, или разгневахся; или стоящу ми на молитве, ум мой о лукавствии мира сего подвижеся, или развращение помыслих; или объядохся, или опихся, или без ума смеяхся; или лукавое помыслих, или доброту чуждую видев, и тою уязвлен бых сердцем; или неподобная глаголах. или греху брата моего посмеяхся, моя же суть безчисленная согрешения; или о молитве не радих, или ино что содеях лукавое, не помню, та бо вся и больша сих содеях. Помилуй мя, Творче мой Владыко, унылаго и недостойнаго раба Твоего, и остави ми, и отпусти, и прости мя, яко Благ и Человеколюбец, да с миром лягу. усну и почию, блудный, грешный и окаянный аз, и поклонюся, и воспою, и прославлю пречестное имя Твое. со Отцем, и Единородным Его Сыном, ныне и присно, и во веки. Аминь.

# Молитва 4-я, святого Макария Великого

Что Ти принесу, или что Ти воздам, великодаровитый Безсмертный Царю, щедре и человеколюбче Господи, яко

ленящася мене на Твое угождение, и ничтоже благо сотворша, привел еси на конец мимошедшаго дне сего, обращение и спасение души моей строя? Милостив ми буди грешному и обнаженному всякаго дела блага, возстави падшую мою душу, осквернившуюся в безмерных согрешениих, и отыми от мене весь помысл лукавый видимаго сего жития. Прости моя согрещения, едине Безгрешне, яже Ти согреших в сей день, ведением и неведением, словом, и делом, и помышлением, и всеми моими чувствы. Ты Сам, покрывая, сохрани мя от всякаго сопротивнаго обстояния Божественною Твоею властию, и неизреченным человеколюбием, и силою. Очисти, Боже, очисти множество грехов моих. Благоволи, Господи, избавити мя от сети лукаваго, и спаси страстную мою лушу, и осени мя светом лица Твоего, егда приидеши во славе, и неосужденна ныне сном уснути сотвори, и без мечтания, и несмущен помысл раба Твоего соблюди, и всю сатанину детель отжени от мене, и просвети ми разумныя очи сердечныя, да не усну в смерть. И посли ми Ангела мирна, хранителя и наставника души и телу моему, да избавит мя от враг моих; да востав со одра моего, принесу Ти благодарственныя мольбы. Ей, Господи, услыши мя грешнаго и убогаго раба Твоего, изволением и совестию: даруй ми воставшу словесем Твоим поучитися, и уныние бесовское далече от мене отгнано быти сотвори Твоими Ангелы; да благословлю имя Твое святое, и прославлю, и славлю Пречистую Богородицу Марию, Юже дал еси нам грешным заступление, и приими Сию молящуюся за ны; вем бо, яко подражает Твое человеколюбие, и молящися не престает. Тоя заступлением, и Честнаго Креста знамением, и всех святых Твойх ради, убогую душу мою соблюди, Инсусе Христе Боже наш, яко Свят еси, и препрославлен во веки. Аминь.

#### Молитва 5-я

Господи Боже наш, еже согреших во дни сем словом, делом и помышлением, яко Благ и Человеколюбец прости ми. Мирен сон и безмятежен даруй ми. Ангела Твоего хранителя посли, покрывающа и соблюдающа мя от всякаго зла, яко Ты еси хранитель душам и телесем нашим, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

#### Молитва 6-я

Господи Боже наш, в Негоже веровахом, и Егоже имя паче всякаго имене призываем, даждь нам, ко сну отходящим, ослабу души и телу, и соблюди нас от всякаго мечтания, и темныя сласти кроме; устави стремление страстей, угаси разжжения востания телеснаго. Даждь нам целомудренне пожити делы и словесы; да добродетельное жительство восприемлюще, обетованных не отпадем благих Твойх, яко благословен еси во веки. Аминь.

# Молитва 7-я, святого Иоанна Златоуста (24 молитвы, по числу часов дня и ночи)

- <sup>1</sup> Господи, не лиши мене небесных Твоих благ. <sup>2</sup> Господи, избави мя вечных мук. 3 Господи, умом ли или помышлением, словом или делом согрещих, прости мя. 4 Господи, избави мя всякаго неведения и забвения, и малодушия, и окамененнаго нечувствия. 5 Господи, избави мя от всякаго искушения. 6 Господи, просвети мое сердце, еже помрачи лукавое похотение. 7 Господи, аз яко человек согреших, Ты же, яко Бог щедр, помилуй мя, видя немощь души моея. 8 Господи, посли благодать Твою в помощь мне, да прославлю имя Твое святое. 9 Господи Инсусе Христе, напиши мя раба Твоего в книзе животней и даруй ми конец благий. 10 Господи Боже мой, аще и ничтоже благо сотворих пред Тобою, но даждь ми по благодати Твоей положити начало благое. 11 Господи, окропи в сердце моем росу благодати Твоея. 12 Господи небесе и земли, помяни мя грешнаго раба Твоего, студнаго и нечистаго, во Царствии Твоем. Аминь.
- <sup>1</sup> Го́споди, в покая́нии приими́ мя. <sup>2</sup> Го́споди, не оста́ви мене́. <sup>3</sup> Го́споди, не введи́ мене́ в напа́сть. <sup>4</sup> Го́споди, даждь ми мысль бла́гу. <sup>5</sup> Го́споди, даждь ми сле́зы, и па́мять сме́ртную, и умиле́ние. <sup>6</sup> Го́споди, даждь ми по́мысл испове́дания грехо́в мои́х. <sup>7</sup> Го́споди, даждь ми смире́ние, целому́дрие и послуша́ние. <sup>8</sup> Го́споди, даждь ми терпе́ние, великоду́шие и кро́тость. <sup>9</sup> Го́споди, всели́ в мя ко́рень благи́х, страх Твой в се́рдце мое́. <sup>10</sup> Го́споди, сподо́би мя люби́ти Тя от всея́ души́ моея́ и помышле́ния и твори́ти во всем во́лю Твою́. <sup>11</sup> Го́споди, покры́й мя от челове́к не́которых, и бесо́в, и страсте́й, и от вся́кия ины́я неподо́бныя ве́щи. <sup>12</sup> Го́споди, ве́си, я́ко твориши,

я́коже Ты волиши, да бу́дет во́ля Твоя́ и во мне гре́шнем, я́ко благослове́н еси́ во ве́ки. Ами́нь.

# Молитва 8-я, ко Господу нашему Иисусу Христу

Господи Иисусе Христе, Сыне Божий, ради честнейшия Матере Твоея, и безплотных Твоих Ангел, Пророка же и Предтечи и Крестителя Твоего, богоглаголивых же апостол, светлых и добропобедных мученик, преподобных и богоносных отец, и всех святых молитвами, избави мя настоящаго обстояния бесовскаго. Ей, Господи мой и Творче, не хотяй смерти грешнаго, но якоже обратитися и живу быти ему, даждь и мне обращение окаянному и недостойному; изми мя от уст пагубнаго змия, зияющаго пожрети мя и свести во ад жива. Ей, Господи мой, утешение мое, Иже мене ради окаяннаго в тленную плоть оболкийся, исторгни мя от окаянства, и утешение подаждь души моей окаянней. Всади в сердце мое творити Твоя повеления, и оставити лукавая деяния, и получити блаженства Твоя: на Тя бо, Господи, уповах, спаси мя.

#### Молитва 9-я, ко Пресвятой Богородице, Петра Студийского

К Тебе Пречистей Божиси Матери аз окаянный припадая молюся: веси, Царице, яко безпрестани согрешаю и прогневляю Сына Твоего и Бога моего, и многажды аще каюся, лож пред Богом обретаюся, и каюся трепеша: не ужели Господь поразит мя, и по часе паки таяжде творю: ведущи сия, Владычице моя Госпоже Богородице, молю, да помилуеши, да укрепиши, и благая творити да подаси ми. Веси бо, Владычице моя Богородице. яко отнюд имам в ненависти злая моя дела, и всею мыслию люблю закон Бога моего; но не вем, Госпоже Пречистая, откуду яже ненавижду, та и люблю, а благая преступаю. Не попущай, Пречистая, воли моей совершатися, не угодна бо есть, но да будет воля Сына Твоего и Бога моего: да мя спасет, и вразумит, и подаст благодать Святаго Духа, да бых аз отселе престал сквернодейства, и прочее пожил бых в повелении Сына Твоего. Емуже подобает всякая слава, честь и держава, со Безначальным Его Отцем, и Пресвятым и Благим и Животворящим Его Духом, ныне и присно, и во веки веков. аминь.

# Молитва 10-я, ко Пресвятой Богородице

Блага́го Царя́ блага́я Ма́ти, Пречи́стая и Благослове́нная Богоро́дице Мари́е, ми́лость Сы́на Твоего́ и Бо́га на́шего изле́й на стра́стную мою́ ду́шу и Твои́ми моли́твами наста́ви мя на дея́ния блага́я, да про́чее вре́мя живота́ моего́ без поро́ка прейду́ и Тобо́ю рай да обря́щу, Богоро́дице Де́во, еди́на Чи́стая и Благослове́нная.

## Молитва 11-я, ко святому Ангелу хранителю

Ангеле Христов, хранителю мой святый и покровителю души и тела моего, вся ми прости, елика согреших во днешний день, и от всякаго лукавствия противнаго ми врага избави мя, да ни в коемже гресе прогневаю Бога моего; но моли за мя грешнаго и недостойнаго раба, яко да достойна мя покажеши благости и милости Всесвятыя Тронцы и Матере Господа моего Иисуса Христа и всех святых. Аминь.

## Кондак Богородице

Взбранной Воево́де победительная, яко избавльшеся от злых, благода́рственная воспису́ем Ти раби Твои, Богоро́дице, но яко иму́щая держа́ву непобеди́мую, от всяких нас бед свободи́, да зове́м Ти: ра́дуйся, Неве́сто Неневе́стная.

Преславная Приснодево, Мати Христа Бога, принеси нашу молитву Сыну Твоему и Богу нашему, да спасет Тобою души наша.

Все упование мое на Тя возлагаю, Мати Божия, сохрани мя под кровом Твоим.

Богоро́дице Де́во, не пре́зри мене́ гре́шнаго, тре́бующа Твоея́ по́мощи и Твоего́ заступле́ния, на Тя́ бо упова́ душа́ моя́, и поми́луй мя.

#### Молитва святого Иоанникия

Упование мое́ Оте́ц, прибе́жище мое́ Сын, покро́в мой Дух Святы́й: Тро́ице Свята́я, сла́ва Тебе́.

Достойно есть яко войстинну блажити Тя, Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравне-

ния Серафим, без истления Бога Слова рождшую, сущую Богородицу Тя величаем.

Слава, и ныне: Господи, помилуй. (Трижды)

Господи Иисусе Христе, Сыне Божий, молитв ради Пречистыя Твоея Матере, преподобных и богоносных отец наших и всех святых, помилуй нас. Аминь.

#### Молитва святого Иоанна Дамаскина

Владыко Человеколюбче, не ужели мне одр сей гроб будет, или еще окаянную мою душу просветиши днем? Се ми гроб предлежит, се ми смерть предстойт. Суда Твоего, Господи, боюся и муки безконечныя, злое же творя не престаю: Тебе Господа Бога моего всегда прогневляю, и Пречистую Твою Матерь, и вся Небесныя силы, и святаго Ангела хранителя моего. Вем убо, Господи, яко недостоин есмь человеколюбия Твоего, но достоин есмь всякаго осуждения и муки. Но, Господи, или хощу, или не хощу, спаси мя. Аще бо праведника спасеши, ничтоже велие; и аще чистаго помилуещи, ничтоже дивно: достойни бо суть милости Твоея. Но на мне грешнем удиви милость Твою: о сем яви человеколюбие Твое, да не одолеет моя злоба Твоей неизглаголанней благости и милосердию: и якоже хощеши, устрой о мне вещь.

Просвети очи мой, Христе Боже, да не когда усну в смерть, да не когда речет враг мой: укрепихся на него.

Слава: Засту́пник души моея́ бу́ди, Бо́же, я́ко посреде́ хожду́ сете́й мно́гих; изба́ви мя от них и спаси́ мя, Бла́же, я́ко Человеколю́бец.

И ныне: Преславную Божию Матерь, и святых Ангел Святейшую, немолчно воспоим сердцем и усты, Богородицу сию исповедающе, яко воистинну рождшую нам Бога воплощенна, и молящуюся непрестанно о душах наших.

# Знаменуй себя крестом и говори молитву Честному Кресту:

Да воскреснет Бог, и расточатся врази Его, и да бежат от лица Его ненавидящии Его. Яко исчезает дым, да исчезнут; яко тает воск от лица огня, тако да погибнут

беси от лица любящих Бога и знаменующихся крестным знамением, и в веселии глаголющих: радуйся, Пречестный и Животворящий Кресте Господень, прогоняяй бесы силою на тебе пропятаго Господа нашего Иисуса Христа, во ад сшедшаго и поправшего силу диаволю, и даровавшаго нам тебе Крест Свой Честный на прогнание всякаго супостата. О, Пречестный и Животворящий Кресте Господень! Помогай ми со Святою Госпожею Девою Богородицею и со всеми святыми во веки. Аминь.

#### Или кратко:

Огради мя, Господи, силою Честнаго и Животворящаго Твоего Креста, и сохрани мя от всякаго зла.

#### Молитва

Ослаби, остави, прости, Боже, прегрешения наша, вольная и невольная, яже в слове и в деле, яже в ведении и не в ведении, яже во дни и в нощи, яже во уме и в помышлении: вся нам прости, яко Благ и Человеколюбец.

#### Молитва

Ненавидящих и обидящих нас прости. Господи Человеколюбче. Благотворящим благосотвори. Братиям и сродником нашим даруй яже ко спасению прошения и жизнь вечную. В немощех сущия посети и исцеление даруй. Иже на мори управи. Путешествующим спутешествуй. Служащим и милующим нас грехов оставление даруй. Заповедавших нам недостойным молитися о них помилуй по велицей Твоей милости. Помяни, Господи. прежде усопших отец и братий наших и упокой их, идеже присещает свет лица Твоего. Помяни, Господи, братий наших плененных и избави я от всякаго обстояния. Помяни, Господи, плодоносящих и доброделающих во святых Твойх церквах, и даждь им яже ко спасению прошения и жизнь вечную. Помяни, Господи, и нас. смиренных и грешных и недостойных раб Твоих, и просвети наш ум светом разума Твоего, и настави нас на стезю заповедей Твоих, молитвами Пречистыя Владычицы нашея Богородицы и Приснодевы Марии и всех Твоих святых: яко благословен еси во веки веков. Аминь.

# Исповедание грехов повседневное

Исповедаю Тебе Господу Богу моему и Творцу, во Святей Тронце Единому, славимому и покланяемому, Отцу, и Сыну, и Святому Духу, вся моя грехи, яже содеях во вся дни живота моего, и на всякий час, и в настоящее время, и в прешедшия дни и нощи. делом. словом, помышлением, объядением, пиянством, тайноядением, празднословием, унынием, леностию, прекословием, непослушанием, оклеветанием, осуждением, нием, самолюбием, многостяжанием, хищением, неправдоглаголанием, скверноприбытчеством, мшелоимством, ревнованием, завистию, гневом, памятозлобием, ненавистию, лихоимством и всеми моими чувствы: зрением, слухом, обонянием, вкусом, осязанием и прочими мойми грехи, душевными вкупе и телесными, имиже Тебе Бога моего и Творца прогневах, и ближняго моего онеправдовах: о сих жалея, винна себе Тебе Богу моему представляю, и имею волю каятися: точию, Господи Боже мой, помози ми, со слезами смиренно молю Тя: прешедшая же согрешения моя милосердием Твоим прости ми, и разреши от всех сих, яже изглаголах пред Тобою, яко Благ и Человеколюбен.

# Когда отходишь ко сну, произноси:

В руце Твой, Господи Инсусе Христе, Боже мой, предаю дух мой: Ты же мя благослови, Ты мя помилуй и живот вечный даруй ми. Аминь.





# КАНОН ПОКАЯННЫЙ КО ГОСПОДУ НАШЕМУ ИИСУСУ ХРИСТУ

#### Глас 6-й

#### Песнь 1

Яко по суху пешешествовав Израиль, по бездне стопами, гонителя фараона видя потопляема, Богу победную песнь поим, вопияще.

Припев \*: Помилуй мя, Боже, помилуй мя.

Ныне приступих аз грешный и обремененный к Тебе, Владыце и Богу моему; не смею же взирати на небо, токмо молюся, глаголя: даждь ми, Господи, ум, да плачуся дел моих горько.

О, горе мне грешному! Паче всех человек окаянен есмь, покаяния несть во мне; даждь ми, Господи, слезы, да плачуся дел моих горько.

Слава: Безумне, окаянне человече, в лености время губиши; помысли житие твое, и обратися ко Господу Богу, и плачися о делех твоих горько.

И ныне: Мати Божия Пречистая, воззри на мя грешнаго, и от сети диаволи избави мя, и на путь покаяния настави мя, да плачуся дел моих горько.

#### Песнь 3

Несть свят, якоже Ты, Господи Боже мой, вознесый рог верных Твоих, Блаже, и утвердивый нас на камени исповедания Твосго.

В канонах припев как молитвенное воззвание произносится перед первым и вторым (и третьим, когда он есть) тропарём каждой песни, но не читается перед тропарями, начинающимися со «Слава Отцу и Сыну и Святому Духу» и «И ныме и присно и во веки веков. Аминь».

Внегда поставлени будут престоли на судищи страшнем, тогда всех человек дела обличатся; горе тамо будет грешным, в муку отсылаемым; и то ведущи, душе моя, покайся от злых дел твоих.

Праведницы возрадуются, а грешнии восплачутся, тогда никтоже возможет помощи нам, но дела наша осудят нас; темже прежде конца покайся от злых дел твоих.

Слава: Увы мне великогрешному, иже делы и мысльми осквернився, ни капли слез имею от жестосердия; ныне возникни от земли, душе моя, и покайся от злых дел твоих.

И ныне: Се, взыва́ет, Госпоже́, Сын Твой, и поуча́ет нас на до́брое, аз же грешный добра́ всегда бе́гаю; но Ты, Ми́лостивая, помилуй мя, да пока́юся от злых моих дел.

#### Седален, глас 6-й

Помышляю день страшный и плачуся деяний моих лукавых: како отвещаю Безсмертному Царю, или коим дерзновением воззрю на Судию, блудный аз? Благоутробный Отче, Сыне Единородный и Душе Святый, помилуй мя.

#### Слава, и ныне: Богородичен

Связан многими ныне пленицами грехов и содержимь лютыми страстьми и бедами, к Тебе прибегаю, моему спасению, и вопию: помози ми, Дево, Мати Божия.

#### Песнь 4

**Х**ристос моя сила, Бог и Господь, честная Церковь боголе́пно псе́т, взывающи от смысла чиста, о Господе празднующи.

**Ш**иро́к путь зде и уго́дный сла́сти твори́ти, но го́рько будет в последний день, егда́ душа от тела разлуча́тися будет: блюди́ся от сих, челове́че, Царствия ра́ди Божия.

Почто убогаго обидиши, мзду наемничу удержуеши, брата твоего не любиши, блуд и гордость гониши? Остави убо сия, душе моя, и покайся Царствия ради Божия.

Слава: О, безумный человече, доколе углебаеши, яко пчела, собирающи богатство твое? Вскоре бо погибнет, яко прах и пепел: но более взыщи Царствия Божия.

И ныне: Госпоже Богоро́дице, помилуй мя грешнаго, и в доброде́тели укрепи, и соблюди мя, да на́глая смерть не похи́тит мя негото́ваго, и доведи мя, Дево, Царствия Божия.

#### Песнь 5

Божиим светом Твоим, Блаже, ўтренюющих Ти души любовию озари, молюся, Тя ве́дети, Сло́ве Божий, истиннаго Бога, от мрака грехо́внаго взыва́юща.

Воспомяни, окаянный человече, како лжам, клеветам, разбою, немощем, лютым зверем, грехов ради порабощен еси; душе моя грешная, того ли восхотела еси?

Трепе́шут ми у́ди, всеми бо сотвори́х вину́: очи́ма взира́яй, уши́ма слы́шай, язы́ком злая глаго́ляй, всего себе гее́нне предая́й; душе́ моя грешная, сего ли восхотела еси?

Слава: Блудника и разбойника кающася приял еси, Спасе, аз же един леностию греховною отягчихся и злым делом поработихся; душе моя грешная, сего ли восхотела еси?

И ныне: Дивная и скорая помощнице всем человеком, Мати Божия, помози мне недостойному, душа бо моя грешная того восхоте.

#### Песнь 6

Житейское море, воздвизаемое зря напастей бурею, к тихому пристанищу Твоему притек, вопию Ти: возведи от тли живот мой, Многомилостиве.

Житие на земли блудно пожих и душу во тьму предах, ныне убо молю Тя, Милостивый Владыко: свободи мя от работы сея вражия, и даждь ми разум творити волю Твою,

Кто творит такова́я, я́коже аз? Якоже бо свиния́ лежит в калу́, та́ко и аз греху́ служу́. Но Ты, Господи, исто́ргни мя от гну́са сего и даждь ми сердце твори́ти за́поведи Твоя.

Слава: Воспряни, окаянный человече, к Богу, воспомянув своя согрешения, припадая ко Творцу, слезя и стеня; Той же, яко милосерд, даст ти ум знати волю Свою.

И ныне: Богородице Дево, от видимаго и невидимаго зла сохрани мя, Пречистая, и приими молитвы моя, и донеси я Сыну Твоему, да даст ми ум творити волю Его.

#### Кондак

Душе моя, почто грехами богатееши, почто волю диаволю твориши, в чесом надежду полагаеши? Престани от сих и обратися к Богу с плачем, зовущи: милосерде Господи, помилуй мя грешнаго.

#### Икос

Помысли, душе моя, горький час смерти и страшный суд Творца твоего и Бога: Ангели бо грознии поймут тя, душе, и в вечный огнь введут: убо прежде смерти покайся, вопиющи: Господи, помилуй мя грешнаго,

#### Песнь 7

Росода́тельну убо пещь соде́ла Ангел преподобным отроком, халде́и же опаля́ющее веле́ние Божие, мучи́теля увеща́ вопи́ти: благослове́н есн, Боже оте́ц наших.

Не надейся, душе моя, на тленное богатство и на неправедное собрание, вся бо сия не веси кому оставиши, но возопий: помилуй мя, Христе Боже, недостойнаго.

Не уповай, душе моя, на теле́сное здравие и на скоромимоходя́щую красоту́, ви́диши бо, яко си́льнии и млади́и умира́ют; но возопи́й: помилуй мя, Христе Боже, недостойнаго.

Слава: Воспомяни, душе моя, вечное житие, Царство Небесное, уготованное святым, и тьму кромешную и гнев Божий злым, и возопий: помилуй мя, Христе Боже, недостойнаго.

И ныне: Припади, душе моя, к Божией Матери и помолися Той, есть бо скорая помощница кающимся, умолит Сына Христа Бога, и помилует мя недостойнаго.

#### Песнь 8

Из пламене преподобным росу источил еси и праведнаго жертву водою попалил еси: вся бо твориши, Христе, токмо еже хотети. Тя превозносим во вся веки.

Како не имам плакатися, егда помышляю смерть, видех бо во гробе лежаща брата моего, безславна и безобразна? Что убо чаю, и на что надеюся? Токмо даждь ми, Господи, прежде конца покаяние. (Дважды)

Слава: Верую, яко прийдеши судити живых и мертвых, и вси во своем чину станут, старии и младии, владыки и князи, девы и священницы; где обрящуся аз? Сего ради вопию: даждь ми, Господи, прежде конца покаяние.

И ныне: Пречистая Богородице, приими недостойную молитву мою и сохрани мя от наглыя смерти, и даруй ми прежде конца покаяние.

#### Песнь 9

Бога челове́ком невозможно ви́дети, на Него́же не сме́ют чи́ни Ангельстии взира́ти; Тобою же, Всечи́стая, яви́ся челове́ком Слово Всплоще́нно, Его́же велича́юще, с небе́сными во́и Тя ублажа́ем.

Ныне к вам прибегаю, Ангели, Архангели и вся небесныя силы, у Престола Божия стоящии, молитеся ко Творцу своему, да избавит душу мою от муки вечныя.

Ныне плачуся к вам, святи́и патриа́рси, ца́рие и проро́цы, апо́столи и святи́телие и вси избра́ннии Христо́вы: помози́те ми на суде́, да спасе́т душу мою от си́лы вра́жия.

Слава: Ныне к вам воздежу руце, святии мученицы, пустынницы, девственницы, праведницы и вси святии, молящиися ко Господу за весь мир, да помилует мя в час смерти моея.

Й ныне: Мати Божия, помози ми, на Тя сильне надеющемуся, умоли Сына Своего, да поставит мя недостойнаго одесную Себе, егда сядет судяй живых и мерт-

вых, аминь.

#### Молитва

Владыко Христе Боже, Иже страстьми Своими страсти моя исцеливый и язвами Своими язвы моя уврачевавый, даруй мне, много Тебе прегрешившему, слезы умиления; сраствори моему телу от обоняния Животворящаго Тела Твоего, и наслади душу мою Твоею Честною Кровию от горести, еюже мя сопротивник напой; возвыси мой ум к Тебе, долу поникший, и возведи от пропасти погибели: яко не имам покаяния, не имам умиления, не имам слезы утешительныя, возводящия чада ко своему наследию. Омрачихся умом в житейских страстех,



# **КАНОН МОЛЕБНЫЙ**КО ПРЕСВЯТОЙ БОГОРОДИЦЕ,

поемый во всякой скорби душевной и обстоянии

Творение Феостирикта монаха

Тропарь Богородице, глас 4-й

К Богородице прилежно ныне притецем, грешнин и смиреннии, и припадем, в покаянии зовуще из глубины души: Владычице, помози, на ны милосердовавши, потщися, погибаем от множества прегрешений, не отврати Твоя рабы тщи, Тя бо и едину надежду имамы. (Дважды)

Слава, и ныне: Не умолчим никогда, Богородице, силы Твоя глаголати, недостойнии: аще бо Ты не бы предстояла молящи, кто бы нас избавил от толиких бед, кто же бы сохранил до ныне свободны? Не отступим, Владычице, от Тебе: Твоя бо рабы спасаеши присно от всяких лютых.

И псалом 50: Помилуй мя, Боже... (см. стр. 5).

не могу воззрети к Тебе в болезни, не могу согретися слезами, яже к Тебе любве. Но, Владыко Господи Иисусе Христе, сокровище благих, даруй мне покаяние всецелое и сердце люботрудное во взыскание Твое, даруй мне благодать Твою и обнови во мне зраки Твоего образа. Оставих Тя, не остави мене; изыди на взыскание мое, возведи к пажити Твоей и сопричти мя овцам избраннаго Твоего стада, воспитай мя с ними от злака Божественных Твоих Таинств, молитвами Пречистыя Твоея Матере и всех святых Твоих. Аминь.

# Канон ко Пресвятой Богородице, глас 8-й

#### Песнь 1

Воду прошед яко сушу, и египетскаго эла избежав, израильтяцин вопияще: Избавителю и Богу нашему поим.

Припев: Пресвятая Богородице, спаси нас.

Многими содержимь напастьми, к Тебе прибегаю, спасения иский: о, Мати Слова и Дево, от тяжких и лютых мя спаси.

Страстей мя смущают прилози, многаго уныния исполнити мою душу; умири, Отроковице, тишиною Сына и Бога Твоего, Всенепорочная.

Слава: Спаса рождшую Тя и Бога, молю, Дево, избавитися ми лютых: к Тебе бо ныне прибегая, простираю и душу и помышление.

И ныне: Недугующа телом и душею, посещения Божественнаго и промышления от Тебе сподоби, едина Богомати, яко благая, Благаго же Родительница.

#### Песнь 3

Небеснаго круга Верхотворче Господи, и Церкве Зиждителю, Ты мене утверди в любви Твоей, желаний краю, верных утверждение, едине Человеколюбче.

Предстательство и покров жизни моея полагаю Тя, Богородительнице Дево: Ты мя окорми ко пристанищу Твоему, благих виновна, верных утверждение, едина Вселетая.

Молю, Дево, душевное смущение и печали моея бурю разорити: Ты бо, Богоневестная, начальника тишины Христа родила еси, едина Пречистая.

Слава: Благоде́теля рождши добрых виновнаго, благоде́яния богатство всем источи, вся бо можеши, яко сильнаго в крепости Христа рождши, Богоблаже́нная.

И ныне: Лютыми недуги и болезненными страстьми истязаему, Дево, Ты ми помози: исцелений бо неоскудное Тя знаю сокровище, Пречепорочная, неиждиваемое.

Спаси от бед рабы Твоя, Богородице, яко вси по Бозе к Тебе прибегаем, яко нерушимей стене и предстательству.

Призри благосердием, всепетая Богородице, на мое лютое телесе озлобление, и исцели души моея болезнь.

#### Тропарь, глас 2-й

Моление теплое и стена необоримая, милости источниче, мирови прибежище, прилежно вопием Ти: Богородице Владычице, предвари, и от бед избави нас, едина вскоре предстательствующая.

#### Песнь 4

Услыша́х, Господи, смотре́нпя Твоего та́пнство, разуме́х дела́ Твоя и просла́вих Твое Божество.

Страстей моих смущение, кормчию рождшая Господа, и бурю утиши моих прегрешений, Богоневестная.

Милосердия Твоего́ бе́здну призыва́ющу пода́ждь ми, Яже Благосе́рдаго ро́ждшая и Спа́са всех поющих Тя.

Наслаждающеся, Пречистая, Твоих дарований, благодарственное воспеваем пение, ведуще Тя Богоматерь.

Слава. На одре болезни моея и немощи низлежащу ми, яко Боголюбива, помози, Богородице, едина Приснодево.

И ныне: Надежду и утверждение и спасения стену недвижиму имуще Тя, Всепетая, неудобства всякаго избавляемся.

#### Песнь 5

Просвети нас повелении Твоими, Господи, и мышцею Твоею высокою Твой мир подаждь нам, Человеколюбче.

Исполни, Чистая, веселия сердце мое, Твою нетленную дающи радость, веселия рождшая виновнаго.

Избави нас от бед; Богородице чистая, вечное рождши избавление, и мир, всяк ум преимущий.

Слава: Разреши мглу прегрешений моих, Богоневесто, просвещением Твоея светлости, Свет рождшая Божественный и превечный.

И ныне: Исцели, Чистая, души моея неможение, посещения Твоего сподобльшая, и здравие молитвами Твоими подаждь ми.

#### Песнь 6

Молитву пролию ко Господу, и Тому возвещу печали моя, яко зол душа моя исполнися, и живот мой аду приближися, и молюся яко Иона: от тли. Боже, возведи мя.

Смерти и тли яко спасл есть, Сам Ся издав смерти, тлением и смертию мое естество ято бывшее, Дево, моли Господа и Сына Твоего, врагов злодействия мя избавити.

Предста́тельницу Тя живота́ вем и храни́тельницу тве́рду, Дево, и напа́стей реша́щу молвы́, и нало́ги бесо́в отгоня́ющу; и молю́ся всегда, от тли страсте́й моих изба́вити мя.

Слава: Яко стену прибежища стяжахом, и душ всесовершенное спасение, и пространство в скорбех, Отроковице, и просвещением Твоим присно радуемся: о, Владычице, и ныне нас от страстей и бед спаси.

И ныне: На одре́ ныне немощству́яй лежу́, и несть исцеле́ния пло́ти моей: но, Бога и Спаса ми́ру и Изба́вителя неду́гов ро́ждшая, Тебе молюся, Благо́й: от тли неду́г возста́ви мя.

#### Кондак, глас 6-й

Предста́тельство христиан непосты́дное, хода́тайство ко Творцу непрело́жное, не пре́зри гре́шных моле́ний гла́сы, но предвари́, яко Блага́я, на помощь нас, ве́рно зовущих Ти; ускори́ на молитву, и потщи́ся на умоле́ние, предста́тельствующи при́сно, Богородице, чтущих Тя.

# Другой кондак, глас тот же

Не имамы иныя помощи, не имамы иныя надежды, разве Тебе, Пречистая Дево. Ты нам помози, на Тебе надеемся, и Тобою хвалимся, Твой бо есмы рабы, да не постыдимся.

#### Стихира, глас тот же

Не ввери мя человеческому предстательству, Пресвятая Владычице, но приими моление раба Твоего: скорбь бо обдержит мя, терпети не могу демонскаго стреляния,

покрова не имам, ниже где прибетну окаянный, всегда побеждаемь, и утешения не имам, разве Тебе, Владычице мира, упование и предстательство верных, не презри моление мое, полезно сотвори.

#### Песнь 7

От Иуден дошедше отроцы, в Вавилоне иногда, верою Тронческою пламень пещный попраша, поюще: отцев Боже, благословен еси.

Наше спасение якоже восхоте́л еси, Спасе, устро́нти, во утро́бу Де́выя всели́лся еси, Юже миру предстательницу показал еси: оте́ц наших Боже, благословен еси.

Волителя милости, Егоже родила еси, Мати чистая, умоли избавитися от прегрешений и душевных скверн верою зовущим: отец наших Боже, благословен еси.

Слава: Сокровище спасения и Источник нетления, Тя рождшую, и столп утверждения, и дверь покаяния, зовущим показал еси: отец наших Боже, благословен еси.

И ныне: Телесныя слабости и душевныя недуги, Богородительнице, любовию приступающих к крову Твоему, Дево, исцелити сподоби, Спаса Христа нам рождшая.

#### Песнь 8

**Ц**аря Небеснаго, Егоже поют вон ангельстии, хвалите и превозносите во вся веки.

Помощи яже от Тебе требующия не презри, Дево, поющия и превозносящия Тя во веки.

**Не**можение души моея исцеляеши и телесныя болезни, Дево, да Тя прославлю, Чистая, во веки.

Слава: Исцелений богатство изливаеши верно поющим Тя, Дево, и превозносящим неизреченное Твое рождество.

И ныне: Напастей Ты прилоги отгоняещи и страстей находы, Дево: темже Тя поем во вся веки.

#### Песнь 9

Войстинну Богородицу Тя исповедуем, спасеннии Тобою, Дево Чистая, с безплотными лики Тя величающе.

Тока слез моих не отвратися, Яже от всякаго лица всяку слезу, отъемшаго, Дево, Христа рождшая.

Ра́дости мое сердце испо́лни, Дево, Яже ра́дости прие́мшая исполне́ние, грехо́вную печаль потребля́ющи.

Пристанище и предстательство к Тебе прибегающих буди, Дево, и стена нерушимая, прибежище же и покров и веселие.

Слава: Света Твоего зарями просвети, Дево, мрак неведения отгоняющи, благоверно Богородицу Тя исповедающих.

И ныне: На месте озлобления немощи смирившагося, Дево, исцели, из нездравия во здравие претворяющи.

# Стихиры, глас 2-й

Высшую небес и чистшую светлостей солнечных, избавльшую нас от клятвы, Владычицу мира песньми почтим,

От многих моих грехов немощствует тело, немощствует и душа моя; к Тебе прибегаю, Благодатней, надеждо ненадежных, Ты ми помози.

Владычице и Мати Избавителя, приими моление недостойных раб Твоих, да ходатайствуеши к Рождшемуся от Тебе; о, Владычице мира, буди Ходатаица!

Поем прилежно Тебе песнь ныне, всепетой Богородице, радостно: со Предтечею и всеми святыми моли, Богородице, еже ущедрити ны.

Вся Ангелов воинства, Предтече Господень, апостолов двоенадеся́тице, святи́н вси с Богородицею, сотвори́те молитву, во еже спасти́ся нам.

# Молитвы ко Пресвятой Богородице

Царице моя преблагая, надеждо моя Богородице, приятелище сирых и странных предстательнице, скорбящих радосте, обидимых покровительнице! Зриши мою беду, зриши мою скорбь, помози ми яко немощну, окорми мя яко странна. Обиду мою веси, разреши ту, яко волиши: яко не имам иныя помощи разве Тебе, ни иныя предстательницы, ни благия утешительницы, токмо Тебе, о Богомати, яко да сохраниши мя и покрыеши во веки веков. Аминь.

К кому возопию, Владычице? К кому прибетну в горести моей, аще не к Тебе, Царице Небесная? Кто плач мой и воздыхание мое приимет, аще не Ты, Пренепорочная, надеждо христиан и прибежище нам грешным? Кто паче Тебе в напастех защитит? Услыши убо стенание мое, и приклони ухо Твое ко мне, Владычице Мати Бога моего, и не презри мене, требующаго Твоея помощи, и не отрини мене грешнаго. Вразуми и научи мя. Царице Небесная; не отступи от мене раба Твоего, Владычице, за роптание мое, но буди мне Мати и заступница. Вручаю себе милостивому покрову Твоему: приведи мя грешнаго к тихой и безмятежней жизни, да плачуся о гресех моих. К кому бо прибегну повинный аз. аще не к Тебе, упованию и прибежищу грешных, надеждою на неизреченную милость Твою и щедроты Твоя окриляемь? О, Владычице Царице Небесная! Ты мне упование и прибежище, покров и заступление и помощь. Царице моя преблагая и скорая заступнице! Покрый Твоим ходатайством моя прегрешения, защити мене от враг видимых и невидимых: умягчи сердца злых человек, возстающих на мя. О. Мати Господа моего Творца! Ты еси корень девства и неувядаемый цвет чистоты. О, Богородительнице! Ты подаждь ми помощь немощствующему плотскими страстьми и болезнующему сердцем, едино бо Твое и с Тобою Твоего Сына и Бога нашего имам заступление; и Твоим пречудным заступлением да избавлюся от всякия беды и напасти, о пренепорочная и преславная Божия Мати Марие. Темже со упованием глаголю и вопию: радуйся, благодатная, радуйся, обрадованная; радуйся, преблагословенная. Господь с Тобою.





# КАНОН АНГЕЛУ ХРАНИТЕЛЮ

# Тропарь, глас 6-й

Ангеле Божий, хранителю мой святый, живот мой соблюди во страсе Христа Бога, ум мой утверди во истиннем пути, и к любви горней уязви душу мою, да тобою направляемь, получу от Христа Бога велию милость.

# Слава, и ныне: Богородичен

Святая Владычице, Христа Бога нашего Мати, яко всех Творца недоуменно рождшая, моли благость Его всегда, со хранителем моим Ангелом, спасти душу мою, страстьми одержимую, и оставление грехов даровати ми.

# Канон, глас 8-й

# Песнь 1

Пойм Господеви, проведшему люди Своя сквозе Чермное море, яко един славно прославися.

Иисусу: Господи Иисусе Христе Боже мой, помилуй мя \*.

Песнь воспети и восхвалити, Спасе, Твоего раба достойно сподоби, безплотному Ангелу, наставнику и хранителю моему.

Припев: Святый Ангеле Божий, хранителю мой, моли Бога о мне.

<sup>•</sup> Тронарь Инсусу Христу только в первой и девятой песнях канона.

Един аз в неразумии и в лености ныне лежу, наставниче мой и хранителю, не остави мене погибающа.

Слава: Ум мой твое́ю молитвою напра́ви, твори́ти ми Божия повеле́ния, да получу́ от Бога отда́ние грехов, и ненави́дети ми злых наста́ви мя, молю́ся ти.

И ныне: Моли́ся, Деви́це, о мне, рабе Твоем, ко Благода́телю, со храни́телем моим Ангелом, и наста́ви мя твори́ти за́поведи Сына Твоего и Творца моего.

#### Песнь 3

Ты еси утверждение притекающих к Тебе, Господи, Ты еси свет омраченных, и поет Тя дух мой.

Все помышление мое и душу мою к тебе возложих, хранителю мой; ты от всякия мя напасти вражия избави.

Враг попира́ет мя, и озлобля́ет, и поуча́ет всегда твори́ти своя хоте́ния; но ты, наста́вниче мой, не оста́ви мене погиба́юща.

Слава: Пети песнь со благодарением и усердием Творцу и Богу даждь ми, и тебе, благому Ангелу хранителю моему: избавителю мой, изми мя от враг озлобляющих мя.

И ныне: Исцели, Пречистая, моя многонедужныя струпы, яже в души, прожени враги, иже присно борются со мною.

# Седален, глас 2-й

От любве душевныя вопию ти, хранителю моея души, всесвятый мой Ангеле: покрый мя и соблюди от лукава-го ловления всегда, и к жизни настави небесней, вразумляя и просвещая и укрепляя мя.

# Слава, и ныне: Богородичен

Богородице безневестная Пречистая, Яже без семене рождши всех Владыку, Того со Ангелом хранителем моим моли, избавити ми ся всякаго недоумения, и дати умиление и свет души моей и согрешением очищение, Яже едина вскоре заступающи.

#### Песнь 4

Услышах, Господи, смотрения Твоего та́инство, разуме́х дела́ Твоя, и просла́вих Твое Божество́.

Моли Человеколюбца Бога ты, хранителю мой, и не остави мене, но присно в мире житие мое соблюди и подаждь ми спасение необоримое.

Яко заступника и хранителя животу моему прием тя от Бога, Ангеле, молю тя, святый, от всяких мя бед свободи.

Слава: Мою скверность твоею святынею очисти, хранителю мой, и от части шуия да отлучен буду молитвами твоими и причастник славы явлюся.

И ныне: **Н**едоумение предлежит ми от обышедших мя зол, Пречистая, но избави мя от них скоро: к Тебе бо единей прибегох.

#### Песнь 5

Утренююще вопием Ти: Господи, спаси ны; Ты бо еси Бог наш, разве Тебе иного не вемы.

Яко имея дерзновение к Богу, хранителю мой святый, Сего умоли от оскорбляющих мя зол избавити.

Свете светлый, светло просвети душу мою, наставниче мой и хранителю, от Бога данный ми Ангеле.

Слава: Спяща мя зле тяготою греховною, яко бдяща сохрани, Ангеле Божий, и возстави мя на славословие молением твоим.

И ныне: Марие, Госпоже Богородице безневестная, надеждо верных, вражия возношения низложи, поющия же Тя возвесели.

# Песнь 6

Ризу мне подаждь светлу, одеяйся светом яко ризою, многомилостиве Христе Боже наш.

Всяких мя напастей свободи, и от печалей спаси, молюся ти, святый Ангеле, данный ми от Бога, хранителю мой добрый.

Освети ум мой, блаже, и просвети мя, молюся ти, святый Ангеле, и мыслити ми полезная всегда настави мя.

Слава: Устави сердце мое от настоящаго мятежа, и бдети укрепи мя во благих, хранителю мой, и настави мя чудно к тишине животней.

И ныне: Слово Божие в Тя вселися, Богоро́дице, и челове́ком Тя показа́ небесную ле́ствицу; Тобою бо к нам Вышний соше́л есть.

# Кондак, глас 4-й

Явися мне милосерд, святый Ангеле Господень, хранителю мой, и не отлучайся от мене сквернаго, но просвети мя светом неприкосновенным и сотвори мя достойна Царствия Небеснаго.

#### Икос

Уничиженную душу мою многими соблазны, ты, святый предстателю, неизреченныя славы небесныя сподоби, и певец с лики безплотных сил Божиих, помилуй мя и сохрани, и помыслы добрыми душу мою просвети, да твоею славою, Ангеле мой, обогащуся, и низложи зломыслящия мне враги, и сотвори мя достойна Царствия Небеснаго.

# Песнь 7

От Иуде́и доше́дше о́троцы, в Вавило́не иногда́, ве́рою Тро́нческою пла́мень пе́щный попра́ша, поюще: отцев Боже, благослове́н еси.

Милостив бу́ди ми и умоли Бога, Господень Ангеле, имею бо тя заступника во всем животе моем, наставника же и хранителя, от Бога дарованнаго ми во ве́ки.

Не остави в путь шествующия души моея окаянныя убити разбойником, святый Ангеле, яже ти от Бога предана бысть непорочне; но настави ю на путь покаяния.

Слава: Всю посрамлену душу мою привожду от лукавых ми помысл и дел: но предвари, наставниче мой, и исцеление ми подаждь благих помысл, уклоняти ми ся всегда на правыя стези.

И ныне: Премудрости исполни всех и крепости Божественныя, Ипостасная Премудросте Вышняго, Богородицы ради, верою вопиющих: отец наших Боже, благословен еси.

#### Песнь 8

Царя Небеснаго, Егоже поют вон ангельстии, хвалите и превозносите во вся веки.

От Бога посланный, утверди живот мой, раба твоего, преблагий Ангеле, и не остави мене во веки.

Ангела тя суща блага, души моея наставника и хранителя, преблажение, воспеваю во веки.

Слава: Бу́ди ми покров и забра́ло в день испыта́ния всех человек, во́ньже огне́м искуша́ются дела́ блага́я же и злая.

И ныне: Буди ми помощница и тишина, Богородице Приснодево, рабу Твоему, и не остави мене лишена быти Твоего владычества.

### Песнь 9

Войстинну Богородицу Тя исповедуем, спасеннии Тобою, Дево Чистая, с безплотными лики Тя величающе.

*Hucycy:* Помилуй мя, едине Спасе мой, яко милостив еси и милосерд, и праведных ликов сотвори мя причастника.

Мыслити ми присно и творити, Господень Ангеле, благая и полезная даруй, яко сильна яви в немощи и непорочна.

Слава: Яко имея дерзновение к Царю Небесному, Того моли, с прочими безплотными, помиловати мя окаяннаго.

И ныне: Много дерзновение имущи, Дево, к Воплощшемуся из Тебе, преложи мя от уз и разрешение ми подаждь и спасение, молитвами Твоими.

# Молитва Ангелу хранителю

Ангеле Христов святый, к тебе припадая молюся, хранителю мой святый, приданный мне на соблюдение души и телу моему грешному от святаго крещения, аз же своею леностию и своим злым обычаем прогневах твою пречистую светлость и отгнах тя от себе всеми студными

делы: лжами, клеветами, завистию, осуждением, презорством, непокорством, братоненавидением, и злопомнением, сребролюбием, прелюбодейнием, яростию, скупостию, объядением без сытости и опивством, многоглаголанием, злыми помыслы и лукавыми, гордым обычаем и блудным возбешением, имый самохотение на всякое плотское вожделение. О. злое мое произволение, егоже и скоти безсловеснии не творят! Да како возможеши воззрети на мя, или приступити ко мне, аки псу смердящему? Которыма очима. Ангеле Христов, воззриши на мя, оплетшася зле во гнусных делех? Да како уже возмогу отпущения просити горьким и злым моим и лукавым деянием, в няже впадаю по вся дни и нощи и на всяк час? Но молюся ти припадая, хранителю мой святый, умилосердися на мя грешнаго и недостойнаго раба твоего (имя), буди ми помощник и заступник на злаго моего сопротивника, святыми твоими молитвами, и Царствия Божия причастника мя сотвори со всеми святыми, всегда, и ныне, и присно, и во веки веков. Аминь.





# ҚАНОН СВЯТОМУ ИОАННУ ПРЕДТЕЧЕ

#### Глас 2

#### Песнь 1

Во глубине постла иногда фараонитское всевониство преоруженная сила, воплощшееся же Слово всезлобный грех потребило есть: препрославленный Господь, славно бо прославися.

Припев: Святым великий Иоанне Предтече Господень, моли Бога о нас.

Крестителю и Предтече Христов, погружаемый всегда сластьми телесными ум мой управи и волны страстей укроти, яко да в тишине Божественней быв, песнословлю тя.

Недоуменным просветився просвещением, яко многосветлая звезда, мысленному Востоку предтекл еси, Имже озаритися сердцу моему, Крестителю, моли, омраченному всеми бесовскими приложении.

Слава: В реце бездну иногда, Всемудре, погрузил еси, потоп содевающую благодатию всего преступления. Но молюся, потоки, блаженне, мойх прегрешений изсуши, Божественным ходатайством твойм.

И ныне: Чистыя Девы, Бога воплотившия, сродник был еси, блаженне Предтече, с Нею же тя чтим и молим, иже в Божественнем храме твоем ныне живуще, храмы и нас сотвори Духа Святаго.

# Песнь 3

На камени мя веры утвердив, разширил еси уста моя на враги моя, возвесели бо ся дух мой, внегда пети: несть свят, якоже Бог наш, и несть праведен паче Тебе, Господи.

Исцели струпы души моея и ум мой, омраченный небрежением, озари Божественным твоим ходатайством, Господень Предтече, и всякаго избави мя сопротивнаго обстояния, молюся.

Неплодствие разрешил еси рождшия, родився Божиим промышлением, премудре пророче; неплодное убо сердце мое плодоносно ныне соделай, Господень Предтече, ходатайством твойм, добродетелей приносити прозябения.

Слава: Любовию твоею созидающаго Божественный дом, вышняго жития улучити моли: и иже верою храму твоему служащия, храмы Духа Божественнаго сотвори, Крестителю и Предтече, ходатайствы твоими.

И ныне: Веселя́шеся Предтеча, в ложесна́х носим ма́терних, и покланя́шеся Господу, носиму в ложесна́х Твои́х, Благода́тная, Егоже моли́ от вся́кия скорби избавити мя.

# Седален, глас 2

Благоутробия ра́ди ми́лости, Бла́же, спасти́ Твое́ созда́ние, Христе́, прише́л еси́, прекло́нь небеса́ схожде́нием Твои́м. Те́мже стра́шное смотрение Твое́, пою́ще, вопие́м Ти: мольба́ми Предте́чи Твоего́ очище́ние грехо́в пода́ждь нам, я́ко Еди́н благоутро́бен.

# Слава, и ныне: Богородичен

Предстательнице теплая христианом, Сыну Твоему молися присно, Богородице, всякаго злодейства и огорчения избавити нас борца и дати нам прощение, в нихже согрешихом, за милосердие щедрот, Твоими молитвами, Мати Дево.

# Песнь 4

Пришел еси от Девы, не ходатай, ни ангел, но Сам, Господи, воплощся и спасл еси всего мя человека. Тем зову Ти: слава силе Твоей, Господи.

Преклоншему небеса и человеком беседовавшу, главу преклонил еси десницею твоею, пребогате; еюже мя соблюди, во смирении сохраняя сердце мое.

Пустыня тебе гражданина непроходная имяще, блаженне Предтече, темже вопию ти: пусту всякаго Божественнаго деяния бывшу душу мою, плодоносну сотвори.

Закон Божественный управляя, беззаконно заклан был еси. Темже молюся тебе: беззаконнующа мя всегда и прельщаема бесовскими прельщенми исправи.

Слава: Созда́в себе́ храм Влады́це Царю́, к Боже́ственным селе́нием ныне прише́л еси́, Предте́че: яже получи́ти моли́, тебе́ пресвяты́й дом Воздви́гшаго.

И ныне: Призри на мя недугующаго, Всенепорочная, и разреши страсти моя лютыя и неудобоисцельныя, яко да величаю Тя, возвеличившую все человечество.

#### Песнь 5

Просвещение во тьме лежащих, спасение отчаянных, Христе Спасе мой, к Тебе утренюю, Царю мира, просвети мя спяннем Твойм: иного бо разве Тебе Бога не знаю.

В течениих Иорданских струю нетления, Предтече, крестив Христа, моли, истекания страстей моих изсушити, и потоки сладостныя наследовати, и праведных красная радования.

Уже рыдаю, и содрогаюся страхом, и недоумением всегда содержимь есмь, помышляя моя соделанная и будущий суд ужасный: Благоутробне Господи, пощади мя Твоего Крестителя мольбами.

Законополага́яй лю́дем спасе́ние, Предте́че, в раска́янии прегреше́ний бы́вшее, посреде́ зако́на и благода́ти стал еси́. Сего́ ра́ди мо́лим тя, образми́ покая́ния нас просвети́.

Слава: Даждь ми время покаяния, унынно прешедшее все иждившему, Благодетелю, имея на сие молящаго Тя, Слове, Иоанна великаго, Предтечу и покаяния всемирнаго проповедника.

И ныне: Наветы и ловлении льстиваго умертвихся, Владычице Всенепорочная, оживи мя, яже рождшая Живот всех, Богородице, ипостасный, да Тя пою благочестно Всенепорочную.

# Песнь 6

В бездне греховней валяяся, неизследную милосердия Твоего призываю бездну: ст тли, Боже, мя возведи.

Глас Слова пропове́давый, всех гла́сы восприе́м, проси́ грехо́в проще́ние дарова́ти ве́рою пою́щим тя.

Сокрушение души моея исцели, и грехов бремя разреши, и паче надежды спаси мя молитвами твоими, блаженне Предтече.

Слава: Инсуса, Егоже рукою твоею крестил сей, Предтече, моли, руки греха избавити мя, взимающа к Нему руце присно, всеславне.

И ныне: Дреманием ле́постным одержимь ссмь, сон греховный тяготит сердце мое́: Твоим, Пречистая, бде́нным хода́тайством, воздви́гни и спаси́ мя.

# Кондак, глас 3

Прежде неплоды днесь Христова Предтечу раждает, и той есть исполнение всякаго пророчества: Егоже бо пророцы проповедаша, на Сего во Иордане руку положив, явися Божия Слова пророк, проповедник, вкупе и Предтеча.

Икос

Восхвалим ныне Господня Предтечу, егоже священнику Елисавет роди из ложесн неплодных, но не без семене: Христос бо един вместилище пройде непроходимо без семене. Иоанна неплоды роди, без мужа же сего не роди: Иисуса же, осенением Отца и Духа Божия, Дева роди Чистая. Но безсеменному явися от неплодове пророк, проповедник, вкупе и Предтеча.

## Песнь 7

Богопротивное веление беззаконнующаго мучителя высок пламень вознесло есть; Христос же простре богочестивым отроком росу духовную, сый благословен и препрославлен.

Из корене секирою твоего покаяния исторг язвы страстнаго сердца моего, всади, Предтече, Божественное безстрастие и страх чистейший Божий, всякия злобы отчуждающий мя.

Во струя́х Иорда́нских я́ко крести́л еси́ покрыва́ющаго вода́ми превы́спренняя Го́спода, Того́ моли́ во́ду дарова́ти Боже́ственнаго умиле́ния при́сно очи́ма мои́ма, сла́вный Предте́че.

Слава: Иже миру вземлющаго грех, Агнца Божия, Предтече, проповедав, Того моли от козлищ части явити мя чужда, и десным Его овцам и мене сочетати, славне.

И ныне: Неплодная утроба носяще Тя, Дево, во чреве носившую Слово воплощенно: Егоже Божественными взыгрании великий Предтеча, неплодныя всесвятый плод, позна радуяся и поклонися.

#### Песнь 8

Пещь иногда отненная в Вавилоне действа разделяще, Божини велением халдеи опаляющая, верныя же орошающая, поющия: благословите, вся дела Господня, Господа.

Даждь десницу мне, на земли лежащему, Предтече, иже десницу простер, омыл еси водами Несквернаго: и избави мя скверны телесныя, всего мя очищая покаянием, и спаси мя.

Имущи, душе, время покаятися, лености тяжчайший сон оттряси и спешно побди, вопиющи Владыце твоему: Милосерде, ущедри мя, Крестителя Твоего мольбами.

Потоцы страстей и воды злобы до души моей внидоша: блаженне Предтече, потщися скоро изъйти мя, иже речными струйми измыл еси безстрастия тишайшую пучину.

Слава: Увы мне, многа зла сотворшему! увы мне, единому прогневавшему Бога Преблагато! Крестителю Христов, помози ми, и подаждь прегрешений моих разрешение, и долгов моих отсечение ходатайствы твоими.

И ныне: Вышняго Бога плотию рождшая, от гноя мя возстави страстей, оскорбляющих мя: и люте всего обнищавша, Божественными обогати, Пречистая, добродетельми, яко да воспою Тя спасаемь.

## Песнь 9

Безначальна Родителя Сын, Бог и Господь, воплощся от Девы, нам явися, омраченная просветити, собрати расточенная, тем Всепетую Богородицу величаем.

Кала мя избави греховнаго, Господи, Безгрешне Едине и Многомилостиве, Крестителя мольбами, иже Тебе проповеда всему миру Агнца Божия, вземлющаго человеков грехи.

Яко ши́пок благово́нен, я́ко благоуха́нный кипари́с, я́ко неувяда́емый крин, я́ко ми́ро че́стно име́яй тя, Госпо́день Предте́че, мои́х дел злосмра́дия избавля́юся моли́твами твоими, притека́я к покро́ву твоему́.

Неплодствовати мя неплодными делы, всеблаженне, сотвори, добродетелей благоплодие присно приносяща, чадо мя Господне творя, и причастника Божественному Царствию, и святых собору купножителя.

Слава: Нам любящим тя, любовию почитающим, и в Божественнем храме твоем ликующим, даждь с небесе разрешение лютых, Предтече Господень, и жития исправление, и прегрешений избавление.

И ныне: Носиму во утробе Богоматерни, вся носящему манием, поклонился еси, пророче: с Неюже моли смиренней спастися души моей, во многая впадающей по вся дни согрешения.

# Молитва ко святому Иоанну Предтече

Крестителю Христов, проповедниче покаяния, кающагося не презри мене, но совокупляяся с вои небесными, молися ко Владыце за мене недостойнаго, унылаго. немощнаго и печальнаго, во многия беды впадшаго, утружденнаго бурными помыслы ума моего: аз бо есмь вертеп злых дел, отнюдь не имеяй конца греховному обычаю; пригвожден бо есть ум мой земным вещем: что сотворю, не вем. И к кому прибегну, да спасена будет душа моя? токмо к тебе, святый Иоанне, благодати тезоимените, яко тя пред Господем по Богородице вем больша быти рожденных всех, ибо ты сподобился еси коснутися верху Царя Христа, вземлющаго грехи мира, Агнца Божия: Егоже моли за грешную мою душу, да поне от ныне, в первыйнадесять час, понесу тяготу благую и прииму мэду с последними. Ей, Крестителю Христов, честный Предтече, крайний пророче, первый (во благодати) мучениче, постников и пустынников наставниче, чистоты учителю и ближний друже Христов, тя молю, к тебе прибегаю: не отрини мене от твоего заступления, но возстави мя падшагося многими грехи; обнови душу мою покаянием, яко вторым крещением, понеже обоего начальник еси: крещением омываяй прародительный грех. покаянием же очищаяй коегождо дело скверно: очисти мя грехами оскверненнаго и понуди внити, аможе ничтоже скверно входит, во Царствие Небесное. Аминь,





# АҚАФИСТ СЛАДЧАЙШЕМУ ГОСПОДУ НАШЕМУ ИИСУСУ ХРИСТУ

### Кондак 1

Возбранный Восво́до и Господи, ада победителю, яко избавлься от вечныя смерти, похвальная восписую Ти, создание и раб Твой; но яко име́яй милосе́рдие неизрече́нное, от вея́ких мя бед свободи, зову́ща: Иису́се, Сы́не Бо́жий, поми́луй мя.

# Икос 1

Ангелов Творче и Господи сил, отверзи ми недоуменный ум и язык на похвалу пречистаго Твоего имене, якоже глухому и гугнивому древле слух и язык отверзл еси, и глаголаше зовый таковая: Иисусе пречудный, Ангелов удивление; Иисусе пресильный, прародителей избавление. Иисусе пресладкий, патриархов величание; Иисусе преславный, верных укрепление. Иисусе прелюбимый, пророков исполнение; Иисусе предивный, мучеников крепосте. Иисусе претихий, монахов радосте; Иисусе премилосердый, постников воздержание; Иисусе пресладостный, преподобных радование. Иисусе пречестный, девственных целомудрие; Иисусе предвечный, грешников спасение. Иисусе, Сыне Божий, помилуй мя.

Ви́дя вдови́цу зе́льне пла́чущую, Господи, я́коже тогда́ умилосе́рдився, сы́на ея на погребе́ние несо́ма воскреси́л еси: си́це и о мне умилосе́рдися, Человеколю́бче, и греха́ми умерщвле́нную мою душу воскреси́, зовущую: Аллилуиа.

#### Икос 2

Разум неуразуменный разумети Филипп ищя, Господи, покажи нам Отца, глаголаше; Ты же к нему: толикое время сый со Мною, не познал ли еси, яко Отец во Мне, и Аз во Отце есмь? Темже, Неизследованне, со страхом зову Ти: Иисусе, Боже предвечный; Иисусе, Царю пресильный. Иисусе, Владыко долготерпеливый; Иисусе, Спасе премилостивый. Иисусе, хранителю мой преблагий; Иисусе, очисти грехи моя. Иисусе, отыми беззакония моя; Иисусе, отпусти неправды моя. Иисусе, надеждо моя, не остави мене; Иисусе, помощниче мой, не отрини мене. Иисусе, Создателю мой, не забуди мене; Иисусе, Пастырю мой, не погуби мене. Иисусе, Сыне Божий, помилуй мя.

# Кондак 3

Силою свыше апостолы облекий, Иисусе, во Иерусалиме седящия, облецы и мене, обнаженнаго от всякаго благотворения, теплотою Духа Святаго Твоего, и даждь ми с любовию пети Тебе: Аллилуиа.

# Икос 3

Име́яй бога́тство милосердия, мытари́ и гре́шники, и неве́рныя призва́л еси, Иисусе; не пре́зри и мене́ ныне, подо́бнаго им, но яко многоце́нное миро, приими́ песнь сию: Иисусе, си́ло непобеди́мая; Иисусе, ми́лосте безконе́чная. Иисусе, красото́ пресве́тлая; Иисусе, любы́ неизрече́нная. Иисусе, Сыне Бога Жива́го; Иисусе, помилуй мя грешнаго. Иисусе, услыши мя, в беззако́ниих зача́таго; Иисусе, очисти мя, во гресе́х рожде́ннаго. Иисусе, научи́ мя непотребнаго; Иисусе, освети́ мя те́мнаго. Иисусе, очисти мя скве́рнаго; Иисусе, возведи́ мя блу́днаго. Иисусе, Сыне Божий, помилуй мя.

Бурю внутрь име́яй помышле́ний сумни́тельных, Петр утопа́ше; узре́в же во пло́ти Тя су́ща, Иисусе, и по вода́м ходя́ща, позна́ Тя Бога истиннаго, и ру́ку спасения получи́в, рече́: Аллилуиа.

## Икос 4

Слыша слепый мимоходяща Тя, Господи, путем, вопияще: Иисусе, Сыне Давидов, помилуй мя! И, призвав, отверзл еси очи его. Просвети убо милостию Твоею очи мысленныя сердца и мене, вопиюща Ти и глаголюща: Инсусе, вышних Создателю; Иисусе, нижних Искупителю. Иисусе, преисподних потребителю; Иисусе, всея твари украсителю. Иисусе, души моея утешителю; Иисусе, ума моего просветителю. Иисусе, сердца моего веселие; Иисусе, тела моего здравие. Иисусе, Спасе мой, спаси мя; Иисусе, свете мой, просвети мя. Иисусе, муки всякия избави мя; Иисусе, спаси мя недостойнаго. Инсусе, Сыне Божий, помилуй мя.

## Кондак 5

Боготочною Кровию якоже искупил еси нас древле от законныя клятвы, Иисусе, сице изми нас от сети, еюже змий запят ны страстьми плотскими, и блудным наваждением, и злым унынием, вопиющия Ти: Аллилуиа.

# Икос 5

Вйдевше о́троцы евре́йстии во о́бразе челове́честем Созда́вшаго руко́ю человека, и Владыку разуме́вше Его, потща́шася ве́твьми угоди́ти Ему, оса́нна вопию́ще. Мы же песнь прино́сим Ти, глаголюще: Иисусе, Боже и́стинный; Иисусе, Сыне Дави́дов. Иисусе, Царю́ пресла́вный; Иисусе, Агнче непоро́чный. Иисусе, Па́стырю преди́вный; Иисусе, храни́телю во мла́дости моей. Иисусе, корми́телю во ю́ности моей; Иисусе, похвало́ в ста́рости моей. Иисусе, наде́ждо в смерти моей; Иисусе, животе́ по смерти моей. Иисусе, утешение мое на суде́ Твоем; Иисусе, жела́ние мое, не посрами́ мене тогда́. Иисусе, Сыне Божий, помилуй мя.

Пропове́дник богоно́сных веща́ние и глаго́лы исполня́я, Иисусе, на земли́ я́влься и с челове́ки Невмести́мый пожи́л еси́, и боле́зни наша подъя́л еси, отню́дуже ранами Твоими мы исцеле́вше, пети навыко́хом: Аллилуиа.

#### Икос 6

Возсия вселенней просвещение истины Твоея, и отгнася лесть бесовская: и́доли бо, Спасе наш, не терпяще Твоея кре́пости, падоша. Мы же, спасение получи́вше, вопием Ти: Иисусе, и́стино, лесть отгоня́щая; Иисусе, све́те, превы́шший всех све́тлостей. Иисусе, Царю́, премога́яй всех кре́пости; Иисусе, Боже, пребыва́яй в милости. Иисусе, Хле́бе живо́тный, насы́ти мя а́лчущаго; Иисусе, исто́чниче разума, напо́й мя жа́ждущаго. Иисусе, оде́ждо весе́лия, оде́й мя тленнаго; Иисусе, покро́ве ра́дости, покры́й мя недосто́йнаго. Иисусе, пода́телю прося́щим, даждь ми плач за грехи моя; Иисусе, обре́тение и́щущим, обря́щи ду́шу мою. Иисусе, отве́рзителю толку́щим, отве́рзи сердце мое окая́нное; Иисусе, Искупи́телю грешных, очисти беззакония моя. Иисусе, Сыне Божий, помилуй мя.

# Кондак 7

Хотя сокровенную тайну от века открыти, яко овча на заколение веден был еси, Иисусе, и яко агнец прямо стригущаго его безгласен, и яко Бог из мертвых воскреслеси, и со славою на небеса вознеслся еси, и нас совоздвигл еси, зовущих: Аллилуна.

# Икос 7

Дивную показа́ тварь, явлейся Творец нам: без се́мене от Девы воплоти́ся, из гроба, печа́ти не руши́в, воскресе, и ко апо́столом, две́рем затворе́нным, с пло́тию вни́де. Темже чудя́щеся, воспои́м: Иисусе, Слове необыме́нный; Иисусе, Слове несогляда́емый. Иисусе, си́ло непостижи́мая; Иисусе, му́дросте недомы́слимая. Иисусе, Божество неопи́санное; Иисусе, госпо́дство неисче́тное. Иисусе, царство непобеди́мое; Иисусе, влады́чество без-

консиное. Иисусе, крепосте высочайшая; Иисусе, власте вечная. Иисусе, Творче мой, ущедри мя; Иисусе, Спасе мой, спаси мя. Иисусе, Сыне Божий, помилуй мя.

#### Кондак 8

Странно Бога вочеловечшася видяще, устранимся суетнаго мира и ум на Божественная возложим. Сего бо ради Бог на землю сниде, да нас на небеса возведет, вопиющих Ему: Аллилуиа.

#### Икос 8

Весь бе в нижних, и вышних никакоже отступи Неисчетный, егда волею нас ради пострада, и смертию Своею нашу смерть умертви, и воскресением живот дарова поющим: Иисусе, сладосте сердечная; Иисусе, крепосте телесная. Иисусе, светлосте душевная; Иисусе, быстрото умная. Иисусе, радосте совестная; Иисусе, надеждо известная. Иисусе, памяте предвечная; Иисусе, похвало высокая. Иисусе, славо моя превознесенная; Иисусе, желание мое, не отрини мене. Иисусе, Пастырю мой, взыщи мене; Иисусе, Спасе мой, спаси мене. Иисусе, Сыне Божий, помилуй мя.

# Кондак 9

Все естество ангельское безпрестани славит пресвятое имя Твое, Иисусе, на небеси, Свят, Свят, Свят, вопиюще; мы же грешнии на земли бренными устнами вопием: Аллилуиа.

# Икос 9

Ветия многовещанныя якоже рыбы безгласныя видим о Тебе, Иисусе, Спасе наш: недоумеют бо глаголати, како Бог непреложный и человек совершенный пребываеши? Мы же таинству дивящеся, вопием верно: Иисусе, Боже предвечный; Иисусе, Царю царствующих. Иисусе, Владыко владеющих; Иисусе, Судие живых и мертвых. Иисусе, надеждо ненадежных; Иисусе, утешение плачущих. Иисусе, славо нищих; Иисусе, не осуди мя по делом моим. Иисусе, очисти мя по милости Твоей; Иисусе, отжени от мене уныние. Иисусе, просвети моя мысли сердечныя: Иисусе, даждь ми память смертную. Иисусе, Сыне Божий, помилуй мя.

Спасти хотя мир, Восточе востоком, к темному западу — естеству нашему пришед, смирился еси до смерти; темже превознесеся имя Твое паче всякаго имене, и от всех колен небесных и земных слышиши: Аллилуиа.

#### Икос 10

Царю Превечный, Утешителю, Христе истинный, очисти ны от всякия скверны, якоже очистил еси десять прокаженных, и исцели ны, якоже исцелил еси сребролюбивую душу Закхеа мытаря, да вопием Ти, во умилении зовуще: Иисусе, сокровище нетленное; Иисусе, богатство неистощимое. Иисусе, пище крепкая; Иисусе, питие неисчерпаемое. Иисусе, нищих одеяние; Иисусе, вдов заступление. Иисусе, сирых защитниче; Иисусе, труждающихся помоще. Иисусе, странных наставниче; Иисусе, плавающих кормчий. Иисусе, бурных отишие; Иисусе Боже, воздвигни мя падшаго. Иисусе, Сыне Божий, помилуй мя.

# Кондак 11

Пение всеумиленное приношу Ти недостойный, вопию Ти яко хананеа: Иисусе, помилуй мя; не дщерь бо, но плоть имам, страстьми люте бесящуюся и яростию палимую, и исцеление даждь вопиющу Ти: Аллилуиа.

# Икос 11

Светопода́тельна свети́льника сущим во тьме неразу́мия, прежде гоня́й Тя Па́вел, богоразу́мнаго гла́са си́лу внуши́ и душе́вную быстроту́ уясни́; си́це и мене те́мныя зе́ницы душевныя просвети́, зовуща: Иисусе, Царю мой прекре́пкий; Иисусе, Боже мой преси́льный. Иисусе, Господи мой пребезсме́ртный; Иисусе, Создателю мой пресла́вный. Иисусе, Наста́вниче мой предобрый; Иисусе, Па́стырю мой преще́дрый. Иисусе, Владыко мой премилостивый; Иисусе, Спасе мой премилосе́рдый. Иисусе, просвети моя чу́вствия, потемне́нная страстьми́; Иисусе, исцели мое тело, острупле́нное грехми́. Иисусе, очисти мой ум от по́мыслов су́етных; Иисусе, сохрани сердце мое от по́хотей лука́вых. Иисусе, Сыне Божий, помилуй мя.

Благода́ть пода́ждь ми, всех долгов реши́телю, Иисусе, и приими мя ка́ющася, я́коже прия́л еси Петра́, отвергшагося Тебе, и призови мя уныва́ющаго, якоже дре́вле Па́вла, гоня́ща Тя, и услы́ши мя, вопиюща Ти: Аллилуиа.

# Икос 12

Поюще Твое вочеловечение, восхваляем Тя вси, и веруем со Фомою, яко Господь и Бог еси, седяй со Отцем и хотяй судити живым и мертвым. Тогда убо сподоби мя деснаго стояния, вопиющаго: Иисусе, Царю предвечный, помилуй мя; Иисусе, цвете благовонный, облагоухай мя. Иисусе, теплото любимая, огрей мя; Иисусе, храме предвечный, покрый мя. Иисусе, одеждо светлая, украси мя; Иисусе, бисере честный, осияй мя. Иисусе, каменю драгий, просвети мя; Иисусе, солнце правды, освети мя. Иисусе, свете святый, облистай мя; Иисусе, болезни душевныя и телесныя избави мя. Иисусе, из руки сопротивныя изми мя; Иисусе, огня негасимаго и прочих вечных мук свободи мя. Иисусе, Сыне Божий, помилуй мя.

# Кондак 13

О, пресладкий и всещедрый Иисусе! Приими ныне малое моление сие наше, якоже приял еси вдовицы две лепте, и сохрани достояние Твое от враг видимых и невидимых, от нашествия иноплеменник, от недуга и глада, от всякия скорби и смертоносныя раны, и грядущия изми муки всех, вопиющих Ти: Аллилуиа.

Этот кондак читается трижды, затем 1-й икос: Ангелов Творче... и 1-й кондак: Возбранный Воеводо...

# Молитва

Владыко Господи Иисусе Христе Боже мой, иже неизреченнаго ради Твоего человеколюбия на конец веков во плоть оболкийся от Приснодевы Марии, славлю о мне Твое спасительное промышление, раб Твой, Владыко; песнословлю Тя, яко Тебе ради Отца познах; благословлю Тя, Егоже ради и Дух Святый в мир прийде; покланя́юся Твоей по плоти Пречи́стей Матери, таковей страшней тайне послужи́вшей; восхваля́ю Твоя Ангельская ликостоя́ния, яко воспева́тели и служи́тели Твоего вели́чествия; ублажа́ю Предте́чу Иоа́нна, Тебе крести́вшаго, Господи; почита́ю и провозвести́вшия Тя пророки, прославля́ю апо́столы Твоя святы́я; торжеству́ю же и мученики, священники же Твоя сла́влю; покланя́юся преподобным Твоим, и вся Твоя пра́ведники пе́стунствую. Такова́го и толи́каго мно́гаго и неизрече́ннаго ли́ка Божественнаго в молитву привожду́ Тебе, всеще́дрому Богу, раб Твой, и сего ради прошу моим согреше́нием проще́ния, е́же даруй ми всех Твоих ради святых, изря́днее же святых Твоих щедрот, яко благослове́н еси во веки, аминь.



# SCA SON

# АКАФИСТ ПРЕСВЯТОЙ БОГОРОДИЦЕ

#### Кондак 1

Взбра́нной Воево́де победи́тельная, яко изба́вльшеся от злых, благода́рственная воспису́ем Ти раби́ Твои, Богоро́дице; но яко иму́щая держа́ву непобеди́мую, от вся́ких нас бед свободи́, да зове́м Ти: ра́дуйся, Неве́сто Неневе́стная.

#### Икос 1

Ангел предста́тель с небесе́ послан бысть рещи́ Богородице: ра́дуйся, и со безпло́тным гла́сом воплоща́ема Тя зря, Господи, ужаса́шеся и стоя́ше, зовый к Ней такова́я: Радуйся, Еюже радость возсия́ет: радуйся, Еюже кля́тва исче́знет. Радуйся, па́дшаго Ада́ма воззва́ние; радуйся, слез Евиных избавле́ние. Радуйся, высото́ неудобовосходи́мая челове́ческими по́мыслы; радуйся, глубино́ неудобозри́мая и а́нгельскима очи́ма. Радуйся, я́ко еси́ Царе́во седа́лище; радуйся, яко но́сиши Нося́щаго вся. Радуйся, Звездо́, явля́ющая Солнце; радуйся, утро́бо Боже́ственнаго воплоще́ния. Радуйся, Еюже обновля́ется тварь; радуйся, Еюже покланя́емся Творцу. Радуйся, Невесто Неневестная.

# Кондак 2

Ви́дящи Святая Себе в чистоте, глаго́лет Гаврии́лу де́рзостно: пресла́вное твоего́ гла́са неудобоприя́тельно души́ моей явля́ется: безсе́меннаго бо зача́тия рождество́ ка́ко глаго́леши, зовы́й: Аллилу́иа.

Разум недоразумеваемый разумети Дева ищущи, возопи к служащему: из боку чисту, Сыну како есть родитися мощно, рцы Ми? К Нейже он рече со страхом, обаче зовый сице: Радуйся, совета неизреченнаго Таиннице; радуйся, молчания просящих веро. Радуйся, чудес Христовых начало; радуйся, велений Его главизно. Радуйся, лествице небесная, Еюже сниде Бог; радуйся, мосте, преводяй сущих от земли на небо. Радуйся, Ангелов многословущее чудо; радуйся, бесов многоплачевное поражение. Радуйся, Свет неизреченно родившая; радуйся, еже како, ни единаго же научившая. Радуйся, премудрых превосходящая разум; радуйся, верных озаряющая смыслы. Радуйся, Невесто Неневестная.

## Кондак 3

Сила Вышняго осени тогда к зачатию Браконеискусную, и благоплодная Тоя ложесна, яко село показа сладкое, всем хотящим жати спасение, внегда пети сице: Аллилуна.

## Икос 3

Имущи Богоприятную Дева утробу, востече ко Елисавети: младенец же оноя абие познав Сея целование, радовашеся, и играньми яко песньми вопияше к Богородице: Радуйся, отрасли неувядаемыя розго; радуйся, Плода безсмертнаго стяжание. Радуйся, Делателя делающая Человеколюбца; радуйся, Садителя жизни нашея рождшая. Радуйся, ниво, растящая гобзование щедрот; радуйся, трапезо, носящая обилие очищения. Радуйся, яко рай пищный процветаеши; радуйся, яко пристанище душам готовиши. Радуйся, приятное молитвы кадило; радуйся, всего мира очищение. Радуйся, Божие к смертным благоволение; радуйся, смертных к Богу дерзновение. Радуйся, Невесто Неневестная.

# Кондак 4

Бу́рю внутрь име́я помышле́ний сумни́тельных, целому́дренный Ио́сиф смяте́ся, к Тебе зря небра́чней, и бракоокра́дованную помышля́я, Непорочная; уве́дев же Твое зача́тие от Духа Свя́та, рече: Аллилуиа.

Слышаша пастырие Ангелов поющих плотское Христово пришествие, и текше яко к Пастырю видят Сего яко агнца непорочна, во чреве Мариине упасшася, Юже поюще реша: Радуйся, Агнца и Пастыря Мати; радуйся, дворе словесных овец. Радуйся, невидимых врагов мучение; радуйся, райских дверей отверзение. Радуйся, яко небесная срадуются земным; радуйся, яко земная сликовствуют небесным. Радуйся, апостолов немолчпая уста; радуйся, страстотерпцев непобедимая дерзосте. Радуйся, твердое веры утверждение; радуйся, светлое благодати познание. Радуйся, Еюже обнажися ад; радуйся, Еюже облекохомся славою. Радуйся, Невесто Неневестная.

## Кондак 5

Боготе́чную звезду́ узре́вше волсви́, тоя́ после́доваша зари́, и яко светильник держа́ще ю́, тою испыта́ху крепкаго Царя, и дости́гше Непостижи́маго, возра́довашася, Ему вопиюще: Аллилуиа.

### Икос 5

Видеша о́троцы халде́йстии на руку́ Деви́чу Созда́вшаго рука́ма челове́ки, и Владыку разумева́юще Его, аще и ра́бий прия́т зрак, потща́шася дарми́ послужи́ти Ему, и возопи́ти Благослове́нней: Радуйся, Звезды́ незаходи́мыя Мати; радуйся, заре́ та́инственнаго дне. Радуйся, пре́лести пещь угаси́вшая; радуйся, Тро́ицы таи́нники просвеща́ющая. Радуйся, мучителя безчелове́чнаго измета́ющая от нача́льства; радуйся, Господа Человеколю́бца показа́вшая Христа. Радуйся, ва́рварскаго избавля́ющая служе́ния; радуйся, тиме́ния изыма́ющая дел. Радуйся, огня́ поклоне́ние угаси́вшая; радуйся, пла́мене страсте́й изменя́ющая. Радуйся, верных наста́внице целому́дрия; радуйся, всех родо́в весе́лие. Радуйся, Невесто Неневестная.

## Кондак 6

Пропове́дницы богоно́снии бы́вше волсви́, возврати́шася в Вавило́н, сконча́вше Твое проро́чество, и пропове́давше Тя Христа всем, оста́виша Ирода яко буесло́вна, не ве́дуща пети: Аллилуиа.

Возсиявый во Египте просвещение истины, отгнал еси лжи тьму: и́доли бо его, Спасе, не терпяще Твоея́ кре́пости, падо́ша, сих же избавльшиися вопия́ху к Богородице: Радуйся, исправле́ние человеков; радуйся, низпаде́ние бесо́в. Радуйся, пре́лести держа́ву попра́вшая; радуйся, и́дольскую лесть обличи́вшая. Радуйся, мо́ре, потопи́вшее фарао́на мы́сленнаго; радуйся, ка́меню, напои́вший жа́ждущия жизни. Радуйся, о́гненный сто́лпе, наставля́яй су́щия во тьме; радуйся, покро́ве миру, ши́рший о́блака. Радуйся, пи́ще, ма́нны прие́мнице; радуйся, сла́дости святы́я служи́тельнице. Радуйся, земле́ обетова́ния; радуйся, из нея́же тече́т мед и млеко́. Радуйся, Невесто Неневестная.

#### Кондак 7

Хотящу Симеону от нынешняго века преставитися прелестнаго, вдался еси яко младенец тому, но познался еси ему и Бог совершенный. Темже удивися Твоей неизреченней премудрости, зовый: Аллилуиа.

## Икос 7

Новую показа тварь, явлься Зиждитель нам от Него бывшим, из безсеменныя прозяб утробы, и сохранив Ю, якоже бе, нетленну, да чудо видяще, воспоем Ю, вопиюще: Радуйся, цвете нетления; радуйся, венче воздержания. Радуйся, воскресения образ облистающая; радуйся, ангельское житие являющая. Радуйся, древо светлоплодовитое, от негоже питаются вернии; радуйся, древо благосеннолиственное, имже покрываются мнози. Радуйся, во чреве носящая Избавителя плененным; радуйся, рождшая Наставника заблуждшим. Радуйся, Судии праведнаго умоление; радуйся, многих согрешений прощение. Радуйся, одеждо нагих дерзновения; радуйся, любы, всякое желание побеждающая. Радуйся, Невесто Неневестная.

# Кондак 8

Странное рождество видевше, устранимся мира, ум на небеса преложше: сего бо ради высокий Бог на земли явися смиренный человек, хотяй привлещи к высоте Тому вопиющия: Аллилуиа.

Весь бе в нижних и вышних никакоже отступи неописанное Слово: снизхождение бо Божественное, не прехождение же местное бысть, и рождество от Девы Богоприятныя, слышащия сия: Радуйся, Бога невместимаго вместилище; радуйся, честнаго таинства двери. Радуйся, неверных сумнительное слышание; радуйся, верных известная похвало. Радуйся, колеснице пресвятая Сущаго на Херувимех; радуйся, селение преславное Сущаго на Серафимех. Радуйся, противная в тожде собравшая; радуйся, девство и рождество сочетавшая. Радуйся, Еюже разрешися преступление; радуйся, Еюже отверзеся рай. Радуйся, ключу Царствия Христова; радуйся, надеждо благ вечных. Радуйся, Невесто Неневестная.

# Кондак 9

Вся́кое естество́ а́нгельское удиви́ся великому Твоего вочелове́чения де́лу: непристу́пнаго бо яко Бога, зряше всем присту́пнаго Человека, нам убо спребыва́юща, слышаща же от всех: Аллилуиа.

# Икос 9

Ветия многовещанныя, яко рыбы безгласныя видим о Тебе, Богородице, недоумевают бо глаголати, еже како и Дева пребываеши, и родити возмогла еси. Мы же, таинству дивящеся, верно вопием: Радуйся, премудрости Божия приятелище; радуйся, промышления Его сокровище. Радуйся, любомудрыя немудрыя являющая; радуйся, хитрословесныя безсловесныя обличающая. Радуйся, яко обуяша лютии взыскателе; радуйся, яко увядоша баснотворцы. Радуйся, афинейская плетения растерзающая; радуйся рыбарския мрежи исполняющая. Радуйся, из глубины неведения извлачающая; радуйся, многи в разуме просвещающая. Радуйся, кораблю хотящих спастися; радуйся, пристанище житейских плаваний. Радуйся, Невесто Неневестная.

# Кондак 10

Спасти хотя мир, Иже всех Украситель, к сему самообетован прииде, и Пастырь сый, яко Бог, нас ради явися по нам человек: подобным бо подобное призвав, яко Бог слышит: Аллилуиа.

# Икос 10

Стена́ еси де́вам, Богоро́дице Дево, и всем к Тебе прибега́ющим: и́бо небесе́ и земли Творец устро́и Тя, Пречистая, все́лься во утро́бе Твоей, и вся приглаша́ти Тебе научи́: Радуйся, сто́лпе де́вства; радуйся, дверь спасения. Радуйся, нача́льнице мы́сленнаго назда́ния; радуйся, пода́тельнице Боже́ственныя бла́гости. Радуйся, Ты бо обнови́ла еси зача́тыя сту́дно; радуйся, Ты бо наказа́ла еси окра́денныя умо́м. Радуйся, тли́теля смы́слов упраждня́ющая; радуйся, Се́ятеля чистоты́ ро́ждшая. Радуйся, черто́же безсе́меннаго уневе́щения; радуйся, верных Го́сподеви сочета́вшая. Радуйся, добрая младопита́тельнице де́вам; радуйся, невестокраси́тельнице душ святых. Радуйся, Невесто Неневестная.

## Кондак 11

Пение всякое побеждается, спростретися тщащееся ко множеству многих щедрот Твоих: равночисленныя бо песка песни аще приносим Ти, Царю Святый, ничтоже совершаем достойно, яже дал еси нам, Тебе вопиющим: Аллилуиа.

# Икос 11

Светоприемную свещу, сущим во тьме явльшуюся, зрим Святую Деву, невещественный бо вжигающи огнь, наставляет к разуму Божественному вся, зарею ум просвещающая, званием же почитаемая, сими: Радуйся, луче умнаго Солнца; радуйся, светило незаходимаго Света. Радуйся, молние, души просвещающая; радуйся, яко гром враги устрашающая. Радуйся, яко многосветлое возсияваеши просвещение; радуйся, яко многотекущую источаеши реку. Радуйся, купели живописующая образ; радуйся, греховную отъемлющая скверну. Радуйся, бане, омывающая совесть; радуйся, чаше, черплющая радость. Радуйся, обоняние Христова благоухания; радуйся, животе тайнаго веселия. Радуйся, Невесто Неневестная.

Благодать дати восхоте́в, долго́в дре́вних, всех долго́в Реши́тель челове́ком, прийде Собою ко отше́дшим Того́ благода́ти, и раздра́в рукописа́ние, слышит от всех сице: Аллилуиа.

# Икос 12

Поюще Твое Рождество, хвалим Тя вси, яко одушевленный храм, Богородице: во Твоей бо вселився утробе содержай вся рукою Господь, освяти, прослави и научи вопити Тебе всех: Радуйся, селение Бога и Слова; радуйся, святая святых большая. Радуйся, ковчеже, позлащенный Духом; радуйся, сокровище живота неистощимое. Радуйся, честный венче людей благочестивых; радуйся, честная похвало иереев благоговейных. Радуйся, Церкве непоколебимый столпе; радуйся, Царствия нерушимая стено. Радуйся, Еюже воздвижутся победы; радуйся, Еюже низпадают врази. Радуйся, тела моего врачевание; радуйся, души моея спасение. Радуйся, Невесто Неневестная.

## Кондак 13

О, Всепетая Мати, рождшая всех святых Святейшее Слово! Нынешнее приемши приношение, от всякия избави напасти всех, и будущия изми муки, о Тебе вопиющих: Аллилуиа.

Этот кондак читается трижды, затем 1-й икос: Ангел предстатель... и 1-й кондак: Взбранной Воеводе...

## Молитвы

О, Пресвятая Госпоже Владычице Богородице, вышши есй всех Ангел и Архангел, и всея твари честнейши, помощнице еси обидимых, ненадеющихся надеяние, убогих заступнице, печальных утешение, алчущих кормительнице, нагих одеяние, больных исцеление, грешных спасение, христиан всех поможение и заступление. О, Всемилостивая Госпоже, Дево Богородице Владычице, милостию Твоею спаси и помилуй святейшия патриархи православныя, преосвященныя митрополиты, архиепископы и епископы и весь священнический и иноческий чнн, и вся православныя христианы ризою Твоею честною защити; и умоли, Госпоже, из Тебе без семене

воплотившагося Христа Бога нашего, да препоящет нас силою Своею свыше, на невидимыя и видимыя враги наша. О. Всемилостивая Госпоже Владычице Богородице! Воздвигни нас из глубины греховныя и избави нас от глада, губительства, от труса и потопа, от огня и меча, от нахождения иноплеменных и междоусобныя брани, и от напрасныя смерти, и от нападения вражия, и от тлетворных ветр, и от смертоносныя язвы, и от всякаго зла. Подаждь, Госпоже, мир и здравие рабом Твоим, всем православным христианом, и просвети им ум, и очи сердечнии, еже ко спасению; и сподоби ны, грешныя рабы Твоя, Царствия Сына Твоего, Христа Бога нашего; яко держава Его благословена и препрославлена, со Безначальным Его Отцем, и с Пресвятым, и Благим, и Животворящим Его Лухом, ныне и присно, и во веки веков. Аминь.

О, Пресвятая Дево Мати Господа, Царице Небесе и земли! Вонми многоболезненному воздыханию души нашея, призри с высоты святыя Твоея на нас, с верою и любовию покланяющихся пречистому образу Твоему. Се бо грехми погружаемии и скорбьми обуреваемии, взирая на Твой образ, яко живей Ти сущей с нами, приносим смиренныя моления наша. Не имамы бо ни иныя помощи, ни инаго предстательства, ни утешения, токмо Тебе, о, Мати всех скорбящих и обремененных. Помози нам немощным, утоли скорбь нашу, настави на путь правый нас, заблуждающих, уврачуй и спаси безнадежных, даруй нам прочее время живота нашего в мире и тишине проводити, подаждь христианскую кончину, и на стращнем суде Сына Твоего явися нам милосердая Заступница, да всегда поем, величаем и славим Тя, яко благую Заступницу рода христианскаго, со всеми угодившими Богу. Аминь.





# АКАФИСТ СВЯТИТЕЛЮ НИКОЛАЮ

#### Кондак 1

Возбранный Чудотворче и изрядный угодниче Христов, миру всему источаяй многоценное милости миро, и неисчерпаемое чудес море, восхваляю тя любовию, Святителю Николае: ты же яко имеяй дерзновение ко Господу, от всяких мя бед свободи, да зову ти: Радуйся, Николае, великий Чудотворче.

#### Икос 1

Ангела образом, земнаго суща естеством, яви тебе всея твари Создатель; благоплодную бо доброту души твоея провидев, преблаженне Николае, научи всех вопити тебе сице: Радуйся, от утробы матерния очищенный; радуйся, даже до конца освященный. Радуйся, рождением своим родителей удививый; радуйся, силу душевную абие по рождестве явивый. Радуйся, саде земли обетования; радуйся, цвете Божественнаго саждения. Радуйся, лозо добродетельная винограда Христова; радуйся, древо чудоточное рая Иисусова. Радуйся, крине райскаго прозябения; радуйся, миро Христова благоухания. Радуйся, яко тобою отгонится рыдание; радуйся, яко тобою приносится радование. Радуйся, Николае, великий Чудотворче.

# Кондак 2

Видяще твоих мир излияние, Богомудре, просвещаемся душами и телесы, дивнаго тя мироточца живоносна, Николае, разумеюще: чудесы бо яко водами, благодатию Божиею изливающимися, напаяещи верно вопиющих к Богу: Аллилуиа.

Разум неуразуменный вразумляя о Святей Троице, был еси в Никей со святыми отцы поборник исповедания православныя веры: равна бо Отцу Сына исповедал еси. соприсносущна и сопрестольна. Ариа же безумнаго обличил сси. Сего ради вернии научищася воспевати тебе: Радуйся, великий благочестия столпе; радуйся, верных прибежища граде. Радуйся, твердое православия укрепление; радуйся, честное Пресвятыя Троицы носило и похваление. Радуйся, Отцу равночестна Сына проповедавый; радуйся. Ариа возбесившагося от Собора святых отгнавый. Радуйся, отче, отцев славная красото; радуйся, всех богомудрых премудрая доброто. Радуйся, огненная словеса испущаяй; радуйся, добре стадо свое наставляяй. Радуйся, яко тобою вера утверждается; радуйся, яко тобою ересь низлагается. Радуйся, Николае, великий Чудотворче.

# Кондак 3

Силою, данною ти свыше, слезу всяку отъял еси от лица люте страждущих, богоносе отче Николае: алчущим бо явился еси кормитель, в пучине морстей сущим изрядный правитель, недугующим исцеление, и всем всяк помощник показался еси, вопиющим Богу: Аллилуиа.

# Икос 3

Име́яше вои́стинну, о́тче Нико́лае, с небесе́ песнь тебе воспева́ема бы́ти, а не от земли́: ка́ко бо кто от челове́к возмо́жет твоея́ святы́ни вели́чия пропове́дати; но мы, любовию твоею побежда́еми, вопием ти сице: Радуйся, о́бразе а́гнцев и па́стырей; радуйся, святое очисти́лище нра́вов. Радуйся, добродетелей великих вмести́лище; радуйся, святы́ни чи́стое и честно́е жили́ще. Радуйся, свети́льниче всесве́тлый и вселюби́мый; радуйся све́те златоза́рный и непоро́чный. Радуйся, досто́йный Ангелов собесе́дниче; радуйся, добрый челове́ков наста́вниче. Радуйся, пра́вило веры благочести́выя; радуйся, о́бразе кро́тости духовныя. Радуйся, яко тобою от страсте́й телесных избавля́емся; радуйся, яко тобою сла́достей духовных исполня́емся. Радуйся, Нико́лае, великий Чудотворче.

Буря недоумения смущает ми ум, како достойно есть пети чудеса твоя, блажение Николае; никтоже бо может я исчести, аще бы и многи языки имел, и глаголати восхотел; но мы дивно Богу в тебе прославляющемуся дерзаем воспевати: Аллилуиа.

#### Икос 4

Слышаша, богому́дре Нико́лае, бли́жнии и да́льнии вели́чие чудес твоих, я́ко по возду́ху ле́гкими благода́тными крила́ми навы́кл еси́ су́щих в беда́х предваря́ти, скоро от тех избавля́я всех, вопиющих к тебе такова́я: Радуйся, избавле́ние от печа́ли; радуйся, подая́ние благода́ти. Радуйся, неча́емых зол прогони́телю; радуйся, жела́емых благи́х насади́телю. Радуйся, скорый уте́шителю в беде́ су́щих; радуйся, стра́шный наказа́телю оби́дящих. Радуйся, чудес пучи́но, Богом излия́нная; радуйся, зако́на Христо́ва скрижа́ли Богом пи́санныя. Радуйся, крепкое па́дающих возведе́ние; радуйся, пра́во стоя́щих утвержде́ние. Радуйся, яко тобою всякая лесть обнажа́ется; радуйся, яко тобою всякая истина сбыва́ется. Радуйся, Нико́лае, великий Чудотворче.

# Кондак 5

Боготе́чная звезда́ яви́лся еси, наставля́я по мо́рю пла́вающих лю́те, и́мже смерть предстоя́ше вско́ре иногда́, а́ще не бы́ ты предста́л еси призыва́ющим тя в по́мощь, Чудотво́рче святый Нико́лае; уже́ бо несты́дно бесо́м лета́ющим, и погрузи́ти корабли́ хотя́щим запрети́в, отгна́л еси их, верныя же научил еси спаса́ющему тобою Богу взывати: Аллилуиа.

# Икос 5

Ви́деша отрокови́цы, на брак скве́рный нищеты́ ради угото́ванныя, вели́кое твое к ни́щим милосе́рдие, преблаже́нне отче Нико́лае, егда́ ста́рцу роди́телю их но́щию узельцы́ три зла́та тая́ся по́дал еси, сама́го со дще́рьми избавля́я от паде́ния грехо́внаго. Того ра́ди слы́шиши от всех си́це: Радуйся, милости превели́кия сокро́вище; радуйся, промышле́ния о лю́дех прия́телище. Радуйся, пи-

ще и отрадо к тебе прибегающих; радуйся, хлебе неснедаемый алчущих. Радуйся, богатство бедне живущим на земли Богом данное; радуйся, воздвижение скорое убогих. Радуйся, быстрое нищих услышание; радуйся, скорбящих приятное попечение. Радуйся, триех дев непорочный невестителю; радуйся, чистоты усердный хранителю. Радуйся, ненадежных надеяние; радуйся, всего мира наслаждение. Радуйся, Николае, великий Чудотворче.

## Кондак 6

Пропове́дует мир весь тебе, преблаже́нне Нико́лае, ско́раго в беда́х засту́пника: я́ко мно́гажды во еди́ном часе́, по земли́ путеше́ствующим и по мо́рю пла́вающим, предваря́я, посо́бствуещи, ку́пно всех от злых сохраня́я, вопиющих к Богу: Аллилуна.

#### Икос 6

Возсия́л еси свет живо́тный, избавле́ние нося́ воево́дам, непра́ведную смерть прия́ти иму́щим, тебе, добрый па́стырю Нико́лае, призыва́ющим, егда́ вско́ре я́влься во сне царе́ви, устраши́л еси его, сих же неврежде́нных отпусти́ти повеле́л еси. Сего ради с ни́ми ку́пно и мы благода́рственно вопием ти: Радуйся, усердно призыва́ющим тя помога́яй; радуйся, от непра́веднаго убие́ния избавля́яй. Радуйся, от ле́стныя сохраня́яй клеветы́; радуйся, непра́ведныя разруша́яй сове́ты. Радуйся, растерза́яй лжу яко паучи́ну; радуйся, возноша́яй сла́вно и́стину. Радуйся, непови́нных от уз разреше́ние; радуйся, и мертвеце́в оживле́ние. Радуйся, прояви́телю правды; радуйся, помрачи́телю неправды. Радуйся, яко тобою непови́ннии изба́влени от меча; радуйся, яко тобою наслади́шася света. Радуйся, Николае, великий Чудотворче.

## Кондак 7

Хотя богоху́льное ерети́ческое отгна́ти злосмра́дие, ми́ро воистинну благово́нное, та́инственное яви́лся еси, Нико́лае: люди мире́йския упа́сл еси, и весь мир своим благода́тным миром испо́лнил еси. И от нас убо богоме́рзкое грехо́вное злосмра́дие отжени́, да благоприя́тно Богу вопием: Аллилуиа.

Новаго тя Ноя, наставника ковчета спасительнаго разумеем, отче святый Николае, бурю всех лютых разгоняющаго направлением своим, тишину же божественную приносящаго вопиющим таковая: Радуйся, обуреваемых тихое пристанище; радуйся, утопающих известное хранилище. Радуйся, плавающих посреде пучин добрый кормчий; радуйся, треволнения морская уставляющий. Радуйся, превождение сущих в вихрех; радуйся, согреяние сущих во мразех. Радуйся, сияние, скорбный мрак разгоняющее; радуйся, светило, вся концы земли просвещающее. Радуйся, от бездны греховныя человеки избавляяй; радуйся, в бездну адскую сатану ввергаяй. Радуйся, яко тобою дерзновенно бездну милосердия Божия призываем; радуйся, яко тобою от потопа гнева избавльшеся, мир с Богом обретаем. Радуйся, Николае, великий Чудотворче.

## Кондак 8

Странное чудо является притекающим к тебе, блаженне Николае, священная твоя церковь: в ней бо и малое моление приносяще, велиих недугов приемлем исцеление, аще токмо по Бозе упование на тя возложим, верно вопиюще: Аллилуиа.

# Икос 8

Весь еси всем воистинну помощник, богоносе Николае, и собрал еси вкупе вся прибегающия к тебе, яко свободитель, питатель и врач скорый всем земным, на похвалу всех подвизая, вопити к тебе сице: Радуйся, всяких исцелений источниче; радуйся, люте страждущим помощниче. Радуйся, заре, сияющая в нощи греховной блуждающим; радуйся, росо неботочная в знои трудов сущим. Радуйся, подаваяй требующим благостроение; радуйся, уготовляяй просящим изобилие. Радуйся, многажды прошение предваряяй; радуйся, старым сединам силу обновляяй. Радуйся, многих заблуждений от пути истиннаго обличителю; радуйся, таин Божиих верный служителю. Радуйся, яко тобою зависть попираем; радуйся, яко тобою благонравное житие исправляем. Радуйся, Николае, великий Чудотворче.

Вся́кия утоли́ боле́зни, великий наш засту́шиче Нико́лае: раствория благода́тная врачева́ния, услажда́ющая ду́ши наша, сердца́ же веселя́щая всех усе́рдно к по́мощи твоей притека́ющих, Богу же вопиющих: Аллилуиа.

## Икос 9

Ветия суемудренныя нечестивых видим тобою посрамленныя, богомудре отче Николае: Ариа бо хульника, разделяюща Божество, и Савеллиа, смешающа Святую Троицу, препрел, нас же во православии укрепил еси. Сего ради вопнем ти сице: Радуйся, щите, защищаяй благочестие; радуйся, мечу, посецаяй злочестие. Радуйся, учителю Божественных вслений; радуйся, губителю богопротивных учений. Радуйся, лествице, Богом утвержденная, еюже восходим к небсси; радуйся, покрове, Богом зданный, имже покрываются мнози. Радуйся, немудрых умудривый твоими словесы; радуйся, ленивых подвигнувый твоими правы. Радуйся, светлосте заповедей Божиих неугасимая; радуйся, луче оправданий Господних пресветлая. Радуйся, яко учением твоим сокрушаются еретическия главы; радуйся, яко тобою вернии сподобляются славы. Радуйся, Николае, великий Чудотворче.

# Кондак 10

Спасти хотя душу, плоть твою духови покорил еси воистинну, отче наш Николае: молчаньми бо прежде и бореньми с помыслы, деянию богомыслие приложил еси, богомыслием же разум совершен стяжал еси, имже дерзновенно с Богом и Ангелы беседовал еси, всегда вопиющи: Аллилуна.

# Икос 10

Стена еси похваляющим, преблаженне, чудеса твоя, н всем к заступлению твоему прибегающим; темже и нас, в добродетели убогих, от нищеты, напасти, недугов и нужд различных свобождай, вопиющих ти с любовию таковая: Радуйся, от убожества вечнаго изымаяй; радуйся, богатство нетленное подаваяй. Радуйся, брашно негиблющее алчущим правды; радуйся, питие неисчерпаемое жаждущим жизни. Радуйся, от мятежа и брани соблюдаяй; радуйся, ог уз и пленения свобождаяй. Радуйся, преславный в бедах заступниче; радуйся, превеликий в напастех защитниче. Радуйся, многих от погибели исхитивый; радуйся, безчисленных неврежденно сохранивый. Радуйся, яко тобою лютыя смерти грешнии избегают; радуйся, яко тобою жизнь вечную кающиися получают. Радуйся, Николае, великий Чудотворче.

## Кондак 11

Пение Пресвятей Троице паче иных принесл еси, преблажение Николае, умом, словом и делом: многим бо испытанием правоверная повеления уяснил еси, верою, надеждою и любовию наставляя нас в Троице Единому Богу воспевати: Аллилуиа.

## Икос 11

Светозарную лучу во мраце жития сущим неугасимую, видим тя, Богом избранне отче Николае: с невещественными бо ангельскими светы беседуеши о несозданном Троическом Свете, верных же души просвещаеши, вопиющих ти таковая: Радуйся, озарение Трисолнечнато света; радуйся, деннице незаходимаго солнца. Радуйся, свеще, божественным пламенем возжженная; радуйся, яко угасил еси бесовский пламень нечестия. Радуйся, светлое правоверия проповедание; радуйся, доброзрачное света Евангельскаго сияние. Радуйся, молние, ереси пожигающая; радуйся, громе, устрашающий соблазняющия. Радуйся, истиннаго научителю разума; радуйся, таинственнаго изъявителю ума. Радуйся, яко тобою попрася поклонение твари; радуйся, яко тобою научихомся покланятися Творцу в Троице. Радуйся, Николае, великий Чудотворче.

# Кондак 12

Благода́ть да́нную ти от Бога све́дущии, ра́дующеся твою память пра́зднуем по до́лгу, пресла́вный отче Нико́лае, и к чу́дному заступле́нию твоему вседу́шно притека́ем; пресла́вных же твоих дея́ний, я́ко песка́ морска́го и мно́жества зве́зднаго исчести́ не могу́ще, недоуме́нием объя́ти бы́вше, вопием к Богу: Аллилуиа.

## Икос 12

Поюще твоя чудеса, восхваляем тя, всехвальне Николае: в тебе бо Бог в Троице прославляемый дивно прославися. Но аще и попремногу составленныя от души псалмы и песни приносим ти, Чудотворче святый, ничтоже творим равно дарованию чудес твоих, имже удивляющеся, вопием к тебе таковая: Радуйся, Царя царствующих и Господа господствующих служителю; радуйся, служителей Его небесных сожителю. Радуйся, людем верным поможение; радуйся, рода христианскаго возвышение. Радуйся, победы тезоименитый; радуйся, венценосче нарочитый. Радуйся, всех добродетелей зерцало; радуйся, всех притекающих к тебе крепкое забрало. Радуйся, по Бозе и Богородице, все наше упование: радуйся, телес наших здравие и душ спасение. Радуйся, яко тобою от вечныя смерти свобождаемся; радуйся, яко тобою безконечныя жизни сподобляемся. Радуйся. Николае. великий Чудотворче.

## Кондак 13

О, пресвятый и пречудный отче Николае, утешение всех скорбящих, нынешнее наше приими приношение, и от геенны избавитися нам Господа умоли, богоприятным Твоим ходатайством, да с тобою воспеваем: Аллилуиа.

Этот кондак читается трижды, затем 1-й искос: Ангела образом... и 1-й кондак: Возбранный Чудотворче...

## Молитва

О, всесвятый Николае, угодниче преизрядный Господень, теплый наш заступниче, и везде в скорбех скорый помощниче! Помози мне грешному и унылому в настоящем сем житий, умоли Господа Бога даровати ми оставление всех моих грехов, елико согреших от юности моея, во всем житии моем, делом, словом, помышлением и всеми моими чувствы; и во исходе души моея помози ми окаянному, умоли Господа Бога, всея твари Содетеля, избавити мя воздушных мытарств и вечнаго мучения: да всегда прославляю Отца и Сына и Святаго Духа, и твое милостивное предстательство, ныне и присно и во веки веков. Аминь.



# ПОСЛЕДОВАНИЕ КО СВЯТОМУ ПРИЧАЩЕНИЮ

Моли́твами святы́х оте́ц на́ших, Го́споди Иису́се Христе́ Бо́же наш, поми́луй нас. Ами́нь.

**Ц**арю Небесный... Трисвятое. Пресвятая Троице... Отче наш... Господи, помилуй (12). Приидите, поклонимся... (трижды). И псалмы: 22 (стр. 137), 23 (стр. 138) и 115 (стр. 213).

Слава, и ныне: Аллилуиа (трижды). И три поклона.

# Тропари, глас 8-й

Беззакония моя презри, Господи, от Девы рождейся, и сердце мое очисти, храм то творя пречистому Твоему Телу и Крови, ниже отрини мене от Твоего лица, без числа имени велию милость.

Слава: Во причастие святынь Твоих како дерзну [вниду], недостойный? Аще бо дерзну к Тебе приступити с достойными, хитон мя обличает, яко несть вечерний, и осуждение исходатайствую многогрешной души моей. Очисти, Господи, скверну души моея, и спаси мя, яко Человеколюбец.

И ныне: Многая множества моих, Богородице, прегрешений, к Тебе прибегох, Чистая, спасения требуя: посети немощствующую мою душу, и моли Сына Твоего и Бога нашего, дати ми оставление, яже содеях лютых, Едина благословенная.

# [Во святую же Четыредесятницу:

Егда славнии ученицы на умовении вечери просвещахуся, тогда Иуда злочестивый сребролюбием недуго-

вав омрача́шеся, и беззако́нным судия́м Тебе́ пра́веднаго Судию́ предае́т. Виждь, име́ний рачи́телю, сих ра́ди удавле́ние употреби́вша: бежи́ несы́тыя души́, Учи́телю такова́я дерзну́вшия. Иже о всех благи́й Господи, слава Тебе.]

Псалом 50: Помилуй мя, Боже... (стр. 5).

# Канон, глас 2-й

#### Песнь 1

Грядите, людие, поим песнь Христу Богу, раздельшему море, и наставльшему люди, яже изведе из работы сгипетския, яко прославися.

Припев: Сердце чисто сози́жди во мне, Боже, и дух прав обнови́ во утробе моей.

**Х**леб живота́ ве́чнующаго да будет ми Тело Твое Свято́е, благоутро́бне Господи, и Честна́я Кровь, и неду́г многообра́зных исцеле́ние.

Припев: Не отвержи мене от лица Твоего, и Духа Твоего Святаго не отыми от мене.

Осквернен делы безместными окаянный, Твоего Пречистаго Тела и Божественныя Крове недостоин есмь, Христе, причащения, егоже мя сподоби.

Припев: Пресвятая Богородице, спаси нас.

Богородичен: Земле благая, благословенная Богоневесто, клас прозябшая неоранный и спасительный миру, сподоби мя сей ядуща спастися.

## Песнь 3

На камени мя веры утвердив, разширил еси уста моя на враги моя. Возвесели бо ся дух мой, внегда пети: несть свят, якоже Бог наш, и несть праведен паче Тебе, Господи.

Слезныя ми подаждь, Христе, капли, скверну сердца моего очищающия: яко да благою совестию очищен, верою прихожду и страхом, Владыко, ко причащению Божественных даров Твоих.

Во оставление да будет ми прегрешений Пречистое Тело Твое, и Божественная Кровь, Духа же Святаго общение, и в жизнь вечную, Человеколюбче, и страстей и скорбей отчуждение.

Богородичен: Хлеба животнаго Трапеза Пресвятая, свыше милости ради сшедшаго, и мирови новый живот дающаго, и мене ныне сподоби недостойнаго, со страхом вкусити сего, и живу быти.

#### Песнь 4

Прише́л еси от Девы, не хода́тай, ни Ангел, но Сам, Господи, вопло́щся, и спасл еси всего мя человека. Тем зову Ти: слава силе Твоей, Господи.

Восхоте́л еси, нас ради вопло́щся, Многоми́лостиве, закла́н бы́ти я́ко овча́, грех ра́ди челове́ческих: те́мже молю Тя, и моя очи́сти согреше́ния.

Исцели души моея язвы, Господи, и всего освяти: и сподоби, Владыко, яко да причащуся тайныя Твоея Божественныя вечери, окаянный.

Богородичен: Умилостиви и мне Сущаго от утробы Твоея, Владычице, и соблюди мя нескверна раба Твоего и непорочна, яко да прием умнаго бисера, освящуся.

## Песнь 5

Свёта подателю и веков Творче, Господи, во свёте Твоих повелёний настави нас; разве бо Тебе иного бога не знаем.

Якоже предрекл еси, Христе, да будет убо худому рабу Твоему, и во мне пребуди, якоже обещался еси: се бо Тело Твое ям Божественное, и пию Кровь Твою.

Слове Божий и Боже, угль Тела Твоего да будет мне помраченному в просвещение, и очищение оскверненной души моей Кровь Твоя.

Богородичен: Марие, Мати Божия, благоухания честное селение, Твоими молитвами сосу́д мя избранный соделай, яко да освящений причащу́ся Сына Твоего.

## Песнь 6

В бездне греховней валяяся, неизследную милосердия Твоего призываю бездну: от тли, Боже, мя возведи.

Ум, ду́шу и сердце освяти, Спасе, и тело мое, и сподоби неосужденно, Владыко, к страшным Тайнам приступи́ти. Да бых устранился от страстей, и Твоея благодати имел бы приложение, живота же утверждение, причащением Святых, Христе, Таин Твоих.

Богородичен: Божие, Боже, Слово Святое, всего мя освяти, ныне приходящаго к Божественным Твоим Тайнам, Святыя Матерс Твоея мольбами.

# Кондак, глас 2-й

Хлеб, Христе, взяти не презри мя, Тело Твое, и Божественную Твою ныне Кровь, пречистых, Владыко, и страшных Твоих Таин причаститися окаяннаго, да не будет ми в суд, да будет же ми в живот вечный и безсмертный.

## Песнь 7

Телу златому премудрыя дети не послужища, и в пламень сами поидоща, и боги их обругаща, среди пламене возопища, и ороси я Ангел: услышаея уже уст ваших молитва.

Источник благих, причащение, Христе, безсмертных Твоих ныне Таинств да будет ми свет, и живот, и безстрастие, и к преспению же и умножению добродетели Божественнейшия ходатайственно, едине Блаже, яко да славлю Тя.

Да избавлюся от страстей, и врагов, и нужды, и всякия скорби, трепетом и любовию со благоговением, Человеколюбче, приступаяй ныне к Твоим безсмертным и Божественным Тайнам, и пети Тебе сподоби: благословен еси, Господи, Боже отец наших.

Богородичен: Спаса Христа рождшая паче ума, Богоблагодатная, молю Тя ныне, раб Твой, Чистую нечистый: хотящаго мя ныне к пречистым Тайнам приступити, очисти всего от скверны плоти и духа.

## Песнь 8

В пещь отненную ко отроком еврейским снизшедшаго, и пламень в росу преложшаго Бога, пойте дела яко Господа, и превозносите во вся веки.

Небесных, и страшных, и святых Твоих, Христе, ныне Таин, и Божественныя Твоея и тайныя вечери общника быти и мене сподоби отчаяннаго. Боже Спасе мой. Под Твое прибе́г благоутро́бие, Бла́же, со стра́хом зову́ Ти: во мне пребу́ди, Спа́се, и аз, я́коже рекл еси́, в Тебе; се бо дерза́я на ми́лость Твою, ям Тело Твое, и пию́ Кровь Твою.

Припев: Пресвятая Троице, Боже наш, слава Тебе.

Троичен: Трепещу, приемля огнь, да не опалюся яко воск и яко трава; оле страшнаго таинства! оле благоутробия Божия! Како Божественнаго Тела и Крове брение причащаюся, и нетленен сотворяюся?

#### Песнь 9

Безначальна Родителя Сын, Бог и Господь, воплощься от Девы нам явися, омраченная просветити, собрати расточенная: тем всепетую Богородицу величаем.

**Х**ристос есть, вкусите и видите: Господь нас ради, по нам бо древле бывый, единою Себе принес, яко приношение Отцу Своему, присно закалается, освящаяй причащающияся.

Душею и телом да освящуся, Владыко, да просвещуся, да спасуся, да буду дом Твой причащением священных Таин, живущаго Тя имея в себе со Отцем и Духом, Благодетелю Многомилостиве.

Якоже огнь да будет ми, и яко свет, Тело Твое и Кровь, Спасе мой, пречестная, опаляя греховное вещество, сжигая же страстей терние, и всего мя просвещая, покланятися Божеству Твоему.

Богородичен: Бог воплотися от чистых кровей Твоих; темже всякий род поет Тя, Владычице, умная же множества славят, яко Тобою яве узреша всеми Владычествующаго, осуществовавшагося человечеством.

Достойно есть... Трисвятое. Пресвятая Троице... Отче наш... Тропарь дня, или праздника. Если неделя, тропарь воскресный по гласу. Если же нет, настоящие тропари, глас 6-й:

Помилуй нас, Господи, помилуй нас; всякаго бо ответа недоумеюще, сию Ти молитву, яко Владыце, грешнии приносим: помилуй нас.

Слава: Господи, помилуй нас, на Тя бо уповахом; не прогневайся на ны зело, ниже помяни беззаконий наших,

но призри и ныпе яко благоутробен, и избави ны от враг наших. Ты бо еси Бог наш, и мы людие Твои, вси дела руку Твоею, и имя Твое призываем.

И ныне: Милосердия двери отверзи нам, благословенная Богородице, надеющиися на Тя да не погибнем, но да избавимся Тобою от бед: Ты бо еси спасение рода христианскаго.

Господи, помилуй (40). И поклоны, сколько хочешь.

## И стихи:

Хотя́ я́сти, челове́че, Те́ло Влады́чне, Стра́хом приступи́, да не опали́шися: огнь бо есть. Боже́ственную же пия́ Кровь ко обще́нию, Пе́рвее примири́ся тя опеча́лившим. Та́же дерза́я, та́инственное бра́шно яждь.

Прежде причастия страшныя жертвы, Животворящаго Тела Владычня, Сим помолися образом со трепетом:

# Молитва Василия Великого, 1-я

Владыко Господи Иисусе Христе, Боже наш, источниче жизни и безсмертия, всея твари видимыя и невидимыя Содетелю, безначальнаго Отца соприсносущный Сыне и собезначальный, премногия ради благости в последния дни в плоть оболкийся, и распныйся, и погребыйся за ны неблагодарныя и злонравныя, и Твоею кровию обновивый растлевшее грехом естество наше. Сам. Безсмертный Царю, принми и мое грешнаго покаяние, и приклони ухо Твое мне, и услыши глаголы моя. Согреших бо, Господи, согреших на небо и пред Тобою, и несмь достоин воззрети на высоту славы Твоея: прогневах бо Твою благость, Твоя заповедн преступив, и не послушав Твоих повелений. Но Ты, Господи, незлобив сый, долготерпелив же и многомилостив, не предал еси мя погибнути со беззаконьми мойми, моего всячески ожидая обращения. Ты бо рекл еси, Человеколюбче, пророком Твоим: яко хотением не хощу смерти грешника, но еже обратитися и живу быти ему. Не хощеши бо, Владыко, создания Твоею руку погубити, ниже благоволиши о погибели человечестей, но хощеши всем спастися, и в разум истины при-

ити. Темже и аз. аще и недостоин есмь небесе и земли, и сея привременныя жизни, всего себе повинув греху, и сластем поработив, и Твой осквернив образ: но творение и создание Твое быв, не отчаяваю своего спасения окаянный, на Твое же безмерное благоутробие дерзая, прихожду. Приими убо и мене. Человеколюбче Госполи. якоже блудницу, яко разбойника, яко мытаря и яко блуднаго, и возми мое тяжкое бремя грехов, грех вземляй мира, и немощи человеческия исцеляяй, труждающияся и обремененныя к Себе призываяй и упокоеваяй. не пришедый призвати праведныя, но грешныя на покаяние. И очисти мя от всякия скверны плоти и духа, и научи мя совершати святыню во страсе Твоем: яко да чистым сведением совести моея, святынь Твоих часть приемля, соединюся святому Телу Твоему и Крови, и имею Тебе во мне живуща и пребывающа, со Отцем, и Святым Твоим Духом. Ей. Господи Иисусе Христе. Боже мой, и да не в суд ми будет причастие пречистых и животворящих Таин Твоих, ниже да немощен буду душею же и телом, от еже недостойне тем причащатися, но даждь ми, даже до конечнаго моего издыхания, неосужденно восприимати часть святынь Твоих, в Луха Святаго общение, в напутие живота вечнаго, и во благоприятен ответ на страшнем судищи Твоем: яко да и аз со всеми избранными Твоими общник буду нетленных Твоих благ. яже уготовал еси любящим Тя, Господи, в ниже препрославлен еси во веки. Аминь.

# Молитва святого Иоанна Златоустого, 2-я

Господи Боже мой, вем, яко несмь достоин, ниже доволен, да под кров внидеши храма души моея, занеже весь пуст и пался есть, и не имаши во мне места достойна еже главу подклонити; но якоже с высоты нас ради смирил еси Себе, смирися и ныне смирению моему; и якоже восприял еси в вертепе и в яслех безсловесных возлещи, сице восприими и в яслех безсловесныя моея души, и во оскверненное мое тело внити. И якоже не неудостоил еси внити, и свечеряти со грешники в дому Симона прокаженнаго, тако изволи внити и в дом смиренныя моея души, прокаженныя и грешныя; и якоже не отринул еси подобную мне блудницу и грешную, пришедшую и прикоснувшуюся Тебе, сице умилосердися и о мне грешнем,

приходящем и прикасающем Ти ся; и якоже не возгнушался еси скверных ея уст и нечистых, целующих Тя, ниже моих возгнущайся сквернших оныя уст и нечистших, ниже мерзких монх и нечистых устен, и сквернаго и нечистейшаго моего языка. Но да будет ми угль пресвятато Твоего Тела, и честныя Твоея Крове, во освящоние и просвещение и здравие смиренней моей души и телу, во облегчение тяжестей многих моих согрешений, в соблюдение от всякаго диавольскаго действа, во отгнание и возбранение злаго моего и лукаваго обычая, во умерщвление страстей, в снабдение заповедей Твоих, в приложение Божественныя Твоея благодати, и Твоего Царствия присвоение. Не бо яко презираяй прихожду к Тебе, Христе Боже, но яко дерзая на неизреченную Твою благость, и да не на мнозе удаляяйся общения Твоего, от мысленнаго волка звероуловлен буду. Темже молюся Тебе: яко един сый Свят, Владыко, освяти мою душу и тело, ум и сердце, чревеса и утробы, и всего мя обнови, и вкорени страх Твой во удесех моих, и освящение Твое неотъемлемо от мене сотвори; и буди ми помощник и заступник, окормляя в мире живот мой, сподобляя мя и одесную Тебе предстояния со святыми Твоими, молитвами и моленьми Пречистыя Твоея Матере, невещественных Твоих служителей и пречистых сил, и всех святых, от века Тебе благоугодивших. Аминь.

# Молитва Симеона Метафраста, 3-я

Едине чистый и нетленный Господи, за неизреченную милость человеколюбия наше все восприемый смешение, от чистых и девственных кровей паче естества Рождшия Тя, Духа Божественнаго нашествием, и благоволением Отца присносущнаго, Христе Иисусе, премудросте Божия, и мире, и сило; Твоим восприятием животворящая и спасительная страдания восприемый, крест, гвоздия, копие, смерть, умертви моя душетленныя страсти телесныя. Погребением Твоим адова пленивый царствия, погреби моя благими помыслы лукавая советования, и лукавствия духи разори. Тридневным Твоим и живоносным воскресением падшаго праотца возставивый, возстави мя грехом поползшагося, образы мне покаяния предлагая. Преславным Твоим вознесением плотское обоживый восприятие, и сие десным Отца седением почтый,

сподоби мя причастием святых Твоих Таин десную часть спасаемых получити. Снитием Утешителя Твоего Духа сосуды честны священныя Твоя ученики соделавый, приятелище и мене покажи Того пришествия. Хотяй паки приити судити вселенней правдою, благоволи и мне усрести Тя на облацех, Судию и Создателя моего, со всеми святыми Твоими: да безконечно славословлю и воспеваю Тя, со безначальным Твоим Отцем, и Пресвятым и Благим и Животворящим Твоим Духом, ныне и присно, и во веки веков. Аминь.

# Молитва святого Иоанна Дамаскина, 4-я

Владыко Господи Иисусе Христе, Боже наш, едине имеяй власть человеком оставляти грехи, яко благ и Человеколюбец презри моя вся в ведении и не в ведении прегрешения, и сподоби мя неосужденно причаститися Божественных, и преславных, и пречистых, и животворящих Твоих Таин, не в тяжесть, ни в муку, ни в приложение грехов, но во очищение, и освящение, и обручение будущаго живота и царствия, в стену и помощь, и в возражение сопротивных, во истребление многих моих согрешений. Ты бо еси Бог милости, и щедрот, и человеколюбия, и Тебе славу возсылаем, со Отцем, и Святым Духом, ныне и присно, и во веки веков. Аминь.

## Молитва св. Василия Великого, 5-я

Вем, Господи, яко недостойне причащаюся пречистаго Твоего Тела и честныя Твоея Крове, и повинен есмь, и суд себе ям и пию, не разсуждая Тела и Крове Тебе Христа и Бога моего, но на щедроты Твоя дерзая прихожду к Тебе рекшему: ядый Мою плоть, и пияй Мою кровь, во Мне пребывает, и Аз в нем. Умилосердися убо, Господи, и не обличи мя грешнаго, но сотвори со мною по милости Твоей; и да будут ми святая сия во исцеление, и очищение, и просвещение, и сохранение, и спасение, и во освящение души и тела; во отгнание всякаго мечтания, и лукаваго деяния, и действа диавольскаго, мысленне во удесех моих действуемаго, в дерзновение и любовь, яже к Тебе; во исправление жития и утверждение, в возращение добродетели и совершенства; во исполнение за-

поведей, в Духа Свята́го общение, в напу́тие живота́ ве́чнаго, во отве́т благоприя́тен на страшнем судищи Твоем: не в суд или во осуждение.

Молитва св. Симеона Нового Богослова, 6-я

От скверных устен, от мерзкаго сердца, от нечистаго языка, от души осквернены, приими моление, Христе мой, и не презри моих ни словес, ниже образов, ниже безстудия. Даждь ми дерзновенно глаголати, яже хощу, Христе мой, паче же и научи мя, что ми подобает творити и глаголати. Согреших паче блудницы, яже уведе, где обитаеши, миро купивши, прииде дерзостне помазати Твои нозе, Бога моего, Владыки и Христа моего. Якоже ону не отринул еси пришедшую от сердца, ниже мене возгнушайся. Слове: Твои же ми подаждь нозе, и держати и целовати, и струями слезными, яко многоценным миром, сия дерзостно помазати. Омый мя слезами мойми, очисти мя ими. Слове. Остави и прегрещения моя, и прощение ми подаждь. Веси зол множество, веси и струпы моя, и язвы зриши моя, но и веру веси, и произволение зриши, и воздыхание слышиши. Не тайтся Тебе, Боже мой, Творче мой, Избавителю мой, ниже капля слезная, ниже капли часть некая. Несоделанное мое видесте очи Твои, в книзе же Твоей и еще несодеянная написана Тебе суть. Виждь смирение мое, виждь труд мой елик, и грехи вся остави ми, Боже всяческих: да чистым сердцем, притрепетною мыслию, и душею сокрушенною, нескверных Твоих причащуся и пресвятых Таин, имиже оживляется и обожается всяк ядый же и пияй чистым сердцем; Ты бо рекл еси, Владыко мой: всяк ядый Мою Плоть, и пияй Мою Кровь, во Мне убо сей пребывает, в немже и Аз есмь. Истинно слово всяко Владыки и Бога моего: божественных бо причащаяйся и боготворящих благодатей, не убо есмь един, но с Тобою, Христе мой, Светом трисолнечным, просвещающим мир. Да убо не един пребуду кроме Тебе Живодавца, дыхания моего, живота моего, радования моего, спасения миру. Сего ради к Тебе приступих, якоже зриши, со слезами, и душею сокрушенною, избавления моих прегрешений прошу прияти ми, и Твоих живодательных и непорочных Таинств причаститися неосужденно, да пребудеши, якоже рекл еси, со мною треокаянным: да не кроме обрет мя Твоея благодати, прелестник восхитит мя льстивне, и прельстив отведет боготворящих Твоих словес. Сего ради к Тебе припадаю, и тепле вопию Ти: якоже блуднаго приял еси, и блудницу пришедшую, тако приими мя блуднаго и сквернаго, Щедре. Душею сокрушенною, ныне бо к Тебе приходя, вем. Спасе, яко иный, якоже аз, не прегреши Тебе. ниже содея деяния, яже аз содеях. Но сие паки вем, яко не величество прегрешений, ни грехов множество превосходит Бога моего многое долготерпение и человеколюбие крайнее; но милостию сострастия тепле кающияся, и чистиши, и светлиши, и света твориши причастники, общники Божества Твоего соделоваяй независтно, и странное и Ангелом, и человеческим мыслем, беседуеши им многажды, якоже другом Твоим истинным. Сия дерзостна творят мя, сия вперяют мя, Христе мой. И дерзая Твоим богатым к нам благодеянием, радуяся вкупе и трепеща, огневи причащаюся трава сый, и странно чудо, орошаемь неопально, якоже убо купина древле неопальне горящи. Ныне благодарною мыслию, благодарным же сердцем, благодарными удесы мойми, души и тела моего, покланяюся и величаю, и славословлю Тя. Боже мой, яко благословенна суща, ныне же и во веки.

# Молитва св. Иоанна Златоустого, 7-я

Боже, ослаби, остави, прости ми согрешения моя, елика Ти согреших, аще словом, аще делом, аще помышлением, волею или неволею, разумом или неразумием, вся ми прости яко благ и Человеколюбец, и молитвами Пречистыя Твоей Матере, умных Твоих служителей и святых сил, и всех святых, от века Тебо благоугодивших, неосужденно благоволи прияти ми святое и пречистое Твое Тело и честную Кровь, во псцеление души же и тела, и во очищение лукавых моих помышлений. Яко Твое есть царство и сила и слава, со Отцем и Святым Духом, ныне и присно, и во веки веков. Аминь.

## Его же, 8-я

Несмь дово́лен, Владыко Господи, да вни́деши под кров души́ моея; но поне́же хо́щеши Ты, яко Человеколю́бец, жи́ти во мне, дерза́я приступа́ю; повелева́еши, да отверзу две́ри, я́же Ты еди́н созда́л еси, и вни́деши со че-

ловеколюбием якоже еси, внидеши и просвещаеши помраченный мой помысл. Верую, яко сие сотвориши: не бо блудницу, со слезами пришедшую к Тебе, отгнал еси; ниже мытаря отвергл еси покаявшася; ниже разбойника, познавша Царство Твое, отгнал еси; ниже гонителя покаявшася оставил еси, еже бе: но от покаяния Тебе пришедшия вся, в лице Твоих другов вчинил еси, Един сый благословенный всегда, ныне и в безконечныя веки. Аминь.

## Его же, 9-я

Господи Иисусе Христе, Боже мой, ослаби, остави, очисти и прости ми грешному, и непотребному, и недостойному рабу Твоему прегрешения, и согрешения, и грехопадения моя, елика Ти от юности моея, даже до настоящаго дне и часа согреших: аще в разуме и в неразумии, аще в словесех или делех, или помышлениих и мыслех, и начинаниих, и всех моих чувствах. И молитвами безсеменно рождшия Тя, Пречистыя и Приснодевы Марии, Матере Твоея, единыя непостыдныя надежды и предстательства и спасения моего, сподоби мя неосужденно причаститися пречистых, безсмертных, животворящих и страшных Твоих Таинств, во оставление грехов и в жизнь вечную: во освящение, и просвещение, крепость, исцеление, и здравие души же и тела, и в потребление и всесовершенное погубление лукавых моих помыслов, и помышлений, и предприятий, и нощных мечтаний, темных и лукавых духов; яко Твое есть царство, и сила, и слава, и честь, и поклонение, со Отцем и Святым Твоим Духом, ныне и присно, и во веки веков. Аминь.

# Молитва св. Иоанна Дамаскина, 10-я

Пред дверьми храма Твоего предстою, и лютых помышлений не отступаю; но Ты, Христе Боже, мытаря оправдивый, и хананею помиловавый, и разбойнику рая двери отверзый, отверзи ми утробы человеколюбия Твоего, и приими мя приходяща и прикасающася Тебе, яко блудницу, и кровоточивую: ова убо края ризы Твоея коснувшися, удобь исцеление прият, ова же пречистеи Твои нозе удержавши, разрешение грехов понесе. Аз же, окаянный, все Твое Тело дерзая восприяти, да не опален буду; но приими мя, якоже оныя, и просвети моя душевныя чувства, попаляя моя греховныя вины, молитвами безсеменно Рождшия Тя, и небесных сил; яко благословен еси во веки веков. Аминь.

# Молитва св. Иоанна Златоустого

Верую, Господи, и исповедую, яко Ты еси воистинну Христос, Сын Бога живаго, пришедый в мир грешныя спасти, от ниже первый есмь аз. Еще верую, яко сие есть самое пречистое Тело Твое, и сия есть самая честная Кровь Твоя. Молюся убо Тебе: помилуй мя, и прости ми прегрешения моя, вольная и невольная, яже словом, яже делом, яже ведением и неведением, и сподоби мя неосужденно причаститися пречистых Твоих Таинств, во оставление грехов, и в жизнь вечную. Аминь.

Приходя же причаститься, произноси мысленно эти стихи Метафраста:

Се́ приступа́ю к Боже́ственному Причаще́нию. Соде́телю, да не опали́ши мя приобще́нием: Огнь бо еси, недосто́йныя попаля́яй. Но у́бо очи́сти мя от вся́кия скве́рны.

## Затем:

Вечери Твоея тайныя днесь, Сыне Божий, причастника мя приими; не бо врагом Твоим тайну повем, ни лобзания Ти дам, яко Иуда, но яко разбойник исповедаю Тя: помяни мя, Господи, во Царствии Твоем.

## И стихи:

Боготворящую Кровь ужаснися, человече, зря: Огнь бо есть, недостойныя попаляяй. Божественное Тело и обожает мя и питает: Обожает дух, ум же питает странно.

# Потом тропари:

Усладил мя еси любовию, Христе, и изменил мя еси Божественным Твоим рачением; но попали огнем невещественным грехи моя, и насытитися еже в Тебе наслаждения сподоби: да ликуя возвеличаю, Блаже, два пришествия Твоя.

Во светлостех Святых Твоих како вниду, недостойный? Аще бо дерзну совнити в чертог, одежда мя обличаст, яко несть брачна, и связан извержен буду от Ангелов. Очисти, Господи, скверну души моей, и спаси мя, яко Человеколюбен.

# Также молитву:

Владыко Человеколю́бче, Господи Иисусе Христе Боже мой, да не в су́д ми бу́дут Свята́я сия́, за е́же недосто́йну ми бы́ти: но во очище́ние и освяще́ние души́ же и те́ла, и во обруче́ние бу́дущия жи́зни и ца́рствия. Мне же, е́же прилепля́тися Богу, бла́го есть, полага́ти во Го́споде упова́ние спасе́ния моего́.

И еще: Вечери Твоея тайныя...

Желающий причаститься должен достойно приготовиться к этому Святому Таинству. Приготовление это (в церковной практике оно называется говением) продолжается несколько дней и касается как телесной, так и духовной жизни человека. Телу предписывается воздержание, т.е. телесная чистота и ограничение в пище (пост) в дни поста исключается пища животного происхождения — мясо, молоко, яйца и, при строгом посте, рыба. Хлеб, овощи, фрукты употребляются в умеренном количестве. Ум не должен рассенваться

по мелочам житейским и развлекаться.

В дни говения надлежит посещать богослужение в храме, ссли позволяют обстоятельства, и более прилежно выполнять домашнее молитвенное правило: кто читает обычно не все утренние и вечерние молитвы, пусть читает все полностью, кто не читает каноны, пусть в эти дни читает хотя бы по одному канону. Накануне причащения надо быть на вечернем богослужении и прочитать дома, кроме обычных молитв на сон грядущим, канон покаянный, канон Богородице и Ангелу хранителю. Каноны читают или один за другим полностью, или соединяя таким образом: читается ирмос первой песни покаянного канон («Яко по суху...») и тропари, затем тропари первой песни канона Богородице («Многими содержимь...»), опуская ирмос «Воду прошед», и тропари канона Ангелу хранителю, тоже без ирмоса «Поим Господеви...». Так же читают и следующие песни. Тропари перед каноном Богородице и Ангелу хранителю, а также стихиры после канона Богородице в таком случае опускаются.

Читается также канон ко причащению и, кто пожелает, — акафист Иисусу Сладчайшему. После полуночи уже не едят и не пьют, ибо принято приступать к Таинству Причащения натощак. Утром прочитываются утренние молитвы и всё последование ко Святому Причащению, кроме канона, прочитанного накануне.

Перед причащечием необходима исповедь — вечером ли, или

утром, перед литургией.



# БЛАГОДАРСТВЕННЫЕ МОЛИТВЫ ПО СВЯТОМ ПРИЧАЩЕНИИ

**С**ла́ва Тебе́, Бо́же. Слава Тебе, Боже. Слава Тебе, Боже.

# Благодарственная молитва, 1-я

Благодарю Тя. Господи Боже мой, яко не отринул мя еси грешнаго, но общника мя быти святынь Твоих сподобил еси. Благодарю Тя, яко мене недостойнаго причаститися пречистых Твоих и небесных Даров сподобил еси. Но Владыко Человеколюбче, нас ради умерый же и воскресый, и даровавый нам страшная сия и животворящая Таинства, во благодеяние и освящение душ и телес наших, даждь быти сим и мне во исцеление души же и тела, во отгнание всякаго сопротивнаго. в просвещение очию сердца моего, в мир душевных мойх сил, в веру непостыдну, в любовь нелицемерну, во исполнение премудрости, в соблюдение заповедей Твоих, в приложение Божественныя Твоея благодати, и Твоего Царствия присвоение: да во святыни Твоей теми сохраняемь, Твою благодать поминаю всегда, и не ктому себе живу, но Тебе нашему Владыце и благодетелю; и тако сего жития изшед о надежди живота вечнаго, в присносущный достигну покой, идеже празднующих глас непрестанный, и безконечная сладость, зрящих Твоего лица доброту неизреченную. Ты бо еси истинное желание, и неизреченное веселие любящих Тя, Христе Боже наш, и Тя поет вся тварь во веки. Аминь.

## Молитва святого Василия Великого, 2-я

Владыко Христе Боже, Царю веков и Содетелю всех, благодарю Тя о всех, яже ми еси подал благих, и

о причащении пречистых и животворящих Твоих Таинств. Молю убо Тя, Блаже и Человеколюбче: сохрани мя под кровом Твоим, и в сени крилу Твоею; и даруй ми чистою совестию, даже до последняго моего издыхания, достойно причащатися святынь Твоих, во оставление грехов и в жизнь вечную. Ты бо еси хлеб животный, источник святыни, Податель благих, и Тебе славу возсылаем, со Отцем и Святым Духом, ныне и присно, и во веки веков. Аминь.

# Молитва Симеона Метафраста, 3-я

Давый пищу мне плоть Твою волею, огнь сый п опаляяй недостойныя, да не опалиши мене, Содетелю мой; паче же пройди во уды моя, во вся составы, во утробу, в сердце. Попали терние всех моих прегрешений. Душу очисти, освяти помышления. Составы утверди с костьми вкупе. Чувств просвети простую пятерицу. Всего мя спригвозди страху Твоему. Присно покрый, соблюди же, и сохрани мя от всякаго дела и слова душетленнаго. Очисти, и омый, и украси мя, удобри, вразуми, и просвети мя. Покажи мя Твое селение единаго Духа, и не ктому селение греха. Да яко Твоего дому, входом причащения, яко огня мене бежит всяк злодей. всяка страсть. Молитвенники Тебе приношу вся святыя, чиноначалия же безплотных, Предтечу Твоего, премудрыя апостолы, к сим же Твою нескверную чистую Матерь, ихже мольбы, Благоутробне, принми, Христе мой, и сыном света соделай Твоего служителя. Ты бо еси освящение и единый наших. Блаже, душ и светлость: и Тебе лепоподобно, яко Богу и Владыце, славу вси возсылаем на всяк день.

## Молитва 4-я

Те́ло Твое святое, Господи Иисусе Христе Боже наш, да будет ми в живо́т вечный, и Кровь Твоя честна́я во оставле́ние грехов: бу́ди же ми благодаре́ние сне в радость, здравие и веселие; в страшное же и второе пришествие Твое сподо́би мя грешнаго ста́ти одесну́ю славы Твоея́, молитвами Пречи́стыя Твоея́ Матере, и всех святых.

# Молитва 5-я, ко Пресвятой Богородице

Пресвятая Владычице Богородице, свете помраченныя моея души, надеждо, покрове, прибежище, утешение, радование мое, благодарю Тя яко сподобила мя еси, недостойнаго, причастника быти пречистаго Тела и честныя Крове Сына Твоего. Но рождшая истинный Свет, просвети моя умныя очи сердца: Яже источник безсмертия рождшая, оживотвори мя умершвленнаго грехом: Яже милостиваго Бога любоблагоутробная Мати, помилуй мя, и даждь ми умиление, и сокрушение в сердце моем, и смирение в мыслех моих, и воззвание в пленениих помышлений моих: и сподоби мя, до последняго издыхания, неосужденно приимати пречистых Таин освящение, во исцеление души же и тела. И подаждь ми слезы покаяния и исповедания, во еже пети и славити Тя во вся дни живота моего, яко благословенна и препрославленна еси во веки. Аминь.

Ныне отпущаеши раба Твоего, Владыко, по глаголу Твоему с миром: яко видеста очи мои спасение Твое, еже еси уготовал пред лицем всех людей, свет во откровение языков и славу людей Твоих Израиля.

Трисвятое. Пресвятая Троице... Отче наш...

Тропарь святому Иоанну Златоустому, глас 8-й:

Уст твоих, якоже светлость огня, возсиявши благодать, вселенную просвети; не сребролюбия мирови сокровища сниска, высоту нам смиренномудрия показа, но твоими словесы наказуя, отче Иоанне Златоусте, моли Слова Христа Бога спастися душам нашим.

## Кондак, глас 6-й

Слава: От небес приял еси Божественную благодать, и твоими устнами вся учищи покланятися в Троице Единому Богу, Иоанне Златоўсте всеблаженне, преподобне, достойно хвалим тя: еси бо наставник, яко божественная являя.

И ныне: Предстательство христиан непостыдное, ходатайство ко Творцу непреложное, не презри грешных молений гласы, но предвари, яко Благая, на помощь нас, верно зовущих Ти: ускори на молитву, и потщися на умоление, предстательствующи приспо, Богородице, чтущих Тя.

Если совершалась литургия святого Василия Великого, читай тропарь Василию Великому, глас 1-й:

Во всю землю изы́де веща́ние твое, я́ко прие́мшую сло́во твое, и́мже боголе́пно научил еси, естество сущих уясни́л еси, челове́ческия обы́чаи украси́л еси, ца́рское свяще́ние, о́тче преподо́бне, моли́ Христа Бога, спасти́ся душа́м нашим.

## Кондак, глас 4-й

Слава: Явился еси основание непоколебимое церкве, подая всем некрадомое господство человеком, запечатлея твоими веленьми, небоявление Василие преподобне.

И ныне: Предстательство христиан...

Если совершалась литургия Преждеосвященных Даров, читай тропарь святому Григорию Двоеслову, глас 4-й:

Иже от Бога свыше Божественную благодать восприем, славне Григорие, и Того силою укрепляемь, евангельски шествовати изволил еси, отонудуже у Христа возмездие трудов приял еси, всеблажение: Егоже моли, да спасет души наша.

## Кондак, глас 3-й

Слава: Подобонача́льник показа́лся еси Нача́льника па́стырем Христа, и́ноков чреды́, отче Григо́рие, ко огра́де небесней наставляя, и отту́ду научил еси ста́до Христово за́поведем Его: ныне же с ними ра́дуешися, и лику́еши в небе́сных кро́вех.

И ныне: Предстательство христиан...

Господи, помилуй (12). Слава, и ныне. Честнейшую Херувим...

После причащения да пребывает каждый в чистоте, воздержании и немногословии, чтобы достойно сохранить в себе Христа принятого.



# ТРОПАРИ, КОНДАКИ И ВЕЛИЧАНИЯ

# на праздники Господни, Богородичны, святых великих и икон Божией Матери

в порядке церковного года, который начинается с сентября (Даты указаны по старому стилю)

#### 1 сентября. Новолетие

## Тропарь, глас 2-й

Всея твари Содетелю, времена и лета во Своей власти положивый, благослови венец лета благости Твоея, Господи, сохраняя в мире люди и град Твой, молитвами Богородицы, и спаси ны.

## Кондак, глас 2-й

В вышних живый, Христе Царю, всех видимых и невидимых Творче и Зиждителю, Иже дни и нощи, времена и лета сотворивый, благослови ныне венец лета: соблюди и сохрани в мире град и люди Твоя, Многомилостиве.

## 8 сентября. Рождество Пресвятой Богородицы

## Тропарь, глас 4-й

Рождество Твое Богородице Дево, радость возвести всей вселенней: из Тебе бо возсия Солнце правды Христос Бог наш, и разрушив клятву, даде благословение, и упразднив смерть, дарова нам живот вечный.

## Кондак, глас 4-й

Иоаким и Анна поношения безчадства, и Адам и Ева от тли смертныя свободистася, Пречистая, во святем рождестве Твоем. То граздиуют и людие Твои, вины прегрешений избавлышеся, внегда звати Ти: неплоды раждает Богородицу и питательницу жизни нашея.

#### Величание

Величаем Тя, Пресвятая Дево, и чтим святых Твойх родителей, и всеславное славим рождество Твое.

## 14 сентября. Воздвижение Честнаго и Животворящаго Креста

## Тропарь, глас 1-й

Спаси, Господи, люди Твоя и благослови достояние Твое, победы на сопротивныя даруя, и Твое сохраняя Крестом Твоим жительство.

#### Кондак, глас 4-й

Вознесыйся на Крест волею, тезоименитому Твоему новому жительству щедроты Твоя даруй, Христе Боже; возвесели нас силою Твоею, победы дая нам на супостаты, пособие имущим Твое, оружие мира, непобедимую победу.

#### Величание

Величаем Тя, Живодавче Христе, и чтим Крест Твой святый, имже нас спасл еси от работы вражия.

#### 25 сентября. Преподобного Сергия Радонежского

## Тропарь, глас 4-й

Иже добродетелей подвижник, яко истинный воин Христа Бога, на страсти вельми подвизался еси в жизни временней, в пениих, бдениих же и пощениих образ быв твоим учеником, темже и вселися в тя Пресвятый Дух, Егоже действием светло украшен еси; но яко имея дерэновение ко Святей Троице, поминай стадо, еже собрал еси мудре, и не забуди, якоже обещался еси, посещая чад твоих, Сергие Преподобне отче наш.

## Кондак, глас 8-й

Христовою любовию уязвився, Преподобне, и Тому невозвратным желанием последовав, всякое наслаждение плотское возненавидел еси, и яко солнце отечеству твоему возсиял еси, тем и Христос даром чудес обогати тя. Поминай нас, чтущих пресветлую память твою, да зовем ти: радуйся, Сергие богомудре.

# 26 сентября. Преставление святого апостола и евангелиста Иоанна Богослова

## Тропарь, глас 2-й

Апостоле, Христу́ Бо́гу возлю́бленне, ускори́ изба́вити лю́ди безотве́тны; прие́млет тя припа́дающа Иже па́дша на пе́рси прие́мый, Его́же моли́, Богосло́ве, и належа́щую мглу язы́ков разгна́ти, прося́ нам ми́ра и ве́лия ми́лости.

## Кондак, глас 2-й

Величия твоя, девственниче, кто повесть? Точиши бо чудеса и изливаеши исцеления, и молишися о душах наших, яко Богослов и друг Христов.

#### Величание

Величаем тя, апостоле Христов и Евангелисте Иоанне Богослове, и чтим болезни и труды твоя, имиже трудился еси во благовестин Христове.

## 1 октября. Покров Пресвятой Богородицы

## Тропарь, глас 4-й

Днесь, благовернии людие, светло празднуем, осеняеми Твоим, Богомати, пришествием, и к Твоему этому пречистому образу умильно глаголем: покрый нас честным Твоим покровом и избави нас от всякаго эла, молящи Сына Твоего, Христа Бога нашего, спасти души наша.

#### Кондак, глас 3-й

Дева днесь предстойт в церкви и с лики святых невидимо за ны молится Богу: Ангели со архиерей покланяются, апостоли же со пророки ликовствуют: нас бо ради молит Богородица превечнаго Бога.

#### Величание

Величаем Тя, Пресвятая Дево, и чтим Покров Твой честный, Тя бо виде святый Андрей на воздусе, за ны Христу молящуюся.

# 5 октября. Святителей Московских: Петра, Алексия, Ионы, Филиппа и Ермогена.

## Тропарь, глас 4-й

Первопрестольницы Российстии, истиннии хранителие апостольских преданий, столпи непоколебимии, православия наставницы, Петре, Алексие, Ионо, Филиппе и Ермогене, Владыку всех молите мир вселенией даровати и душам нашим велию милость.

## Кондак, глас 3-й

Во святителех благочестно пожисте, и люди к богоразумию настависте, и добре Богу угодисте. Сего ради от Него нетлением и чудесы прославистеся, яко ученицы Божия благодати.

## 13 октября. Иверской иконы Пресвятой Богородицы

(празднование также 12 февраля и во вторник Светлой седмицы)

## Тропарь, глас 1-й

От святыя иконы Твоея, о, Владычице Богородице, исцеления и цельбы подаются обильно с верою и любовию приходящим к ней: тако и мою немощь посети, и душу мою помилуй, Благая, и тело исцели благодатию Твоею, Пречистая.

# Кондак, глас 8-й

Аще и в море ввержена бысть святая икона Твоя, Богородице, от вдовицы не могущия спасти сию от врагов, но явилася есть храпительница Афона и вратарница обители Иверския, враги устрашающая и в православней Российстей стране чтущия Тя от всех бед и напастей избавляющая.

## 22 октября (и 8 июля). Казанской иконы Пресвятой Богородицы.

## Тропарь, глас 4-й

Заступнице усердная, Мати Господа Вышняго, за всех молиши Сына Твоего Христа Бога нашего, и всем твориши спастися, в державный Твой покров прибегающим. Всех нас заступи, о, Госпоже, Царице и Владычице, иже в напастех и в скорбех и в болезнех, обремененных грехи многими, предстоящих и молящихся Тебе умиленою душею и сокрушенным сердцем пред пречистым Твоим образом со слезами, и невозвратно надежду имущих на Тя избавления всех зол, всем полезная даруй и вся спаси, Богородице Дево: Ты бо еси Божественный покров рабом Твоим.

## Кондак, глас 8-й

Притецем, людне, к тихому сему и доброму пристанищу, скорой Помощнице, готовому и теплому спасению, покрову Девы; ускорим на молитву и потщимся на покаяние: источает бо нам неоскудныя милости Пречистая Богородица, предваряет на помощь и избавляет от великих бед и зол благонравныя и богобоящияся рабы Свол.

#### Величание

Величаем Тя, Пресвятая Дево, Богонзбранная Отроковице, и чтим образ Твой святый, имже точиши исцеления всем с верою притекающим.

(Это величиние поем и во все праздники в честь икон Божией Матери.)

24 октября. Празднование в честь иконы «Всех скорбящих радость»

## Стихира, глас 2-й

Всех скорбящих радосте и обидимых заступище, и алчущих питательнице, странных утешение, обуреваемых пристанище, больных посещение, немощных покрове и заступище, жезле старости, Мати Бога Вышняго Ты еси, Пречистая: потщися, молимся, спастися рабом Твоим.

Кондак, глас 6-й: Не имамы иныя помощи... (стр. 32)

8 ноября. Собор Архистратига Михаила и прочих Бесплотных сил

Тропарь и кондак см. на стр. 109

#### Величание

Величаем вас, Архангели и Ангели и вся воинства, Херувими и Серафими, славящия Господа.

## 21 ноября. Введение во храм Пресвятой Богородицы

## Тропарь, глас 4-й

Днесь благоволения Божия предображение и человеков спасения проповедание, в храме Божии ясно Дева является и Христа всем предвозвещает. Той и мы велегласно возопиим: радуйся, смотрения Зиждителева исполнение.

#### Кондак, глас 4-й

Пречистый храм Спасов, многоценный чертог и Дева, священное сокровище славы Божия, днесь вводится в дом Господень, благодать совводящи, яже в Дусе Божественном, Юже воспевают Ангели Божии; Сия есть селение небесное.

#### Величание

Величаем Тя, Пресвятая Дево, Богоизбранная Отроковице, и чтим еже в храм Господень вхождение Твое.

## 30 ноября. Святого апостола Андрея Первозванного

## Тропарь, глас 4-й

Яко апостолов первозванный и верховнаго сущий брат Владыце всех, Андрее, молися, мир вселенней даровати и душам нашим велию милость.

## Кондак, глас 2-й

Мужества тезоименитаго богоглагольника и Церкве возследователя верховнаго, Петрова сродника восхвалим: зане якоже древле сему, и ныне нам воззва: приидите, обретохом Желаемаго.

## 6 декабря. Святителя Николая, архиепископа Мирликийского

## Тропарь, глас 4-й

Правило веры и образ крогости, воздержания учителя яви тя стаду твоему яже вещей истина; сего ради стяжал еси смирением высокая, нищетою богатая, отче священноначальниче Николае, моли Христа Бога спастися душам нашим.

## Кондак, глас 3-й

В Мирех, святе, священнодействитель показался еси: Христово бо, преподобие, Евангелие исполнив, положил еси душу твою о людех твоих, и спасл еси неповинныя от смерти; сего ради освятился еси, яко великий тайнник Божия благодати.

#### Величание

Величаем тя, святителю отче Николае, и чтим святую память твою, ты бо молиши за нас Христа Бога нашего.

#### 25 декабря. Рождество Господа Бога и Спаса нашего Инсуса Христа

#### Тропарь, глас 4-й

Рождество Твое, Христе Боже наш, возсия мирови свет разума, в нем бо звездам служащии звездою учахуся Тебе кланятися, Солнцу правды, и Тебе ведети с высоты Востока. Господи, слава Тебе!

## Кондак, глас 3-й

Дева днесь Пресущественнаго раждает, и земля верте́п Непристу́пному прино́снт; Ангели с па́стырьми славосло́вят, волсви́ же со звездо́ю путеше́ствуют; нас бо ра́ди роди́ся Отроча́ мла́до, преве́чный Бог.

#### Величание

Величаем Тя, Живодавче Христе, нас ради ныне плотию рождшагося от безневестныя и Пречистыя Девы Марии.

# 1 января. Обрезание Господа нашего Иисуса Христа и память святителя Василия Великого

## Тропарь Обрезанию, глас 1-й

На престоле огнезрачнем в вышних седяй со Отцем безначальным и Божественным Твоим Духом, благоволил еси родитися на земли от Отроковицы, неискусомужныя Твоея Матере, Иисусе; сего ради и обрезан был еси, яко человек осмодневный. Слава всеблагому Твоему совету, слава смотрению Твоему, слава снизхождению Твоему, едине Человеколюбче.

## Тропарь святителю, глас 1-й

Во всю землю изыде вещание твог, яко приемшую слово твое, имже боголенно научил еси, естество сущих уяснил еси, человеческия обычаи украсил еси, царское священие, отче преподобне, моли Христа Бога, спастися душам нашим.

## Кондак, глас 3-й

Всех Господь обрезание терпит, и человеческая прегрешения, яко благ, обрезует: дает спасение днесь миру; радуется же в вышних и Создателев нерарх; и светоносный, Божественный тайнник Христов Василий.

## Кондак святителю, глас 4-й

Явился еси основание непоколебимое Церкве, подая всем некрадомое господство человеком, запечатлея твоими веленьми, небоявленне Василие преподобне.

## 2 января (и 19 июля). Преподобного Серафима Саровского

## Тропарь, глас 4-й

От ю́ности Христа́ возлюби́л еси, блаже́нне, и Тому́ Еди́ному рабо́тати пла́менне вожделе́в, непреста́нною моли́твою и трудо́м в пусты́ни подвиза́лся еси́, умиле́нным же се́рдцем любо́вь Христо́ву

стяжав, избранник возлюблен Божия Матере явился еси. Сего ради вопнем ти: спасай нас молитвами твоими, Серафиме, преподобне отче наш.

#### Кондак, глас 2-й

Мира красоту и яже в нем тленная оставив, преподобне, в Саревскую обитель вселился еси; и тамо ангельски пожив, многим путь был еси ко спасению. Сего ради и Христос тебе, отче Серафиме, прослави, и даром исцелений и чудес обогати. Темже вопием ти: радуйся, Серафиме, прсподобне отче наш.

#### 6 января. Крещение Господне. Богоявление

## Тропарь, глас 1-й

Во Иордане крещающуся Тебе, Господи, Троическое явися поклонение: Родителев бо глас свидетельствоваше Тебе, возлюбленнаго Тя Сына именуя, и Дух, в виде голубине, извествоваше словесе утверждение. Явлейся, Христе Боже, и мир просвещей, слава Тебе.

#### Кондак, глас 4-й

Явился еси днесь вселенней, и свет Твой, Господи, знаменася на нас, в разуме поющих Тя; пришел еси и явился еси, Свет неприступный.

#### Величание

Величаем Тя, Живодавче Христе, нас ради ныне плотню крестившагося от Иоанна в водах Иорданских.

## Тропари на водоосвящении, глас 8-й

Глас Госпо́день на вода́х вопие́т глаго́ля: прииди́те, приими́те вси Ду́ха прему́дрости, Духа ра́зума, Духа стра́ха Божия, я́вльшагося Христа.

Днесь вод освящается естество, и разделяется Иордан, и своих вод возвращает струй, Владыку зря крещаема.

Яко человек на реку пришел еси, Христе Царю, и рабское крещение прияти тщишися, Блаже, от Предтечеву руку, грех ради наших, Человеколюбче!

Слава, и ныне: Ко гла́су вопиющаго в пусты́ни, угото́вайте путь Госпо́день, прише́л еси, Господи, зрак ра́бий прии́м, креще́ния прося́, не ве́дый греха́. Ви́деша Тя во́ды и убоя́шася, тре́петен бысть Предте́ча, и возопи́ глаго́ля: ка́ко просвети́т свети́льник Све́та, ка́ко ру́ку положи́т раб на Влады́ку? Освяти́ мене и во́ды, Спа́се, взе́мляй ми́ра грех.

#### 30 января. Трех святителей: Василия Великого, Григория Богослова и Иоанна Златоустого

## Тропарь, глас 4-й

Яко апостолов единонравнии и вселенныя учителие, Владыку всех молите, мир вселенней даровати и душам нашим велию милость.

#### Кондак, глас 2-й

Священныя и боговещанныя проповедники, верх учителей, Господи, приял еси в наслаждение благих Твоих и упокоение; труды бо онех и смерть приял еси паче всякаго всеплодия, Едине прославляяй святыя Твоя.

#### Величание

Величаем вас, святителие Василие, Григорие и Иоанне, и чтим святую память вашу; вы бо молите за нас Христа Бога нашего.

## 2 февраля. Сретение Господа нашего Иисуса Христа

## Тропарь, глас 1-й

Радуйся, Благода́тная Богоро́дице Де́во, из Тебе́ бо возсия́ Со́лнце пра́вды, Христос Бог наш, просвеща́яй су́щия во тьме. Вессли́ся и ты, ста́рче пра́ведный, приемый во объя́тия Свободи́теля душ наших, да́рующаго нам воскресе́ние.

#### Кондак, глас 1-й

Утробу Девичу освятивый рождеством Твоим, и руще Симеоне благословивый, якоже подобаше, предварив, и ныне спасл еси нас, Христе Боже; но умири во бранех жительство, едине Человеколюбче.

#### Величание

Величаем Тя, Живодавче Христе, и чтим Пречистую Матерь Твою, Еюже по закону ныне принеслся еси в храм Господень.

## 25 марта. Благовещение Пресвятой Богородицы

## Тропарь, глас 4-й

Днесь спасения нашего главизна, и еже от века таинства явление; Сын Божий Сын Девы бывает, и Гавриил благодать благовествует. Темже и мы с ним Богородице возопиим: радуйся, Благодатная, Господь с Тобою.

Кондак, глас 8-й: Взбранной Воеводе... (стр. 20)

#### Величание

Архангельский глас вопием Ти, Чистая: радуйся, Благодатная, Господь с Тобою.

## 9 мая. Перенесение мощей Святителя и Чудотворца Николая

## Тропарь, глас 4-й

Приспе день светлаго торжества, град Барский радуется, и с ним вселенная вся ликовствует песньми и пеньми духовными; днесь бо священное торжество, в пренесение честных и многоцелебных мощей Святителя и Чудотворца Николая, якоже солнце незаходимое возсия светозарными лучами, и разгоняя тьму искушений же и бед от вопиющих верно: спасай нас, яко предстатель наш, великий Николае.

#### Кондак, глас 3-й

Взыдоша, яко звезда, от востока до запада твоя мощи, святителю Николае, море же освятися шествием твоим, и град Барский приемлет тобою благодать: нас бо деля явился еси, чудотворец изящный, предивный и милостивый.

#### 11 мая. Святых равноапостольных Мефодия и Кирилла, учителей Словенских

## Тропарь, глас 4-й

Яко апостолом единонравнии и Словенских стран учителие, Кирилле и Мефодие богомудрии, Владыку всех молите, вся языки Словенския утвердити в православии и единомыслии, умирити мир и спасти души наша.

## Кондак, глас 3-й

Священную двоицу просветителей наших почтим, Божественных писаний преложением источник богопознания нам источивших, из негоже даже до днесь неоскудно почерпающе ублажаем вас, Кнрилле и Мефодие, Престолу Вышняго предстоящих и тепле молящихся о душах наших.

#### Величание

Величаем вас, святии равноапостольнии Мефодие и Кирилле, вся Словенския страны ученьми свойми просветившия и ко Христу приведшия.

## 21 мая. Сретение чудотвориой иконы Владимирской

(Праздники этой иконе также 23 июня и 26 августа)

## Тропарь, глас 4-й

Днесь светло красуется славнейший град Москва, яко зарю солнечную восприймши, Владычице, чудотворную Твою икону, к нейже ныне мы притекающе и молящеся, Тебе взываем сице: о, пречудная Владычице Богородице, молися из Тебе воплощенному Христу Богу нашему, да избавит град сей и вся грады и страны христианския певредимы от всех навет вражиих, и спасет души наша, яко Милосерд.

## Кондак, глас 8-й

Взбранной Воево́де победи́тельная, яко изба́вльшеся от злых прише́ствием Твоего́ честна́го о́браза, Влады́чице Богоро́дице, све́тло сотворя́ем пра́зднество сре́тения Твоего́ и обы́чно зове́м Ти: радуйся, Неве́сто Неневе́стная.

#### 24 июня. Рождество святого Пророка, Предтечи и Крестителя Иоанна

## Тропарь, глас 4-й

Пророче и Предтече пришествия Христова, достойно восхвалити тя недоумеем мы, любовию чтущии тя: неплодство бо рождшия и отчее безгласие разрешися славным и честным твоим рождеством, и воплощение Сына Божия мирови проповедуется.

#### Кондак, глас 3-й

Прежде неплоды днесь Христова Предтечу раждает, и той есть исполнение всякаго пророчества: Егоже бо пророцы проповедаща, на Сего во Иордане руку положив, явися Божия Слова пророк, проповедник, вкупе и Предтеча.

#### Величание

Величаем тя, Предтече Спасов Иоанне, и чтим еже от неплодове преславное рождество твое.

## 29 июня. Святых первоверховных апостолов Петра и Павла

#### Тропарь, глас 4-й

Апостолов первопрестольницы, и вселенныя учителие, Владыку всех молите, мир вселенней даровати, и душам нашим велию милость.

## Кондак, глас 2-й

Твердыя и боговещанныя проповедатели, верх апостолов Твоих, Господи, приял еси в наслаждение благих Твоих и покой; болезни бо онех и смерть приял еси паче всякаго всеплодия, Едине сведый сердечная.

#### Величание

Величаем вас, апостоли Христовы Петре и Павле, весь мир ученьми своими просветившия и вся концы ко Христу приведшия.

## 11 июля. Св. равноапостольной княгини Российской Ольги

## Тропарь, глас 1-й

Крилами богоразумия вперивши твой ум, возлетела еси превыше видимыя твари; взыскавши Бога и Творца всяческих, и Того обретши, пакирождение крещением прияла еси; древа животнаго наслаждающися, нетленна во веки пребываеши, Ольго приснославная.

#### Кондак, глас 4-й

Воспоем днесь Благодетеля всех Бога, прославльшаго в России Ольгу богомудрую, да молитвами ея подаст душам нашим грехов оставление.

#### Величание

Величаем тя, святая благоверная княгиня Российская Ольго, и чтим святую память твою, ты бо молиши о нас Христа, Бога нашего.

#### 15 июля. Св. равноапостольного князя Владимира

#### Тропарь, глас 4-й

Уподобился есй купцу, ищущему добраго бисера, славнодержавный Владимире, на высоте стола седя матере градов, богоспасаемаго Киева; испытуя же и посылая к Царскому Граду уведети православную веру, обрел еси безценный бисер, Христа, избравшаго тя яко втораго Павла, и оттрясшаго слепоту во святей купели, душевную вкупе и телесную. Темже празднуем твое успение, людие твой суще: моли спастися державы твоея Российския начальником и множеству владомых.

#### Кондак, глас 8-й

Подобствовав великому апостолу Павлу, в сединах, всеславне Владимире, вся, яко младенческая мудрования, яже о идолех тщания оставль, яко муж совершенный, украсился еси божественнаго крещения багряницею; и ныне Спасу Христу в веселии предстоя, моли спастися державы Российския начальником и множеству владомых.

#### Величание

Величаем тя, святый равноапостольный княже Владимире, и чтим святую память твою, идолы поправшаго и всю Российскую землю святым крещением просветившаго.

## 20 июля. Святого славного пророка Илии

## Тропарь, глас 4-й

Во плоти Ангел, пророков основание, вторый предтеча пришествия Христова Илиа славный, свыше пославый Елисееви благодать недуги отгоняти и прокаженныя очищати, темже и почитающим его точит исцеления.

## Кондак, глас 2-й

Пророче и провидче великих дел Бога нашего, Илие великоимените, вещанием твоим уставивый водоточныя облаки, моли о нас единаго Человеколюбца.

#### Величание

Величаем тя, святый пророче Божий Илие, и почитаем еже на колеснице отнешней преславное восхождение твое.

## 6 августа. Преображение Господа нашего Иисуса Христа

## Тропарь, глас 7-й

Преобрази́лся еси на горе́, Христе́ Бо́же, показа́вый ученико́м Твоим сла́ву Твою, я́коже можа́ху; да возсия́ет и нам гре́шным свет Твой присносу́щный, моли́твами Богородицы, Светода́вче, слава Тебе.

#### Кондак, глас 7-й

На горе преобразился еси, и якоже вмещаху ученицы Твои, славу Твою, Христе Боже, видеша; да егда Тя узрят распинаема, страдание убо уразумеют вольное, мирови же проповедят, яко Ты еси воистинну Отчее сияние.

#### Величание

Величаем Тя, Живодавче Христе и почитаем пречистыя плоти Твоея преславное преображение.

## 15 августа. Успение Пресвятой Богородицы

## Тропарь, глас 1-й

В рождестве девство сохранила еси, во успении мира не оставила еси, Богородице, преставилася еси к животу, Мати сущи Живота, и молитвами Твоими избавляещи от смерти души наша.

#### Кондак, глас 2-й

В молитвах неусыпающую Богородицу и в предстательствах непреложное упование, гроб и умерщвление не удержаста: якоже бо Живота Матерь, к животу престави во утробу Вселивыйся присподевственную.

#### Величание

Величаем Тя, Пренепорочная Мати Христа Бога нашего, и всеславное славим успение Твое.

# 16 августа. Нерукотворенного образа Господа нашего Инсуса Христа Тропарь. глас 2-й

Пречистому образу Твоему покланяемся, Благий, просяще прощения прегрешений наших, Христе Боже: волею бо благоволил еси плотию взыти на крест, да избавиши яже создал еси от работы вражия. Тем благодарственно вопием Ти: радости исполнил еси вся, Спасе наш, прищедый спасти мир.

## Кондак, глас 2-й

Неизреченнаго и Божественнаго Твоего к человеком смотрения, Неописанное Слово Отчее, и образ неписанный и богописанный победителен ведуще неложного Твоего воплощения, почитаем того лобызающе.

#### Величание

Величаем Тя, Живодавче Христе, и почитаем пречистаго лика Твоего преславное воображение.

# 29 августа. Усекновение главы Предтечи и Крестителя Иоанна

## Тропарь, глас 2-й

Память праведнаго с похвалами, тебе же довлеет свидетельство Господне, Предтече: показал бо ся еси войстинну и пророжов честнейший, яко и в струях крестити сподобился еси Проповеданнаго.

Темже за истину пострадав радуяся, благовестил еси и сущим во аде Бога явльшагося плотию, вземлющаго грех мира и подающаго нам велию милость.

#### Кондак, глас 5-й

Предтечево славное усекновение, смотрение бысть некое Божественное, да и сущим во аде Спасово проповесть пришествие; да рыдает убо Иродиа, беззаконное убийство испросивши: не закон бо Божий, ни живый век возлюби, но притворный, привременный.

#### Величание

Величаем тя, Крестителю Спасов Иоанне, и почитаем вси честныя твоея главы усекновение.

# МОЛИТВОСЛОВИЯ ИЗ ТРИОДЕЙ ПОСТНОЙ И ЦВЕТНОЙ

#### В Неделю мытаря и фарисея

Покаяния отверзи ми двери, Жизнодавче, утренюет бо дух мой ко храму святому Твоему, храм носяй телесный весь осквернен; но яко щедр, очисти благоутробною Твоею милостию.

На спасения стези настави мя, Богородице, студными бо окаля́х душу грехми и в лености все житие мое иждих; но Твоими молитвами избави мя от всякия нечистоты.

## Неделя Ваий (Вход Господень в Иерусалим)

## Тропари, глас 1-й и 4-й

Общее воскресение прежде Твоея страсти уверяя, из мертвых воздвигл еси Лазаря, Христе Боже. Темже и мы, яко отроцы победы знамения носяще, Тебе победителю смерти вопием: осанна в вышних, благословен грядый во имя Господне.

Спогребшеся Тебе крещением, Христе Боже наш, безсмертныя жизни сподобихомся воскресением Твоим, и воспевающе зовем: осанна в вышних, благословен грядый во имя Господне.

## Кондак, глас 6-й

На престоле на небеси, на жребяти на земли носимый, Христе Боже, Ангелов хваление и детей воспевание приял еси зовущих Ти: благословен еси, грядый Адама воззвати.

## Светлое Христово Воскресение. ПАСХА

#### Стихира, глас 6-й

Воскресение Твое, Христе Спасе, Ангели поют на небесех, и нас на земли сподоби чистым сердцем Тебе славити.

## Тропарь, глас 5-й

Христос воскресе из мертвых, смертию смерть поправ и сущим во гробех живот даровав.

#### Кондак, глас 8-й

Аще и во гроб спизшел еси, Безсмертне, но адову разрушил еси силу, и воскресл еси, яко Победитель, Христе Боже, женам мироносицам вещавый: радуитеся! и Твоим апостолом мир даруяй, падшим подаяй воскресение.

Воскресение Христово видевше, поклонимся Святому Господу Инсусу, единому безгрешному, Кресту Твоему покланиемся, Христе, и святое воскресение Твое поем и славим: Ты бо еси Бог наш, разве Тебе иного не знаем, имя Твое именуем. Приндите, вси вернин, поклонимся святому Христову воскресению; се бо прийде Крестом радость всему миру; всегда благословище Господа, поем воскресение Его, распятие бо претерпев, смертию смерть разруши.

## Вознесение Господа нашего Иисуса Христа

## Тропарь, глас 4-й

Вознеслся есй во славе, Христе Боже наш, радость сотворивый учеником обетованием Святаго Духа, извещенным им бывшим благословением, яко Ты еси Сын Божий, Избавитель мира.

## Кондак, глас 6-й

Еже о нас исполнив смотрение, и яже на земли соединив небесным, вознеслся еси во славе, Христе Боже наш, никакоже отлучаяся, но пребывая неотступный, и вопия любящим Тя: Аз есмь с вами и никтоже на вы.

#### Величание

Велича́ем Тя, Живода́вче Христе́, и почита́ем е́же на небеса́ с пречи́стою Твое́ю Пло́тию Боже́ственное вознесе́ние.

## Пятидесятница. День Святой Троицы

## Тропарь

Благословен еси, Христе Боже наш, Иже премудры ловцы явлей, пизпослав им Духа Святаго, и теми уловлей вселенную, Человеколюбче, слава Тебе.

#### Кондак

Егда снизшед языки слия, разделяще языки Вышний, егда же отненныя языки раздаяще, в соединение вся призва; и согласно славим Всесвятаго Духа.

#### Величание

Величаем Тя, Живодавче Христе, и чтим Всесвятато Духа Твоего, Егоже от Отца послал еси Божественным учеником Твоим.

#### Неделя 1-я по Пятидесятнице, Всех святых

## Тропарь, глас 4-й

Иже во всем мире мученик Твоих, яко багряницею и виссом, кровьми Церковь Твоя украсившися, теми вопиет Ти, Христе Боже; людем Твоим щедроты Твоя низпосли, мир жительству Твоему даруй и душам нашим велию милость.

#### Кондак, глас 8-й

Яко начатки естества, Насадителю твари, вселенная приносит Ти, Господи, богоносныя мученики; тех молитвами в мире глубоце Церковь Твою, жительство Твое Богородицею соблюди, Многомилостиве.

Неделя 2-я по Пятидесятнице, всех святых, в земле Российстей просиявших

## Тропарь, глас 8-й

Якоже плод красный Твоего спасительнаго сеяния, земля Российская приносит Ти, Господи, вся святыя, в той просиявшия Тех молитвами в мире глубоце Церковь и страну нашу Богородицею соблюди, Многомилостиве.

## Кондак, глас 3-й

Днесь лик святых в земли нашей Богу угодивших предстонт в церкви и невидимо за ны молится Богу; Ангели с ним славословят и вси святии Церкве Христовы ему спразднуют: о нас бо молят вси купно Превечнаго Бога.

# ТРОПАРИ, БОГОРОДИЧНЫ И КОНДАКИ ВОСКРЕСНЫЕ ВОСЬМИ ГЛАСОВ

#### Глас первый. Дсгматик

Всемирную славу от человек прозябшую и Владыку рождшую, небесную дверь, воспоим Марию Деву, безплотных псснь и верных удобрение; Сия бо явися небо и храм Божества; Сия преграждение вражды разрушивши, мир введе и Царствие отверзе. Сию убо имуще веры утверждение, поборника имамы из Нея рождшагося Господа. Дерзайте убо, дерзайте, людие Божии: ибо Той победит враги, яко всесилен.

#### Тропарь

Камени запечатану от нудей и вонном стрегущим Пречистое Тело Твое, воскресл еси тридневный, Спасе, даруяй мирови жизнь. Сего ради силы небесныя вопияху Ти, Жизнодавче: слава воскресению Твоему, Христе, слава Царствию Твоему, слава смотрению Твоему, едине Человеколюбче.

#### Богородичен

Гаврийлу вещавшу Тебе, Дево, радуйся, со гласом воплощашеся всех Владыка в Тебе, святем Кивоте, якоже рече праведный Давид; явилася еси ширшая небес, попосивши Зиждителя Твоего. Слава Всельшемуся в Тя; слава Прошедшему из Тебе; слава Свободившему нас рождеством Твоим.

## Кондак

Воскресл еси яко Бог из гроба во славе, и мир совоскресил еси; и естество человеческое яко Бога воспевает Тя, и смерть исчезе; Адам же ликует, Владыко; Ева ныне от уз избавляема радуется, зовущи: Ты еси, Иже всем подая, Христе, воскресение.

## Глас в торой. Догматик

Прейде сень законная, благода́ги прише́дши: якоже бо купина́ не стара́ше опаля́ема, тако Де́ва родила́ еси́ и Де́ва пребыла́ еси́. Вме́сто столпа́ о́гненнаго пра́ведное возеня́ Со́лице; вместо Моисе́а Христо́с, спасе́иие душ наших.

## Тропарь

Егда снизшел есй к смерти, Животе Безсмертный, тогда ад умертвил есй блистанием Божества; егда же и умершия от преисподних воскресил есй, вся силы небесныя взываху: Жизнодавче, Христе Боже изш, слава Тебе.

## Богородичен

Вся паче смысла, вся преславная Твоя, Богородице, таинства, чистоте запечатанной и девству храниму, Мати позналася еси неложна, Бога рождши Истиннаго, Того моли спастися душам нашим.

#### Кондак

Воскресл еси от гроба, Всесильне Спасе, и ад видев чудо, ужасеся, и мертвии восташа; тварь же видящи срадуется Тебе, и Адам свеселится, и мир, Спасе мой, воспевает Тя присно.

#### Глас третий. Догматик

Како не дивимся Богомужному рождеству́ Твоему́, Пречестна́я; искуше́ния бо му́жескаго не прие́мши, Всенепоро́чная, родила́ есй без отца́ Сына пло́тию, пре́жде век от Отца́ рожде́ннаго без ма́тере, нвка́коже претерпе́вшаго измене́ния, или́ смеше́ния, или́ разделе́ния, но обою́ существу́ сво́йство це́ло сохра́ншаго. Те́мже, Ма́ти Дево Владычице, Того́ моли́ спасти́ся душа́м правосла́вно Богоро́дицу испове́дующих Тя.

#### Тропарь

Да веселя́тся небесная, да ра́дуются земная, яко сотвори державу мышцею Свое́ю Господь, попра смертню смерть, пе́рвенец ме́ртвых бысть; из чре́ва а́дова изба́ви нас, и подаде́ ми́рови ве́лию милость.

#### Богородичен

Тя, ходатайствовавшую спасение рода нашего, воспеваем, Богородице Дево: плотию бо от Тебе восприятою Сын Твой и Бог наш, крестом восприим страсть, избави нас от тли, яко Человеколюбец.

#### Кондак

Воскресл есй днесь из гроба, Щедре, и нас возвел есй от врат смертных; днесь Адам ликует, и радуется Ева, вкупе же и пророцы с патриархи воспевают непрестанно Божественную державу власти Твоея.

#### Глас четвертый. Догматик

Иже Тебе ради Богоотец пророк Давид песненно о Тебе провозгласи величня Тебе Сотворшему: предста Царица о десную Тебе. Тя бо Матерь ходатанцу живота показа без отца из Тебе вочеловечитися благоволивый Бог, да Свой паки обновит образ, истлевший страстьми, и заблуждшее горохищное обрет овча, на рамо восприим, ко Отцу принесет, и Своему хотению, с небесными совокупит силами, и спасет, Богородице, мир, Христос имеяй велию и богатую милость.

#### Тропарь

Светлую воскресения проповедь от Ангела уведевша Господни ученицы и прадеднее осуждение отвергша, апостолом хвалящася глаголаху: испровержеся смерть, воскресе Христос Бог, даруяй мирови велию милость.

#### Богородичен

Еже от века утаенное и Ангелом несведомое таинство, Тобою, Богородице, сущим на земли явися Бог, в неслитном соединении воплощаемь, и крест волею нас ради восприим, имже воскресив первозданнаго, спасе от смерти души наша.

#### Кондак

Спас и Избавитель мой из гроба, яко Бог, воскреси от уз земнородныя, и врата адова сокруши, и яко Владыка воскресе тридневен.

#### Глас пятый. Догматик

В Чермнем мори неискусобрачныя Невесты образ написася иногда: тамо Моисей разделитель воды, эде же Гавриил служитель чудесе. Тогда глубину шествова немокренно Израиль: ныне же Христа роди безсеменно Дева. Море по прошествии Израильеве пребысть непроходно: Непорочная по рождестве Еммануилеве пребысть нетленна. Сый и прежде сый, явлейся яко человек, Боже, помилуй нас.

#### Тропарь

Собезначальное Слово Отцу и Духови, от Девы рождшееся на спасение наше, воспоим, вернии, и поклонимся, яко благоволи плотию взыти на крест, и смерть претерпети, и воскресити умершия славным воскресением Своим.

#### Богородичен

Радуйся, двере Господня непроходимая; радуйся, стено и покрове притекающих к Тебе; радуйся, необуреваемое пристанище и неискусобрачная, рождшая плотию Творца Твоего и Бога; молящи не оскудевай о воспевающих и покланяющихся Рождеству Твоему.

#### Кондак

Ко а́ду, Спа́се мой, соше́л еси́, и врата́ сокруши́вый я́ко Всеси́лен, уме́рших я́ко Созда́тель совоскреси́л еси́, и сме́рти жа́ло сокруши́л еси́, и Ада́м от кля́твы изба́влен бысть, Человеколю́бче; те́мже вси зове́м: спаси́ нас, Господи.

#### Глас шестой. Догматик

Кто Тебе не ублажи́т, Пресвята́я Де́во; кто ли не воспое́т Твоего́ пречи́стаго рождества́; безле́тно бо от Отца́ возсия́вый Сын Единоро́дный, То́йже от Тебе́ чи́стыя про́йде, неизрече́нно вопло́щься, естество́м Бог сый и естество́м быв челове́к нас ра́ди, не во двою́ лицу разделя́емый, но во двою́ естеству́ несли́тно познава́емый. Того́ моли́. Чи́стая, Всеблаже́нная, поми́ловатися душа́м нашим.

#### Тропарь

Ангельския силы на гробе Твоем, и стрегущии омертвеша, и стояще Мария во гробе, ищущи Пречистаго Тела Твоего. Пленил еси ад, не искусився от него; сретил еси деву, даруяй живот. Воскресый из мертвых, Господи, слава Тебе.

#### Богородичен

Благословенную нарекий Твою Матерь, пришел еси на страсть вельным хотением, возсияв на Кресте, взыскати хотя Адама, глагейля Лигелом: срадуйтеся Мне, яко обретеся погибшая драхма. Вся мудре устроицый, Боже наш, слава Тебе.

#### Кондак

Живоначальною дланию умершия от мрачных удолий Жизнодавец воскресив всех Христос Бог, воскресение подаде человеческому роду: есть бо всех Спаситель, воскресение и живот, и Бог всех.

#### Глас седьмой. Догматик

Мати убо позналася еси паче естества, Богородице, пребыла же еси Дева паче слова и разума, и чудесе рождества Твоего сказати язык не может. Преславну бо сущу зачатию, Чистая, непостижен есть образ рождения: идеже бо хощет Бог, побеждается естества чин. Темже Тя вси Матерь Божию ведуще, молим Ти ся прилежно: моли спастися душам нашим.

#### Тропарь

Разрушил еси Крестом Твоим смерть, отверзл еси разбойнику рай, мироносицам плач преложил еси, и апостолом проповедати повелел еси, яко воскресл еси, Христе Боже, даруяй мирови велию милость.

# *Богородичен*

Яко нашего воскресения сокровище, на Тя надеющияся, Всепетая, от рова и глубины прегрешений возведи: Ты бо повинныя греху спасла еси, рождшая Спасение наше, Яже прежде рождества Дева, и в рождестве Дева, и по рождестве паки пребываещи Дева.

#### Кондак

Не ктому держава смертная возможет держати человеки: Христос бо сийде, сокрушая и разоряя силы ея; связуемь бывает ад, пророцы согласно радуются, предста, глаголюще, Спас сущим в вере: изыдите, верини, в воскресение.

#### Глас восьмой. Догматик

Царь Небесный за человеколюбие на земли явися и с человеки поживе: от Девы бо чистыя плоть приемый и из Нея прошедый с восприятием, един есть Сын, сугую естеством, но не ипостасию. Темже совершенна Того Бога и совершенна человека войстинну проповедающе, исповедуем Христа Бога нашего; Егоже моли, Мати безневестная, помиловатися душам нашим.

#### Тропарь

С высоты снизшел еси, Благоутробне, погребение приял еси тридневное, да нас свободиши страстей, Животе и воскресение наше, Господи, слава Тебе.

#### Богородичен

Иже нас радн рождейся от Девы и распятие претерпев, Благий, испровергий смертню смерть и воскресение явлей яко Бог, не презри, яже создал еси рукою Твоею; яви человеколюбие Твое, Милостиве, приими рождшую Тя Богородицу, молящуюся за ны, и спаси, Спасе наш, люди отчаянныя.

#### Кондак

Воскрес из гроба, умершия воздвигл еси, и Адама воскресил еси, и Ева ликует во Твоем воскресении, и мирстии концы торжествуют еже из мертвых востанием Твоим, Многомилостиве.

# ТРОПАРИ И КОНДАКИ ДНЕВНЫЕ

#### на всю седмицу \*

#### В понедельник, Небесным чинам Бесплотным

Тропарь, глас 4-й

Небесных воинств Архистратизи, молим вас присно мы педостойнии, да вашими молитвами оградите нас кровом крил невещественныя вашея славы; сохраняюще нас припадающих прилежно и вопиющих: от бед избавите нас, яко чиноначальницы вышних сил.

#### Кондак, глас 2-й

Архистратизи Божии, служителие Божественныя славы, Ангелов начальницы и человеков наставницы, полезное нам просите и велию милость, яко Безплотных Архистратизи.

<sup>•</sup> Богослужебный день начинается с вечера предшествующего дня, поэтому тропарь понедельника читают (или поют) на вечерних богослужениях в воскресенье и утром на часах и литургии в понедельник. Вечером в понедельник читают уже тропарь еторника и т. д.

Эти тропари читаются в конце вечерних молитв в будни, то есть не под воскресный день, когда положено петь тропари воскресные соответствующего гласа, и не под праздники, имеющие свои особые тропари и кондаки.

#### Во вторник, Крестителю и Предтече Иоанну

Тропарь: Память праведнаго с похвалами... (стр. 101).

#### Кондак, глас 2-й

Пророче Божий и Предтече благодати, главу твою, яко шипок священнейший, от земли обретше, исцеления всегда приемлем, ибо паки, якоже прежде, в мире проповедуещи покаяние.

#### В среду и пятницу, Кресту

Тропарь: Спаси, Господи, люди Твоя... (стр. 91).

Кондак: Вознесыйся на Крест волею... (стр. 91).

#### В четверг, апостолам и святителю Николаю

#### Тропарь апостолам, глас 3-й

Апостоли святии, молите Милостиваго Бога, да прегрешений оставление подаст душам нашим.

Тропарь святителю: Правило веры... (стр. 94).

Кондак апостолам: Твердыя и боговещанныя... (стр. 99).

Кондак святителю: В Мирех, святе... (стр. 94).

#### В субботу, всем святым, и за умерших

#### Тропари, глас 2-й

Апостоли, мученицы и пророцы, святителие, преподобнии и праведнии, добре подвиг совершившии и веру соблюдшии, дерзновение имуще ко Спасу, о нас Того, яко Блага, молите спастися, молимся, душам нашим.

Помяни, Господи, яко Благ, рабы Твоя, и елика в житий согрешиша, прости; никтоже бо безгрешен, токмо Ты, могий и преставленным дати покой.

#### Кондаки, глас 8-й

Со святыми упокой, Христе, души раб Твоих, идеже несть болезнь, ни печаль, ни воздыхание, но жизнь безконечная.

Яко начатки естества Насадителю твари вселенная приносит Ти, Господи, богоносныя мученики; тех молитвами в мире глубоце Церковь Твою, жительство Твое, Богородицею соблюди, Многомилостиве.

# ЗАПОВЕДИ БОЖИИ десять заповедей

- 1. Аз есмь Господь Бог твой; да не будут тебе бози инии, разве Мене.
- 2. Не сотвори себе кумира, и всякаго подобия, елика на небеси горе, и елика на земли низу, и елика в водах под землею; да не поклопишноя им, ни послужищи им.
  - 3. Не приемли имене Господа Бога твоего всуе.
- 4. Помни день субботний, еже святити его: шесть дней делай, и сотвориши в них вся дела твоя, в день же седьмый суббота Господу Богу твоему.
- 5. Чти отца твоего и матерь твою, да благо ти будет, и да долголетен будеши на земли.
  - 6. Не убий.
  - 7. Не прелюбы сотвори.
  - 8. Не укради.
  - 9. Не послушествуй на друга твоего свидетельства ложна.
- 10. Не пожелай жены искренняго твоего, не пожелай дому ближняго твоего, ни села его, ни раба его, ни рабыни его, ни вола его, ни осла его, ни всякаго скота его, ни всего, елика суть ближняго твоего.

(Кн. Исход, гл. 20, ст. 2, 4—5, 7, 8—10, 12, 13, 14, 15, 16, 17)

Суть этих заповедей Господь Иисус Христос изложил так:

«Возлюби Господа Бога твоего всем сердцем твоим, и всею душею твоею, и всем разумением твоим. Сия есть первая и наибольшая заповедь. Вторая же, подобная ей: возлюби ближнего твоего, как самого себя», (Еванг. от Матфея, гл. 22, ст. 37—39)

#### БЛАЖЕНСТВА ЕВАНГЕЛЬСКИЕ

(Евангелие от Матфея, глава 5, стихи 3—12)

Блажени нищии духом, яко тех есть Царство Небесное.

Блажени плачущии, яко тии утешатся.

Блажени кротцыи, яко тин наследят землю.

Блажени алчущии и жаждущии правды, яко тин насытятся.

Блажени, милостивии, яко тии помиловани будут,

Блажени чистии сердцем, яко тин Бога узрят.

Блажени миротворцы, яко тин сынове Божин нарекутся.

Блажени изгнани правды ради, яко тех есть Царство Небесное.

Блажени есте, егда поносят вам, и ижденут, и рекут всяк зол глагол на вы лжуще Мене ради.

Радуйтеся и веселитеся, яко мзда ваша многа на небесех.

#### О КРЕСТНОМ ЗНАМЕНИИ И ПОКЛОНАХ

Внешне молитвенное чувство проявляется в осенении себя крестом (по-славянски «крестным знамением», т. е. изображением, знаком креста), в коленопреклонении и поклонах — малых (поясных) и великих (земных, касаясь земли коленями, руками и головой).

Крестное знамение совершается правой рукой. Для этого соединяем первые три перста (пальца) вместе, а два остальных — безымянный и мизинец — пригибаем к ладони. Тремя соединенными перстами прикасаемся ко лбу, ко груди, к правому и затем к левому плечу, изображая крест на себе, и, опустив руку, кланяемся. Соединение трех перстов означает нашу веру во Святую Тронцу: Бога Отца, Бога Сына и Бога Духа Святого; два же пригнутые перста означают нашу веру в Сына Божия Инсуса Христа: что Омимеет два естества — есть Бог и человек, и ради нашего спасения сошел с неба на землю. Крестное знамение полагаем на чело, чтобы освятить ум и мысли наши, на грудь — чтобы освятить сердце и чувства, на плечи — чтобы освятить телесные силы и призвать благословение на дела рук наших.

Крестное знамение сиыволизирует призывание имени Божия и славословие Бога, поэтому оно совершается обычно при словах «Во имя Отца и Сына и Святаго Духа» или при любом другом начале молитвы, и словах «Слава Отцу и Сыну и Святому Духу» или при другом каком-инбудь славословии и в кенце молитвы.

Как не подобает призывать имя Божне всуе, т.е. без надобпости и неблагоговейно, так и крестное знамение не следует тво-

рить часто и поспешно, а тем более небрежно.

Когда священник благословляет, произнося «Мир всем», надо поклониться, не совершая крестного знамения; при осенении же

крестом полагаем и мы на себя крестное знамение.

Поклонами мы выражаем благоговение наше к Богу и покаянные чувства. Земные поклоны, стель частые в дни покаяния и поста, особенно Великого поста перед Пасхой, не принято совершать в дни общей духовной радости—в воскресные дни, в велики праздники, от Пасхи до Дня Святой Троицы и от Рождества до Богоявления. Причастившись Святых Христовых Таин, не делаем земных поклонов в тот день.

Коленопреклопение, т. е. стояние на коленях, бывает в храме во

время чтения особых коленопреклопных молитв.

Молиться пужно благоговейно и неспецию, со винманием и не суетясь, ибо молитва — это беседа с Богом. Если времени мало, лучше прочесть одну-две молитвы, отложив остальные на удобное

ближайные премя.

Если при чтении книги важно не столько прочитать ее, сколько поразмыслить над ней, если в обычной беседе важно не только сказать, но и выслушать другого, то тем более, читая молитву, следует подумать над словами ее и, произнеся молитву Богу, нужно выслушать и ответ Его. Настоящая молитва создает особую настроенность жизни христианина и определяет его поступки, его поведение, и в этом — результат молитвы, ибо не напрасно сказат Господь: «Не всякий, говорящий Мне: Господи, Господы! — войдет в Царство Небеснос, но исполняющий волю Отца Моего Небесного» (Мф. 7, 21).

#### МОЛИТВЫ РАЗНЫЕ

#### Молитва Иисусова

Господи, Иисусе Христе, Сыне Божий, помилуй мя грешнаго.

# Молитва св. Ефрема Сирина

Господи и Владыко живота моего, дух праздности, уныния, любоначалия и празднословия не даждь ми. Дух же целомудрия, смиренномудрия, терпения и любве даруй ми, рабу Твоему. Ей, Господи, Царю, даруй ми зрети моя прегрешения и не осуждати брата моего, яко благословен еси во веки веков. Аминь.

# Молитва перед вкушением пищи

Отче наш... (стр. 4). Или:

Очи всех на Тя, Господи, уповают, и Ты даеши им пищу во благовремении, отверзаеши Ты щедрую руку Твою и исполняещи всякое животное благоволения.

# Молитва после вкушения пищи

Благодарим Тя, Христе Боже наш, яко насытил еси нас земных Твоих благ; не лиши нас и Небеснаго Твоего Царствия, но яко просреде учеников Твоих пришел еси, Спасе, мир даяй им, прииди к нам и спаси нас.

#### Молитва идущего в церковь

Возвесели́хся о ре́кших мне: в дом Господень по́йдем. Аз же множеством милости Твоея́, Господи, вни́ду в дом Твой, поклонюся ко храму святому Твоему в стра́се Твоем. Господи, настави мя правдою Твоею, враг моих ради исправи пред Тобою путь мой; да без преткнове́ния прославлю Едино Божество, Отца и Сына и Святаго Духа, ныне и присно и во веки веков. Аминь.

# Призывание помощи Духа Святаго на всякое доброе дело

Царю Небесный... (стр. 3).

Тропарь, глас 2-й

Творче и Создателю всяческих, Боже, дела рук наших, к славе Твоей начинаемая, Твоим благословением

спешно исправи, и нас от всякаго зла избави, яко един всесилен и Человеколюбец.

Кондак, глас 6-й

Скорый в заступление и крепкий в помощь, предстани благодатию силы Твоея ныне, и благословив укрепи, и в совершение намерения блага́го дела рабов Твоих произведи: вся бо ели́ка хощеши, яко Сильный Бог, творити можеши.

# Благодарение за всякое благодеяние Божие

Трэпарь, глас 4-й

Благодарни суще недостойнии раби Твои, Господи, о Твоих великих благодейниих на нас бывших, славяще Тя хвалим, благословим, благодарим, поем и величаем Твое благоутробие, и рабски любовию вопием Ти: Благодетелю Спасе наш, слава Тебе.

Кондак, глас 3-й

Твоих благодеяний и даров туне, яко раби непотребнии, сподобльшеся, Владыко, к Тебе усердно притекающе, благодарение по силе приносим, и Тебе яко Благодетеля и Творца славяще, вопием: слава Тебе, Боже Всещедрый.

Слава, и ныне: Богородичен

Богородице, христианом Помощнице, Твое предстательство стяжавше раби Твои, благодарно Тебе вопием: радуйся, Пречистая Богородице Дево, и от всех нас бед Твоими молитвами всегда избави, Едина вскоре предстательствующая.

# О умножении любви и искоренении ненависти и всякой злобы

Тропарь, глас 4-й

Союзом любве апостолы Твоя связавый, Христе, и нас Твоих верных рабов к Себе тем крепко связав, творити заповеди Твоя и друг друга любити нелицемерно сотвори, молитвами Богородицы, Едине Человеколюбче.

Қондак, глас 5-й

Пламенем любве распали к Тебе сердца наша, Христе Боже, да тою разжигаеми, сердцем, мыслию же и

душею, и всею крепостию нашею возлюбим Тя, и искренняго своего яко себе, и повеления Твоя храняще славим Тя, всех благ Дателя,

#### О ненавидящих и обидящих нас

#### Тропарь, глас 4-й

О распенших Тя моливыйся, любодушне Господи, и рабом Твоим о вразе́х молитися повеле́вый, ненавидящих и обидящих нас прости, и от всякаго зла и лукавства к братолюбному и добродетельному настави жительству, смиренно мольбу Тебе приносим; да в согласном единомыслии славим Тя, Единаго Человеколюбца.

#### Кондак, глас 5-й

Якоже первомученик Твой Стефан о убивающих его моляше Тя, Господи, и мы припадающе молим, ненавидящих всех и обидящих нас прости, во еже ни единому от них нас ради погибнути, но всем спастися благодатию Твоею, Боже всещедрый.

# Во время бедствия и при нападении врагов

#### Тропарь, глас 4-й

Скоро предвари, прежде даже не поработимся врагом ху́лящим Тя и претя́щим нам, Христе Боже наш: погуби Крестом Твоим борю́щия нас, да уразумеют, како может православных вера, молитвами Богородицы, Едине Человеколюбче.

#### Кондак, глас 8-й

Возбранный Воеводо и Господи, ада Победителю! Яко избавлься от вечныя смерти, похвальная восписую Ти, создание и раб Твой; но яко имеяй милосердие неизреченное, от всяких мя бед свободи, зовуща: Иисусе, Сыне Божий, помилуй мя.

Псалом 90: Живый в помощи Вышняго... (стр. 193) Молитва Кресту: Да воскреснет Бог... (стр. 21)

#### О путешествующих

Тропарь, глас 2-й

Путь и истина сый, Христе, спутника Ангела Твоего рабом Твоим ныне, якоже Товии иногда, посли сохра-

няюща, и невредимых, к славе Твоей, от всякаго зла во всяком благополучии соблюдающа, молитвами Богородицы. Едине Человеколюбче.

#### Кондак, глас 2-й

Луце и Клеопе во Еммаус спутешествовавый, Спасе, сшествуй и ныне рабом Твоим, путешествовати хотящим, от всякаго избавляя их злаго обстояния: вся бо Ты, яко Человеколюбец, можеши хотяй.

#### Молитва

Господи Иисусе Христе Боже наш, истинный и живый путю, состранствовати мнимому Твоему отцу Иосифу и Пречистей Ти Деве Матери во Египет изволивый, и Луце и Клеопе во Еммаус спутешествовавый! И ныне смиренно молим Тя. Владыко Пресвятый, и рабом Твоим сим Твоею благодатию спутешествуй. И якоже рабу Твоему Товии, Ангела хранителя и наставника посли, сохраняюща и избавляюща их от всякаго злаго обстояния видимых и невидимых врагов, и ко исполнению заповедей Твоих наставляюща, мирно же и благополучно и здраво препровождающа, и паки цело и безмятежно возвращающа; и даждь им все благое свое намерение ко благоугождению Твоему благополучно в славу Твою исполнити. Твое бо есть, еже миловати и спасати нас, и Тебе славу возсылаем со Безначальным Твоим Отцем и со Пресвятым и Благим и Животворящим Твоим Духом. ныне и присно и во веки веков. Аминь.

#### О болящих

#### Тропарь, глас 4-й

Скорый в заступлении един сый, Христе, скорое свыше покажи посещение страждущему рабу Твоему, и избави от недуг и горьких болезней; и воздвигни во еже пети Тя и славити непрестанно, молитвами Богородицы, Едине Человеколюбче.

### Кондак, глас 2-й

На одре болезни лежащаго и смертною раною уя́звленнаго, якоже иногда воздвигл еси, Спасе, Петрову те́щу и разслабленнаго на одре носимаго; сице и ныне, Милосерде, страждущаго посети и исцели: Ты бо един еси недуги и болезни рода нашего понесы́й и вся моги́й, яко Многомилостив.

#### Молитва

Владыко, Вседержителю, Святый Царю, наказуяй и не умерщвляй, утверждаяй низпадающия и возводяй низверженныя, телесныя человеков скорби исправляяй, молимся Тебе, Боже наш, раба Твоего (имя рек) немощствующа посети милостию Твоею, прости ему всякое согрешение вольное и невольное. Ей, Господи, врачебную Твою силу с небесе низпосли, прикоснися телеси, угаси огневицу, укроти страсть и всякую немощь таящуюся, буди врач раба Твоего (имя рек), воздвигни его от одра болезненнаго и от ложа озлобления цела и всесовершенна, даруй его Церкви Твоей благоугождающа и творяща волю Твою. Твое бо есть, еже миловати и спасати ны, Боже наш, и Тебе славу возсылаем, Отцу и Сыну и Святому Духу, ныне и присно и во веки веков. Аминь.

#### Молитва на вхождение в новый дом

Боже Спасителю наш, изволивый под сень Закхе́еву вни́ти и спасение тому и всему дому гого бы́вый, Сам и ныне зде жи́ти восхотевшия, и нами недостойными мольбы Тебе и моления приносящия, от всякаго вре́да соблюди невреди́мы, благословляя тех зде жили́ще, и ненаве́тен тех живот сохраня́яй. Аминь.

#### Молитва на освящение всякой вещи

Создателю и Содетелю человеческаго рода, Дателю благодати духовныя, Подателю вечнаго спасения, Сам, Господи, посли Духа Твоего Святаго с вышним благословением на вещь сию, яко да вооружена силою небеснаго заступления хотящим ю употребляти, помощна будет к телесному спасению и заступлению и помощи, о Христе Иисусе Господе нашем. Аминь.

И кропят вещь святою водою трижды.

#### Молитва от осквернения, святого Василия Великого

Многомилостиве, нетленне, нескверне, безгрешне Господи, очисти мя, непотребнаго раба Твоего, от всякия скверны плотския и душевныя, и от невнимания и уныния моего прибывшую ми нечистоту, со инеми всеми беззаконии моими, и яви мя нескверна, Владыко, за благость Христа Твоего, и освяти мя нашествием Пресвятаго Твоего Духа: яко да возбну́в от мглы нечистых привидений диавольских, и всякия скверны, сподоблюся чистою совестию отверсти скверная моя и нечистая уста, и воспевати всесвятое имя Твое, Отца, и Сына, и Святаго Духа, ныне и присно, и во веки веков. Аминь.

#### **МОЛИТВЫ НЕКОТОРЫМ СВЯТЫМ**

#### Преподобному Сергию, Радонежскому чудотворцу

О, священная главо, преподобне и богоносне отче наш Сергие. молитьою твоею, и верою и любовию, яже к Богу, и чистотою сердца, еще на земли во обитель Пресвятыя Троицы душу твою устроивый, и ангельскаго общения и Пресвятыя Богородицы посещения сподобивыйся, и дар чудодейственныя благодати приемый, по отшествии же твоем от земных наипаче к Богу приближивыйся и небесныя силы приобщивыйся, но и от нас духом любве твоея не отступивый, и честныя твоя мощи, яко сосуд благодати полный и преизливающийся, нам оставивый! Велие имея дерзновение ко Всемилостивому Владыце, моли спасти рабы Его, сущей в тебе благодати Его верующия и к тебе с любовию притекающия. Испроси нам от Великодаровитаго Бога нашего всякий дар, всем и коемуждо благопотребен: веры непорочны соблюдение, градов наших утверждение, мира умирение, от глада и пагубы избавление, от нашествия иноплеменных сохранение, скорбящим утешение, недугующим исцеление, падшим возставление, заблуждающим на путь истины и спасения возвращение, подвизающимся укрепление, благоделающим в делех благих преспечние и благословение, младенцем воспитание. юным наставление, неведущим вразумление, сиротам и вдовицам заступление, отходящим от сего временнаго жития к вечному благое уготовление и напутствие, отшедшим блаженное упокоение, и вся ны споспешествующими твоими молитвами сподоби страшнаго суда шуня части избавитися, десныя же страны общники быти и блаженный оный глас Владыки Христа услышати: «Приндите, благословеннии Отца Моего, наследуйте уготованное вам Царствие от сложения мира». Аминь.

# Преподобному Серафиму Саровскому

О, пречудный отче Серафиме, великий Саровский чудотворче, всем прибегающим к тебе скоропослушный помощниче! Во дни земнаго жития твоего никтоже от тебе тощь и неутешен оты́де, но всем в сладость бысть ви́дение лика твоего и благоуветливый глас словес твоих. К сим же и дар исцелений, дар прозрения, дар не-

мощных душ врачевания обилен в тебе явися. Егда же призва тя Бог от земных трудов к небесному упокоению, николиже любы твоя преста от нас, и невозможно есть исчислити чудеса твоя, умножившаяся, яко звезды небесныя; се бо по всем колцем земли нашея людем Божним являещися и даруещи им нецеления. Темже и мы вепием ти: о, претихий и кроткий угодниче Божий, дерэновенный к Нему молитвенниче, николиже призывающия тя отреваяй! Вознеси о нас благомощную твою молитву ко Господу сил, да дарует нам вся благопотребная в жизни сей и вся к душевному спасению полезная, да оградит нас от падений греховных и истинному покаянию да научит нас, во еже безпреткновенно внити нам в вечное Небесное Царство, идеже ты ныне в незаходимей сияещи славе, и тамо воспевати со всеми святыми Живоначальную Троицу во веки веков. Аминь.

#### Св. великомученику и целителю Пантелеимону

О, великий угодниче Христов, страстотерпче и врачу многомилостивый Пантелеимоне! Умилосердися надо мною, грешным рабом, услыши стенание и вопль мой, умилостиви небеснаго, верховнаго Врача душ и телес наших, Христа Бога нашего, да дарует ми исцеление от недуга, мя гнетущаго. Приими недостойное моление грешнейшаго паче всех человек. Посети мя благодатным посещением. Не возгнушайся греховных язв моих, помажи их елеем милости твоея и исцели мя; да здрав сый душею и телом, остаток дней моих, благодатию Божнею, возмогу провести в покаянии и угождении Богу и сподоблюся восприяти благий конец жития моего. Ей, угодниче Божий! Умоли Христа Бога, да предстательством твоим дарует здравие телу моему и спасение души моей. Аминь.

#### Молитва иеросхимонаха Парфения Киевского

Господи Инсусе Христе, Сыне Божнй, не попусти, чтобы су́етность, самолюбие, чу́вственность, нераде́ние, гнев госпо́дствовали надо мною и похища́ли меня у любви Твоей. О, мой Господи, Создатель мой, все упование мое! Не оста́ви меня без уде́ла в блаженной вечности; соде́лай, да и я последую святому примеру Твоему, буду покорен властям, надо мною поставленным; даруй мне сию чистоту духа, сию простоту сердца, которыя делают нас достойными любви Твоей. К Тебе, о, Боже мой, возношу́ душу мою и сердце мое: не попусти погибнуть созданию Твоему, но избавь меня от единственнаго и величайшаго зла: греха. Соде́лай, Господи, да переношу с таким же терпением беспокойства и скорби душевныя, с какою радостию прие́млю удовольствия сердечныя. Если Ты

хочешь, Господи, — можешь очистить и освятить меня. Се, предаю́ себя Твоей благости, прося истребить из меня всё противное Тебе и присоединить к сонму избра́нных Твоих.

Господи! Отыми от меня праздность духа, погубляющую время; суетность мыслей, мешающую Твоему присутствию и развлекающую внимание мое в молитве; если же, молясь, я уклоняюсь от Тебя моими помыслами, то помоги мне, дабы сие развлечение было не произвольно, и, отвращая ум, да не отвращу от Тебя сердце. Исповедаю Тебе, Господу Богу моему, все грехи моего беззакония, ныне и прежде соделанные пред Тобою: отпусти мне их, ради имени Твоего святого, и спаси душу мою, которую Ты искупил драгоценною Кровию Твоею. Вручаю себя милосердию Твоему, предаюсь в волю Твою, твори со мною по благости Твоей, а не по злобе и беззаконию моему. Научи меня, Господи, располагать дела свои так, чтобы они споспеществовали к прославлению имени Твоего святого. Умилосердись, Господи, о всех христианах; услыши желание всех вопиющих к Тебе, избави от всякаго зла, спаси рабов Твоих (имена), пошли им отраду, утешение в скорбях и милость Твою святую. Господи, молю Тебя особенно о тех, которые меня чем-либо обидели и опечалили или какое-либо зло сделали: не наказывай их меня ради грешнаго, но пролей на них благость Твою.

Господи, молю Тебя о всех тех, которых я, грешный, опечалил, обидел или соблазнил, словом, делом, помышлением, ведением или неведением. Господи Боже! Отпусти нам грехи наши и взаимныя оскорбления; изжени, Господи, из сердец наших всякое негодование, подозрение, гнев, памятозлобие, ссоры и всё то, что может препятствовать любви и уменьшать братолюбие. Помилуй, Господи, тех, которые поручили мне, грешному, недостойному, молиться о них! Помилуй, Господи, всякаго просящаго Твоей помощи. Господи! Сотвори сей день днем милосердия Твоего, подай каждому по прошению его; буди пастырем заблудших, вождем и светом неведущих, наставником немудрых, отцом сирых, помощником угнетенных, врачем больных, утёшителем умирающих, и приведи нас всех к желанному концу — к Тебе, пристанищу нашему и блаженному упокоению. Аминь.



# ПСЯЯТНРЬ

recoloson



# ПСАЛТИРЬ пророка Давида

#### **МОЛИТВЫ ПЕРЕД НАЧАЛОМ ЧТЕНИЯ ПСАЛТИРИ**

Разумно да будет, како подобает особь пети Псалтирь

Аще иерей, глаголет:

Благословен Бог наш, всегда, ныне и присно и во веки веков.

Аще ли ни, глаголи умиленно:

Моли́твами святы́х оте́ц наших, Го́споди Иису́се Христе́ Бо́же наш, поми́луй нас. Аминь.

Царю́ Небесный. Трисвятое. И по Отче наш:

Тропари сия, глас 6:

Помилуй нас, Господи, помилуй нас, всякаго бо ответа недоумеюще, сию Ти молитву яко Владыце грешнии приносим: помилуй нас.

## Слава:

Честное пророка Твоего, Господи, торжество, Небо Церковь показа, с человеки ликуют Ангели. Того молитвами, Христе Боже, в мире управи живот наш, да поем Ти: Аллилуиа.

## И ныне:

Многая множества моих, Богородице, прегрешений, к Тебе прибегох, Чистая, спасения требуя: посети немощствующую мою душу и моли Сына Твоего и Бога нашего дати ми оставление, яже содеях лютых, Едина Благословенная.

Господи, помилуй, 40. И поклонися, елико ти мощно.

Таже молитва Святей Живоначальней Троице:

Всесвята́я Тро́ице, Бо́же и Соде́телю всего мира, поспеши́ и напра́ви сердце мое, нача́ти с ра́зумом и конча́ти де́лы благи́ми богодухнове́нныя сия́ книги, яже Святы́й Дух усты́ Дави́довы отры́гну, и́хже ныне хощу́ глаго́лати а́з, недосто́йный, разуме́я же свое неве́жество, припа́дая молю́ся Ти, и е́же от Тебе по́мощи прося́: Господи, упра́ви ум мой и утверди́ сердце мое, не о глаго́лании усте́н стужа́ти си́, но о ра́зуме глаго́лемых весели́тися, и пригото́витися на творе́ние до́брых дел, я́же учу́ся, и глаго́лю: да до́брыми де́лы просвеще́н, на судищи десны́я Ти страны́ прича́стник буду со всеми избра́нными Твоими. И ныне, Влады́ко, благослови́, да, воздохну́в от сердца, и язы́ком воспою́, глаго́ля си́це:

Приидите, поклонимся Цареви нашему Богу.

Приндите, поклонимся и припадем Христу, Цареви нашему Богу.

Приидите, поклонимся и припадем Самому Христу,

Цареви и Богу нашему.

Таже постой мало, дондеже утишатся вся чувства. Тогда сотвори начало не вскоре, без лености, со умилением и сокрушенным сердцем. Рцы сие: «Блажен муж...» тихо и разумно, со вниманием, а не борзяся, якоже и умом разумевати глаголемая.

## КАФИСМА ПЕРВАЯ

# Псалом Давиду, не надписан у еврей, 1.

<sup>1</sup> Блаже́н муж, и́же не и́де на сове́т нечести́вых и на пути́ гре́шных не ста, и на седа́лищи губи́телей не се́де, <sup>2</sup> но в законе Госпо́дни во́ля его, и в зако́не Его поучи́тся день и нощь. <sup>3</sup> И будет я́ко дре́во, насажде́нное при исхо́дищих вод, е́же плод свой даст во время свое́, и лист его не отпаде́т, и вся, ели́ка а́ще твори́т, успе́ет. <sup>4</sup> Не та́ко нечести́вии, не та́ко, но я́ко прах, его́же возмета́ет ветр от лица́ земли́. <sup>5</sup> Сего́ ра́ди не воскре́снут нечести́вии на суд, ниже́ гре́шницы в сове́т пра́ведных. <sup>6</sup> Яко весть Госпо́дь путь пра́ведных, и путь нечести́вых потибнет.

# Псалом Давиду, 2.

1 Вскую шаташася языцы, и людие поучишася тщетным? 2 Предсташа царие земстии, и князи собрашася вкупе на Господа и на Христа Его. 3 Расторгнем узы их и отвергнем от нас иго их. 4 Живый на Небесех посмеется им, и Господь поругается им. 5 Тогда возглаголет к ним гневом Своим и яростию своею смятет я. 6 Аз же поставлен есмь Царь от Него над Сионом, горою святою Его, 7 возвещаяй повеление Господне. Господь рече ко Мне: Сын Мой еси Ты, Аз днесь родих Тя. 8 Проси от Мене, и дам Ти языки достояние Твое, и одержание Твое концы земли. 9 Упасещи я жезлом железным, яко сосуды скудельничи сокрушищи я. 10 И ныне, царие, разумейте, накажитеся вси судящии земли. 11 Работайте Господеви со страхом и радуйтеся Ему с трепетом. 12 Приимите наказание, да не когда прогневается Господь и погибнете от пути праведнаго, егда возгорится вскоре ярость Его. Блажени вси надеющинся Нань.

# <sup>1</sup> Псалом Давиду, внегда отбегаще от лица Авессалома, сына своего, 3.

<sup>2</sup> Господи, что ся умножиша стужающии ми? Мнози востают на мя, <sup>3</sup> мнози глаголют души моей: несть спасения ему в Бозе его. <sup>4</sup> Ты же, Господи, Заступник мой есй, слава моя и возносяй главу мою. <sup>5</sup> Гласом моим ко Господу воззвах, и услыша мя от горы святыя Своея. <sup>6</sup> Аз уснух, и спах, востах, яко Господь заступит мя. <sup>7</sup> Не убоюся от тем людей, окрест нападающих на мя. <sup>8</sup> Воскресни, Господи, спаси мя, Боже мой, яко Ты поразил есй вся враждующыя ми всуе: зубы грешников сокрушил есй. <sup>9</sup> Господне есть спасение, и на людех Твоих благословение Твое.

#### Слава:

# 1 В конец, в песнех, псалом Давиду, 4.

<sup>2</sup> Внегда́ призва́ти ми, услы́ша мя Бог пра́вды моея́, в ско́рби распространи́л мя еси́, уще́дри мя и услы́ши моли́тву мою. <sup>3</sup> Сы́нове челове́честии, доколе тяжкосе́рдии? Вску́ю лю́бите суету́ и ищете лжи? <sup>4</sup> И уве́дите, я́ко

удиви Господь преподобнаго Своего: Господь услышит мя, внегда воззвати ми к Нему. <sup>5</sup> Гневайтеся, и не согрешайте, яже глаголете в сердцах ваших, на ложах ваших умилитеся. <sup>6</sup> Пожрите жертву правды и уповайте на Господа. <sup>7</sup> Мнози глаголют: кто явит нам благая? Знаменася на нас свет лица Твоего, Господи. <sup>8</sup> Дал еси веселие в сердце моем: от плода пшеницы, вина и елеа своего умножишася. <sup>9</sup> В мире вкупе усну и почию, яко Ты, Господи, единаго на уповании вселил мя еси.

# 1 О наследствующем, псалом Давиду, 5.

<sup>2</sup> Глаго́лы моя внуши, Господи, разумей звание мое. <sup>3</sup> Вонми гласу моления моего, Царю мой и Боже мой, яко к Тебе помолюся, Господи. 4 Заутра услыши глас мой, заутра предстану Ти, и узриши мя. 5 Яко Бог не хотяй беззакония, Ты еси: не приселится к Тебе лукавнуяй, 6 ниже пребудут беззаконницы пред очима Твоима: возненавидел еси вся делающыя беззаконие. 7 Погубиши вся глаголющыя лжу: мужа кровей и льстива гнушается Господь. <sup>8</sup> Аз же множеством милости Твоея, вниду в дом Твой, поклонюся ко храму святому Твоему, в страсе Твоем. 9 Господи, настави мя правдою Твоею, враг моих ради исправи пред Тобою путь мой. 10 Яко несть во устех их истины, сердце их суетно, гроб отверст гортань их: языки своими льщаху. 11 Суди им, Боже, да отпадут от мыслей своих, по множеству нечестия их изрини я, яко преогорчища Тя, Господи. 12 И да возвеселятся вси уповающии на Тя, во век возрадуются, и вселишися в них, и похвалятся о Тебе любящии имя Твое. 13 Яко Ты благословищи праведника. Господи: яко оружием благоволения венчал еси нас.

# 1 В конец, в песнех о осмом, псалом Давиду, 6.

<sup>2</sup> Господи, да не я́ростию Твоею́ обличиши мене́, ниже́ гне́вом Твои́м нака́жеши мене́. <sup>3</sup> Поми́луй мя, Го́споди, я́ко не́мощен есмь, исцели́ мя, Го́споди, яко смято́шася ко́сти моя. <sup>4</sup> И душа моя смяте́ся зело: и Ты, Го́споди, доко́ле? <sup>5</sup> Обрати́ся, Го́споди, изба́ви ду́шу мою: спаси́ мя ради милости Твоея. <sup>6</sup> Яко несть в смерти помина́яй Тебе: во а́де же кто испове́стся Тебе? <sup>7</sup> Утруди́хся

воздыха́нием моим, измы́ю на вся́ку нощь ло́же мое, слеза́ми моими посте́лю мою омочу́. <sup>8</sup> Смяте́ся от я́рости око мое, обетша́х во всех вразе́х моих. <sup>9</sup> Отступи́те от мене́, вси дела́ющии беззако́ние, я́ко услыша Господь глас плача моего: <sup>10</sup> услыша Господь моле́ние мое, Господь молитву мою прия́т. <sup>11</sup> Да постыдя́тся и смяту́тся вси врази́ мои, да возвратя́тся и устыда́тся зело́ вско́ре.

#### Слава:

# <sup>1</sup> Псалом Давиду, егоже воспет Господеви о словесех Хусиевых, сына Иемениина, 7.

<sup>2</sup> Господи Боже мой, на Тя уповах, спаси мя от всех тонящих мя и избави мя: 3 да не когда похитит яко лев душу мою, не сущу избавляющу, ниже спасающу. 4 Господи Боже мой, аще сотворих сие, аще есть неправда в руку моею. 5 аще воздах воздающым ми эла, да отпаду убо от враг монх тощ. 6 Да поженет убо враг душу мою и да постигнет, и поперет в землю живот мой, и славу мою в персть вселит. <sup>7</sup> Воскресни, Господи, гневом Твоим, вознесися в концах враг Твоих, и востани, Господи Боже мой, повелением, имже заповедал еси. <sup>8</sup> И сонм людей обыдет Тя, и о том на высоту обратися. 9 Господь судит людем: суди ми, Господи, по правде моей, и по незлобе моей на мя. 10 Да скончается злоба грешных, и исправиши праведнаго, испытаяй сердца и утробы. Боже праведно. 11 Помощь моя от Бога, спасающаго правыя сердцем. 12 Бог Судитель праведен и крепок, и долготерпелив, и не гнев наводяй на всяк день. 13 Аще не обратитеся. оружие сего очистит, лук Свой напряже и уготова и, 14 и в нем уготова сосуды смертныя, стрелы Своя сгара́емым соде́ла. 15 Се боле́ неправдою, зача́т болезнь, и роди беззаконие: 16 ров изры, и ископа и, и падет в яму. юже содела. 17 Обратится болезнь его на главу его, и на верх его неправда его снидет. 18 Исповемся Господеви по правде Его и пою имени Господа Вышняго.

# <sup>4</sup> В конец, о точилех, псалом Давиду, 8.

<sup>2</sup> Господи, Господь наш, яко чу́дно имя Твое́ по всей земли, яко взя́тся великоле́пие Твое превы́ше небес. <sup>3</sup> Из уст младе́нец и ссу́щих соверши́л еси хвалу́, враг Твоих

ра́ди, е́же разруши́ти врага и ме́стника. <sup>4</sup> Яко узрю́ небеса, дела́ перст Твоих, луну и зве́зды, я́же Ты основа́л еси. <sup>5</sup> Что́ есть человек, я́ко по́мниши его? Или сын человечь, я́ко посеща́еши его? <sup>6</sup> Ума́лил еси его малым чим от а́нгел, славою и че́стию венча́л еси его. <sup>7</sup> И поста́вил еси его над де́лы руку́ Твоею, вся покори́л еси под но́зе его. <sup>8</sup> Овцы и волы́ вся, еще же и скоты́ польски́я, <sup>9</sup> птицы небесныя, и рыбы морски́я, преходя́щыя стези́ морски́я. <sup>10</sup> Господи, Господь наш, я́ко чу́дно имя Твое по всей земли́.

Слава:

# По 1-й кафисме, Трисвятое, Пресвятая Троице, Отче наш.

И тропари сия, глас 1: В беззакониих зачався аз, блудный, не дерзаю взирати на высоту Небесную, но, дерзая на человеколюбие Твое, зову: Боже, очисти мя, грешнаго, и спаси мя. Аще праведник едва спасается, аз где явлюся, грешный? Тяготы и зноя дневнаго не понесох, но с наемники единонадесятаго часа сопричти мя, Боже, и спаси мя.

Слава: Объятия Отча отверсти ми потщися, блудно мое иждих житие, на богатство неиждиваемое взираяй щедрот Твоих, Спасе, ныне обнищавшее мое да не презриши сердце. Тебе бо, Господи, умилением зову: согреших на Небо и пред Тобою.

И ныне: Упование христиан, Пресвятая Дево, Егоже родила еси Бога паче ума же и слова, непрестанно моли с горними силами дати оставление грехов, нам всем и исправление жития, верою и любовию присно Тя чтущим.

# Господи, помилуй (40) и молитва:

Владыко Вседержителю, Непостижиме, начало света и преумная сило, иже Ипостаснаго Слова Отец и Единосильнаго Твоего Духа испуститель: милосердныя ради милости и неизреченныя благости не презревый человеческаго естества, тмою греха содержимаго, но Божественными светы священных Твоих учений, законом и пророки светивый миру, последи же нам того Единороднаго Твоего Сына благоволивый плотию возсияти и ко осиянию нас Твоего просвещения наставити: да будут

уши Твои внемлюще гласу моления нашего, и даруй нам, Боже, во бденном и трезвенном сердце, всю настоящаго жития нощь прейти, ожидающым пришествия Сына Твоего и Бога нашего, Судии всех, да не возлежаще и спяще, но бодрствующе и воздвижени в делание заповедей Твоих обрящемся и в радость Его совнидем, идеже празднующих глас непрестанный, и неизреченная сладость зрящих Твоего лица доброту неизглаголанную. Яко Благ и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно, и во веки веков, аминь.

# КАФИСМА ВТОРАЯ

1 В конец, о тайных сына, псалом Давиду, 9.

2 Исповемся Тебе, Господи, всем сердцем моим. повем вся чудеса Твоя. <sup>3</sup> Возвеселюся и возрадуюся о Тебе, пою имени Твоему, Вышний. 4 Внегда возвратитися врагу моему вспять, изнемогут и погибнут от лица Твоего. 5 Якосотворил еси суд мой, и прю мою, сел еси на Престоле, судяй правду. 6 Запретил еси языком, и погибе нечестивый, имя его потребил еси в век и во век века. <sup>7</sup> Врагу оскудеща оружия в конец, и грады разрушил еси, погибе память его с шумом. 8 И Господь во век пребывает, уготова на суд Престол Свой. 9 и Той судити имать вселенней в правду, судити имать людем в правоте. 10 И бысть Господь прибежище убогому, помощник во благовремениих, в скорбех. 11 И да уповают на Тя знающии имя Твое, яко не оставил еси взыскающих Тя, Господи. 12 Пойте Господеви, живущему в Споне, возвестите во языцех начинания Его. 13 Яко взыскаяй крови их помяну. не забы звания убогих. 14 Помилуй мя, Господи, вижль смирение мое от враг моих, возносяй мя от врат смертных. 15 Яко да возвещу вся хвалы Твоя во вратех дщере Сиони, возрадуемся о спасении Твоем. 16 Углебо́ша языщы в пагубе, юже сотворища, в сети сей, юже скрыша. увязе нога их. 17 Знаемь есть Господь судьбы творяй, в делех руку Своею увязе грешник. 18 Да возвратятся грешницы во ад, вси языцы забывающии Бога. 19 Яко не до конца забвен будет нищий, терпение убогих не погибнет до конца. 20 Воскресни, Господи, да не крепится че-

ловек, да судятся языцы пред Тобою. 21 Постави. Господи, законоположителя над ними, да разумеют языцы, я́ко челове́цы суть. <sup>22</sup> Вскую, Господи, отстоя дале́че, презираещи во благовремениих, в скорбех? 23 Внегда гордитися нечестивому, возгарается нищий, увязают в советех, яже помышляют. 24 Яко хвалимь есть грешный в похотех души своея, и обидяй благословимь есть. 25 Раздражи Господа грешный, по множеству гнева своего не взыщет: несть Бога пред ним. <sup>26</sup> Оскверняются путие его на всякое время, отъемлются судьбы Твоя от лица его: всеми враги своими обладает. 27 Рече бо в сердце своем: не подвижуся от рода в род без зла. <sup>28</sup> Егоже клятвы уста его полна суть, и горести и льсти, под языком его труд и болезнь. <sup>29</sup> Приседит в ловительстве с богатыми в тайных, еже убити неповиннаго, очи его на нищаго призираете. 30 Ловит в тайне, яко лев во ограде своей, ловит, еже восхитити нишаго, восхитити нишаго, внегда привлещи и в сети своей. 31 Смирит его, преклонится и падет, внегда ему обладати убогими. 32 Рече бо в сердце своем: забы Бог, отврати лице Свое, да не видит до конца. 33 Воскресни, Господи, Боже мой, да вознесется рука Твоя, не забуди убогих Твоих до конца. ради прогнева нечестивый Бога? Рече бо в сердце своем: не взыщет. 35 Видиши, яко Ты болезнь и ярость сматряеши, да предан будет в руце Твои, Тебе оставлен есть нищий, сиру Ты буди Помощник. 36 Сокруши мышцу грешному и лукавому, взыщется грех его и не обрящется. 37 Господь Царь во век и в век века, погибнете языцы от земли Его. <sup>38</sup> Желание убогих услышал еси, Господи, уготованию сердца их внят ухо Твое. 39 Суди сиру и смиренну, да не приложит ктому величатися человек на земли.

#### В конец, псалом Давиду, 10.

<sup>1</sup> На Господа уповах, како речете души моей: превитай по горам, яко птица? <sup>2</sup> Яко се грешницы налякоша лук, уготоваша стрелы в ту́ле, состреля́ти во мра́це правыя сердцем. <sup>3</sup> Зане́ яже Ты совершил еси, они разрушиша, праведник же что́ сотвори? Госпо́дь во храме святем Своем. <sup>4</sup> Госпо́дь, на Небеси́ Престол Его, очи Его на нищаго призира́ете, ве́жди Его испыта́ете сы́ны человеческия. <sup>5</sup> Госпо́дь испыта́ет пра́веднаго и нечести́вато,

любяй же неправду ненавидит свою душу. <sup>6</sup> Одождит на грешники сети, огнь и жупел, и дух бурен, часть чаши их. <sup>7</sup> Яко праведен Господь, и правды возлюби, правоты виде лице Его.

#### Слава:

# 1 В конец о осмей, псалом Давиду, 11.

<sup>2</sup> Спаси мя, Господи, яко оскуде преподобный, яко умалишася истины от сынов человеческих. <sup>3</sup> Суетная глагола кийждо ко искреннему своему: устне льстивыя в сердце, и в сердце глаголаша злая. <sup>4</sup> Потребит Господь вся устны льстивыя, язык велеречивый. <sup>5</sup> Рекшыя: язык наш возвеличим, устны нашя при нас суть, кто нам Господь есть? <sup>6</sup> Страсти ради нищих и воздыхания убогих, ныне воскресну, глаголет Господь, положуся во спасение, не обинюся о нем. <sup>7</sup> Словеса Господня, словеса чиста, сребро разжжено, искушено земли, очищено седмерицею. <sup>8</sup> Ты, Господи, сохраниши ны и соблюдеши ны от рода сего и во век. <sup>9</sup> Окрест нечестивии ходят: по высоте Твоей умножил еси сыны человеческия.

# <sup>1</sup> В конец, псалом Давиду, 12.

<sup>2</sup> Доко́ле, Го́споди, забу́деши мя до конца? Доко́ле отвраща́еши лице́ Твое от мене́? <sup>3</sup> Доко́ле положу́ сове́ты в души́ моей, болезни в сердце моем день и нощь? Доко́ле вознесе́тся враг мой на мя? <sup>4</sup> При́зри, услы́ши мя, Го́споди, Боже мой, просвети́ очи мои, да не когда́ усну́ в смерть, <sup>5</sup> да не когда́ речет враг мой: укрепихся на него. <sup>6</sup> Стужа́ющии ми возра́дуются, а́ще подви́жуся. <sup>7</sup> Аз же на милость Твою упова́х. Возра́дуется сердце мое о спасении Твоем, воспо́ю Го́сподеви, благоде́явшему мне, и пою имени Господа Вы́шняго.

#### В конец, псалом Давиду, 13.

<sup>1</sup> Рече́ безумен в сердце своем: несть Бог. Растлеша и омерзишася в начинаниих: несть творяй благостыню. <sup>2</sup> Господь с Небесе́ приниче на сыны челове́ческия, видети, аще есть разумеваяй или взыскаяй Бога. <sup>3</sup> Вси́

уклонишася, вку́пе неключими быша: несть творяй благосты́ню, несть до единаго. ЧИн ли уразуме́ют вси делающии беззако́нне, снеда́ющин лю́ди моя в снедь хле́ба? Го́спода не призва́ша. Тамо убоя́шася страха, иде́же не бе страх, я́ко Господь в роде праведных. Совет ни́щаго посрами́сте, Господь же упова́ние его есть. Кто даст от Сиона спасение Изра́илево? Внегда возврати́т Госпо́дь плене́нне людей Своих, возра́дуется Иаков и возвесели́тся Изра́иль.

Слава:

# В конец, псалом Давиду, 14.

<sup>1</sup> Го́споди, кто обита́ет в жили́щи Твоем? Или́ кто всели́тся во святу́ю го́ру Твою? <sup>2</sup> Ходя́й непоро́чен и де́лаяй правду, глаго́ляй истину в сердце своем. <sup>3</sup> Иже не ульсти язы́ком своим и не сотвори́ и́скреннему своему зла, и поноше́ния не прия́т на бли́жния своя́. <sup>4</sup> Уничиже́н ссть пред ним лука́внуяй, боя́щыя же ся Господа сла́вит, клены́йся и́скреннему своему и не отмета́яся. <sup>5</sup> Сребра своего не даде́ в ли́хву и мзды на непови́нных не прия́т. Творя́й сия́ не подви́жится во век.

# Столпописание Давиду, 15.

<sup>1</sup> Сохрани мя, Господи, яко на Тя уповах. <sup>2</sup> Рех Господеви: Господь мой еси Ты, яко благих моих не требуеши. 3 Святым, иже суть на земли Его, удиви Господь вся хотення Своя в них. 4 Умножишася немощи их, по сих ускориша: не соберу соборы их от кровей, ни помяну же имен их устнама мойма. 5 Господь часть достояния моего и чаши моея, Ты еси устрояяй достояние мое мне. <sup>6</sup> Ужя нападоща ми в державных моих, ибо достояние мое держа́вно есть мне. 7 Благословлю́ Господа, вразуми́вшаго мя, еще же и до ноши наказаща мя утробы моя. 8 Предзрех Господа предо мною выну, яко одесную мене есть, да не подвижуся. 9 Сего ради возвеселися сердце мое и возрадовася язык мой, еще же и плоть моя вселится на уповании. 10 Яко не оставиши душу мою во аде, ниже даси преподобному Твоему видети истления. 11 Сказал ми еси пути живота, исполниши мя веселия с лицем Твоим, красота в деснице Твоей в конец.

# Молитва Давиду, 16.

1 Услыши, Господи, правду мою, вонми молению моему, внуши молитву мою не во устнах льстивых. 2 От лица Твоего судьба моя изыдет, очи мои да видита правоты. 3 Искусил еси сердце мое, посетил еси нощию, искусил мя еси, и не обретеся во мне неправда. 4 Яко да не возглаголют уста моя дел человеческих, за словеса устен Твоих аз сохраних пути жестоки. 5 Соверши стопы моя во стезях Твоих, да не подвижутся стопы моя. 6 Аз воззва́х, я́ко услышал мя еси, Боже, приклони́ ухо Твое мне и услыши глаго́лы моя. 7 Удиви́ ми́лости Твоя, спаса́яй уповающыя на Тя от противящихся деснице Твоей. 8 Coхрани мя, Господи, яко зеницу ока, в крове крилу Твоею покрыеши мя. 9 От лица нечестивых, острастших мя, врази мои душу мою одержаша. 10 Тук свой затворища, уста их глаголаша гордыню. 11 Изгонящии мя ныне обыдоша мя, очи Свои возложища уклонити на землю. 12 Объяща мя яко лев готов на лов, и яко скимен обитаяй в тайных. <sup>13</sup> Воскресни. Господи, предвари я, и запни им, избави душу мою от нечестиваго, оружие Твое от враг руки Твоея. 14 Господи, от малых от земли раздели я в животе их, и сокровенных Твоих исполнися чрево их, насытишася сынов, и оставиша останки младенцем своим. 15 Аз же правдою явлюся лицу Твоему, насыщуся, внегда явити ми ся славе Твоей.

Слава:

# По 2-й кафисме, Трисвятое.

Таже тропари, глас 2: Аз сый древо неплодное, Господи, умиления плода не ношу отнюдь и посечения страшуся, и огня онаго боюся негасимаго. Темже Тя молю: прежде оныя нужды обрати и спаси мя. Яко волны морския, на мя восташа беззакония моя, яко кораблец в пучине, аз един обуреваюся от прегрешений многих, но в тихое пристанище настави мя, Господи, покаянием и спаси мя.

Слава: Помилуй мя, рече́ Давид, и аз Тебе зову́: согреших, Спа́се, грехи моя очи́стив покаянием, помилуй мя.

И ныне: Предстательство теплое христиан, Сына Твоего моли, Богородице, всякаго злодейства и лютости из-

бавити нас ратника, и дати прощение нам, о нихже согрешихом, милосердия ради щедрот, Твоими мелитвами, Мати Дево.

# Господи, помилуй (40) и молитва:

Владыко Вседержителю, Отче Господа нашего Иисуса Христа, Единоро́днаго Твоего Сына, даждь ми тело нескве́рное, сердце чистое, ум бодр, разум незаблу́дный, Духа Свята́го наше́ствие, к стяжанию и дово́льству истины во Христе Твоем: с Ни́мже Тебе слава подоба́ет, честь и поклонение, со Святым Духом ны́не и при́сно, и во веки веков, аминь.

# КАФИСМА ТРЕТИЯ

<sup>1</sup> В конец, о́троку Госпо́дню Давиду, я́же глаго́ла Го́сподеви словеса́ песни сея́, в день, воньже изба́ви его Госпо́дь от руки всех враг его, й из руки Сау́ли, и рече: 17.

<sup>2</sup> Возлюблю́ Тя, Господи, крепосте моя. <sup>3</sup> Господь утверждение мое, и прибежище мое, и Избавитель мой. Бог мой, Помощник мой, и уповаю на Него, Защититель мой, и рог спасения моего, и Заступник мой. 4 Хваля́ призову Господа и от враг моих спасуся. 5 Одержаща мя болезни смертныя, и потоцы беззакония смятоща мя. 6 болезни адовы обыдоща мя, предварища мя сети смертныя. 7 И внегда скорбети ми, призвах Господа, и к Богу моему воззвах, услыша от храма святаго Своего глас мой, и вопль мой пред Ним внидет во уши Ero. 8 И подвижеся, и трепетна бысть земля, и основания гор смятошася и подвигошася, яко прогневася на ня Бог. 9 Взыде дым гневом Его, и огнь от лица Его воспламенится, углие возгореся от Него. 10 И приклони небеса, и сниде, и мрак под ногама Его. 11 И взыде на Херувимы, и лете, лете на крилу ветренню. 12 И положи тму закров Свой, окрест Его селение Его, темна вода во облацех воздушных. 13 От облистания пред Ним облацы проидоша, град и углие огненное. 14 И возгреме с Небесе Господь и Вышний даде глас Свой. 15 Низпосла стрелы и разгна я, и молнии умножи и смяте я́. 16 И явишася источницы воднии, и от-

крышася основания вселенныя, от запрешения Твоего. Господи, от дохновения духа гнева Твоего. 17 Низпосла с высоты, и прият мя, восприят мя от вод многих. 18 Избавит мя от врагов моих сильных и от ненавидящих мя, яко утвердишася паче мене. 19 Предварища мя в день озлобления моего, и бысть Господь утверждение мое. 20 И изведе мя на широту, избавит мя, яко восхоте мя. 21 И воздаст ми Господь по правде моей и по чистоте руку моею воздаст ми, 22 Яко сохраних пути Господни и не нечествовах от Бога моего. 23 Яко вся судьбы Его предо мною и оправдания Его не отступиша от мене. 24 И буду непорочен с Ним, и сохранюся от беззакония моего. <sup>25</sup> И воздаст ми Господь по правде моей и по чистоте́ руку́ моею пред очима Его. 26 С преподобным преподобен будеши, и с мужем неповинным неповинен будеши, 27 и со избранным избран будеши, и со строптивым развратишися. 28 Яко Ты люди смиренныя спасеши и очи гордых смириши. 29 Яко Ты просветиши светильник мой, Господи, Боже мой, просветиши тму мою, 30 Яко Тобою избавлюся от искушения и Богом моим прейду стену. 31 Бог мой, непорочен путь Его, словеса Господня разжжена, Защититель есть всех уповающих на Hero. 32 Яко кто бог, разве Господа? Или кто бог, разве Бога нашего? 33 Бог препоясуяй мя силою, и положи непорочен путь мой. 34 Совершаяй нозе мои, яко елени, и на высоких поставляяй мя. 35 Научаяй руце мои на брань, и положил еси лук медян мышца моя. 36 И дал ми еси защищение спасения, и десница Твоя восприят мя, и наказание Твое исправит мя в конец, и наказание Твое то мя научит. 37 Уширил еси стопы моя подо мною, и не изнемогосте плесне мои. 38 Пожену враги моя, и постигну я, и не возвращуся, дондеже скончаются. 39 Оскорблю их, и не возмогут стати, падуг под ногама моима. 40 И препоясал мя еси силою на брань, спял еси вся востающыя на мя под мя. 41 И врагов моих дал ми еси хребет, и ненавидящыя мя потребил еси. 42 Воззваща, и не бе спасаяй: ко Господу, и не услыша их. 43 И истню я яко прах пред лицем ветра, яко брение путей поглажду я. 44 Избавиши мя от пререкания людей, поставиши мя во главу языков. Людие, ихже не ведех, работаша ми. 45 В слух уха послушаша мя. Сынове чуждии солгаша ми. <sup>46</sup> Сынове чуждии обетшаша и охромоща от стезь своих. 47 Жив Госпо́дь, и благослове́н Бог, и да вознесе́тся Бог спасе́ния моего. 48 Бог дая́й отмще́ние мне и покори́вый люди под мя. 49 Изба́витель мой от враг моих гневли́вых, от востаю́щих на мя вознесеши мя, от мужа непра́ведна изба́виши мя. 50 Сего́ ра́ди испове́мся Тебе во язы́цех, Го́споди, и имени Твоему пою: 51 велича́яй спасения царе́ва, и творяй милость христу Своему Давиду, и семени его до века.

Слава:

# <sup>1</sup> В конец, псалом Давиду, 18.

<sup>2</sup> Небеса пове́дают славу Божию, творе́ние же руку́ Его возвещает твердь. <sup>3</sup> День дни отрыгает глагол, и нощь нощи возвещает разум. <sup>4</sup> Не суть речи, ниже словеса, ихже не слышатся гласи их. 5 Во всю землю изыде вещание их и в концы вселенныя глаголы их. В солнце положи селение Свое, 6 и Той, яко Жених исходяй от чертога Своего, возрадуется, яко Исполин тещи путь. 7 От края небесе исход Его, и сретение Его до края небесе, и несть иже укрыется теплоты Его. 8 Закон Госполень непорочен, обращая душы, свидетельство Господне верно, умудряющее младенцы. 9 Оправдания Господня права. веселящая сердце, заповедь Господня светла, просвещающая очи. 10 Страх Господень чист, пребываяй в век века: судьбы Господни истинны, оправданы вкупе. 11 вожделенны паче злата и камене честна многа и слаждшия паче меда и сота. 12 Ибо раб Твой хранит я, внегда сохранити я, воздаяние много. 13 Грехопадения кто разумеет? От тайных моих очисти мя, 14 и от чуждих пощади раба Твоего, аще не обладают мною, тогда непорочен буду и очищуся от греха велика. 15 И будут во благоволение словеса уст моих, и поучение сердца моего пред Тобою выну. Господи. Помощниче мой и Избавителю мой.

#### 1 В конец, псалом Давиду, 19.

<sup>2</sup> Услышит тя Господь в день псчали, защитит тя имя Бога Иаковля. <sup>3</sup> Послет ти помощь от Святаго и от Сиона заступит тя. <sup>4</sup> Помянет всяку жертву твою, и всесожжение твое тучно буди. <sup>5</sup> Даст ти Господь по сердцу твоему и весь совет твой исполнит. <sup>6</sup> Возрадуемся о спа-

сенни твоем и во имя Господа Бога нашего возвеличимся. Исполнит Господь вся прошения твоя. <sup>7</sup> Ныне познах, яко спасе Господь христа Своего, услышит Его с Небесе Свята́го Своего, в силах спасе́ние десницы Его. <sup>8</sup> Сии на колесницах, и сии на ко́нех, мы же во имя Го́спода Бога нашего призове́м. <sup>9</sup> Ти́и спя́ти бы́ша и падо́ша, мы же воста́хом и испра́вихомся. <sup>10</sup> Го́споди, спаси́ царя и услы́ши ны, во́ньже аще день призове́м Тя.

# 1 Псалом Давиду, 20.

<sup>2</sup> Господи, силою Твоею возвеселится царь и о спасении Твоем возрадуется зело. 3 Желание сердца его дал еси ему, и хотения устну его неси лишил его. 4 Яко предварил еси его благословением благостынным, положил еси на главе его венец от камене честна. 5 Живота просил есть у Тебе, и дал еси ему долготу дний во век века. 6 Велия слава его спасением Твоим, славу и велелепие возложищи на него. 7 Яко даси ему благословение во век века, возвеселищи его радостию с лицем Твоим. 8 Яко царь уповает на Господа, и милостию Вышняго не подвижится. <sup>9</sup> Да обрящется рука Твоя всем врагом Твоим, десница Твоя да обрящет вся ненавидящыя Тебе. 10 Яко положиши их яко пещь огненную во время лица Твоего, Господь гневом Своим смятет я, и снесть их огнь. 11 Плод их от земли погубиши, и семя их от сынов человеческих. 12 Яко уклониша на Тя злая, помыслиша советы, ихже не возмогут составити. 13 Яко положищи я хребет, во избытцех Твоих уготовиши лице их. 14 Вознесися, Господи, силою Твоею, воспоем и поем силы Твоя.

# Слава:

# 1 В конец, о заступлении утреннем, псалом Давиду, 21.

<sup>2</sup> Боже, Боже мой, вонми ми, вскую оставил мя еси? Дале́че от спасе́ния моего словеса грехопаде́ний моих. <sup>3</sup> Боже мой, воззову́ во дни, и не услы́шиши, и в нощи́, и не в безу́мие мне. <sup>4</sup> Ты же во Святе́м живе́ши, хвало́ Изра́илева. <sup>5</sup> На Тя упова́ша отцы́ наши, упова́ша и изба́вил еси я́. <sup>6</sup> К Тебе воззва́ша, и спасо́шася, на Тя упова́ша, и не постыде́шася. <sup>7</sup> Аз же есмь червь, а не человек, поноше́ние челове́ков и уничиже́ние людей. <sup>8</sup> Вси ви́дящии мя поруга́ша ми ся, глаго́лаша устна́ми, покива́ша

главою: 9 упова на Господа, да избавит его, да спасет его, яко хощет его. 10 Яко Ты еси исторгий мя из чрева. упование мое от сосцу матере моея. 11 К Тебе привержен есмь от ложесн, от чрева матере моея Бог мой еси Ты. 12 Да не отступиши от мене, яко скорбь близ, яко несть помогаяй ми. 13 Обыдоша мя тельцы мнози, юнцы тучнии одержаща мя. 14 Отверзоща на мя уста Своя, яко лев восхищаяй и рыкаяй. 15 Яко вода излияхся, и разсыпашася вся кости моя, бысть сердце мое яко воск, таяй посреде чрева моего. 16 Изсше яко скудель крепость моя, и язык мой прильпе гортани моему, и в персть смерти свел мя еси. 17 Яко обыдоща мя пси мнози, сонм лукавых одержаща мя, ископаща руще мои и нозе мои. 18 Исчетоша вся кости моя, тин же смотриша и презреща мя. 19 Разделища ризы моя себе, и о одежди моей меташа жребий. <sup>20</sup> Ты же. Господи, не удали помощь Твою от мене, на заступление мое вонми. 21 Избави от оружия душу мою, и из руки песии единородную мою. <sup>22</sup> Спаси мя от уст львовых и от рог единорожь смирение мое. 23 Повем имя Твое братии моей, посреде церкве воспою Тя. 24 Боящиися Господа, восхвалите Его, все семя Иаковле, прославите Его, да убойтся же от Него все семя Израилево. <sup>25</sup> Яко не уничижи, ниже негодова молитвы нищаго, ниже отврати лице Свое от мене, и егда воззвах к Нему, услыша мя, 26 От Тебе похвала моя, в церкви велицей исповемся Тебе, молитвы моя воздам пред боящимися Его. <sup>27</sup> Ядя́т убо́зии и насы́тятся, и восхва́лят Господа взыскающии Его, жива будут сердца их в век века. 28 Помянутся и обратятся ко Господу вси концы земли, и поклонятся пред Ним вся отечествия язык. <sup>29</sup> Яко Господне есть царствие, и Той обладает языки. 30 Ядоша и поклонишася вси тучнии земли, пред Ним припадут вси низходящии в землю, и душа моя тому живет. 31 И семя мое поработает Ему, возвестит Господеви род грядущий. 32 Й возвестят правду Его людем рождшымся, яже сотвори Господь.

# Псалом Давиду, 22.

<sup>1</sup> Господь пасет мя, и ничтоже мя лишит. <sup>2</sup> На месте злачне, тамо всели мя, на воде покойне воспита мя. <sup>3</sup> Душу мою обрати, настави мя на стези правды, имене ради

Своего. <sup>4</sup> Аще бо и пойду́ посреде́ се́ни сме́ртныя, не убою́ся зла, я́ко Ты со мно́ю еси́, жезл Твой и па́лица Твоя́, та мя уте́шиста. <sup>5</sup> Угото́вал еси предо мно́ю трапе́зу сопроти́в стужа́ющым мне, ума́стил еси́ еле́ом главу́ мою, и чаша Твоя́ упоява́ющи мя, я́ко держа́вна. <sup>6</sup> И ми́лость Тво́я пожене́т мя вся дни живота́ моего́, и е́же всели́ти ми ся в дом Господень, в долготу́ дний.

# Псалом Давиду, единыя от суббот, 23.

<sup>1</sup> Господня земля, и исполнение ея, вселенная и вси живущии на ней. <sup>2</sup> Той на моря́х основа́л ю́ есть, и на река́х угото́вал ю́ есть. <sup>3</sup> Кто взы́дет на го́ру Господню? Или́ кто ста́нет на ме́сте святе́м Его́? <sup>4</sup> Непови́нен рука́ма и чист се́рдцем, и́же не прия́т всу́е душу свою, и не кля́тся ле́стию и́скреннему своему. <sup>5</sup> Сей прии́мет благослове́ние от Господа, и ми́лостыню от Бога, Спа́са своего́. <sup>6</sup> Сей род и́шущих Господа, и́шущих лице́ Бога Иа́ковля. <sup>7</sup> Возми́те врата́ кня́зи ва́ша, и возми́теся врата́ ве́чная, и вни́дет Царь сла́вы. <sup>8</sup> Кто́ есть сей Царь сла́вы? Господь кре́пок и си́лен, Господь си́лен в бра́ни. <sup>9</sup> Возми́те врата́ кня́зи ваша, и возми́теся врата́ вечная, и вни́дет Царь сла́вы. <sup>10</sup> Кто есть сей Царь сла́вы? Господь сил, Той есть Царь сла́вы.

Слава:

#### По 3-й кафисме, Трисвятое.

Таже тропари, глас 3: Живущи на земли, душе моя, покайся: персть во гробе не поет, прегрешений не избавляет. Возопий Христу Богу: Сердцеведче, согреших, прежде даже не осудичи мя, помилуй мя. Доколе, душе моя, пребываеши в прегрешенних? Доколе приемлеши покаяния преложение? Приими во уме суд грядущий и возопий Господу: Сердцеведче, согреших, прежде даже не осудиши мя, помилуй мя.

Слава: На Страшном судищи без оглагольников обличаюся, без свидетелей осуждаюся, книги бо совестныя разгибаются, и дела сокровенная открываются. Прежде иеже во оном всенародном позорищи имаши испытати, яже мною содеянная, Боже, очисти мя и спаси мя.

И ныне: Недоразумеваемое и непостижимое есть, Владычице Богоблагодатная, соде́янное о Тебе страшное таинство: Необъе́млемаго бо, заче́нши, родила́ еси пло́тию обложе́ннаго от чи́стых крове́й Твоих: Егоже, Чистая, яко Сына Твоего, моли спасти вся пою́щыя Тя.

# Господи, помилуй (40) и молитва:

Вседержителю, Слове Пребезначальнаго Госполи Отца, самосовершенный Боже Иисусе Христе, милосердия ради безприкладнаго милости Твоея, никакоже разлучаяйся Твоих рабов, но присно в них почиваяй, не остави мя, раба Твоего, Всесвятый Царю, но даждь мне, недостойному, радование спасения Твоего и просвети мой ум светом познания Евангелиа Твоего, душу мою любовию Креста Твоего обяжи, тело же мое Твоим безстрастием украси, мысли умири и нозе мои сохрани от поползновения, и не погуби мя со беззаконьми моими, Благий Господи, но искуси мя, Боже, и вразуми сердце мое, испытай мя и увеждь стези моя, и виждь, аще путь беззакония во мне, и отврати от него, и настави мя на путь вечен. Ты бо еси Путь, и Истина, и Живот, и Тебе славу возсылаем со Безначальным Твоим Отцем и Пресвятым, и Благим, и Животворящим Духом ныне и присно и во веки веков, аминь.

#### КАФИСМА ЧЕТВЕРТАЯ

# Псалом Давиду, 24.

¹ К Тебе, Господи, воздвигох душу мою, Боже мой, на Тя уповах, да не постыжуся во век, ниже да посмеют ми ся врази мои, ² ибо вси терпящии Тя не постыдятся. ³ Да постыдятся беззаконнующии вотще. ⁴ Пути Твоя, Господи, скажи ми, и стезям Твоим научи мя. ⁵ Настави мя на истину Твою, и научи мя, яко Ты еси Бог Спас мой, и Тебе терпех весь день. 6 Помяни щедроты Твоя, Господи, и милости Твоя, яко от века суть. 7 Грех юности моея, и неведения моего не помяни, по милости Твоей помяни мя Ты, ради благости Твоея, Господи. 8 Благ и прав Господь, сего ради законоположит согрешающым на пути. 9 Наставит кроткия на суд, научит кроткия путем Своим.

10 Вси путие Господни милость и истина, взыскающым завета Его, и свидения Его, 11 Ради имене Твоего, Господи, и очисти грех мой, мног бо есть. 12 Кто есть человек бояйся Господа? Законоположит ему на пути, егоже изволи. 13 Душа его во благих водворится, и семя его наследит землю. 14 Держава Господь боящихся Его. и завет Его явит им. 15 Очи мой выну ко Господу, яко Той исторгнет от сети нозе мои. 16 Призри на мя и помилуй мя, яко единород и нищ есмь аз. 17 Скорби сердца моего умножишася, от нужд моих изведи мя. 18 Виждь смирение мое, и труд мой, и остави вся грехи моя. 19 Виждь враги моя, яко умножишася, и ненавидением неправедным возненавидеша мя. 20 Сохрани душу мою, и избави мя, да не постыжуся, яко уповах на Тя. 21 Незлобивии и правии прилепляхуся мне, яко потерпех Тя, Господи. <sup>22</sup> Избави. Боже. Израиля от всех скорбей его.

# Псалом Давиду, 25.

1 Суди ми. Господи, яко аз незлобою моею ходих, и на Господа уповая, не изнемогу. 2 Искуси мя, Господи, и испытай мя, разжай утробы моя, и сердце мое. <sup>3</sup> Яко милость Твоя пред очима моима есть, и благоугодих во истине Твоей. 4 Не седох с сонмом суетным, и со законопреступными не вниду. 5 Возненавидех церковь лукавнующих, и с нечестивыми не сяду. 6 Умыю в неповинных руце мои, и обыду жертвенник Твой, Господи. 7 Еже услышати ми глас хвалы Твоея, и поведати вся чудеса Твоя. 8 Господи, возлюбих благоление дому Твоего и место селения славы Твоея. 9 Да не погубищи с нечестивыми душу мою, и с мужи кровей живот мой. <sup>10</sup> Ихже в руку беззакония, десница их исполнися мзды. 11 Aз же незлобою моею ходих, избави мя, Господи, и помилуй мя. 12 Нога моя ста на правоте: в церквах благословлю Тя, Госполи.

# Псалом Давиду, прежде помазания, 26.

<sup>1</sup> Господь просвещение мое и Спаситель мой, кого убоюся? Господь Защититель живота моего, от кого устрашуся? <sup>2</sup> Внегда приближатися на мя злобующым, еже снести плоти моя, оскорбляющии мя, и врази мой,

тин изнемогоша и падоша. З Аще ополчится на мя полк. не убойтся сердце мое, аще востанет на мя брань, на Него аз уповаю. 4 Едино просих от Господа, то взыщу: еже жити ми в дому Господни вся дни живота моего. зрети ми красоту Господню и посещати храм святый Его. <sup>5</sup> Яко скры мя в селении Своем в день зол моих, покры мя в тайне селения Своего, на камень вознесе мя. 6 И ныне се вознесе главу мою, на враги моя: обыдох и пожрох в селении Его жертву хваления и воскликновения, пою и воспою Господеви. Услыши, Господи, глас мой, имже воззвах: помилуй мя и услыши мя. 8 Тебе рече сердце мое, Господа взыщу. Взыска́ Тебе́ лице́ мое, лица́ Твоего, Господи, взыщу́. У Не отврати́ лица́ Твоего от мене и не уклонися гневом от раба Твоего: помощник мой буди, не отрини мене, и не остави мене, Боже Спасителю мой. 10 Яко отец мой и мати моя остависта мя. Господь же восприят мя. 11 Законоположи ми, Господи, в пути Твоем и настави мя на стезю правую враг моих ради. 12 Не предаждь мене в душы стужающих ми, яко востаща на мя свидетеле неправеднии и солга неправда себе. 13 Верую видети благая Господня на земли живых. 14 Потерпи Господа, мужайся и да крепится сердце твое, и потерпи Господа.

Слава:

# Псалом Давиду, 27.

<sup>1</sup> К Тебе, Господи, воззову́, Боже мой, да не премолчи́ши от мене́, да не когда́ премолчи́ши от мене́: и уподоблюся низходя́щым в ров. <sup>2</sup> Услы́ши, Господи, глас моле́ния моего, внегда́ моли́ти ми ся к Тебе, внегда́ возде́ти ми ру́це мой к хра́му святому Твоему́. <sup>3</sup> Не привлецы́ мене́ со гре́шники и с де́лающими непра́вду не погуби́ мене́, глаго́лющими мир с бли́жними свои́ми, злая же в сердца́х свои́х. <sup>4</sup> Да́ждь им, Господи, по дело́м их, и по лука́вству начина́ний их: по дело́м руку́ их даждь им: возда́ждь воздая́ние их им. <sup>5</sup> Яко не разуме́ша в дела́ Господня и в дела́ руку́ Его: разори́ши я́, и не сози́ждеши я́. <sup>6</sup> Благослове́н Господь, яко услыша глас моле́ния моего́. <sup>7</sup> Господь Помо́щник мой, и Защи́титель мой: на Него упова́ се́рдце мое́, и помо́же ми, и процвете́ плоть

моя, и во́лею моею исповемся Ему. <sup>8</sup> Господь утверждение людей Своих, и Защититель спасений христа Своего есть. <sup>9</sup> Спаси люди Твоя и благослови достояние Твое, и упаси я, и возми я до века.

#### Псалом Давиду, исхода скинии, 28.

<sup>1</sup> Принесите Господеви сынове Божии, принесите Господеви, сыны овни, принесите Господеви славу и честь. <sup>2</sup> Принесите Господеви славу имени Его, поклонитеся Господеви во дворе святем Его. <sup>3</sup> Глас Господень на водах, Бог славы возгреме, Господь на водах многих. 4 Глас Господень в крепости, глас Господень в великолепии. 5 Глас Господа, сокрушающаго кедры, и стрыет Господь кедры Ливанския: 6 и истнит я яко тельца Ливанска, и возлюбленный яко сын единорожь. 7 Глас Господа, пресецающаго пламень огня. 8 Глас Господа, стрясающаго пустыню, и стрясет Господь пустыню Каддийскую. 9 Глас Господень свершающий елени, и открыет дубравы, и в храме Его всякий глаголет славу. 10 Господь потоп населяет, и сядет Господь Царь в век. 11 Господь крепость людем Своим даст. Господь благословит люди Своя миром.

#### 1 Псалом песни, обновления дому Давидова, 29.

<sup>2</sup> Вознесу́ Тя, Господи, я́ко подъя́л мя еси́, и не возвесели́л еси́ враго́в моих о мне. <sup>3</sup> Господи Боже мой, воззва́х к Тебе, и исцели́л мя еси́. <sup>4</sup> Господи, возве́л еси́ от а́да ду́шу мою, спасл мя еси́ от низходя́щих в ров. <sup>5</sup> По́йте Го́сподеви, преподо́бнии Его́, и испове́дайте па́мять святы́ни Его. <sup>6</sup> Яко гнев в я́рости Его́, и живо́т в во́ли Его́: ве́чер водворится плачь, и зау́тра радость. <sup>7</sup> Аз же рех во оби́лии мое́м: не подвижуся во век. <sup>8</sup> Господи, во́лею Твое́ю пода́ждь добро́те мое́й силу. Отврати́л же еси́ лице́ Твое́, и бых смуще́н. <sup>9</sup> К Тебе́, Господи, воззову́, и к Богу моему́ помолю́ся. <sup>10</sup> Ка́я по́льза в кро́ви мое́й, внегда́ сходи́ти ми во истле́ние? Еда́ испове́стся Тебе́ персть, или́ возвести́т и́стину Тво́ю? <sup>11</sup> Слы́ша Господь и поми́лова мя: Господь бысть Помо́щник мой. <sup>12</sup> Обрати́л еси́ плачь мой в ра́дость мне: растерза́л еси́

вретище мое, и препоясал мя еси веселием. <sup>13</sup> Яко да воспоет Тебе слава моя, и не умилюся: Господи Боже мой, во век исповемся Тебе.

#### Слава:

#### 1 В конец, псалом Давиду, изступления, 30.

<sup>2</sup> На Тя, Господи, уповах, да не постыжуся во век: правдою Твоею избави мя и изми мя. 3 Приклони ко мне vxo Твое, ускори изъяти мя, буди ми в Бога Защитителя, и в дом прибежища, еже спасти мя. 4 Яко держава моя и прибежище мое еси Ты, и имене Твоего ради наставиши мя, и препитаеши мя. 5 Изведеши мя от сети сея, юже скрыша ми, яко Ты еси Защититель мой, Господи. 6 В руце Твои предложу дух мой: избавил мя есй. Господи Боже истины. 7 Возненавидел еси хранящыя суеты вотще: аз же на Господа уповах. 8 Возрадуюся и возвеселюся о милости Твоей, яко призрел еси на смирение мое, спасл еси от нужд душу мою, 9 и неси мене затворил в руках вражиих, поставил еси на пространне нозе мои. 10 Помилуй мя, Господи, яко скорблю: смятеся яростию око мое, душа моя и утроба моя. 11 Яко исчезе в болезни живот мой и лета моя в воздыханиих, изнеможе нищетою крепость моя и кости моя смятошася. 12 От всех враг моих бых поношение, и соседом моим зело, и страх знаемым моим: видящии мя вон бежаша от мене. 13 Забвен бых яко мертв от сердца, бых яко сосуд погублен. 14 Яко слышах гаждение многих, живущих окрест, внегда собратися им вкупе на мя, прияти душу мою совещаща. 15 Аз же на Тя, Господи, уповах, рех: Ты еси Бог мой. 16 В руку Твоею жребии мой: избави мя из руки враг моих и от гонящих мя. 17 Просвети лице Твое на раба Твоего, спаси мя милостию Твоею. 18 Господи. да не постыжуся, яко призвах Тя: да постыдятся нечестивии и снидут во ад. 19 Немы да будут устны льстивыя, глаголющыя на праведнаго беззаконие, гордынею и уни-<sup>20</sup> Коль многое множество благости Твоея, чижением. Господи, юже скрыл еси боящымся Тебе, соделал еси уповающым на Тя пред сыны человеческими. 21 Скрыеши их в тайне лица Твоего от мятежа человеческа, покрыеши их в крове от пререкания язык. 22 Благословен Господь, яко удиви милость Свою во граде ограждения. 23 Аз же рех во изступлении моем: отвержен есмь от лица очию Твоею: сего ради услышал еси глас молитвы моей, внегда воззвах к Тебе. <sup>24</sup> Возлюбите Господа, вси преподобнии Его, яко истины взыскает Господь, и воздает излише творящым гордыню. <sup>25</sup> Мужайтеся, и да крепится сердце ваше, вси уповающии на Господа.

# Псалом Давиду, разума, 31.

1 Блажени, ихже оставишася беззакония и ихже прикрышася греси. <sup>2</sup> Блажен муж, емуже не вменит Господь греха, ниже есть во устёх его лесть. З Яко умолчах, обетшаща кости моя, от еже звати ми весь день. 4 Яко день и нощь отяготе на мне рука Твоя, возвратихся на страсть, егда унзе ми терн. <sup>5</sup> Беззаконие мое познах и греха моего не покрых, рех: исповем на мя беззаконие мое Господеви, и Ты оставил еси нечестие сердца моего. 6 За то помо́лится к Тебе всяк преподобный во время благопотребно: обаче в потопе вод многих к нему не приближатся. 7 Ты еси прибежище мое от скорби обдержащия мя: радосте моя, избави мя от обышедших мя. <sup>8</sup> Вразумлю́ тя и наставлю тя на путь сей, воньже пойдеши, утвержу на тя очи Мои. 9 Не будите яко конь и меск, имже несть разума: броздами и уздою челюсти их востягнеши, не приближающихся к тебе. 10 Mноги páны грешному, уповающаго же на Господа милость обыдет. 11 Веселитеся о Господе, и радуйтеся, праведнии, и хвалитеся, вси правии сердцем.

#### Слава:

#### По 4-й кафисме, Трисвятое.

Таже тропари, глас 7: Смиренную мою душу посети, Господи, во гресех все житие иждившую: имже образом блудницу, приими и мене, и спаси мя. Преплавая пучину настоящаго жития, помышляю бездну многих моих зол, и не имеяй окормителя помышлений, Петров провещаваю Ти глас: спаси мя, Христе, спаси мя, Боже, яко Человеколюбец.

Слава: Скоро совни́дем в неве́стник Христов, да вси услышим блаженный глас Христа Бога нашего: приидите, лю́бящии Небесную славу, соприча́стницы бы́вше мудрых дев, уясни́вше свещы́ на́шя верою.

И ныне: Душе, покайся прежде исхода твосго, суднеумытен грешным есть и нестерпимый. Возопий Господу во умилении сердца: согреших Ти в ведении и не в ведении, Щедрый, молитвами Богородицы ущедри и спаси мя.

# Господи, помилуй (40) и молитва:

Тебе, Господи, Единому Благому и Непамятозлобному, исповедаю грехи моя, Тебе припадаю вопия, недостойный: согреших. Госполи, согреших и несмь достоин воззрети на высоту небесную от множества неправд моих. Но, Господи мой, Господи, даруй ми слезы умиления, Единый Блаже и Милостивый, яко да ими Тя умолю, очиститися прежде конца от всякаго греха: страшно бо и грозно место имам проити, тела разлучився, и множество мя мрачное и безчеловечное демонов срящет. и никтоже в помощь спутствуяй или избавляяй. Тем припадаю Твоей благости, не предаждь обидящым мя, ниже да похвалятся о мне врази мои. Благий Господи, ниже да рекут: в руки нашя пришел еси, и нам предан еси. Ни, Господи, не забуди щедрот Твоих и не воздаждь ми по беззаконием моим, и не отврати лица Твоего от мене: но Ты, Господи, накажи мя обаче милостию и щедротами. Враг же мой да не возрадуется о мне, но угаси его на мя прещения и все упраздни его действо, и даждь ми к Тебе путь неукорный, Благий Господи: занеже и согрешив, не прибегох ко иному врачу, и не прострох руки моея к богу чуждему, не отрини убо моления моего, но услыши мя Твоею благостию и утверди мое сердце страхом Твоим, и да будет благодать Твоя на мне, Господи, яко огнь попаляяй нечистыя во мне помыслы. Ты бо еси, Господи, свет, паче всякаго света; радость, паче всякия радости; упокоение, паче всякаго упокоения; жизнь истинная и спасение, пребывающее во веки веков, аминь.

#### КАФИСМА ПЯТАЯ

Псалом Давиду, не надписан у еврей, 32.

<sup>1</sup> Ра́дуйтеся, пра́веднии, о Господе, пра́вым подоба́ет похвала́. <sup>2</sup> Испове́дайтеся Господеви в гу́слех, во псалти́ри десятостру́ннем пойте Ему. <sup>3</sup> Воспо́йте Ему песнь

нову, добре пойте Ему со восклицанием: 4 яко право слово Господне, и вся дела Его в вере. 5 Любит милостыню и суд Господь, милости Господни исполнь земля. 6 Словом Господним небеса утвердишася, и духом уст Его вся сила их. 7 Собираяй яко мех воды морския, полагаяй в сокровищах бездны. 8 Да убойтся Господа вся земля, от Негоже да подвижутся вси живущии по вселенней. 9 Яко Той рече, и быша, Той повеле, и создашася. 10 Господь разоряет советы языков, отметает же мысли людей, и отметает советы князей. 11 Совет же Господень во век пребывает, помышления сердца Его в род и род. 12 Блажен язык, емуже есть Господь Бог его, люди, яже избра в наследие Себе. 13 С Небесе призре Господь, виде вся сыны человеческия. 14 От готоваго жилища Своего призре на вся живущыя на земли. 15 Создавый наедине сердца их, разумеваяй на вся дела их. 16 Не спасется царь многою силою, и исполин не спасется множеством крепости своея. 17 Лож конь во спасение, во множестве же силы своея не спасется. 18 Се очи Господни на боящыяся Его, уповающыя на милость Его. 19 Избавити от смерти душы их, и препитати я в глад. 20 Душа же наша чает Господа, яко Помощник и Защититель наш есть. 21 Яко о Нем возвеселится сердце наше, и во имя святое Его уповахом. 22 Буди, Господи, милость Твоя на нас, якоже уповахом на Тя.

# <sup>1</sup> Псалом Давиду, внегда измени лице свое пред Авимелехом, и отпусти его, и отъйде, 33.

<sup>2</sup> Благословлю́ Господа на вся́кое вре́мя, вы́ну хвала́ Его во усте́х мо́их. <sup>3</sup> О Господе похва́лится душа́ моя́, да услы́шат кро́тцыи и возвеселя́тся. <sup>4</sup> Возвели́чите Господа со мно́ю и вознесе́м и́мя Его вку́пе. <sup>5</sup> Взыска́х Господа и услы́ша мя, и от всех скорбе́й моих изба́ви мя. <sup>6</sup> Приступи́те к Нему́ и просвети́теся, и ли́ца ва́ша не постыдя́тся. <sup>7</sup> Сей ни́щий воззва́, и Господь услы́ша и́, и от всех скорбе́й его спасе́ и́. <sup>8</sup> Ополчи́тся Ангел Госпо́день о́крест боя́щихся Его, и изба́вит их. <sup>9</sup> Вкуси́те и ви́дите, я́ко благ Господь; блаже́н муж, и́же упова́ет Нань. <sup>10</sup> Бо́йтеся Господа, вси святи́и Его, я́ко несть лише́ния боя́щымся Его́. <sup>11</sup> Бога́тии обнища́ша и взалка́ша, взыска́ющии же Господа не лиша́тся вся́каго бла́га. <sup>12</sup> Прииди́те, ча́да, по-

слушайте мене, страху Господню научу вас. 13 Кто есть человек хотяй живот, любяй дни видети благи? 14 Удержи язык твой от зла, и устне твой, еже не глаголати льсти. 15 Уклонися от зла и сотвори благо. Взыщи мира, и пожени и. 16 Очи Господни на праведныя, и уши Его в молитву их. 17 Лице же Господне, на творящыя злая, еже потребити от земли память их. 18 Воззваша праведнии, и Господь услыша их, и от всех скорбей их избави их. 19 Близ Господь сокрушенных сердцем, и смиренныя духом спасет. 20 Многи скорби праведным, и от всех их избавит я Господь. 21 Хранит Господь вся кости их, ни едина от них сокрушится. 22 Смерть грешников люта, и ненавидящии праведнаго прегрешат. 23 Избавит Господь душы раб Свойх, и не прегрешат вси, уповающии на Него.

#### Слава:

#### Псалом Давиду, 34.

1 Суди. Господи, обидящыя мя, побори борющыя мя. <sup>2</sup> Приими оружие и щит, и востани в помощь мою. <sup>3</sup> Изсуни мечь, и заключи сопротив гонящих мя. Рцы души моей: спасение твое есмь Аз. 4 Да постыдятся и посрамятся ищущии душу мою, да возвратятся вспять и постыдятся мыслящии ми злая. 5 Да будут яко прах пред лицем ветра, и Ангел Господень оскорбляя их. 6 Да будет путь их тма и ползок, и Ангел Господень погоняя их: <sup>7</sup> яко ту́не скры́ша ми па́губу се́ти своея, всу́е поноси́ша души моей. 8 Да прийдет ему сеть, юже не весть, и ловитва, юже скры, да объимет и, и в сеть да впадет в ню. <sup>9</sup> Душа́ же моя́ возра́дуется о Господе, возвесели́тся о спасении Его. 10 Вся кости моя рекут: Господи, Господи, кто подобен Тебе? Избавляяй нища из руки крепльших его, и нища, и убога от расхищающих его. 11 Воставше на мя свидетеле неправеднии, яже не ведех, вопрошаху мя. 12 Воздаща ми лукавая воз благая, и безчадие души моей. 13 Aз же, внегда они стужаху ми, облачахся во вретище, и смирях постом душу мою, и молитва моя в недро мое возвратится. 14 Яко ближнему, яко брату нашему, тако угождах, яко плача и сетуя, тако смиряхся. 15 И на мя возвеселищася и собращася: собращася на мя раны, и не познах, разделишася, и не умилишася.

16 Искусиша мя, подражниша мя подражнением, поскрежеташа на мя зубы своими. 17 Господи, когда узриши? Устрой душу мою от злодейства их, от лев единородную мою. 18 Исповемся Тебе в церкви мнозе, в людех тяжцех восхвалю Тя. 19 Да не возрадуются о мне враждующии ми неправедно, ненавидящии мя туне и помизающии очима. 20 Яко мне убо мирная глаголаху и на гнев лести помышляху. 21 Разшириша на мя уста своя, реша: благоже, благоже, видеша очи наши. <sup>22</sup> Видел еси, Господи, да не премолчищи. Господи, не отступи от мене́. <sup>23</sup> Востани, Господи, и вонми суду моему, Боже мой и Господи мой, на прю мою. 24 Суди ми, Господи, по правде Твоей, Господи Боже мой, и да не возрадуются о мне. 25 Да не рекут в сердцах своих: благоже, благоже души нашей, ниже да рекут: пожрохом его. 26 Да постыдятся и посрамятся вкупе радующиися злом моим, да облекутся в студ и срам велеречующии на мя. 27 Да возрадуются и возвеселятся хотящии правды моея, и да рекут выну: да возвеличится Господь, хотящии мира рабу Его. <sup>28</sup> И язык мой поучится правде Твоей, весь день хвале Твоей.

#### 1 В конец, отроку Господню Давиду, 35.

2 Глаголет пребеззаконный согрешати в себе: несть страха Божия пред очима его. З Яко ульсти пред ним обрести беззаконие свое и возненавидети. 4 Глаголы уст его беззаконие и лесть, не восхоте разумети еже ублажити. 5 Беззаконие помысли на ложи своем: предста всякому пути неблагу, о злобе же не негодова. 6 Господи, на Небеси милость Твоя и истина Твоя до облак. 7 Правда Твоя, яко горы Божия, судьбы Твоя бездна многа. Человеки и скоты спасещи. Господи. <sup>8</sup> Яко умножил еси милость Твою, Боже, сынове же человечестии в крове крилу Твоею надеятися имут. 9 Упиются от тука дому Твоего, и потоком сладости Твоея напоиши я. 10 Яко у Тебе источник живота, во свете Твоем узрим свет. 11 Пробави милость Твою ведущым Тя и правду Твою правым сердцем. 12 Да не прийдет мне нога гордыни, и рука грешнича да не подвижит мене. 13 Тамо падоша вси делающии беззаконие: изриновени быша, и не возмогут стати.

Слава:

#### Псалом Давиду, 36.

<sup>1</sup> Не ревнуй лукавнующым, ниже завиди творящым беззаконие. <sup>2</sup> Зане яко трава скоро изсшут, яко зелие злака скоро отпадут. З Уповай на Господа и твори благостыню, и насели землю, и упасешися в богатстве ся. 4 Насладися Господеви, и даст ти прошения сердца твоего. <sup>5</sup> Открый ко Господу путь твой и уповай на Него, и Той сотворит: 6 и изведет, яко свет, правду твою и судьбу твою, яко полудне. 7 Повинися Господеви и умоли Его. Не ревнуй спеющему в пути своем человеку, творящему законопреступление. 8 Престани от гнева и остави ярость, не ревнуй еже лукавновати. 9 Зане лукавнующии потребятся, терпящии же Господа, тии наследят 16 И еще мало, и не будет грешника, и взыщеши место сго, и не обрящеши. 11 Кротцыи же наследят землю и насладятся о множестве мира. 12 Назирает грешный праведнаго и поскрежещет нань зубы своими. 13 Господь же посмеется ему, зане прозирает, яко прийдет день сго. 14 Мечь извлекоша грешницы, напрягоша лук свой, низложити убога и нища, заклати правыя сердцем. 15 Мечь их да внидет в сердца их, и луцы их да сокрушатся. 16 Лучше малое праведнику, паче богатства грешных многа. 17 Зане мышцы грешных сокрушатся, утверждает же праведныя Господь. 18 Весть Господь пути непорочных, и достояние их в век будет. 19 Не постыдятся во время лютое, и во днех глада насытятся, яко грешницы погибнут. <sup>20</sup> Врази же Господни, купно прославитися им и вознестися, исчезающе яко дым исчезоща. <sup>21</sup> Заемлет грешный и не возвратит, праведный же щедрит и дает. 22 Яко благословящии Его наследят землю, кленущии же Его потребятся. 23 От Господа стопы человеку исправляются, и пути его восхощет зело. 24 Егда падет, не разбиется, яко Господь подкрепляет руку его. 25 Юнейший бых, ибо состарехся, и не видех праведника оставлена, ниже семени его просяща хлебы. <sup>26</sup> Весь день милует и взаим дает праведный, и семя его во благословение будет. 27 Уклонися от зла и сотвори благо, и вселися в век века. 28 Яко Господь любит суд и не оставит преподобных Своих, во век сохранятся. Беззаконницы же изженутся, и семя нечестивых потребится. <sup>29</sup> Праведницы же наследят землю и вселятся в век века на ней. <sup>30</sup> Уста праведнаго

поуча́тся прему́дрости, и язык его возглаго́лет суд. <sup>31</sup> Закон Бога его в сердце его, и не за́пнутся стопы́ его. <sup>32</sup> Сматря́ет гре́шный пра́веднаго и и́щет е́же умертви́ти его. <sup>33</sup> Господь же не оста́вит его в руку́ его, ниже́ осу́дит его, егда́ су́дит ему. <sup>34</sup> Потерпи́ Господа и сохрани́ путь Его, и вознесе́т тя е́же насле́дити землю, внегда́ потребля́тися гре́шником у́зриши. <sup>35</sup> Ви́дех нечести́ваго превознося́щася и вы́сящася, яко ке́дры Лива́нския. <sup>36</sup> И ми́мо идо́х, и се не бе́, и взыска́х его, и не обре́теся место его. <sup>37</sup> Храни незло́бие и виждь правоту́, я́ко есть оста́нок человеку ми́рну. <sup>38</sup> Беззако́нницы же потребятся вку́пе: оста́нцы же нечести́вых потребя́тся. <sup>39</sup> Спасе́ние же пра́ведных от Господа, и Защи́титель их есть во вре́мя ско́рби. <sup>40</sup> И помо́жет им Господь, и изба́вит их, и изме́т их от гре́шник, и спасе́т их, я́ко упова́ша на Него.

#### Слава:

#### По 5-й кафисме, Трисвятое.

Таже тропари, глас 5. Страшный Твой Престо́л, лукавое мое житиє: и кто мя избавит тогда́шния ну́жды, а́ще не Ты поми́луеши мя, Христе Боже, яко Щедр и Человеколю́бец?

Слава: Попечение жития изгна мя рая, и что сотворю, отчаянный? Сего ради толку во врата и зову: Господи, Господи, отверзи ми покаянием и спаси мя.

И ныне: Кий наречем храм Твой, Богоро́дице? Приста́нище ли духовное? Или рай сладости Небе́сныя, хода́тайствен жизни неконча́емыя? Вся бо имаши до́брая, всегда моли́ся Христу спастися душам нашым.

# Господи, помилуй (40) и молитва:

Боже Праведный и Хва́льный, Боже Великий и Крепкий, Боже Преве́чный, услыши гре́шнаго му́жа молитву в час сей: услыши мя, обеща́вый услы́шати во и́стине Тя призыва́ющих, и не омерзи мя, нечистыя устне́ иму́ща и во гресе́х содержи́ма, упование всех конце́в земли и странствующих дале́че. Приими́ оружие и щит и воста́ни в помощь мою: излей мечь и заключи сопротив гоня́щих мя. Запрети́ нечистым духово́м от лица безу́мия моего, и да отлучи́тся от моея мысли дух не́нависти и злопомне́-

ния, дух зависти и лести, дух боязни и уныния, дух гордости и всякия иныя злобы; и да угаснет всякое разжжение и движение плоти моея, от диавольскаго действа составляемое, и да просветится моя душа и тело, и дух светом Твоего Божественнаго познания: да множеством щедрот Твоих достигну соединения веры, в мужа совершенна, в меру возраста, и прославлю со Ангелы и всеми святыми Твоими всечестное и великолепое имя Твое, Отца и Сына и Святаго Духа, ныне и присно, и во веки веков, аминь.

#### КАФИСМА ШЕСТАЯ

#### 1 Псалом Давиду, в воспоминание о субботе, 37.

<sup>2</sup> Господи, да не яростию Твоею обличищи мене, ниже гневом Твоим накажеши мене́. <sup>3</sup> Яко стрелы Твоя унзоша во мне, и утвердил еси на мне руку Твою. 4 Несть исцеления в плоти моей от лица гнева Твоего, несть мира в костех моих от лица грех монх. 5 Яко беззакония моя превзыдоща главу мою, яко бремя тяжкое отяготеща на мне. <sup>6</sup> Возсмердеща и согнища раны моя от лица безумия моего. 7 Пострадах и слякохся до конца, весь день сетуя хождах. 8 Яко лядвия моя наполнишася поруганий, и несть исцеления в плоти моей. 9 Озлоблен бых и смирихся до зела, рыках от воздыхания сердца моего. <sup>10</sup> Господи, пред Тобою все желание мое и воздыхание мое от Тебе не утайся. 11 Сердце мое смятеся, остави мя сила моя, и свет очию моею, и той несть со мною. 12 Друзи мои и искреннии мои прямо мне приближишася и сташа, 13 и ближнии мои отдалече мене сташа и нуждахуся ищущии душу мою, и ищущии злая мне глаголаху суетная и льстивным весь день поучахуся. 14 Аз же яко глух не слышах и яко нем не отверзаяй уст своих. 15 И бых яко человек не слышай и не имый во устех своих обличения. 16 Яко на Тя, Господи, уповах, Ты услышиши, Господи Боже мой. 17 Яко рех: да не когда порадуют ми ся врази мои: и внегда подвижатися ногам моим, на мя велеречеваша. 18 Яко аз на раны готов, и болезнь моя предо мною есть выну. 19 Яко беззаконие мое аз возвещу и попекуся о гресе моем. 20 Врази же мон живут и укрепишася па́че мене́, и умно́жишася ненави́дящии мя без правды. <sup>21</sup> Воздаю́щии ми злая воз благая оболга́ху мя, зане́ гоня́х благосты́ню. <sup>22</sup> Не оста́ви мене́, Господи Боже мой, не отступи́ от мене́. <sup>23</sup> Вонми́ в помощь мою, Господи спасения моего.

## 1 В конец, Идифуму, песнь Давиду, 38.

<sup>2</sup> Рех: сохраню пути моя, еже не согрещати ми языком моим: положих устом моим хранило, внегда востати грешному предо мною. <sup>3</sup> Онемех и смирихся, и умолчах от благ, и болезнь моя обновися. 4 Согреяся сердце мое во мне, и в поучении моем разгорится огнь. Глаголах языком моим: 5 скажи ми, Господи, кончину мою и число дней моих, кое есть? Да разумею, что лишаюся аз? 6 Ce пяди положил еси дни моя, и состав мой яко ничтоже пред Тобою, обаче всяческая суета всяк человек живый. 7 Убо образом ходит человек, обаче всуе мятется: сокровищствует, и не весть, кому соберет я. 8 И ныне кто терпение мое, не Господь ли? И состав мой от Тебе есть. 9 От всех беззаконий моих избави мя, поношение безумному дал мя еси. 10 Онемех и не отверзох уст моих, яко Ты сотворил еси. 11 Отстави от мене раны Твоя: от крепости бо руки Твоея аз исчезох. 12 Во обличениих о беззаконии наказал еси человека и истаял еси, яко паучину. душу его: обаче всуе всяк человек. 13 Услыши молитву мою, Господи, и моление мое внуши, слез моих не премолчи: яко пресельник аз есмь у Тебе и пришлец, якоже вси отцы мои. 14 Ослаби ми, да почию, прежде даже не отъиду, и ктому не буду.

#### 1 В конец, псалом Давиду, 39.

<sup>2</sup> Терпя́, потерпе́х Господа, и внят ми, и услы́ша молитву мою. <sup>3</sup> И возведе́ мя от ро́ва страсте́й, и от бре́ния ти́ны, и поста́ви на ка́мени но́зе мои, и испра́ви стопы́ моя, <sup>4</sup> и вложи́ во уста́ моя песнь но́ву, пе́ние Богу нашему. Узрят мно́зи и убоя́тся, и упова́ют на Господа. <sup>5</sup> Блаже́н муж, ему́же есть имя Господне упова́ние его, и не призре́ в суеты́ и неистовле́ния ло́жная. <sup>6</sup> Мно́га сотвори́л еси́ Ты, Господи, Боже мой, чудеса́ Твоя и помышле́нием Твоим несть кто́ уподо́бится Тебе: возвести́х и глаго́лах, умно́жишася па́че числа́. <sup>7</sup> Же́ртвы и приноше́ния не вос-

хотел еси, тело же свершил ми еси, всесожжений и о гресе не взыскал еси. 8 Тогда рех: се принду, в главизне книжне писано есть о мие: 9 еже сотворити волю Твою, Боже мой, восхотех, и закон Твой посреде чрева моего. 10 Благовестих правду в церкви велицей, се устнам мойм не возбраню: Господи, Ты разумел еси. 11 Правду Твою не скрых в сердце моем, истину Твою и спасение Твос рех, не скрых милость Твою и истину Твою от сонма многа. 12 Ты же. Господи, не удали шедрот Твоих от мене: милость Твоя и истина Твоя выну да заступите мя. 13 Яко одержаща мя злая, имже несть числа, постигоща мя беззакония моя, и не возмогох зрети, умножишася паче влас главы моея, и сердце мое остави мя. 14 Благоволи. Господи, избавити мя: Господи, во еже помощи ми вонми. 15 Да постыдятся и посрамятся вкупе ищущии душу мою изъяти ю, да возвратятся вспять и постыдятся хотящии ми злая. 16 Да приимут абие студ свой глаголющии ми: благоже, благоже. 17 Да возрадуются и возвеселятся о Тебе вси ищущии Тебе, Господи, и да рекут выну: да возвеличится Господь, любящии спасение Твое. 18 Аз же нищ есмь и убог. Господь попечется о мне. Помощник мой и Защититель мой еси Ты. Боже мой, не закосни.

#### Слава:

#### 1 В конец, псалом Давиду, 40.

<sup>2</sup> Блаже́н разумева́яй на ни́ща и убо́га, в день лют изба́вит его Господь. <sup>3</sup> Господь да сохрани́т его и живи́т его, и да ублажи́т его на земли́, и да не преда́ст его в ру́ки враго́в его. <sup>4</sup> Господь да помо́жет ему на одре́ боле́зни его: все ло́же его обрати́л еси́ в боле́зни его. <sup>5</sup> Аз рех: Господи, поми́луй мя, исцели́ ду́шу мою, яко согреши́х Ти. <sup>6</sup> Врази́ мои ре́ша мне зла́я: когда́ у́мрет и поги́бнет имя его? <sup>7</sup> И вхожда́ше ви́дети, всу́е глаго́лаше се́рдце его, собра́ беззако́ние себе́, исхожда́ше вон и глаго́лаше вку́пе. <sup>8</sup> На мя шепта́ху вси врази́ мои, на мя помышля́ху зла́я мне. <sup>9</sup> Сло́во законопресту́пное возложи́ша на мя: еда́ спя́й не приложи́т воскресну́ти? <sup>10</sup> Ибо человек ми́ра моего́, на него́же упова́х, яды́й хле́бы моя, возвели́чи на мя запина́ние. <sup>11</sup> Ты же, Господи, поми́луй мя и возста́ви мя и возда́м им. <sup>12</sup> В сем позна́х, яко

восхоте́л мя еси, яко не возра́дуется враг мой о мне. 
<sup>13</sup> Мене́ же за незло́бие прия́л и утверди́л мя еси́ пред Тобою в век. 
<sup>14</sup> Благослове́н Господь Бог Израилев от века и до века: бу́ди, бу́ди.

# <sup>1</sup> В конец, в разум сынов Кореовых, псалом Давиду, не надписан у еврей, 41.

<sup>2</sup> Имже образом желает елень на источники водныя. сице желает душа моя к Тебе, Боже, 3 Возжада душа моя к Богу Крепкому, Живому: когда прииду и явлюся лицу Божию? 4 Быша слезы моя мне хлеб день и нощь. внегда глаголатися мне на всяк день: гле есть Бог твой? <sup>5</sup> Сия помянух и излиях на мя душу мою, яко пройду в место селения дивна, даже до дому Божия, во гласе радования и исповедания шума празднующаго. 6 Вскую прискорбна еси, душе моя? И вскую смущаеши мя? Уповай на Бога, яко исповемся Ему, спасение лица моего, и Бог мой. 7 Ко мне самому душа моя смятеся: сего ради помянух Тя от земли Иордански и Ермониимски, от горы малыя. 8 Бездна бездну призывает во гласе хлябий Твоих, вся высоты Твоя и волны Твоя на мне преидоща. 9 В день заповесть Господь милость Свою, и нощию песнь Его от мене, молитва Богу живота моего. 10 Реку Богу: Заступник мой еси, почто мя забыл еси? И вскую сетуя хожду, внегда оскорбляет враг? 11 Внегда сокрушатися костем моим, поношаху ми врази мои, внегда глаголати им мне на всяк день: где есть Бог твой? 12 Вскую прискорбна еси, душе моя? И вскую смущаещи мя? Уповай на Бога, яко исповемся Ему, спасение лица моего, и Бог мой.

## Псалом Давиду, не надписан у еврей, 42.

<sup>1</sup> Суди́ ми, Боже, и разсуди́ прю мою́, от язы́ка непреподо́бна, от челове́ка непра́ведна и льсти́ва изба́ви мя. 
<sup>2</sup> Зане́ Ты еси́, Боже, Кре́пость моя, вску́ю отри́нул мя еси́? И вску́ю се́туя хожду́, внегда́ оскорбля́ет враг? 
<sup>3</sup> Посли́ свет Твой и и́стину Твою, та мя наста́виста и введо́ста мя в го́ру святу́ю Твою и в селе́пия Твоя. 
<sup>4</sup> И вни́ду к же́ртвеннику Божню, к Богу веселя́щему юность мою, испове́мся Тебе в гу́слех, Боже, Еоже мой. 
<sup>5</sup> Вску́ю

прискорбна сси, душе моя? И вскую смущаеши мя? Уповай на Бога, яко исповемся Ему, спасение лица моего, и Бог мей.

#### Canea:

#### 1 В конец, сынов Кореовых, в разум, 43.

2 Боже, ушима нашима услышахом, и отцы наши возвестиша нам дело, еже соделал еси во днех их, во днех древних. 3 Рука Твоя языки потреби, и насадил я еси, озлобил еси люди и изгнал еси я. 4 Не бо мечем своим наследиша землю, и мышца их не спасе их, но десница Твоя, и мышца Твоя, и просвещение лица Твоего, яко благоволил еси в них. 5 Ты еси Сам Царь мой и Бог мой, заповедаяй спасения Иаковля. 6 О Тебе враги нашя избодем роги, и о имени Твоем уничижим востающыя на ны. 7 Не на лук бо мой уповаю, и мечь мой не спасет мене. 8 Спасл бо еси нас от стужающих нам, и ненавидящих нас посрамил еси. 9 O Бозе похвалимся весь день и о имени Твоем исповемыся во век. 10 Ныне же отринул еси и посрамил еси нас, и не изыдеши. Боже, в силах наших. 11 Возвратил еси нас вспять при вразех наших, и ненавидящии нас расхищаху себе. 12 Дал еси нас яко овцы, снеди, и во языцех разсеял ны еси. 13 Отдал еси люди Твоя без цены, и не бе множество в восклицаниих наших. 14 Положил еси нас поношение соседом нашым, подражнение и поругание сущым окрест нас. 15 Положил еси нас в притчу во языцех, покиванию главы в людех. 16 Весь день срам мой предо мною есть, и студ лица моего покры мя 17 от гласа поношающаго и оклеветающаго, от лица вражия и изгонящаго. 18 Сия вся приидоша на ны, и не забыхом Тебе, и не неправдовахом в завете Твоем. <sup>19</sup> И не отступи вспять сердце наше, и уклонил еси стези нашя от пути Твоего. 20 Яко смирил еси нас на месте озлобления, и прикры ны сень смертная. 21 Аще забыхом имя Бога нашего и аще воздехом руки нашя к богу чуждему. 22 Не Бог ли взыщет сих? Той бо весть тайная сердца. 23 Зане Тебе ради умерщвляемся весь день, вменихомся яко овцы заколения. 24 Востани, вскую спиши, Господи? Воскресни и не отрини до конца. 25 Вскую лице Твое отвращаеши? Забываеши нищету нашу и скорбь нашу? 26 Яко смирися в персть душа наша,

прильпе земли утроба наша. <sup>27</sup> Воскресни, Господи, помози нам и избави нас имене ради Твоего.

# <sup>1</sup> В конец, о изменяемых сыном Кореовым, в разум, песнь о возлюбленнем, 44.

<sup>2</sup> Отры́гну се́рдце мое сло́во бла́го, глаго́лю аз дела́ моя цареви: язык мой трость книжника скорописца. 3 Красен добротою паче сынов человеческих, излияся благодать во устнах Твоих, сего ради благослови тя Бог во век. 4 Препоящи мечь Твой по бедре Твоей, Сильне. 5 Красотою Твоею и добротою Твоею, и наляцы, и успевай, и царствуй истины ради и кротости, и правды, и наставит Тя дивно десница Твоя. 6 Стрелы Твоя изощрены, сильне, людие под Тобою падут в сердцы враг царевых. 7 Престол Твой, Боже, в век века: жезл правости, жезл Царствия Твоего. 8 Возлюбил еси правду и возненавидел еси беззаконие, сего ради помаза Тя, Боже, Бог Твой елеем радости, паче причастник Твоих. 9 Смирна и стакти и кассиа от риз Твоих, от тяжестей слоновых, из нихже возвеселища Тя. 10 Дщери царей в чести Твоей, предста Царица одесную Тебе, в ризах позлащенных одеяна преиспещрена. 11 Слыши, Дщи, и виждь, и приклони ухо Твое, и забуди люди Твоя, и дом отца Твоего. 12 И возжелает Царь доброты Твоея: зане Той есть Господь Твой и поклонишися Ему. 13 И дщи Тирова с дары, лицу Твоему помолятся богатии людстии. 14 Вся слава Дщере Царевы внутрь, рясны златыми одеяна и преиспещрена. 15 Приведутся Царю девы в след Ея, искренния ея приведутся Тебе. 16 Приведутся в веселии и радовании, введутся в храм Царев. 17 Вместо отец твоих быша сынове твои: поставиши я князи по всей земли. 18 Помяну имя Твое во всяком роде и роде. Сего ради людие исповедятся Тебе в век и во век века.

## <sup>1</sup> В конец, о сынех Кореовых, о тайных, псалом 45.

<sup>2</sup> Бог нам Прибежище и Сила, Помощник в скорбех, обретших ны зело. <sup>3</sup> Сего ради не убоймся, внегда смущается земля и прелагаются горы в сердца морская. <sup>4</sup> Возшумеша и смятошася воды их, смятошася горы крепостию Его. <sup>5</sup> Речная устремления веселят град Божий:

освяти́л есть селе́ние Свое Вы́шний. <sup>6</sup> Бог посреде́ его, и не подви́жится: помо́жет ему Бог у́тро зау́тра. <sup>7</sup> Смято́шася язы́цы, уклони́шася ца́рствия: даде́ глас Свой Вы́шний, подви́жеся земля́. <sup>8</sup> Господь сил с нами, Засту́пник наш Бог Иа́ковль. <sup>9</sup> Прииди́те и ви́дите дела́ Божия, я́же положи́ чудеса́ на земли́: <sup>10</sup> отъе́мля бра́ни до конец земли́, лук сокруши́т и сло́мит ору́жие, и щиты́ сожже́т огне́м. <sup>11</sup> Упраздни́теся и разуме́йте, яко Аз есмь Бог: вознесу́ся во язы́цех, вознесу́ся на земли́. <sup>12</sup> Господь сил с нами, Засту́пник наш Бог Иа́ковль.

#### Слава:

#### По 6-й кафисме, Трисвятое.

Таже тропари, глас 3: Хвалу́ приношу́ Ти, Господи, прегреше́ния моя вся возвещаю Ти, Боже, обрати́в помилуй мя.

Слава: Спаси мя, Боже мой, якоже иногда мытаря спасл еси, и блудницы слез не презревый, и мое воздыхание приими, Спасе мой, и спаси мя.

И ныне: Рабски ныне притекаю к покрову Твоему, Пренепорочная: избави мя, Богородительнице, слияния страстей, яко безстрастия Виновнаго рождшая.

#### Господи, помилуй (40) и молитва:

Благодарим Тя, Господи Боже наш, о всех благодеяниих Твоих, яже от перваго возраста до настоящаго в нас, недостойных, бывших, о ихже вемы и не вемы, о явленных и неявленных, яже делом бывших, и словом: возлюбивый нас, якоже и Единороднаго Твоего Сына о нас дати изволивый. Сподоби и нас достойны быти Твоея любве. Даждь словом Твоим мудрость и страхом Твоим вдохни крепость от Твоея силы, и аще что хотяще или не хотяще согрешихом, прости, и не вмени и сохрани душу нашу святу, и представи ю Твоему Престолу, совесть имущу чисту, и конец достоин человеколюбия Твоего. И помяни, Господи, всех призывающих имя Твое во истине: помяни всех, блага или сопротивная нам хотящих: вси бо человецы есмы, и всуе всяк человек. Темже молимся Тебе, Господи: подаждь нам Твоего благоутробия велию милость.

## КАФИСМА СЕДМАЯ

#### 1 В конец, о сынех Кореовых, псалом 46.

<sup>2</sup> Вси язы́цы восплещите рука́ми, воскли́кните Богу гла́сом ра́дования. <sup>3</sup> Яко Господь Вышний стра́шен, Царь ве́лий по всей земли́. <sup>4</sup> Покори́ люди нам и язы́ки под но́ги на́шя: <sup>5</sup> избра́ нам достоя́ние Свое, добро́ту Иа́ковлю, ю́же возлюби́. <sup>6</sup> Взы́де Бог в воскликнове́нии, Господь во гла́се тру́бне. <sup>7</sup> Пойте Богу нашему, пойте, пойте Царе́ви нашему, пойте. <sup>8</sup> Яко Царь всея́ земли́ Бог, пойте разу́мно. <sup>9</sup> Воцари́ся Бог над язы́ки, Бог седи́т на Престо́ле святе́м Своем. <sup>10</sup> Кня́зи лю́дстии собра́шася с Богом Авраа́млим. Яко Божии держа́внии земли́ зело́ вознесо́шася.

#### 1 Псалом, песни сынов Кореовых, вторыя субботы, 47.

<sup>2</sup> Велий Господь и хвален зело во граде Бога нашего. в горе святей Его. Влагокоренным радованием всея земли: горы Сионския, ребра северова, град Царя Великаго. 4 Бог в тяжестех его знаемь есть, егда заступает и. 5 Яко се царие земстии собрашася, снидошася вкупе. 6 Тин видевше тако, удивишася, смятошася, подвигошася. <sup>7</sup> Трепет прият я: тамо болезни яко раждающия. <sup>8</sup> Духом бурным сокрушиши корабли Фарсийския. 9 Якоже слышахом, тако и видехом во граде Господа сил, во граде Бога нашего, Бог основа и в век. 10 Прияхом, Боже, милость Твою посреде людей Твоих. 11 По имени Твоему. Боже, тако и хвала Твоя на концах земли, правды исполнь десница Твоя. 12 Да возвеселится гора Сионская и да возрадуются дщери Иудейския судеб ради Твоих, Господи. 13 Обыдите Сион и обымите его, поведите в столпех его. 14 Положите сердца ваша в силу Его и разделите домы Его, яко да повесте в роде ином. 15 Яко Той есть Бог наш во век и в век века. Той упасет нас во веки.

#### 1 В конец, сыном Кореовым, псалом 48.

<sup>2</sup> Услышите сия вси языцы, внушите вси живущин по вселенней: <sup>3</sup> земнороднии же и сынове человечестии, вкупе богат и убог. <sup>4</sup> Уста моя возглаголют премудрость,

и поучение сердца моего разум. 5 Приклоню в притчу ухо мое, отверзу во псалтири ганание мое. 6 Вскую боюся, в день лют? Беззаконие пяты моея обыдет мя. 7 Надеющиися на силу свою и о множестве богатства своего хвалящиися, в брат не избавит, избавит ли человек? Не даст Богу измены за ся, 9 и цену избавления души своея, и утрудися в век. 10 И жив будет до конца, не узрит пагубы. 11 Егда увидит премудрыя умирающыя, вкупе безумен и несмыслен погибнут и оставят чуждим богатство свое. 12 И гроби их жилища их во век. селения их в род и род, нарекоша имена своя на землях. 13 И человек в чести сый не разуме, приложися скотом несмысленным и уподобися им. 14 Сей путь их соблазн им, и по сих во устех своих благоволят. 15 Яко овцы во аде положени суть, смерть упасет я, и обладают ими правии заутра, и помощь их обетшает во аде, от славы своея изриновени быша. 16 Обаче Бог избавит душу мою из руки адовы, егда приемлет мя. 17 Не убойся, егда разбогатеет человек или егда умножится слава дому его: 18 яко внегда умрети ему, не возмет вся, ниже снидет с ним слава его. 19 Яко душа его в животе его благословится: исповестся тебе, егда благосотворищи ему. 20 Внидет даже до рода отец своих, даже до века не узрит света. <sup>21</sup> И человек в чести сый не разуме, приложися скотом несмысленным и уподобися им.

#### Слава:

#### Псалом Асафу, 49.

<sup>1</sup> Бог богов Господь глаго́ла и призва́ зе́млю от восток солнца до запад. <sup>2</sup> От Сиона благоле́пие красоты́ Его. <sup>3</sup> Бог я́ве прийдет, Бог наш, и не премолчи́т: огнь пред Ним возгори́тся, и о́крест Его буря зе́льна. <sup>4</sup> Призове́т Небо свы́ше и зе́млю разсуди́ти люди своя. <sup>5</sup> Собери́те Ему преподо́бныя Его, завеща́ющыя завет Его о же́ртвах. <sup>6</sup> И возвестя́т небеса правду Его, яко Бог Судия́ есть. <sup>7</sup> Услы́шите, лю́дие Мои, и возглаго́лю вам, Изра́илю, и засвиде́тельствую тебе: Бог, Бог твой есмь Аз. <sup>8</sup> Не о же́ртвах твоих обличу тя, всесожже́ния же твоя предо Мною суть вы́ну. <sup>9</sup> Не прииму́ от до́му твоего тельцо́в, ниже́ от стад твоих козлов. <sup>10</sup> Яко Мои суть вси зве́рие дубра́внии, ско́ти в гора́х и воло́ве. <sup>11</sup> Позна́х вся

птицы небесныя, и красота сельная со Мною есть. 12 Аще взалчу, не реку тебе: Моя бо есть вселенная и исполнение ея. <sup>13</sup> Еда ям мяса юнча или кровь козлов пию? 14 Пожри Богови жертву хвалы и воздаждь Вышнему молитвы твоя. 15 И призови Мя в день скорби своея, и изму тя, и прославиши Мя, 16 Грешнику же рече Бог: вскую ты поведаеши оправдания Моя и восприемлеши завет Мой усты твоими? <sup>17</sup> Ты же возненавидел еси наказание и отвергл еси словеса Моя вспять. 18 Аще видел еси татя, текл еси с ним, и с прелюбодеем участие твое полагал еси. 19 Уста твоя умножиша злобу, и язык твой сплетаще льшения. 20 Седя, на брата твоего клеветал еси и на сына матере твоея полагал еси соблазн. 21 Сия сотворил еси и умолчах, вознепщевал еси беззаконие, яко буду тебе подобен. Обличу тя и представлю пред лицем твоим грехи твоя. 22 Разумейте убо сия, забывающии Бога, да не когда похитит, и не будет избавляяй. 23 Жертва хвалы прославит Мя, и тамо путь, имже явлю ему спасение Мое.

# <sup>1</sup> В конец, псалом Давиду, внегда́ вни́ти к нему Нафа́ну, пророку, <sup>2</sup> егда́ вни́де к Вирсави́и, жене Ури́еве, 50.

<sup>3</sup> Помилуй мя, Боже, по велицей милости Твоей, и по множеству щедрот Твоих очисти беззаконие мое. 4 Наипаче омый мя от беззакония моего, и от греха моего очисти мя. 5 Яко беззаконие мое аз знаю, и грех мой предо мною есть выну. 6 Тебе Единому согреших и лукавое пред Тобою сотворих, яко да оправдишися во словесех Твоих, и победиши внегда судити Ти. 7 Се бо в беззакониих зачат есмь, и во гресех роди мя мати моя. <sup>8</sup> Се бо истину возлюбил еси, безвестная и тайная премудрости Твоея явил ми еси. 9 Окропиши мя иссопом, и очищуся, омыеши мя, и паче снега убелюся. 10 Слуху моему даси радость и веселие, возрадуются кости смиренныя. 11 Отврати лице Твое от грех монх и вся беззакония моя очисти. 12 Сердце чисто созижди во мне, Боже, и дух прав обнови во утробе моей. 13 He отвержи мене от лица Твоего, и Духа Твоего Святаго не отъими от мене. 14 Воздаждь ми радость спасения Твоего, и Духом владычним утверди мя. 15 Научу беззаконныя путем Твоим, и нечестивии к Тебе обратятся. <sup>16</sup> Избави мя от кровей, Боже, Боже спасения моего, возрадуется язык мой правде Твоей. <sup>17</sup> Господи, устне мои отверзеши, и уста моя возвестят хвалу́ Твою. <sup>18</sup> Яко аще бы восхоте́л еси же́ртвы, дал бых у́бо: всесожже́ния не благоволи́ши. <sup>19</sup> Же́ртва Богу дух сокруше́н: сердце сокруше́нно и смире́нно Бог не уничижи́т. <sup>20</sup> Ублажи́, Господи, благоволе́нием Твоим Сио́на, и да сози́ждутся сте́ны Иерусали́мския. <sup>21</sup> Тогда́ благоволи́ши же́ртву правды, возноше́ние и всесожега́емая: тогда возложа́т на олта́рь Твой тельцы́.

Слава:

- <sup>1</sup> В конец, разума Дави́ду, <sup>2</sup> внегда́ приити́ Дойку Идуме́йску, и возвести́ти Сау́лу, и рещи́ ему: прии́де Давид в дом Авимеле́хов, 51.
- <sup>3</sup> Что́ хва́лишися во зло́бе, сильне? Беззако́ние весь день. <sup>4</sup> Непра́вду умы́сли язык твой, яко бри́тву изощре́ну сотвори́л еси́ лесть. <sup>5</sup> Возлюби́л еси́ зло́бу па́че благосты́ни, неправду не́же глаго́лати правду. <sup>6</sup> Возлюби́л еси́ вся глаго́лы пото́пныя, язык льстив. <sup>7</sup> Сего ради Бог разруши́т тя до конца, восто́ргнет тя, и пресели́т тя от селения твоего и корень твой от земли живых. <sup>8</sup> Узрят пра́веднии и убоя́тся, и о нем возсмею́тся и рекут: <sup>9</sup> се человек, и́же не положи́ Бога Помо́щника себе, но упова́ на мно́жество богатства своего, и возмо́же суетою своей. <sup>10</sup> Аз же я́ко ма́слина плодови́та в дому́ Божии, уповах на милость Божию во век и в век века. <sup>11</sup> Испове́мся Тебе во век, я́ко сотвори́л еси́, и терплю́ имя Твое, я́ко бла́го пред преподо́бными Твоими.

#### <sup>1</sup> В конец, о Маелефе, разума Давиду, 52.

<sup>2</sup> Рече́ безу́мен в сердце своем: несть Бог, растле́ша и омерзи́шася в беззако́ниих, несть творя́й благо́е. <sup>3</sup> Бог с Небесе́ прини́че на сы́ны челове́ческия, ви́дети, а́ще есть разумева́яй или взыска́яй Бога? <sup>4</sup> Вси уклони́шася, вку́пе непотре́бни бы́ша, несть творяй благо́е, несть до еди́наго. <sup>5</sup> Ни ли уразуме́ют вси де́лающии беззако́ние, снеда́ющии люди моя в снедь хлеба? Го́спода не призва́ша. <sup>6</sup> Тамо устраши́шася стра́ха, иде́же не бе страх,

я́ко Бог разсы́па кости человекоуго́дников: постыде́шася, яко Бог уничижи́ их. <sup>7</sup> Кто даст от Сиона спасение Израилево? Внегда возврати́т Бог плене́ние людей Своих, возрадуется Иаков и возвесели́тся Израиль.

#### В конец, в песнех разума Давиду, <sup>2</sup> внегда приити Зифеем, и рещи Саулови: не се ли Давид скрыся в нас? 53.

<sup>3</sup> Боже, во имя Твое спаси мя и в силе Твоей суди ми. <sup>4</sup> Боже, услыши молитву мою, внуши глаголы уст моих. <sup>5</sup> Яко чуждии восташа на мя и крепцыи взыскаша душу мою, и не предложиша Бога пред собою. <sup>6</sup> Се бо Бог помогает ми, и Господь Заступник души моей. <sup>7</sup> Отвратит злая врагом моим, истиною Твоею потреби их. <sup>8</sup> Волею пожру Тебе, исповемся имени Твоему, Господи, яко благо, <sup>9</sup> яко от всякия печали избавил мя еси, и на враги моя воззре око мое.

#### 1 В конец, в песнех разума Асафу, псалом 54.

2 Внуши, Боже, молитву мою и не презри моления моего. <sup>3</sup> Вонми ми и услыши мя: возскорбех печалию моею и смятохся. 4 От гласа вражия и от стужения грешнича, яко уклониша на мя беззаконие и во гневе враждоваху ми. 5 Сердце мое смятеся во мне, и боязнь смерти нападе на мя, 6 Страх и трепет прийде на мя, и покры мя тьма. 7 И рех: кто даст ми криле, яко голубине? И полещу, и почию? 8 Се удалихся бегая, и водворихся в пустыни. 9 Чаях Бога, спасающаго мя от малодушия и от бури. 10 Потопи, Господи, и раздели языки их: яко видех беззаконие и пререкание во граде. 11 Днем и нощию обыдет и по стенам его. Беззаконие и труд посреде его, и неправда. 12 И не оскуде от стотн его ли́хва и лесть. 13 Яко аще бы враг поноси́л ми, претерпел бых убо, и аще бы ненавидяй мя на мя велеречевал, укрыл бых ся от него. 14 Ты же, человече равнодушне, владыко мой и знаемый мой, 15 иже купно наслаждался еси со мною брашен, в дому Божии ходихом единомышлением. 16 Да прийдет же смерть на ня, и да снидут во ад живи, яко лукавство в жилищах их, посреде их. 17 Аз к Богу воззвах, и Господь услыша мя. 18 Вечер и заутра, и полу́дне пове́м, и возвещу́, и услы́шит глас мой. 
<sup>19</sup> Изба́вит миром душу мою от приближа́ющихся мне, я́ко во мно́зе бя́ху со мною. <sup>20</sup> Услы́шит Бог и смири́т я́, сый прежде век. Несть бо им измене́ния, я́ко не убоя́шася Бога. <sup>21</sup> Простре́ ру́ку свою на воздая́ние, оскверни́ша заве́т Его. <sup>22</sup> Раздели́шася от гне́ва лица́ Его, и прибли́жншася сердца́ их, умя́кнуша словеса́ их па́че еле́а, и та суть стре́лы. <sup>23</sup> Возве́рзи на Господа печаль твою, и Той тя препита́ст, не даст в век молвы́ праведпику. <sup>24</sup> Ты же, Боже, низведе́ши их во студене́ц истле́ния, му́жие крове́й и льсти не преполовя́т дней своих. Аз же, Господи, упова́ю на Тя.

#### Слава:

#### По 7-й кафисме, Трисвятое.

Таже тропари, елас 5: Судий седящему, и Ангелом стоящим, трубе гласящей, пламени горящу, что сотвориши, душе моя, ведома на суд? Тогда бо лютая твоя предстанут, и тайная обличатся согрешения. Темже прежде конца возопий Судий: Боже, очисти мя и снаси мя.

Слава: Вси побдим, и Христа усрящим со множеством слеа и свещами светлыми, яко да чертога внутрь сподобимся, иже бо вне дверей постигнувый, бездельно Богови воззовет: помилуй мя.

И ныне: На одре лежя согрешений многих, окрадаемь есмь в надежди спасения моего, ибо сон моея лености ходатайствует души моей муку. Но Ты, Боже, рождейся от Девы, воздвигни мя к Твоему пению, да славлю Тя.

#### Господи, помилуй (40) и молитва:

І осподи, Боже мой, яко Благ и Человеколюбец, многия милости сотворил еси со мною, яже не чаях видети, и что воздам Твоей благости, Господи мой, Господи? Благодарю Твое многопетое имя, благодарю Твое неисповедимое на мне благоутробие, благодарю безприкладное Твое долготерпение. И отныне заступи, и помози мне, и покрый мя, Владыко, от всех, еже не ктому согрешати пред Тобою: Ты бо веси естества моего удобопоползновенное, Ты веси безумие мое, Ты веси мною соде́янная, я́же в ве́дении и не в ве́дении, я́же во́льная и нево́льная, я́же в нощи́ и во дни́, и во уме, и мысли, яко Благ у́бо и Человеколю́бец Бог, очи́сти я́ росо́ю милости Твоея, Преблагий Господи, и спаси нас и́мене ради Твоего свята́го, и́миже ве́си судьба́ми. Ты бо еси́ Свет и Истина, и Живо́т, и Тебе славу возсылае́м, Отцу и Сыну и Святому Духу, ныне и присно и во ве́ки веков, аминь.

#### КАФИСМА ОСМАЯ

- <sup>1</sup> В конец, о людех, от святых уда́леных, Давиду в столпописа́ние, внегда́ удержа́ша и́ иноплеме́нницы в Ге́фе, псалом 55.
- 2 Помилуй мя, Боже, яко попра мя человек, весь день боря стужи ми. <sup>3</sup> Попраша мя врази мои весь день, яко мнози борющии мя с высоты. 4 В день не убоюся, аз же уповаю на Тя. 5 О Бозе похвалю словеса моя. на Бога уповах, не убоюся, что сотворит мне плоть? 6 Весь день словес моих гнушахуся, на мя вся помышления их на зло. 7 Вселятся и скрыют, тии пяту мою сохранят, якоже потерпеща душу мою. 8 Ни о чесомже отринеши я, гневом люди низведеши. 9 Боже, живот мой возвестих Тебе, положил еси слезы моя пред Тобою, яко и во обетовании Твоем. 10 Да возвратятся врази мои вспять, воньже аще день призову Тя, се познах, яко Бог мой еси Ты. 11 О Бозе похвалю глагол, о Господе похвалю слово. 12 На Бога уповах, не убоюся, что сотворит мне человек? 13 Во мне, Боже, молитвы, яже воздам хвалы Твоея, 14 яко избавил еси душу мою от смерти, очи мои от слез, и нозе мои от поползновения, благоугожду пред Господем во свете живых.
  - <sup>1</sup> В конец, да не растлиши, Давиду в столпописание, внегда ему отбегати от лица Саулова в пещеру, 56.
- <sup>2</sup> Помилуй мя, Боже, помилуй мя, яко на Тя упова душа моя, и на сень крилу Твоею надеюся, дондеже прейдет беззаконие. <sup>3</sup> Воззову к Богу Вышнему, Богу, благодеявшему мне. <sup>4</sup> Посла с Небесе и спасе мя, даде в поношение попирающыя мя, посла Бог милость Свою

п пстину Свою, <sup>5</sup> и избави душу мою от среды скимнов. Поспах смущен, сынове человечестии, зубы их оружия и стрелы, и язык их меч остр. <sup>6</sup> Вознесися на Небеса, Боже, и по всей земли слава Твоя. <sup>7</sup> Сеть уготоваша ногам моим и слякоша душу мою, ископаша пред лицем монм яму и впадоша в ню. <sup>8</sup> Готово сердце мое, Боже, готово сердце мое, воспою и пою во славе моей. <sup>9</sup> Востани слава моя, востани псалтирю и гусли, востану рано. <sup>10</sup> Исповемся Тебе в людех, Господи, воспою Тебе во языщех, <sup>11</sup> яко возвеличися до Небес милость Твоя, и даже до облак истина Твоя. <sup>12</sup> Вознесися на Небеса, Боже, и по всей земли слава Твоя.

# 1 В конец, да не растлиши, Давиду в столпописание, 57.

2 Аще войстинну убо правду глаголете, правая судите, сынове человечестии. З Ибо в сердце беззаконие делаете на земли, неправду руки ваша сплетают. 4 Очуждишася грешницы от ложесн, заблудиша от чрева. глаголаша лжу. 5 Ярость их по подобию зминну, яко аспида глуха и затыкающаго уши свои, 6 иже не услышит гласа обавающих, обаваемь обавается от премудра. 7 Бог сокрушит зубы их во устех их, членовныя львов сокрушил есть Господь. 8 Уничижатся яко вода мимотекущая, напряжет лук свой, дондеже изнемогут. 9 Яко воск растаяв отъймутся, паде огнь на них и не видеща солнца. <sup>10</sup> Прежде еже разумети терния вашего рамна, яко живы. яко во гневе пожрет я. 11 Возвеселится праведник, егда увидит отмщение, руце свои умыет в крови грешника. 12 И речет человек: аще убо есть плод праведнику, убо есть Бог судя им на земли.

#### Слава:

#### В конец, да не растлиши, Давиду в столпописание, внегда посла Саул, и стреже дом его, еже умертвити его, 58.

<sup>2</sup> Изми мя от враг моих, Боже, и от востающих на мя избави мя. <sup>3</sup> Избави мя от делающих беззаконие и от муж кровей спаси мя. <sup>4</sup> Яко се уловиша душу мою, нападоша на мя крепцыи, ниже беззаконие мое, ниже

грех мой, Господи. 5 Без беззакония текох и исправих. востани в сретение мое и виждь. 6 И ты, Господи Боже сил. Боже Израилев, вонми посетити вся языки, да не ущедриши вся делающыя беззаконие. 7 Возвратятся на вечер и взалчут, яко пес, и обыдут град. 8 Се тии отвещают усты своими, и меч во устнах их, яко кто слыша? <sup>9</sup> И Ты, Господи, посмеещися им, уничижищи вся языки. 10 Державу мою к Тебе сохраню, яко Ты, Боже, Заступник мой еси. 11 Бог мой, милость Его предварит мя, Бог мой, явит мне на вразех монх. 12 He убий их, да не когда забудут закон Твой, расточи я силою Твоею и низведи я. Защитниче мой, Господи. 13 Грех уст их, слово устен их. и яти да будут в гордыни своей, и от клятвы и лжи возвестятся в кончине. 14 Во гневе кончины, и не будут и уведят, яко Бог владычествует Иаковом и концы земли. 15 Возвратятся на вечер, и взалчут, яко пес, и обыдут град. 16 Тии разыдутся ясти. Аще ли же не насытятся, и поропщут. 17 Аз же воспою силу Твою и возрадуюся заутра о милости Твоей, яко был еси Заступник мой и Прибежище мое в день скорби моея. 18 Помощник мой еси. Тебе пою: яко Бог Заступник мой еси. Боже мой, милость моя.

- <sup>1</sup> В конец, о изменитися хотящих, в столпописание Давиду, в научение, <sup>2</sup> внегда сожже средоречие Сирийское, и Сирию Совальскую, и возвратися Иоав, и порази Едома в дебри Солей 12 тысящ, 59.
- <sup>8</sup> Боже, отринул ны есй и низложи́л есй нас, разгне́вался есй, и уще́дрил есй нас. <sup>4</sup> Стрясл есй землю и смути́л есй ю́, исцели́ сокрушение ея́, я́ко подви́жеся. <sup>5</sup> Показал есй лю́дем Твоим жесто́кая, напойл еси нас вином умиле́ния. <sup>6</sup> Дал есй боя́щымся Тебе зна́мение, е́же убежа́ти от лица лу́ка. <sup>7</sup> Яко да изба́вятся возлю́бленнии Твои, спаси́ десни́цею Твоею и услы́ши мя. <sup>8</sup> Бог возглаго́ла во святе́м своем: возрадуюся и разделю Сики́му, и юдо́ль жилищ разме́рю. <sup>9</sup> Мой есть Галаа́д, и Мой есть Манасси́й, и Ефрем крепость главы Моея, Иуда царь Мой. <sup>10</sup> Моа́в коно́б упова́ния Моего, на Идуме́ю простру́ сапог Мой, Мне иноплеме́нницы покори́шася. <sup>11</sup> Кто введе́т мя во град огражде́ния? Или́ кто наста́вит мя до Идуме́и? <sup>12</sup> Не Ты ли, Боже, отри́нувый нас? И не

изы́деши, Боже, в силах наших? <sup>13</sup> Даждь нам помощь от скорби, и су́етно спасение челове́ческо. <sup>14</sup> О Бозе сотвори́м силу, и Той уничижи́т стужа́ющыя нам.

#### 1 В конец, в песнех, Давиду псалом 60.

<sup>2</sup> Услыши, Боже, моление мое, вонми молитве моей. <sup>3</sup> От конец земли к Тебе воззвах, внегда уны сердце мое, на камень вознесл мя еси, наставил мя еси. <sup>4</sup> Яко был еси упование мое, столп крепости от лица вражия. <sup>5</sup> Вселюся в селении Твоем во веки, покрыюся в крове крил Твоих. <sup>6</sup> Яко Ты, Боже, услышал еси молитвы моя, дал еси достояние боящымся имене Твоего. <sup>7</sup> Дни на дни царевы приложиши, лета его до дне рода и рода. <sup>8</sup> Пребудет в век пред Богом, милость и истину Его кто взыщет? <sup>9</sup> Тако воспою имени Твоему во веки, воздати ми молитвы моя день от дне.

#### Слава:

# 1 В конец, о Идифуме, псалом Давиду, 61.

<sup>2</sup> Не Богу ли повинется душа моя? От Того бо спасение мое. 3 Ибо Той Бог мой и Спас мой, Заступник мой, не подвижуся наипаче. 4 Доколе належите на человека? Убиваете вси вы, яко стене преклонене, и оплоту возриновену. 5 Обаче цену мою совещаща отринути, текоща в жажди, усты своими благословляху и сердцем своим кленяху. 6 Обаче Богови повинися, душе моя, яко от Того терпение мое. 7 Ибо Той Бог мой и Спас мой, Заступник мой, не преселюся. 8 О Бозе спасение мое и слава моя. Бог помощи моея, и упование мое на Бога. <sup>9</sup> Уповайте на Него весь сонм людей, излияйте пред Ним сердца ваша, яко Бог Помощник наш. 10 Обаче суетни сынове человечестии, лживи сынове человечестии в мерилех еже неправдовати, тии от суеты вкупе. 11 Не уповайте на неправду и на восхищение не желайте. Богатство аще течет, не прилагайте сердца. 12 Единою глагола Бог, двоя сия слышах, зане держава Божия, 13 и Твоя. Господи, милость, яко Ты воздаси комуждо по делом ero.

#### 1 Псалом Давиду, внегда быти ему в пустыни Иудейстей, 62.

<sup>2</sup> Боже, Боже мой, к Тебе утренюю, возжада Тебе душа моя, коль множицею Тебе плоть моя, в земли пусте и непроходне, и безводне. <sup>3</sup> Тако во святем явихся Тебе, видети силу Твою и славу Твою. 4 Яко лучши милость Твоя паче живот, устне мои похвалите Тя. 5 Тако благословлю Тя в животе моем, о имени Твоем воздежу руце мои. 6 Яко от тука и масти да исполнится душа моя, и устнама радости восхвалят Тя уста моя. 7 Аще поминах Тя на постели моей, на утренних поучахся в Тя. 8 Яко был еси Помощник мой, и в крове крилу Твоею возрадуюся. 9 Прильпе душа моя по Тебе, мене же прият лесница Твоя. 10 Тин же всує искаша душу мою, внидут в преисподняя земли, 11 предадятся в руки оружия, части лисовом будут. 12 Царь же возвеселится о Бозе, похвалится всяк кленыйся Им, яко заградишася vcта глаголющих неправедная.

#### <sup>1</sup> В конец, псалом Давиду, 63.

<sup>2</sup> Услыши, Боже, глас мой, внегда молити ми ся к Тебе, от страха вражия изми душу мою. <sup>3</sup> Покрый мя от сонма лукавнующих, от множества делающих неправду. <sup>4</sup> Иже изостриша, яко мечь, языки своя, напрягоша лук свой, вещь горьку, <sup>5</sup> состреляти в тайных непорочна, внезапу состреляют его и не убоятся. <sup>6</sup> Утвердиша себе слово лукавое, поведаша скрыти сеть, реша: кто узрит их? <sup>7</sup> Испыташа беззаконие, исчезоша испытающии испытания, приступит человек, и сердце глубоко, <sup>8</sup> и вознесется Бог. Стрелы младенец быша язвы их, <sup>9</sup> и изнемогоша на ня языцы их. Смутишася вси видящии их, <sup>10</sup> и убояся всяк человек, и возвестиша дела Божия, и творения Его разумеша. <sup>11</sup> Возвеселится праведник о Господе и уповает на Него, и похвалятся вси правии сердцем.

Слава:

#### По 8-й кафисме, Трисвятое.

Таже тропари, глас 5: Во глубины мя греха поползшася, треволнение обуревает отчаяния, но предвари, Христе, яко Всеси́лен, Управителю всех, и ко пристанищу тихому устреми́ безстра́стия, за благоутро́бне, Спа́се, и спаси́ мя.

Слава: Душе, яже зде привременна, тамо же вечна, зрю судилище, и на Престоле Судию, и трепещу изречения: прочее, душе, обратися, суд непрощаемь.

И ныне: Надежде ненадесмых, помоще безпомощных, заступление на Тя уповающих, святая Владычице Богородице, иомощь Твою низпосли нам.

# Господи, помилуй (40) и молитва:

Господи Щедрый и Милостивый, Долготерпсливе и Многомилостиве, внуши молитву и вонми гласу моления моего: сотвори со мною знамение во благо, настави мя на путь Твой, еже ходити во истине Твоей, возвесели сердце мое, во еже боятися имене Твоего Святаго, занеже велий еси, и творяй чудеса. Ты еси Бог Един, и несть подобен Тебс в бозех, Господи, Сильный в милости, и Благий в крепости, во еже помогати и утешати, и спасати вся уповающыя на имя Твое, Отца и Сына и Святаго Духа, ныне и присно, и во веки веков, аминь.

#### КАФИСМА ДЕВЯТАЯ

- <sup>1</sup> В конец, псалом песни Давиду, песнь Иеремиева и Иезекиилева, людей преселения, егда хотяху исходити, 64.
- <sup>2</sup> Тебе подоба́ет песнь, Боже, в Сио́не, и Тебе возда́стся молитва во Иерусали́ме. <sup>3</sup> Услы́ши молитву мою, к Тебе вся́ка плоть прийдет. <sup>4</sup> Словеса́ беззако́нник премого́ша нас, и нече́стия наша Ты очи́стиши. <sup>5</sup> Блаже́н, его́же избрал еси́ и прия́л, всели́тся во дво́рех Твоих. Испо́лнимся во благи́х до́му Твоего, свят храм Твой, <sup>6</sup> ди́вен в правде. Услыши ны, Боже, Спаси́телю наш, упова́ние всех конце́й земли, и су́щих в мо́ри дале́че, <sup>7</sup> уготовля́яй го́ры кре́постию Своею, препоя́сан силою, <sup>8</sup> смуща́яй глубину морскую, шу́му волн его кто́ постоит? Смяту́тся язы́цы, <sup>9</sup> и убоя́тся живу́щии в конца́х от зна́мений Твоих, исхо́ды у́тра и вечера украси́ши. <sup>10</sup> Посети́л еси́ землю и упои́л еси́ ю́, умно́жил еси́

обогати́ти ю́. Река Божия наполнися вод. Уготовал еси пищу им, я́ко та́ко [есть] угото́вание. <sup>11</sup> Бразды́ ея́ упой, умно́жи жи́та ея́, в ка́плях ея́ возвесели́тся возсия́ющи. <sup>12</sup> Благослови́ши вене́ц ле́та бла́гости Твоея, и поля́ Твоя испо́лнятся ту́ка, <sup>13</sup> разботе́ют красная пусты́ни, и ра́достию хо́лми препоя́шутся. <sup>14</sup> Оде́яшася о́вни о́вчии, и удо́лия умно́жат пшеницу, воззовут, и́бо воспоют

#### 1 В конец, песнь псалма воскресения, 65.

<sup>2</sup> Воскликните Господеви, вся земля, пойте же имени Его, дадите славу хвале Его. <sup>3</sup> Риыте Богу: коль страшна дела Твоя? Во множестве силы Твоея солжут Тебе врази Твои. 4 Вся земля да поклонится Тебе и поет Тебе. да поет же имени Твоему, Вышний. 5 Приидите и видите дела Божия, коль страшен в советех паче сынов человеческих. 6 Обращаяй море в сушу, в реце пройдут ногами, тамо возвеселимся о Нем, 7 Владычествующем силою Своею веком. Очи Его на языки призираете, преогорчевающии да не возносятся в себе. В Благословите. языцы. Бога нашего и услышан сотворите глас хвалы Его. 9 положшаго душу мою в живот и не давшаго во смятение ног моих. 10 Яко искусил ны еси, Боже, разжегл ны еси, якоже разжизается сребро. 11 Ввел ны еси в сеть, положил еси скорби на хребте́ шем. 12 Возвел еси человеки на главы наша, проидохом сквозе огнь и воду, и извел еси ны в покой. 13 Вниду в дом Твой со всесожжением, воздам Тебе молитвы моя, 14 яже изрекосте устне мои, и глаголаша уста моя в скорби моей. 15 всесожжения тучна вознесу Тебе с кадилом, и овны, вознесу Тебе волы с козлы. 16 Приидите. услышите, и повем вам, вси боящиися Бога, елика сотвори души моей. 17 К Нему усты моими воззвах и вознесох под языком моим. 18 Неправду аще узрех в сердце моем, да не услышит мене Господь. 19 Сего ради услыша мя Бог, внят гласу моления моего. <sup>20</sup> Благословен Бог, иже не отстави молитву мою и милость Свою от мене

#### 1 В конец, в песнех, псалом песни Давиду, 66.

<sup>&</sup>lt;sup>2</sup> Боже, уще́дри ны и благослови ны, просвети лице́ Твое на ны и помилуй ны. <sup>3</sup> Познати на земли путь Твой,

во всех язы́цех спасение Твое. <sup>4</sup> Да испове́дятся Тебе лю́дие, Боже, да испове́дятся Тебе лю́дие вси. <sup>5</sup> Да возвеселя́тся и да возра́дуются язы́цы, я́ко су́диши лю́дем правото́ю и язы́ки на земли́ наста́виши. <sup>6</sup> Да испове́дятся Тебе людие, Боже, да испове́дятся Тебе людие вси. <sup>7</sup> Земля даде́ плод свой, благослови́ ны, Боже, Боже наш, <sup>8</sup> благослови́ ны, Боже, и да убоя́тся Его вси концы земли.

#### Слава:

#### 1 В конец, псалом песни Давиду, 67.

<sup>2</sup> Да воскреснет Бог, и расточатся врази **Его**, и да бежат от лица Его ненавидящин Его. 3 Яко исчезает дым, да исчезнут, яко тает воск от лица огня, тако да погибнут грешницы от лица Божия, 4 а праведницы да возвеселятся, да возрадуются пред Богом, да насладятся в веселин. 5 Воспойте Богу, пойте имени Его, путесотворите возшедшему на запады, Господь имя Ему, и радуйтеся пред Ним. 6 Да смятутся от лица Его, Отца сирых и Судий вдовиц: Бог в месте святем Своем. 7 Бог вселяет единомысленныя в дом, изводя окованныя мужеством, такожде преогорчевающыя живущыя во гробех. 8 Боже, внегда исходити Тебе пред людьми Твоими. внегда мимоходити Тебе в пустыни. 9 земля потрясеся. ибо небеса кануща от лица Бога Синаина, от лица Бога Изра́илева. 10 Дождь во́лен отлучи́ши, Боже, достоя́нию Твоему и изнеможе, Ты же совершил еси е́. 11 Животная Твоя живут на ней, уготовал еси благостию Твоею нищему. Боже. <sup>12</sup> Господь даст глаго́л благовествующым силою многою. 13 Царь сил возлюбленнаго, красотою дому разделити корысти. 14 Аще поспите посреде предел, криле голубине посребрене, и междорамия ея в блещании элата. 15 Внегда разнетвит Небесный цари на ней, оснежатся в Селмоне. 16 Гора Божия, гора тучная, гора усыренная, гора тучная. 17 Вскую непщуете горы усыренныя? Гора, юже благоволи Бог жити в ней, ибо Господь вселится до конца. 18 Колесница Божия тмами тем, тысяща гобзующих, Господь в них в Синаи во святем. 19 Возшел еси на высоту, пленил еси плен, приял еси даяния в человецех, ибо не покаряющыяся, еже все-

литися. 20 Господь Бог благословен, благословен Господь день дне, поспешит нам Бог спасений наших 21 Бог наш, Бог еже спасати, и Господня, Господня исходища смертная. 22 Обаче Бог сокрушит главы врагов Своих, верх влас преходящих в прегрешениих своих. 23 Рече Господь: от Васана обращу, обращу во глубинах морских. 24 Яко да омочится нога твоя в крови, язык пес твоих, от враг от него. <sup>25</sup> Видена быша шествия Твоя. Боже, шествия Бога моего Царя, иже во святем, <sup>26</sup> предвариша князи близ поющих, посреде дев тимпанниц. 27 В церквах благословите Бога, Господа от источник Израилевых. 28 Тамо Вениамин юнейший во ужасе, князи Иудовы владыки их, князи Завулони, князи Неффалимли. <sup>29</sup> Заповеждь, Боже, силою Твоею, укрепи, Боже, сие, еже соделал еси в нас. 30 От храма Твоего во Иерусалим Тебе принесут царие дары. 31 Запрети зверем тростным, сонм юнец в юницах людских, еже затворити искушенныя сребром, расточи языки хотящыя бранем. 32 Прийдут молитвенницы от Египта, Ефиопиа предварит руку свою к Богу. 33 Царства земная, пойте Богу, воспойте Господеви, 34 возшедшему на Небо небесе на востоки, се даст гласу Своему глас силы. 35 Дадите славу Богови, на Израили велелепота Его, и сила Его на облацех. 36 Дивен Бог во святых Своих. Бог Израилев: Той даст силу и державу людем Своим, благословен Бог.

#### Слава:

## 1 В конец, о изменшихся, псалом Давиду, 68.

<sup>2</sup> Спаси, мя, Боже, яко внидоша воды до души моея. <sup>3</sup> Углебох в тимении глубины, и несть постояния. Приидох во глубины морския, и буря потопи мя. <sup>4</sup> Утрудихся зовый, измолче гортань мой, исчезосте очи мои, от еже уповати ми на Бога моего. <sup>5</sup> Умножишася паче влас главы моея ненавидящии мя туне, укрепишася врази мои, изгонящии мя неправедно: яже не восхищах, тогда воздаях. <sup>6</sup> Боже, Ты уведел еси безумие мое, и прегрешения моя от Тебе не утайшася. <sup>7</sup> Да не постыдятся о мне терпящии Тебе, Господи, Господи сил, ниже да посрамятся о мне ищущии Тебе, Боже Израилев. <sup>8</sup> Яко

Тебе ради претерпех поношение, покры срамота лице мое. 9 Чуждь бых братии моей, и странен сыновом матере мося. 10 Яко ревность дому Твоего снеде мя, и поношения поносящих Ти нападоша на мя. 11 И покрых постом душу мою, и бысть в поношение мне. 12 и положих одеяние мое вретище, и бых им в притчу. 13 О мне глумляхуся седящий во вратех, и о мне пояху пиющий вино 14 Аз же молитвою моею к Тебе, Боже, время благоволения. Боже, во множестве милости Твоея услыши мя, во истине спасения Твоего. 15 Спаси мя от брения, да не углебну, да избавлюся от ненавидящих мя и от глубоких вод. 16 Да не потопит мене буря водная, ниже да пожрет мене глубина, ниже сведет о мне ровенник уст своих. 17 Услыши мя, Господи, яко блага милость Твоя, по множеству щедрот Твоих призри на мя. 18 Не отврати лица Твоего от отрока Твоего, яко скорблю, скоро услыши мя. 19 Вонми души моей, и избави ю, враг монх ради избави мя. 20 Ты бо веси поношение мое и студ мой, и срамоту мою: пред Тобою вси оскорбляющии мя. 21 Поношение чаяше душа моя, и страсть и ждах соскорбящаго, и не бе, и утешающих, и не обретох. <sup>22</sup> Й даша в снедь мою желчь, и в жажду мою напоиша мя оцта. <sup>23</sup> Да будет трапеза их пред ними в сеть, и в воздаяние, и в соблазн. <sup>24</sup> Да помрачатся очи их, сже не видети, и хребет их выну сляцы. <sup>25</sup> Пролей на ня гнев Твой, и ярость гнева Твоего да постигнет их. <sup>26</sup> Да будет двор их пуст, и в жилищах их да не будет живый. 27 Зане егоже Ты поразил еси, тии погнаша, и к болезни язв моих приложища. 28 Приложи беззаконие к беззаконию их, и да не внидут в правду Твою. 29 Да потребятся ог книги живых и с праведными да не напишутся. 30 Ниш и боляй есмь аз: спасение Твое, Боже, да приимет мя. <sup>31</sup> Восхвалю имя Бога моего с песнию, возвеличу Его во хвалении: 32 и угодно будет Богу паче тельца юна, роги износяща и пазнокти. 33 Да узрят нищин и возвеселятся: взыщите Бога, и жива будет душа ваша. 34 Яко услыша убогия Господь и окованныя Своя не уничижи. 35 Да восхвалят Его небеса и земля, море и вся живущая в нем. <sup>36</sup> Яко Бог спасет Сиона, и созиждутся гради Иудейстии, и вселятся тамо, и наследят и, 37 и семя рабов Твоих удержит и, и любящии имя Твое вселятся в нем.

# <sup>1</sup> В конец, Дави́ду в воспоминание, во е́же спасти́ мя Господу, 69.

<sup>2</sup> Боже, в помощь мою вонми, Господи, помощи ми потщися. <sup>3</sup> Да постыдятся и посрамятся ищущии душу мою, да возвратятся вспять и постыдятся хотящии ми злая. <sup>4</sup> Да возвратятся абие стыдящеся глаголющии ми: благоже, благоже. <sup>5</sup> Да возрадуются и возвеселятся о Тебе вси ищущии Тебе, Боже, и да глаголют выну, да возвеличится Господь, любящии спасение Твое: <sup>6</sup> аз же нищ есмь и убог, Боже, помози ми: Помощник мой и Избавитель мой еси Ты, Господи, не закосни.

Слава:

#### По 9-й кафисме, Трисвятое.

Таже тропари, глас 6: Помышляю день страшный и плачу деяний монх лукавых, како отвещаю Безсмертному Царю? Или коим дерзновением воззрю на Судию, блудный аз? Благоутробный Отче, Сыне Единородный, Душе Святый, помилуй мя.

Слава: Во юдо́ли плаче́вне, на месте, е́же завеща́л еси, егда́ ся́деши, Ми́лостиве, сотвори́ти пра́ведный суд, не обличи́ моя сокрове́нная, ниже́ посрами мене́ пред Ангелы, но пощади́ мя, Боже, и помилуй мя.

И ныне: Упование и покров державный к Тебе притекающих, Богородительнице, благое предстательство мира, моли со безплотными прилежно, Егоже родила еси Человеколюбнейшаго Бога, избавитися душам нашым от всякаго прещения, Едина Благословенная.

#### Господи, помилуй (40) и молитва:

Владыко Господи, Боже наш, иже Един окаянныя мося души недуг и сея исцеление ведый, исцели ю, якоже веси, ради множества милости Твоея и щедрот Твоих, понеже от дел моих несть пластыря приложити ей, ниже елеа, ни обязания, но Ты, пришедый не праведныя призвати, но грешныя в покаяние, помилуй, ущедри, прости ю, раздери рукописание многих моих и

сту́дных дея́ний и наста́ви мя на правый путь Твой, да, ходя́й во и́стине Твоей, возмогу́ избежа́ти стрел лука́ваго и си́це предста́ну неосужде́нно пред страшным престо́лом Твоим, сла́вя и воспева́я Пресвятое Твое имя во ве́ки, аминь.

## КАФИСМА ДЕСЯТАЯ

Давиду псалом, сынов Ионадавовых и первых пленшихся, не надписан у еврей, 70.

<sup>1</sup> На Тя, Господи, уповах, да не постыжуся в век. <sup>2</sup> Правдою Твоею избави мя и изми мя, приклони ко мне ухо Твое и спаси мя. <sup>3</sup> Буди ми в Бога Защитителя и в место крепко спасти мя, яко утверждение мое и прибежище мое еси Ты. 4 Боже мой, избави мя из руки грешнаго, из руки законопреступнаго и обидящаго, 5 яко Ты еси терпение мое. Господи. Господи. упование мое от юности моея. 6 В Тебе утвердихся от утробы, от чрева матере моея Ты еси мой покровитель: о Тебе пение мое выну. 7 Яко чудо бых многим, и Ты помощник мой В Да исполнятся уста моя хваления, яко да воспою славу Твою, весь день великолепие Твое. 9 Не отвержи мене во время старости, внегда оскудевати крепости моей, не остави мене. 10 Яко реша врази мои мне, и стрегущии душу мою совещаща вкупе, 11 глаголюще: Бог оставил есть его, пожените и имите его, яко несть избавляяй. 12 Боже мой, не удалися от мене, Боже мой, в помощь мою вонми. 13 Да постыдятся и исчезнут оклеветающии душу мою, да облекутся в студ и срам ищущии злая мне. 14 Аз же всегда возуповаю на Тя и приложу́ на вся́ку похвалу́ Твою. 15 Уста́ моя возвестя́т правду Твою, весь день спасение Твое, яко не познах книжная. 16 Вниду в силе Господни, Господи, помяну правду Тебе Единаго. 17 Боже мой, имже научил мя еси от юности моея, и до ныне возвещу чудеса Твоя, 18 и даже до старости и престарения, Боже мой, не остави мене, дондеже возвещу мышцу Твою роду всему грядущему, 19 силу Твою и правду Твою, Боже, даже до вышних, яже сотворил ми еси величия. Боже, кто подобен Тебе? 20 Елики явил ми еси скорби многи и злы,

и обра́щься оживотвори́л мя еси, и от бездн земли возве́л мя еси. <sup>21</sup> Умно́жил еси́ на мне вели́чествие Твое, и обра́щься уте́шил мя еси, и от бездн земли па́ки возве́л мя еси́. <sup>22</sup> Ибо аз испове́мся Тебе в лю́дех, Господи, в сосу́дех псало́мских и́стину Твою, Боже, воспою Тебе в гу́слех, Святый Изра́илев. <sup>23</sup> Возра́дуетеся устне́ мон, егда́ воспою Тебе, и душа моя, ю́же еси́ изба́вил. <sup>24</sup> Еще́ же и язык мой весь день поучи́тся правде твоей, егда́ постыдя́тся и посра́мятся и́щущии злая мне.

#### О Соломоне, псалом Давиду, 71.

<sup>1</sup> Боже, суд Твой цареви даждь, и правду Твою сыну цареву: 2 судити людем Твоим в правде, и нищым Твоим в суде. 3 Да восприимут горы мир людем, и холми правду. 4 Судит нищым людским, и спасет сыны убогих и смирит клеветника. 5 И пребудет с солнцем, и прежде луны рода родов. 6 Снидет яко дождь на руно, и яко капля, каплющая на землю. 7 Возсияет во днех его правда и множество мира, дондеже отъймется луна. 8 И обладает от моря до моря, и от рек до конец вселенныя. 9 Пред ним припадут Ефиопляне, и врази его персть полижут. 10 Царие Фарсийстии и острови дары принесут, царие Аравстии и Сава дары приведут: 11 и поклонятся ему вси царие земстии, вси языцы поработают ему. 12 Яко избави нища от сильна, и убога, емуже не бе помощника. 13 Пощадит нища и убога, и душы убогих спасет: 14 от лихвы и от неправды избавит душы их, и честно имя его пред ними. 15 И жив будет, и дастся ему от злата Аравийска, и помолятся о нем выну, весь день благословят его. 16 Будет утверждение на версех гор, превознесется паче Ливана плод его: и процветут от града яко трава земная. 17 Будет имя его благословено во веки, прежде солнца пребывает имя его, и благословятся в нем вся колена земная, вси языцы ублажат его. 18 Благословен Господь Бог Израилев, творяй чудеса Един. 19 И благословено имя славы Его во век и в век века, и исполнится славы Его вся земля: буди, буди.

Слава:

# Оскудеща песни Давида, сына Иессеова. Псалом Асафу, 72.

<sup>1</sup> Коль благ Бог Изра́илев, пра́вым сердцем. <sup>2</sup> Мои же вмале не подвижаетеся нозе: вмале не пролиящася стопы моя. 3 Яко возревновах на беззаконныя, грешников зря. <sup>4</sup> Яко несть восклонения в смерти их. и утверждения в ране их, <sup>5</sup> в трудех человеческих не суть, и с человеки не приимут ран. 6 Сего ради удержа я гордыня их до конца: одеяшася неправдою и нечестием своим. 7 Изыдет яко из тука неправда их, преидоша в любовь сердца. <sup>8</sup> Помыслиша и глаголаша в лукавстве. неправду в высоту глаголаша. 9 Положища на небеси уста́ своя, и язык их прейде по земли́. 10 Сего ради обратятся людие мои семо, и дние исполнени обрящутся в них. 11 И реша: како уведе Бог? И аще есть разум в Вышнем? 12 Се сий грешницы и гобзующии в век, удержаща богатство. 13 И рех: еда всуе оправдих сердце мое и умых в неповинных руце мон, 14 и бых язвен весь день, и обличение мое на утренних. 15 Аще глаголах, повем тако: се роду сынов Твоих, емуже обещахся, 16 и непщевах разумети: сие труд есть предо мною, 17 дондеже вниду во святило Божие и разумею в последняя их. 18 Обаче за льшения их положил еси им злая, низложи́л еси я, внегда разгордешася. 19 Како быша в запустение? Внезапу исчезоща, погибоща за беззаконие свое. 20 Яко соние востающаго, Господи, во граде Твоем образ их уничижищи. <sup>21</sup> Яко разжжеся сердце мое, и vтробы моя изменишася. 22 И аз уничижен и не разумех, скотен бых у Тебе. 23 И аз выну с Тобою, удержал еси ру́ку десную мою, 24 и советом Твоим наставил мя еси, и со славою приял мя еси. 25 Что бо ми есть на небеси? И от Тебе что восхоте́х на земли́? 26 Исчезе́ сердце мое и плоть моя, Боже сердца моего, и часть моя, Боже, во век. 27 Яко се удаляющии себе от Тебе, погибнут; потребил еси всякаго любодеющаго от Тебе. 28 Мне же прилеплятися Богови благо есть, полагати на Господа упование мое, возвестити ми вся хвалы Твоя во вратех дщере Сиони.

## Разума Асафу, 73.

1 Вскую, Боже, отринул еси до конца? Разгневася ярость Твоя на овцы пажити Твоея? <sup>2</sup> Помяни сонм Твой, егоже стяжал еси исперва, избавил еси жезлом достояния Твоего, гора Сион сия, в нейже вселился еси. <sup>3</sup> Воздвигни руце Твои на гордыни их в конец, елика лукавнова враг во святем Твоем. 4 И восхвалищася ненавидящии Тя посреде праздника Твоего, положиша знамения своя, знамения, и не познаша, <sup>5</sup> яко во исходе превыше, яко в дубраве древяне секирами разсекоша. 6 Двери его вкупе: сечивом и оскордом разрушиша и. 7 Возжгоша огнем святило Твое, на земли оскверниша жилище имене Твоего. 8 Реша в сердце своем южики их вкупе: приидите и оставим вся праздники Божия от земли. 9 Знамения их не видехом: несть ктому пророка. и нас не познает ктому. 10 Доколе, Боже, поносит враг? Раздражит противный имя Твое до конца? 11 Вскую отвращаеши руку Твою и десницу Твою от среды недра Твоего в конец? 12 Бог же Царь наш прежде века содела спасение посреде земли. 13 Ты утвердил еси силою Твоею море. Ты стерл еси главы змиев в воде, 14 Ты сокрушил еси главу змиеву, дал еси того брашно людем Ефиопским. 15 Ты расторгл еси источники и потоки, Ты изсушил еси реки Ифамския. 16 Твой есть день, и Твоя есть нощь: Ты совершил еси зарю и солице. 17 Ты сотворил есн вся пределы земли, жатву и весну Ты создал еси я. 18 Помяни сия: враг поноси Господеви, и людие безумнии раздражиша имя Твое. 19 Не предаждь зверем душу, исповедающуся Тебе, душ убогих Твоих не забуди до конца. <sup>20</sup> Призри на завет Твой, яко исполнишася помраченнии земли домов беззаконий. 21 Да не возвратится смиренный посрамлен, нищ и убог восхвалита имя Твос. 22 Востани, Боже, суди прю Твою, помяни поношение Твое, еже от безумнаго весь день. 23 Не забуди гласа молитвенник Твоих, гордыня ненавидящих Тя взыде выну.

С.1ава:

<sup>1</sup> В конец, да не растлиши, псалом песни Асафу, 74.

<sup>&</sup>lt;sup>2</sup> Исповемыся Тебе, Боже, исповемыся Тебе, и призовем имя Твое; повем вся чудеса Твоя. <sup>3</sup> Егда прииму

время, Аз правоты возсужду. <sup>4</sup> Растаяся земля и вси живущии на ней, Аз утвердих столпы ей. <sup>5</sup> Рех беззаконнующым, не беззаконнуйте: и согрешающым, не возносите рога, <sup>6</sup> не воздвизайте на высоту рога вашего, и не глаголите на Бога неправду: <sup>7</sup> яко ниже от исход, ниже от запад, ниже от пустых гор. <sup>8</sup> Яко Бог судия есть: сего смиряет, и сего возносит. <sup>9</sup> Яко чаша в руце Господни, вина перастворена, исполнь растворения, и уклони от сея в сию: обаче дрождие его не истощися, испиют вси грешнии земли. <sup>10</sup> Аз же возрадуюся в век, воспою Богу Иаковлю: <sup>11</sup> и вся роги грешных сломлю, и вознесется рог праведнаго.

# <sup>1</sup> В конец, в песнех, псалом Асафу, песнь ко ассириалину, 75.

<sup>2</sup> Ве́дом во Иуде́и Бог: во Изра́нли велне имя Его. <sup>3</sup> И бысть в мире место Его и жилище Его в Сионе. 4 Тамо сокруши крепости луков, оружие и мечь и брань. 5 Просвещаеши Ты дивно от гор вечных. 6 Смятошася вси неразумнии сердцем: уснуша сном своим, и ничтоже обретоща вси мужие богатства в руках своих. 7 От запрещения Твоего, Боже Иаковль, воздремаша вседшии на кони. 8 Ты страшен еси, и кто противостанет Тебе? Оттоле гнев Твой. 9 С Небесе слышан сотворил еси сул: земля убояся, и умолча, 10 внегда востати на суд Богу, спасти вся кроткия земли. 11 Яко помышление человеческое исповестся Тебе: и останок помышления празднует Тн. 12 Помолитеся и воздадите Господеви Богу нашему. Вси иже окрест Его принесут дары, 13 страшному и отъемлющему духи князей, страшному паче царей земных.

# 1 В конец, о Идифуме, псалом Асафу, 76.

<sup>2</sup> Гла́сом моим ко Господу воззва́х, гла́сом мои́м к Богу, и внят ми. <sup>3</sup> В день ско́рби моея́ Бога взыска́х рука́ми мои́ма, но́щию пред Ним, и не прельще́н бых. Отве́ржеся уте́шитися душа́ моя. <sup>4</sup> Помяну́х Бога и возвесели́хся, поглумля́хся и малоду́шествоваше дух мой. <sup>5</sup> Предвари́сте стражбы́ очи мои: смято́хся и не глаго́лах. <sup>6</sup> Помы́слих дни пе́рвыя, и ле́та ве́чная помяну́х, и

поучахся: 7 нощию сердцем монм глумляхся, и тужаше дух мой: 8 еда во веки отринет Господь, и не приложит благоволити паки? 9 Или до конца милость Свою отсечет, сконча глагол от рода в род? 10 Еда забудет ущедрити Бог? Или удержит во гневе Своем щедроты Своя? <sup>11</sup> И рех, ныне начах: сия измена десницы Вышняго. 12 Помянух дела Господня, яко помяну от начала чудеса Твоя. 13 и поучуся во всех делех Твоих, и в начинаниих Твоих поглумлюся. 14 Боже, во святем путь Твой: кто бог велий яко Бог наш? 15 Ты еси Бог творяй чудеса: сказал еси в людех силу Твою, 16 избавил еси мышцею Твоею люди Твоя, сыны Иаковли и Иосифовы. 17 Видеша Тя воды, Боже, видеша Тя воды, и убоящася: смятошася бездны, 18 множество шума вод, глас даша облацы, ибо стрелы Твоя преходят. <sup>19</sup> Глас грома Твоего в колеси, осветиша молния Твоя вселенную: подвижеся и тре́петна бысть земля́. 20 В мо́ри путие́ Твон, и стези́ Твоя в водах многих, и следы Твои не познаются. 21 Наставил еси яко овцы люди Твоя рукою Монсеовою и Ааро́нею.

Слава:

#### По 10-й кафисме, Трисвятое.

Таже тропари, глас 6: Страшнаго дне пришествия Твоего ужасаюся, Христе, и, неумытнаго судилища бояйся, Господи, ужасаюся и трепещу, яко имый множество согрешений, но прежде конца яко Милостив Бог, обрати и спаси мя, Спасе мой Многомилостиве.

Слава: Егда престоли на суд поставятся, Господи, и судилищу Твоему предстанут человецы: не предпочтется царь воина, не преимуществит владыка раба: кийждо бо от своих дел или прославится, или постыдится.

И ныне: Великих дарований, Чистая Дево Богомати, Ты сподобилася еси, яко родила еси плотию Единаго от Троицы, Христа Жизнодавца, во спасение душ наших.

# Господи, помилуй (40) и молитва:

Господи Боже наш, в милости Богатый и в щедротах Непостижимый, Едине по естеству Безгрешен, и нас ради кроме греха быв Человек, услыши в час сей болезненное мое сие моление, яко нищ и убог есмь от дел благих, и сердце мое смятеся внутрь мене. Ты бо веси, Вышний Царю. Госполи небесе и земли, яко всю мою юность во гресех иждих и в след похотей плоти моея ходив, вссь смех демонов бых, весь диаволу последовах, выну в тимении сластей валяяйся, омрачився бо помышлением от младенства, даже и до ныне, никогдаже восхотех сотворити волю Твою святую, но весь от наветующих мя страстей пленився, смех и поругание демонов бых, никакоже во уме помышляяй, яко нестерпимый гнев еже на грешники прещения Твоего, и лежащую геенну отненную. Якоже отсюду во отчаяние впадый, и никакоже в чувстве обращения быв, пуст и наг еже от Твоея дружбы бых. Кий бо вид греха не соделах? Кое дело демонское не содеях? Кое деяние студное и блудное не с преимуществом и тщанием соверших? Ум воспоминаньми плотскими оскверних, тело смешеньми окалях, дух сосложением оскверних, всяк уд окаянныя моея плоти служити и работати грехом возлюбих. И кто прочее не возрыдает мя, окаяннаго? Кто не восплачет мя, осужденнаго? Аз бо един, Владыко, ярость Твою прогневах, аз един гнев Івой на мя разжегох, аз един лукавое пред Тобою сотворих, превозшел и препобедив вся от века грешники. несравненно погрешивый и непрощенно. Но понеже Многомилостивый, Благоутробный еси, Человеколюбче, и ожидаещи человеческого обращения, се и аз ввергаю себе пред страшное и нестерпимое Твое судище, и якоже пречистым Твоим ногам касаяйся, из глубины души взываю Ти: очисти, Господи, прости, Благопременителю, помилуй немощь мою, приклонися недоумению моему, вонми молению моему и слез моих не премолчи, приими мя, кающагося, и заблуждшаго обрати, обращающагося объими и молящагося прости. Не бо положил еси покаяние праведным, не положил еси прощения не согрешающым, но положил еси покаяние мне, грешному, в нихже в негодование Твое содеях, наг и обнажен пред Тобою предстою, Сердцеведче Господи, исповедаяй моя грехи: не бо могу воззрети и видети высоту Небесную, от тяжести грехов моих сляцаемь. Просвети убо очи сердца моего и даждь ми умиление к покаянию, и сокрушение сердна ко исправлению, да со благою надеждею

и истинным уверением, к тамошнему миру пойду, хваля и благословя выну всесвятое имя Твое, Отца и Сына и Святаго Духа, ныне и присно, и во веки веков, аминь.

# КАФИСМА ПЕРВАЯНАДЕСЯТЬ

Разума Асафу, 77.

1 Внемлите, людие мои, закону моему, приклоните ухо ваше во глаголы уст моих. 2 Отверзу в притчах уста моя, провещаю ганания исперва. 3 Елика слышахом и познахом я, и отцы наши поведаща нам: 4 не утайшася от чад их в род ин, возвешающе хвалы Господни и силы Его, и чудеса Его, яже сотвори. 5 И воздвиже свидение во Иакове, и закон положи во Израили: елика заповеда отцем нашым, сказати я сыновом своим, 6 яко да познает род ин, сынове родящиися, и востанут и поведят я́ сыновом своим: 7 да положат на Бога упование свое. и не забудут дел Божиих, и заповеди Его взыщут. 8 Да не будут якоже отцы их, род строптив и преогорчеваяй, род иже не исправи сердца своего, и не увери с Богом духа своего. 9 Сынове Ефремли наляцающе и стреляюще луки, возвратишася в день брани: 10 не сохраниша завета Божия, и в законе Его не восхотеша ходити. 11 И забыша благодеяния Его, и чудеса Его, яже показа́ им <sup>12</sup> пред отцы́ их, я́же сотвори́ чудеса́ в земли́ Еги́петстей: на поли Танеосе. 13 Разверзе море, и проведе их, представи воды яко мех. 14 И настави я облаком во дни, и всю нощь просвещением огня. 15 Разверзе камень в пустыни, и напой я яко в бездне мнозе, 16 и изведе воду из камене, и низведе яко реки воды. 17 И приложиша еще согрешати Ему, преогорчиша Вышняго в безводней; 18 и искусища Бога в сердцах своих, воспросити бращна душам своим. 19 И клеветаша на Бога, и реша: еда возможет Бог уготовати трапезу в пустыни? 20 Понеже порази камень, и потекоша воды, и потоцы наводнишася: еда и хлеб может дати, или уготовати трапезу лю́дем Своим? 21 Сего́ ра́ди слы́ша Господь и презре́: и огнь возгореся во Иакове, и гнев взыде на Израиля, 22 яко не вероваща Богови, ниже уповаща на спасение Его. 23 И заповела облаком свыше, и двери небесе отверзе, 24 и одожди им манну ясти, и хлеб небесный даде им. 25 Хлеб ангельский яде человек, брашно посла им до сытости. <sup>26</sup> Воздвиже юг с небесс, и наведе силою Своею лива. 27 и одожди на ня яко прах плоти, и яко песок морский птицы пернаты. <sup>28</sup> И нападоша посреде стана их, окрест жилищ их, <sup>29</sup> И ядоша и насытишася зело, и желание их принесе им. 30 Не лишишася от желання своего: еще брашну сущу во устех их: 31 и гнев Божий взыде на ня, и уби множайшая их, и избранным Израилевым запят. <sup>32</sup> Во всех сих согрешища еще, и не вероваща чудесем Его. <sup>33</sup> И исчезоща в суете дние их. н лета их со тщанием. 34 Егда убиваще я, тогда взыскаху Его, и обращахуся, и утреневаху к Богу: 35 и помянуша, яко Бог Помощник им есть, и Бог Вышний Избавитель им есть. <sup>36</sup> И возлюбища Его усты своими, и языком своим солгаша Ему: 37 сердце же их не бе право с Ним, ниже уверишася в завете Его. 38 Тойже есть щедр. и очистит грехи их, и не растлит, и умножит отвратити ярость Свою, и не разжжет всего гнева Своего. 39 И помяну, яко плоть суть, дух ходяй и не обращаяйся. 40 Колькраты преогорчища Его в пустыни, прогневаща Его в земли безводней? 41 И обратишася, и искусиша Бога, и Святато Израилева раздражища. 42 и не помянуша руки Его в день, воньже избави я из руки оскорбляющаго, 43 якоже положи во Египте знамения своя, и чудеса своя на поли Танеосе, 44 и преложи в кровь реки их, и источники их, яко да не пиют. 45 Посла на ня песия мухи и поядоша я: и жабы, и растли я. 46 И даде рже плоды их, и труды их пругом. 47 Уби градом винограды их, и черничие их сланою, 48 и предаде граду скоты их, и имение их огню. 49 Посла на ня гнев ярости Своея, ярость и гнев и скорбь, послание ангелы лютыми. 50 Путесотвори стезю гневу Своему, и не пощаде от смерти душ их: и скоты их в смерти заключи, 51 и порази всякое первородное в земли Египетстей, начаток всякаго труда их в селениих Хамовых. 52 И воздвиже яко овцы люди Своя, и возведе я яко стадо в пустыни. 53 и настави я на упование, и не убоящася, и враги их покры море. 54 И введе я в гору святыни Своея, гору сию, юже стяжа десница Его. 55 И изгна от лица их языки, и по жребию даде им [землю] ужем жребодаяния. и всели в селениих их колена Израилева. <sup>56</sup> И искусиша

и преогорчища Бога Вышняго, и свидений Его не сохраниціа. <sup>57</sup> и отвратиціася, и отвергощася, якоже и отцы их. превратишася в лук развращен, 58 и прогневаща Его в холмех своих и во истуканных своих раздражища Его. <sup>59</sup> Слыша Бог и презре, и уничижи зело Израиля, <sup>60</sup> и отрину скинию Силомскую, селение, еже вселися в чсловецех. 61 И предаде в плен крепость их, и доброту их в руки врагов, 62 и затвори во оружии люди Своя, и достояние Свое презре. 63 Юношы их пояде огнь, и девы их не осетованы быша: 64 священницы их мечем падоша. и вдовицы их не оплаканы будут. 65 И воста яко спя Господь, яко силен и шумен от вина, 66 и порази враги Своя вспять, поношение вечное даде им. 67 И отрину селение Иосифово, и колено Ефремово не избра, 68 и избра колено Иудово, гору Сионю, юже возлюби, 69 и созда яко единорога святилище Свое, на земли основа и в век. <sup>70</sup> И избра Давида раба Своего, и восприят его от стад овчих. 71 От дойлиц поят его пасти Иакова раба Своего и Израиля достояние Свое. 72 И упасе я в незлобии сердца своего, и в разумех руку своею наставил я есть

#### Слава:

# Псалом Асафу, 78.

1 Боже, приидоща языцы в достояние Твое, оскверниша храм святый Твой, 2 положиша Иерусалим яко овощное хранилище, положища трупия раб Твоих брашно птицам небесным, плоти преподобных Твоих зверем земным. 3 Пролияща кровь их яко воду окрест Иерусалима, и не бе погребаяй. 4 Быхом поношение соседом нашым. подражнение и поругание сущым окрест нас. 5 Доколе. Господи, прогневаешися до конца? Разжжется яко огнь рвение Твое? 6 Пролей гнев Твой на языки не знающыя Тебе, и на царствия, яже имене Твоего не призваша, <sup>7</sup> яко поядоща Иакова, и место его опустошища. <sup>8</sup> Не помяни наших беззаконий первых: скоро да предварят ны щедроты Твоя, Господи, яко обнищахом зело. 9 Помози нам. Боже. Спасителю наш, славы ради имене Твоего, Господи, избави ны, и очисти грехи нашя имене ради Твоего. 10 Да не когда рекут языцы, где есть Бог их? И да увестся во языцех пред очима нашима отмщение крове раб Твоих пролитыя. 11 Да внидет пред Тя

воздыхание окованных, по величию мышцы Твоея снабди сыны умерщвленных. <sup>12</sup> Воздаждь сосе́дом нашым седмерицею в не́дро их поноше́нис их, и́мже поноси́ша Тя, Господи. <sup>13</sup> Мы же, лю́дие Твои и о́вцы па́жити Твоея́, испове́мыся Тебе, Боже, во век, в род и род возвести́м хвалу́ Твою.

## 1 В конец, о изменшихся, свидение Асафу, псалом 79.

2 Пасый Израиля вонми: наставляяй яко овча Иосифа, седяй на Херувимех, явися, 3 пред Ефремом и Вениамином и Манассием, воздвигни силу Твою, и прииди во еже спасти нас. 4 Боже, обрати ны, и просвети лице Твое, и спасемся. 5 Господи Боже сил. доколе гневаешися на молитву раб Твоих? 6 Напитаеши нас хлебом слезным, и напойши нас слезами в меру. 7 Положил еси нас в пререкание соседом нашым, и врази наши подражниша ны. 8 Господи Боже сил, обрати ны, и просвети лице Твое, и спасемся. 9 Виноград из Египта принесл еси. изгнал еси языки, и насадил еси и. 10 Путесотворил еси пред ним, и насадил еси корения его, и исполни землю. 11 Покры горы сень его, и ветвия его кедры Божия; 12 простре розги его до моря, и даже до рек отрасли его. 13 Вскую низложил еси оплот его, и объимают и вси мимоходящии путем? 14 Озоба и вепрь от дубравы, и уединенный дивий пояде и. 15 Боже сил, обратися убо, и призри с Небесе и виждь, и посети виноград сей, 16 и соверши и, егоже насади десница Твоя, и на сына человеческаго, егоже укрепил еси Себе. 17 Пожжен огнем и раскопан, от запрещения лица Твоего погибнут. 18 Да будет рука Твоя на мужа десницы Твоея, и на сына человеческаго, егоже укрепил еси Себе, 19 и не отступим от Тебе: оживищи ны, и имя Твое призовем. <sup>20</sup> Господи Боже сил, обрати ны, и просвети лице Твое, и спасемся.

# 1 В конец, о точилех, псалом Асафу, 80.

<sup>2</sup> Радуйтеся Богу Помощнику нашему, воскликните Богу Иаковлю, <sup>3</sup> приимите псалом и дадите тимпан псалтирь красен с гусльми, <sup>4</sup> вострубите в новомесячии трубою, во благознаменитый день праздника вашего, <sup>5</sup> яко повеление Израилеви есть, и судьба Богу Иаковлю.

6 Свидение во Иосифе положи е, внегда изыти ему от земли Египетския, языка егоже не ведяще услыша. 7 Отъят от времене хребет его, руце его в коши поработасте. 8 В скорби призвал Мя еси, и избавих тя, услышах ты в тайне бурне, искусих тя на воде пререкания. 9 Слышите, людие Мои, и засвидетельствую вам, Израилю, аще послушаеши Мене. 10 Не будет тебе бог нов. ниже поклонишися богу чуждему. 11 Аз бо есмь Господь Бог твой, изведый тя от земли Египетския, разшири уста твоя, и исполню я. 12 И не послушаща людие Мои гласа Моего, и Израиль не внят Ми: 13 и отпустих я по начинакием сердец их, пойдут в начинаниих своих. 14 Аще быша люлие Мон послушали Мене. Израиль аще бы в пути Моя ходил. 15 ни о чесом же убо враги его смирил бых, и на оскорбляющыя их возложил бых руку Мою. 16 Врази Господни солгаша ему, и будет время их в век. 17 И напита их от тука пшенична, и от камене меда насыти их.

#### Слава:

# **Псалом Асафу, 81.**

<sup>1</sup> Бог ста в сонме богов, посреде́ же боги разсудит. 
<sup>2</sup> Доколе судите неправду, и лица грешников приемлете? 
<sup>3</sup> Судите сиру и убогу, смире́на и нища оправдайте. 
<sup>4</sup> Измите вища и убога, из руки грешничи изба́вите его. 
<sup>5</sup> Не позна́ша, ниже́ уразуме́ша, во тьме хо́дят: да подви́жатся вся основа́ния земли. 
<sup>6</sup> Аз рех: бо́зи есте́, и сы́ноге Вы́шняго вси. 
<sup>7</sup> Вы же яко челове́цы умира́ете, и яко един от князе́й па́даете. 
<sup>8</sup> Воскресни́, Боже, суди́ зымли: яко Ты наследищи во всех язы́цех.

# її еснь псалма Асафу, 82.

<sup>2</sup> Божс, кто́ уподобится Тебе? Не премолчи́, ниже́ укроти́, Боже. <sup>3</sup> Яко се врази́ Твои возшуме́ша, и ненави́дящии Тя воздвиго́ша главу́. <sup>4</sup> На лю́ди Твоя лука́вноваша во́лею, и совеща́ща на святы́я Твоя. <sup>5</sup> Ре́ша: прииди́те и потреби́м я́ от язы́к, и не помяне́тся имя Изра́илево ктому́. <sup>6</sup> Яко совсща́ша единомышле́нием вку́пе, на Тя заве́т завеща́ша: <sup>7</sup> селе́ния Идуме́йска, и Исма́илите, Моа́в и Ага́рянє: <sup>8</sup> Гева́л и Аммо́н и Амали́к, ино-

племенницы с живущими в Тире, <sup>9</sup> ибо и Ассур прийде с ними, быша в заступление сыновом Лотовым. <sup>10</sup> Сотвори им яко Мадиаму и Сисаре, яко Иавиму в потоце Киссове. <sup>11</sup> Потребишася во Аендоре, быша яко гной земный. <sup>12</sup> Положи князи их, яко Орива и Зива, и Зевеа и Салмана, вся князи их, <sup>13</sup> иже реша: да наследим себе святилище Божие. <sup>14</sup> Боже мой, положи я яко коло, яко трость пред лицем ветра. <sup>15</sup> Яко огнь попаляяй дубравы, яко пламень пожигаяй горы, <sup>16</sup> тако поженеши я бурею Твоею, и гневом Твоим смятеши я. <sup>17</sup> Исполни лица их безчестия, и взыщут имене Твоего, Господи. <sup>18</sup> Да постыдятся и смятутся в век века, и посрамятся и погибнут. <sup>19</sup> И да познают, яко имя Тебе Господь, Ты Един Вышний по всей земли.

## 1 В конец, о точилех, сыном Кореовым, псалом 83.

<sup>2</sup> Коль возлюбленна селения Твоя, Господи сил! 3 Желает и скончавается душа моя во дворы Господни, сердие мое и плоть моя возрадовастася о Бозе живе. 4 Йбо птица обрете себе храмину, и горлица гнездо себе, идеже положит птенцы своя, олтари Твоя, Господи сил. Царю мой и Боже мой. 5 Блажени живущии в дому Твоем, в веки веков восхвалят Тя. 6 Блажен муж, емуже есть заступление его у Тебе; восхождения в сердце своем положи, 7 во юдоль плачевную, в место еже положи, ибо благословение даст законополагаяй. 8 Пойдут от силы в силу: явится Бог богов в Сионе. 9 Господи Боже сил. услыши молитву мою, внуши, Боже Иаковль. 10 Защитниче наш, виждь, Боже, и призри на лице христа Твоего. 11 Яко лучше день един во дворех Твоих паче тысящ: изволих приметатися в дому Бога моего паче, неже жити ми в селениих грешничих. 12 Яко милость и истину любит Господь. Бог благодать и славу даст, Господь не лишит благих, ходящих незлобием. 13 Господи Боже сил, блажен человек уповаяй на Тя.

#### 1 В конец, сыном Кореовым, псалом 84.

<sup>2</sup> Благоволи́л еси, Господи, зе́млю Твою возврати́л еси плен Иа́ковль: <sup>3</sup> оста́вил еси беззако́ния люде́й Твоих, покры́л еси вся грехи́ их. <sup>4</sup> Укроти́л еси весь гнев

Твой, возвратился еси от гнева я́рости Твоея. <sup>5</sup> Возврати нас, Боже спасений наших, и отврати я́рость Твою от нас. <sup>6</sup> Еда́ во веки прогневаешися на ны? Или простреши гнев Твой от рода в род? <sup>7</sup> Боже, Ты обращься оживиши ны, и людие Твои возвеселятся о Тебе. <sup>8</sup> Яви нам, Господи, милость Твою, и спасение Твое даждь нам. <sup>9</sup> Услышу, что речет о мне Господь Бог: яко речет мир на люди Своя, и на преподобныя Своя, и на обращающыя сердца́ к Нему́. <sup>10</sup> Оба́че близ боящихся Его спасение Его, вселити сла́ву в зе́млю нашу. <sup>11</sup> Ми́лость и и́стина срето́стеся, пра́вда и мир облобыза́стася. <sup>12</sup> Истина от земли возсия́, и пра́вда с Небесе́ прини́че, <sup>13</sup> ибо Господь даст бла́гость, и земля́ на́ша даст плод свой. <sup>14</sup> Пра́вда пред Ним предъйдет, и положи́т в путь стопы́ своя́.

Слава:

#### По 11-й кафисме, Трисвятое.

Таже тропари, глас 7: Имущи, душе моя, врачевство покаяния, приступи слезящи, воздыханием вопиющи: Врачу душ и телес, свободи мя, Человеколюбче, от многих согрешений, сопричти мя блуднице, и разбойнику, и мытарю, и даруй ми, Боже, беззаконий моих прощение, и спаси мя.

Слава: Мытареву покаянию не поревновах, и блудницы слез не стяжах: недоумеюся бо от ослепления о таковом исправлении, но Твоим благоутробием спасимя, Христе Боже, яко Человеколюбец.

И ныне: Богоро́дице Де́во Нескве́рная, Сына Твоего моли с го́рними си́лами, проще́ние прегреше́ний нам пре́жде конца́ дарова́ти и ве́лию милость.

#### Господи, помилуй (40) и молитва:

Возсияй в сердцах наших, Человеколюбче Господи, Твоего Боговедения нетленный свет, и мысленная наша отверзи очи, во евангельских Твоих проповеданий разумение, вложи в нас и блаженных Твоих заповедей страх, да плотския похоти вся поправше, духовное жительство пройдем, вся, яже ко благоугождению Твоему и мудрствующе и деюще. Ты бо еси просвещение душ и

телес наших, Христе Боже, и Тебе славу возсылаем, со Безначальным Твоим Отцем и Всесвятым, и Благим, и Животворящим Твоим Духом, ныне и присно, и во веки веков, аминь.

# КАФИСМА ВТОРАЯНАДЕСЯТЬ

Молитва Давиду, 85.

1 Приклони, Господи, ухо Твое, и услыши мя, яко ниш и убо́г есмь аз. <sup>2</sup> Сохрани душу мою, яко преподобен есмь: спаси раба Твоего. Боже мой, уповающаго на Тя. 3 Помилуй мя, Господи, яко к Тебе воззову весь день. 4 Возвесели душу раба Твоего, яко к Тебе взях душу мою. 5 Яко Ты, Господи, Благ и Кроток, и Многомилостив всем призывающым Тя. 6 Внуши, Господи, молитву мою, и вонми гласу моления моего. 7 В день скорби моея воззвах к Тебе, яко услышал мя еси, <sup>8</sup> Несть подобен Тебе, в бозех, Господи, и несть по делом Твоим. 9 Вси языцы, едики сотворил еси, приидут, и поклонятся пред Тобою, Господи, и прославят имя Твое, 10 яко Велий еси Ты, и творяй чудеса, Ты еси Бог Един. 11 Настави мя, Господи, на путь Твой, и пойду во истине Твоей; да возвеселится сердце мое боятися имене Твоето. 12 Исповемся Тебе, Господи Боже мой, всем сердцем моим, и прославлю имя Твое в век: 13 яко милость Твоя велия на мне, и избавил еси душу мою от ада преисподнейшаго. 14 Боже, законопреступницы восташа на мя, и сонм державных взыскаша душу мою, и не предложища Тебе пред собою. 15 И Ты, Господи Боже мой, Щедрый и Милостивый, Долготерпеливый, и Многоми-лостивый и Истинный, 16 призри на мя и помилуй мя, даждь державу Твою отроку Твоему, и спаси сына рабы Твоея. 17 Сотвори со мною знамение во благо, и да видят ненавидящии мя, и постыдятся, яко Ты, Господи, помогл ми и утешил мя еси.

#### 1 Сыном Кореовым, псалом песни, 86.

<sup>2</sup> Основания его на гора́х святы́х; лю́бит Господь врата́ Сио́ня па́че всех селе́ний Иа́ковлих. <sup>3</sup> Пресла́вная глаго́лашася о тебе́, гра́де Божий. <sup>4</sup> Помяну́ Раа́в и Ва-

вило́на ве́дущым мя, и се иноплеме́нницы, и Тир, и лю́дие Ефио́пстии, си́и бы́ша та́мо. <sup>5</sup> Ма́ти Сион рече́т: челове́к, и челове́к роди́ся в нем, и Той основа́ и́ Вы́шний. <sup>6</sup> Господь пове́сть в писа́нни люде́й, и князе́й сих бы́вших в нем. <sup>7</sup> Яко веселя́щихся всех жили́ще в тебе́.

## <sup>1</sup> Песнь псалма сыном Кореовым, в конец, о Маелефе еже отвещати, разума Еману Израильтянину, 87.

<sup>2</sup> Господи Боже спасения моего, во дни воззвах, и в нощи пред Тобою. З Да внидет пред Тя молитва моя: приклони ухо Твое к молению моему, 4 яко исполнися зол дуща моя, и живот мой аду приближися. 5 Привменен бых с низходящими в ров, бых яко человек без помощи, <sup>6</sup> в мертвых свободь, яко язвеннии спящии во гробе, ихже не помянул еси ктому, и тии от руки Твоея отриновени быша. 7 Положиша мя в рове преисподнем, в темных и сени смертней. В На мне утвердися ярость Твоя, и вся волны Твоя навел еси на мя. 9 Удалил еси знаемых моих от мене, положища мя мерзость себе: предан бых и не исхождах. 10 Очи мои изнемогосте от нищеты, воззвах к Тебе, Господи, весь день, воздех к Тебе руще мои. 11 Еда мертвыми твориши чудеса? Или врачеве воскресят, и исповедятся Тебе? 12 Еда повесть кто во гробе милость Твою, и истину Твою в погибели? 13 Еда познана будут во тме чудеса Твоя, и правда Твоя в земли забвенней? 14 И аз к Тебе, Господи, воззвах и утро молитва моя предварит Тя. 15 Вскую, Господи, отрееши душу мою, отвращаеши лице Твое от мене? 16 Ниш есмь аз, и в трудех от юности моея; вознес же ся, смирихся, и изнемогох. 17 На мне преидоша гневи Твои, устрашения Твоя возмутиша мя, 18 обыдоша мя яко пода, весь день одержаша мя вкупе. 19 Удалил еси от мене друга и искренняго, и знаемых моих от страстей.

#### Слава:

## 1 Разума Ефама Израильтянина, псалом 88.

<sup>2</sup> Ми́лости Твоя, Господи, во век воспою, в род и род возвещу́ и́стину Твою усты́ мои́ми. <sup>3</sup> Зане́ рекл еси: в век ми́лость сози́ждется, на Небесе́х угото́вится и́стина Твоя. <sup>4</sup> Завеща́х заве́т избра́нным Моим, кля́хся Да-

виду рабу Моему: 5 до века уготоваю семя твое, и созижду в род и род престол твой. 6 Исповедят Небеса чудеса Твоя, Господи, нбо истину Твою в церкви святых. 7 Яко кто во облацех уравнится Господеви? Уподобится Господеви в сынех Божиих? 8 Бог прославляемь в совете святых, Велий и Страшен есть над всеми окрестными Его. 9 Господи Боже сил, кто подобен Тебе? Силен еси, Господи, и истина Твоя окрест Тебе. 10 Ты владычествуеши державою морскою: возмущение же воли его Ты укрочаеши. 11 Ты смирил еси яко язвена гордаго, мышцею силы Твоей расточил еси враги Твоя. 12 Твоя суть небеса, и Твоя есть земля, вселенную и исполнения ея Ты основал еси. 13 Север и море Ты создал еси, Фавор и Ермон о имени Твоем возрадуетася. 14 Твоя мышца с силою: да укрепится рука Твоя, и вознесется десница Твоя. 15 Правда и судьба уготование Престола Твоего: милость и истина предъидет пред лицем Твоим. 16 Блажени людие ведущии воскликновение: Господи, во светс лица Твоего пойдут, 17 и о имене Твоем возрадуются весь день, и правдою Твоею вознесутся. 18 Яко похвала силы их Ты еси, и во благоволении Твоем вознесется рог наш. 19 Яко Господне есть заступление, и Святаго Израилева Царя нашего. 20 Тогда глаголал еси в видении сыновом Твоим, и рекл еси: положих помощь на сильнаго, вознесох избраннаго от людей Моих, 21 обретох Давида раба Моего, елеем святым Моим помазах его. 22 Ибо рука Моя заступит его, и мышца Моя укрепит его, 23 ничтоже успеет враг на него, и сын беззакония не приложит озлобити его: 24 и ссеку от лица его враги его, и ненавидящыя его побежду. <sup>25</sup> И истина Моя и милость Моя с ним, и о имени Моем вознесется рог его, <sup>26</sup> и положу на мори руку его, и на реках десницу его. <sup>27</sup> Той призовет Мя: Отец мой еси Ты, Бог мой и Заступник спасения моего. <sup>28</sup> И Аз первенца положу его. высока паче царей земных: 29 в век сохраню ему милость Мою, и завет Мой верен ему, 30 и положу в век века семя его, и престол его яко дние неба. 31 Аще оставят сынове его закон Мой, и в судьбах Моих не пойдут, 32 аще оправдания Моя осквернят, и заповедей Моих не сохранят, 33 посещу жезлом беззакония их, и ранами неправды их, 34 милость же Мою не разорю от них, ни преврежду во истине Моей, 35 ниже оскверню завета

Моего, и исходящих от уст Моих не отвергуся. 36 Единою кляхся о святем Моем, аще Давиду солжу? 37 Семя его во век пребудет, и престол его, яко солние предо Мною, <sup>38</sup> и яко луна совершена в век, и Свидетель на Небеси верен. <sup>39</sup> Ты же отринул еси и уничижил, негодовал еси помазаннаго Твоего, 40 разорил еси завет раба Твоего, осквернил еси на земли святыню его: 41 разорил еси вся оплоты его, положил еси твердая его страх. 42 Расхищаху его вси мимоходящии путем, бысть поношение соседом своим. <sup>43</sup> Возвысил еси десницу стужающих ему, возвеселил еси вся враги его: 44 отвратил еси помощь меча его, и не заступил еси его во брани. 45 Разорил еси от очищения его, престол его на землю повергл еси, 46 ума́лил еси дни вре́мене его, облия́л еси его студо́м. 47 Доко́ле, Господи, отвраща́ешися в коне́ц? Разжжется яко огнь гнев Твой? 48 Помяни, кий мой состав, еда бо всуе создал еси вся сыны человеческия? 49 Кто есть человек, иже поживет и не узрит смерти, избавит дущу свою из руки адовы? 50 Где суть милости Твоя древния, Господи, имиже клялся еси Давиду во истине Твоей? 51 Помяни, Господи, поношение раб Твоих, еже удержах в недре моем многих язык, 52 имже поносиша врази Твои, Господи, имже поносиша изменению христа Твоего. 53 Благословен Господь во век, буди, бу́ди.

Слава:

## <sup>1</sup> Молитва Моисеа человека Божия, 89.

<sup>2</sup> Господи, прибежище был еси нам в род и род. <sup>3</sup> Прежде даже горам не быти и создатися земли и вселенней, и от века и до века Ты еси. <sup>4</sup> Не отврати человека во смирение, и рекл еси: обратитеся, сынове человечестии. <sup>5</sup> Яко тысяща лет пред очима Твойма, Господи, яко день вчерашний, иже мимойде, и стража нощная. <sup>6</sup> Уничижения их лета будут. Утро яко трава мимойдет, утро процветет и прейдет: на вечер отпадет ожестет и изсхнет. <sup>7</sup> Яко исчезохом гневом Твоим, и яростию Твоею смутихомся. <sup>8</sup> Положил еси беззакония наша пред Тобою: век наш в просвещение лица Твоего. <sup>9</sup> Яко вси дние наши оскудеша, и гневом Твоим исчезохом, <sup>10</sup> лета наша яко паучина поучахуся. Дние лет наших,

в нихже се́дмьдесят лет, аще же в си́лах, о́смьдесят лет, и мно́жае их труд и болезнь: яко прии́де кро́тость на ны, и нака́жемся. <sup>11</sup> Кто весть держа́ву гне́ва Твоего́, и от стра́ха Твоего, я́рость Твою исчести́? <sup>12</sup> Десни́цу Твою та́ко скажи́ ми, и окова́нныя се́рдцем в му́дрости. <sup>13</sup> Обрати́ся, Господи, доко́ле? И умоле́н бу́ди на рабы́ Твоя. <sup>14</sup> Испо́лнихомся зау́тра ми́лости Твоея, Господи, и возра́довахомся, и возвесели́хомся, <sup>15</sup> во вся дни нашя возвесели́хомся, за дни в ня́же смири́л ны еси, ле́та в ня́же ви́дехом зла́я. <sup>16</sup> И при́зри на рабы́ Твоя, и на дела́ Твоя, и наста́ви сы́ны их. <sup>17</sup> И бу́ди све́тлость Господа Бога на́шего на на́с, и дела́ рук на́ших испра́ви на нас, и де́ло рук на́ших испра́ви.

## Хвала песни Давидовы, не надписан у еврей, 90.

1 Живый в помощи Вышняго, в крове Бога Небеснаго водворится. <sup>2</sup> Речет Господеви: Заступник мой еси и Прибежище мое, Бог мой, и уповаю на Него. 3 Яко Той избавит тя от сети ловчи, и от словесе мятежна. 4 плешма Свойма осенит тя, и под криле Его надеешися: оружием обыдет тя истина Его. 5 Не убойшися от страха ношнаго, от стрелы летящия во дни, 6 от вещи во тме преходящия, от сряща, и беса полуденнаго. 7 Падет от страны твоея тысяща, и тма одесную тебе, к тебе же не приближится, <sup>8</sup> обаче очима гвоима смотриши, и воздаяние грешников узриши. 9 Яко Ты, Господи, упование мое, Вышняго положил еси прибежище твое. 10 Не прийдет к тебе зло, и рана не приближится телеси твоему, 11 яко Ангелом Своим заповесть о тебе, сохранити тя во всех путех твоих. 12 На руках возмут тя, да не когда преткнеши о камень ногу твою, 13 на аспида и василиска наступиши, и попереши льва и змия. 14 Яко на Мя упова, и избавлю и: покрыю и, яко позна имя Мое. 15 Воззовет ко Мне, и услышу его: с ним есмь в скорби, изму его, и прославлю его, 16 долготою дней исполню его, и явлю ему спасение Мое.

#### Слава:

#### По 12-й кафисме, Трисвятое.

Таже тропари, глас 7: Блудницы слезы и Петровы приемый, Господи, и мытаря оправдавый из глубины

воздохну́вша, и мене́ во умиле́нии припа́дающа уще́дри, Спасе́, и помилуй мя.

Слава: Приими яко мытаря, Господи, яко блудницу очисти мя, Владыко, яко хананею помилуй, по велицей Твоей милости.

И ныне: Мати света Благословенная Богоро́дице, моли́ся Христу Богу совозсия́ти утро, и ве́лию ми́лость душам нашым.

# Господи, помилуй (40) и молитва:

Господи Боже мой, Един Благий и Человеколюбивый. Един Милостивый и Кроткий, Един Истинный и Праведный, Един Щедрый и Милостивый Боже наш: да прийдет сила Твоя на мя, грешнаго и непотребнаго раба Твоего, и да укрепит мой храм Евангелием Божественнаго учения Твоего, Владыко и Человеколюбче, Любоблаже, Любоблагоутробне, просвети моя утробы и вся уды Твоею волею. Очисти мя от всякия злобы и греха: соблюди мя нескверна и непорочна от всякаго наития и действа диавола, и даруй ми по Твоей благости, Твоя разумети, Твоя мудрствовати, и в Твоих хотениих жити. Твоего страха страшитися, еже творити Тебе благоугодная до последняго моего издыхания, яко да по неисповедимой Твоей милости соблюдещи мое тело и душу, ум же и мысли, не искушен всякия сопротиволежащия сети храм. Господи мой, Господи, покрый мя Твоим благоутробием, и не остави мя, грешнаго, и нечистаго, и недостойнаго раба Твоего: яко Ты еси Защититель мой, Господи, и о Тебе пение мое выну, и Тебе славу возсылаем, Отцу и Сыну и Святому Духу, ныне и присно, и во веки веков, аминь.

# КАФИСМА ТРЕТИЯНАДЕСЯТЬ

#### 1 Псалом песни в день субботный, 91.

<sup>2</sup> Бла́го есть испове́датися Господеви, и пе́ти и́мени Твоему́, Вы́шний: <sup>3</sup> возвеща́ти зау́тра ми́лость Твою́ и и́стину Твою́ на вся́ку нощь, <sup>4</sup> в десятостру́ннем псалти́ри с пе́снию в гу́слех. <sup>5</sup> Яко возвесели́л мя еси, Господи,

в творении Твоем, и в делех руку Твоею возрадуюся. 6 Яко возвеличишася дела Твоя. Господи, зело углубишася помышления Твоя. 7 Муж безумен не познает, и неразумив не разумеет сих. В Внегда прозябоща грешницы яко трава, и проникоша вси делающии беззаконие, и яко да потребятся в век века. 9 Ты же Вышний во век. Господи. 10 Яко се врази Твои, Господи, яко се врази Твои погибнут, и разыдутся вси делающии беззаконие. 11 И вознесется яко единорога рог мой, и старость моя в еле́и мастите. 12 И воззре́ око мое на враги моя, и востающыя на мя лукавнующыя услышит ухо мое. 13 Праведник яко финикс процветет, яко кедр, иже в Ливане, умножится. <sup>14</sup> Насаждени в дому Господни, во дворех Бога нашего процветут, 15 еще умножатся в старости мастите, и благоприемлюще будут. 16 Да возвестят, яко прав Господь Бог наш, и несть неправды в Нем.

# В день предсубботный, внегда населися земля, хвала песни Давиду, 92.

<sup>1</sup> Господь воцари́ся, в ле́поту облече́ся: облече́ся Господь в си́лу и препоя́сася, ибо утверди́ вселе́нную, яже не подви́жится. <sup>2</sup> Гото́в Престо́л Твой отто́ле: от ве́ка Ты еси. <sup>3</sup> Воздвиго́ша ре́ки, Господи, воздвиго́ша ре́ки гла́сы своя. <sup>4</sup> Во́змут ре́ки сотре́ния своя, от гласо́в вод мно́гих. Ди́вны высоты́ морски́я, ди́вен в высо́ких Господь. <sup>5</sup> Свиде́ния Твоя уве́ришася зело́, до́му Твоему́ подоба́ет святы́ня, Господи, в долготу́ дний.

## Псалом Давиду, в четвертый субботы, 93.

<sup>1</sup> Бог отмщений Господь, Бог отмщений не обинулся есть. <sup>2</sup> Вознесися судяй земли, воздаждь воздаяние гордым. <sup>3</sup> Доколе грешницы, Господи, доколе грешницы восхвалятся? <sup>4</sup> Провещают и возглаголют неправду, возглаголют вси делающии беззаконие? <sup>5</sup> Люди Твоя, Господи, смириша и достояние Твое озлобиша. <sup>6</sup> Вдовицу и сира умориша и пришельца убиша, <sup>7</sup> и реша: не узрит Господь, ниже уразумет Бог Иаковль. <sup>8</sup> Разумейте же безумнии в людех и буии некогда умудритеся. <sup>9</sup> Насаждей ухо, не слышит ли? Или создавый око, не сматряет ли? <sup>10</sup> Наказуяй языки, не обличит ли, учай человека разуму? <sup>11</sup> Господь весть помышления человеческая, яко

суть суетна. 12 Блажен человек, егоже аще накажеши. Господи, и от закона Твоего научиши его, 13 укротити его от дней лютых, дондеже изрыется грешному яма. 14 Яко не отринет Господь людей Своих, и достояния Своего не оставит, 15 дондеже правда обратится на суд. и держащинся ея вси правии сердцем. 16 Кто востанет ми на лукавнующыя? Или кто спредстанет ми на делающыя беззаконие? 17 Аще не Господь помогл бы ми, вмале вселилася бо во ад душа моя. 18 Аще глаголах. подвижеся нога моя, милость Твоя, Господи, помогаше ми. 19 По множеству болезней моих в сердце моем. vтешения Твоя возвеселища душу мою. 20 Да не прибудет Тебе престол беззакония, созидаяй труд на повеление. 21 Уловят на душу праведничу, и кровь неповинную осудят. <sup>22</sup> И бысть мне Господь в прибежище, и Бог мой в помощь упования моего. 23 И воздаст им Господь беззаконие их и по лукавствию их погубит я Господь Бог.

#### Слава:

#### Хвала песни Давиду, не надписан у еврей, 94.

1 Приидите, возрадуемся Господеви, воскликнем Богу Спасителю нашему: <sup>2</sup> предварим лице Его во исповедании, и во псалмех воскликнем Ему. З Яко Бог Велий Госполь, и Царь Велий по всей земли, 4 яко в руце Его вси концы земли, и высоты гор Того суть. 5 Яко Того есть море, и той сотвори е, и сущу руще Его создасте. 6 Приидите, поклонимся и припадем Ему, и восплачемся пред Господем сотворшим нас: 7 яко Той есть Бог наш, и мы людие пажити Его, и овцы руки Его. Днесь аще глас Его услышите, 8 не ожесточите сердец ваших, яко в прогневании, по дни искушения в пустыни, 9 воньже искусища Мя отцы ваши, искусища Мя, и видеща дела Моя. 10 Четыредесять лет негодовах рода того, и рех: присно заблуждают сердцем, тин же не познаша путей Моих. 11 яко кляхся во гневе Моем, аще внидут в покой Мой.

# Хвала песни Давиду, внегда дом созидашеся по пленении, не надписан у еврей, 95.

 $^1$  Воспойте Господеви песнь нову, воспойте Господеви вся земля́,  $^2$  воспойте Господеви, благословите имя

Его, благовестите день от дне спасение Его. <sup>3</sup> Возвестите во языщех славу Его, во всех людех чудеса Его. 4 Яко Велий Господь и хвален зело, страшен есть над всеми боги. 5 Яко вси бози язык бесове: Господь же небеса сотвори. 6 Исповедание и красота пред Ним, святыня и великолепие во святиле Его. 7 Принесите Господеви отечествия язык, принесите Господеви славу и честь. 8 Принесите Господеви славу имени Его, возмите жертвы, и входите во дворы Его. 9 Поклонитеся Господеви во дворе святем Его, да подвижится от лица Его вся земля. 10 Рцыте во языцех, яко Господь воцарися, ибо исправи вселенную, яже не полвижится: судит людем правостию. 11 Да возвеселятся небеса, и радуется земля, да подвижится море и исполнение его. 12 Возрадуются поля, и вся яже на них, тогда возрадуются вся древа дубравная. 13 От лица Господня, яко грядет, яко грядет судити земли, судити вселенней в правду, и людем истиною Своею.

#### Псалом Давиду, егда земля его устроящеся, не надписан у еврей, 96.

<sup>1</sup> Господь воцарися, да радуется земля, да веселятся острови мнози. <sup>2</sup> Облак и мрак окрест его, правда и судьба исправление Престола Его. 3 Огнь пред Ним предъйдет, и попалит окрест враги Его. 4 Осветища молния Его вселенную: виде, и подвижеся земля. 5 Горы яко воск растаяща от лица Господня, от лица Господа всея земли. 6 Возвестища небеса правду Его, и видеща вси людие славу Его. 7 Да постыдятся вси кланяющиися истуканным, хвалящиися о идолех своих, поклонитеся Ему вси Ангели Его. 8 Слыша и возвеселися Сион. и возрадовашася дщери Иудейския, судеб ради Твоих, Господи, 9 яко Ты Господь Вышний над всею землею, зело превознеслся еси над всеми боги. 10 Любящии Господа, ненавидите злая, хранит Господь душы преподобных Своих, из руки грешничи избавит я. 11 Свет возсия праведнику, и правым сердцем веселие. 12 Веселитеся, праведнику веднии, о Господе и исповедайте память Святыни Его.

Слава:

## Псалом Давиду, 97.

<sup>1</sup> Воспойте Господеви песнь нову, яко дивна сотвори Господь. Спасе Его десница Его, и мышца святая Его. <sup>2</sup> Сказа Господь спасение Свое, пред языки откры правду Свою. <sup>3</sup> Помяну милость Свою Иакову, и истину Свою дому Израилеву, видеша вси концы земли спасение Бога нашего. <sup>4</sup> Воскликните Богови вся земля, воспойте, и радуйтеся, и пойте. <sup>5</sup> Пойте Господеви в гуслех, в гуслех и гласе псаломсте. <sup>6</sup> В трубах кованых и гласом трубы рожаны вострубите пред Царем Господем. <sup>7</sup> Да подвижится море и исполнение его, вселенная и вси живущии на ней. <sup>8</sup> Реки восплещут рукою вкупе, горы возрадуются. <sup>9</sup> От лица Господня, яко грядет, яко идет судити земли, судити вселенней в правду, и людем правостию.

#### Псалом Давиду, 98.

<sup>1</sup> Господь воцари́ся, да гне́ваются лю́дие: седя́й на Херуви́мех, да подви́жится земля́. <sup>2</sup> Господь в Сио́не Вели́к, и Высо́к есть над все́ми людьми́. <sup>3</sup> Да испове́дятся и́мени Твоему́ вели́кому, яко стра́шно и свя́то есть. <sup>4</sup> И честь царе́ва суд лю́бит: Ты угото́вал еси правоты́, суд и пра́вду во Иа́кове Ты сотвори́л еси. <sup>5</sup> Возноси́те Господа Бога на́шего, и покланя́йтеся подно́жию но́гу Его́, яко свя́то есть. <sup>6</sup> Моисе́й и Ааро́н в иере́ех Его, и Саму́ил в призыва́ющих имя Его: призыва́ху Господа, и Той послу́шаше их. <sup>7</sup> В столпе́ облачне глаго́лаше к ним: яко храня́ху свиде́ния Его и повеле́ния Его, яже даде́ им. <sup>8</sup> Господи Боже наш, Ты послу́шал еси их: Боже, ты Ми́лостив быва́л еси им, и мща́я на вся начина́ния их. <sup>9</sup> Возноси́те Господа Бога на́шего, и покланя́йтеся в горе́ святе́й Его, яко Свят Господь Бог наш.

# Псалом Давиду, во исповедание, 99.

<sup>1</sup> Воскликните Богови вся земля, <sup>2</sup> работайте Господеви в весе́лии, внидите пред Ним в ра́дости. <sup>3</sup> Уве́дите, яко Господь той есть Бог наш: Той сотвори нас, а не мы, мы же лю́дие Его и о́вцы па́жити Его. <sup>4</sup> Вни́дите во врата́ Его во исповедании, во дворы́ Его в пениих: исповедайтеся Ему, хвали́те имя Его. <sup>5</sup> Яко благ Господь, в век ми́лость Его, и да́же до рода и рода и́стина Его.

#### Псалом Давиду, 100.

<sup>1</sup> Ми́лость и суд воспою́ Тебе, Голоди. <sup>2</sup> Пою́ и разуме́ю в путі́ непоро́чне, когда́ прийдеши ко мне? Прехожда́х в незло́бии се́рдца моего посреде́ до́му моего. <sup>3</sup> Не предлага́х пред очи́ма мо́има вещь законопресту́пную: творя́щыя преступле́ние возненави́дех. <sup>4</sup> Не прильпе́ мне се́рдце стропти́во, уклоня́ющагося от мене лука́ваго не позна́х. <sup>5</sup> Оклевета́ющаго тай и́скренняго своего́, сего́ изгоня́х: го́рдым о́ком, и несы́тым се́рдцем, с сим не ядя́х. <sup>6</sup> Очи мои на ве́рныя земли́, посажда́ти я́ со мною: ходя́й по путі́ непоро́чну, сей ми служа́ше. <sup>7</sup> Не живя́ше посреде́ до́му моего творяй горды́ню, глаго́ляй непра́ведная, не исправля́ше пред очи́ма мо́ма. <sup>8</sup> Во у́трия избива́х вся гре́шныя земли́, е́же потреби́ти от гра́да Господня вся де́лающыя беззако́ние.

#### Слава:

#### По 13-й кафисме, Трисвятое.

Таже тропари, глас 8: Оком благоутробным, Господи, виждь мое смирение, яко помале жизнь моя иждивается, и от дел несть мне спасения. Сего ради молюся: оком благоутробным, Господи, виждь мое смирение и спаси мя.

Слава: Яко Судий предстоящу, попецыся, душе, и страшнаго дне час помышляй, суд бо немилостив есть не сотворшым милости. Возопий убо Христу Богу: Сердцеведче, согреших, прежде даже не осудиши, помилуй мя.

И ныне: Страшнаго Твоего и грознаго, и неумытнаго суда, Христе, во уме прием день и час, трепещу, яко злодей, студа дела и деяния имеяй лютая, яже един аз содеях прилежно. Темже страхом припадаю Тебе, вопия болезненно: молитвами рождшия Тя, Многомилостиве, спаси мя.

# Господи, помилуй (40) и молитва:

Господи Святый, Иже в вышних живый, и всевидящим Твоим оком призираяй на всю тварь. Тебе приклонихом выю души и телесе, и Тебе молимся, Святый святых: простри руку Твою невидимую от святаго жилища Твоего, и благослови вся ны: и аще что к Тебе согрешихом волею и неволею, яко Благ и Человеколюбец Бог прости, даруяй нам и мирная благая Твоя. Твое бо есть, еже миловати и спасати, Боже наш, и Тебе славу возсылаем, Отцу и Сыну и Святому Духу, ныне и присно, и во веки веков, аминь.

# КАФИСМА ЧЕТВЕРТАЯНАДЕСЯТЬ

- <sup>1</sup> Моли́тва ни́щаго, егда́ уны́ет, и пред Господем пролие́т моле́ние свое, 101.
- <sup>2</sup> Господи, услыши молитву мою, и вопль мой к Тебе́ да прийдет. 3 Не отврати лица Твоего от мене: воньже аще день скорблю, приклони ко мне ухо Твое: воньже аще день призову Тя, скоро услыши мя. 4 Яко исчезоща яко дым дние мон, и кости моя яко сушило сосхощася. 5 Уя́звен бых яко трава́, и и́зсше се́рдце мое, яко забы́х снести хлеб мой. 6 От гласа воздыхания моего прильпе кость моя плоти моей. 7 Уподобихся неясыти пустынней. бых яко нощный вран на нырищи. <sup>8</sup> Бдех и бых яко птица особящаяся на зде. 9 Весь день поношаху ми врази мои, и хвалящии мя мною кленяхуся. 10 Зане пепел яко хлеб ядях, и питие мое с плачем растворях. 11 От лица гнева Твоего и ярости Твоея: яко вознес низвергл мя еси. <sup>12</sup> Дние мои яко сень уклонишася, и аз яко сено изсхох. 13 Ты же, Господи, во век пребываеши, и память Твоя в род и род. 14 Ты воскрес ущедриши Сиона, яко время ущедрити его, яко прийде время. 15 Яко благоволиша раби Твои камение его, и персть его ущедрят. 16 И убоятся языцы имене Господня, и вси царие земстии славы Твоея. 17 Яко созиждет Господь Сиона, и явится во славе Своей. 18 Призре на молитву смиренных, и не уничижи моления их. 19 Да напишется сие в род ин, и людие зиждемии восхвалят Господа. 20 Яко приниче с высоты святыя Своея, Господь с Небесе на землю

призре́, <sup>21</sup> услы́шати воздыха́ние окова́нных, разреши́ти сы́ны умершвле́нных, <sup>22</sup> возвести́ти в Сио́не имя Господне, и хвалу́ Его во Иерусали́ме. <sup>23</sup> Внегда́ собра́тися лю́дем вку́пе и царе́м, еже рабо́тати Господеви. <sup>24</sup> Отвеща́ ему на пути́ кре́пости его, умале́ние дней мои́х возвести́ ми. <sup>25</sup> Не возведи́ мене́ во преполове́ние дней моих: в роде родо́в ле́та Твоя. <sup>26</sup> В нача́лех Ты, Господи, зе́млю основа́л еси, и дела́ руку́ Твоею суть небеса́. <sup>27</sup> Та поги́бнут, Ты же пребыва́еши, и вся яко ри́за обетша́ют, и яко оде́жду свие́ши я́, и изменя́тся. <sup>28</sup> Ты же то́йжде еси, и ле́та Твоя не оскуде́ют. <sup>29</sup> Сы́нове раб Твоих вселя́тся, и се́мя их во век испра́вится.

# Псалом Давиду 102.

<sup>1</sup> Благослови, душе моя, Господа, и вся внутренняя моя имя святое Его. <sup>2</sup> Благослови, душе моя, Господа, н не забывай всех воздаяний Его, з очищающаго вся беззакония твоя, исцеляющаго вся недуги твоя, 4 избавляющаго от истления живот твой, венчающаго тя милостию и щедротами. 5 исполняющаго во благих желание твое: обновится яко орля юность твоя. 6 Творяй милостыни Господь, и судьбу всем обидимым. 7 Сказа пути Своя Моисеови, сыновом Израплевым хотения Своя: 8 Шедр и Милостив Господь, Долготерпелив и Многомилостив. 9 Не до конца прогневается, ниже во век враждует, 10 не по беззаконием нашым сотворил есть нам, ниже по грехом нашым воздал есть нам. 11 Яко по высоте небесней от земли, утвердил есть Господь милость Свою на боящихся Его. 12 Елико отстоят востощы от запад, удалил есть от нас беззакония наша. 13 Якоже шелрит отец сыны, ущедри Господь боящихся Его. 14 Яко той позна создание наше, помяну, яко персть есмы. 15 Человек, яко трава дние его, яко цвет сельный, тако оцветет, 16 яко дух пройде в нем, и не будет, и не познает ктому места своего. 17 Милость же Господня от века и до века на боящихся Его, 18 и правда Его на сынех сынов, хранящих завет Его, и помнящих заповеди Его творити я. 19 Господь на Небеси уготова Престол Свой, и Царство Его всеми обладает. 20 Благословите Господа вси Ангели Его, сильнии крепостию, творящии слово Его, услышати глас словес Его. 21 Благословите

Господа вся силы Его, слуги Его, творящии волю Его. <sup>22</sup> Благословите Господа вся дела Его, на всяком месте владычества Его, благослови, душе моя. Господа.

Слава:

## Псалом Давиду, о мирстем бытий, 103.

Благослови, душе моя, Господа, Господи Боже мой. возвеличился сси зело, во исповедание и в велелепоту облеклся еси. <sup>2</sup> Одеяйся светом яко ризою, простираяй небо яко кожу. <sup>3</sup> Покрываяй водами превыспренняя своя, полагаяй облаки на восхождение свое, ходяй на крилу ветреню. 4 Творяй Ангелы Своя духи, и слуги Своя пламень огненный. 5 Основаяй землю на тверди ся. не преклонится в век века. 6 Бездна яко риза одеяние ея, на горах станут воды, 7 от запрещения Твоего побегнут, от гласа грома Твоего убоятся. 8 Восходят горы, и низхолят поля в место, еже основал еси им. 9 Предел положил еси, егоже не прейдут, ниже обратятся покрыти землю. 10 Посылаяй источники в дебрех, посреде гор пройдут воды. 11 Напаяют вся звери сельныя, ждут онагри в жажду свою. 12 На тых птицы небесныя привитают. от среды камения дадят глас. 13 Напаяяй горы от превыспренних Своих, от плода дел Твоих насытится земля. 14 Прозябаяй траву скотом, и злак на службу человеком, извести хлеб от земли. 15 И вино веселит сердце человека, умастити лице елеем, и хлеб сердце человека укрепит. 16 Насытятся древа польская, кедри Ливанстии, ихже еси насадил. 17 Тамо птицы вогнездятся, еродиево жилище предводительствует ими. 18 Горы высокия еленем, камень прибежище заяцем. 19 Сотворил есть луну во времена, солнце позна запад свой. 20 Положил еси тму. и бысть нощь, в нейже пройдут вси зверие дубравнии. <sup>21</sup> Скимни рыкающии восхитити, и взыскати от Бога пищу себе. 22 Возсия солнце, и собращася, и в ложах свойх лягут. 23 Изыдет человек на дело свое, и на делание свое до вечера. 24 Яко возвеличишася дела Твоя, Господи, вся премудростию сотворил еси, исполнися земля́ твари Твоея. 25 Сие море великое и пространное, тамо гади, ихже несть числа, животная малая с великими, 26 тамо корабли преплавают, змий сей, егоже создал еси ругатися ему. 27 Вся к Тебе чают, дати пищу им во благо время. <sup>28</sup> Давшу Тебе им, соберу́т, отве́рзшу Тебе́ ру́ку, вся́ческая испо́лнятся бла́гости, <sup>29</sup> отвра́щшу же Тебе лице́, возмяту́тся, отъи́меши дух их, и исче́знут, и в персть свою возвратя́тся. <sup>30</sup> По́слеши Духа Твосто́, и сози́ждутся, и обнови́ши лице́ земли́. <sup>31</sup> Бу́ди сла́ва Господня во веки, возвесели́тся Господь о де́лех Своих, <sup>32</sup> призира́яй на зе́млю, и творя́й ю́ трясти́ся, прикаса́яйся гора́м, и дымя́тся. <sup>33</sup> Воспою́ Господеви в животе́ моем, пою́ Богу моему́, до́ндеже есмь, <sup>34</sup> да услади́тся Ему́ бесе́да моя, аз же возвеселю́ся о Господе. <sup>35</sup> Да исче́знут гре́шницы от земли́, и беззако́нницы, я́коже не бы́ти им. Благослови́, душе́ моя, Господа.

#### Слава:

#### Аллилуна, 104.

1 Исповедайтеся Господеви, и призывайте имя Его. возвестите во языцех дела́ Его. <sup>2</sup> Воспойте Ему и пойте Ему, поведите вся чудеса Его. 3 Хвалитеся о имени святем Его, да возвеселится сердце ищущих Господа. 4 Взыщите Господа, и утвердитеся, взыщите лица Его выну. 5 Помяните чудеса Его, яже сотвори, чудеса Его, и судьбы уст Его. 6 Семя Авраамле раби Его, сынове Иаковли избраннии Его. 7 Той Господь Бог наш, по всей земли судьбы Его. 8 Помяну в век завет Свой, слово. еже заповеда в тысящы родов, 9 еже завеща Аврааму, и клятву Свою Исааку. 10 И постави ю Иакову в повеление, и Израилю в завет вечен, 11 глаголя: тебе дам землю Ханааню, уже достояния вашего. 12 внегда быти им малым числом, малейшым и пришельцем в ней. 13 И преидоща от языка в язык, и от царствия в люди ины. 14 Не остави человека обидети их, и обличи о них цари, 15 Не прикасайтеся помазанным моим, и во пророцех моих не лукавнуйте 16 И призва глад на землю, всяко утверждение хлебное сотры. 17 Посла пред ними человека: в раба продан бысть Иосиф. 18 Смириша во оковах нозе его. железо пройде душа его, 19 дондеже прийде слово Его, слово Господне разжже его. 20 Посла царь и разреши его: князь людей, и остави его. 21 Постави его господина дому своему, и князя всему стяжанию своему, 22 наказати князи его яко себе, и старцы его умудрити.

23 И вниде Израиль во Египет, и Иаков прищельствова в землю Хамову. <sup>24</sup> И возрасти люди своя зело, и укрепи я паче врагов их. <sup>25</sup> Преврати сердце их возненавидети люди Его, лесть сотворити в рабех Его. <sup>26</sup> Посла Моисеа раба Своего, Аарона, егоже избра Себе. 27 Положи в них словеса знамений Своих, и чудес Своих в земли Хамове. 28 Посла тму и помрачи, яко преогорчища словеса Его. <sup>29</sup> Преложи воды их в кровь, и измори рыбы их. <sup>30</sup> Воскипе земля их жабами в сокровищницах царей их. 31 Рече, и приидоша песия мухи, и скийны во вся пределы их. 32 Положи дожди их грады, огнь попаляющ в земли их, <sup>33</sup> и порази винограды их и смоквы их, и сотры всякое древо предел их. 34 Рече, и приидоша прузи и гусеницы. имже не бе числа́. 35 И снедоша всяку траву в земли их, и поядоща всяк плод земли их. 36 И порази всякаго первенца в земли их, начаток всякаго труда их, 37 и изведе я с сребром и златом, и не бе в коленах их боляй. 38 Возвеселися Египет во исхождении их, яко нападе страх их на ня. 39 Распростре облак в покров им и огнь, еже просветити им нощию. 40 Просиша и приидоша крастели, и хлеба небеснаго насыти я, 41 разверзе камень и потекоша воды, потекоша в безводных реки, 42 яко помяну слово святое Свое, еже ко Аврааму, рабу Своему. 43 И изведе люди Своя в радости, и избранныя Своя в веселии. 44 И даде им страны язык, и труды людей наследоваша, 45 яко да сохранят оправдания Его и закона Его взышут.

#### Слава:

## По 14-й кафисме, Трисвятое.

Таже тропари, глас 8: Яко блудница припадаю Ти, да принму оставление, и вместо мира слезы от сердца приношу Ти, Христе Боже: да яко оную ущедриши мя, Спасе, и подаси очищение грехов. Яко оная бо зову Ти: избави мя от тимения дел моих.

Слава: Почто не помышляещи, душе моя, смерти? Почто не обращаещися прочее ко исправлению, прежде трубы глашения на суде? Тогда несть время покаяния. Приими во уме мытаря и блудницу зовущыя: согреших Ти, Господи, помилуй мя.

И ныне: Яко превосходящая войстинну рождеством Твоим силы Небесныя, Приснодево Богородице, иже Тобою Божеством обогатившеся, непрестанно Тя величаем.

## Господи, помилуй (40) и молитва:

Благодарим Тя, Господи Боже спасений наших, яко вся твориши во благодеяния жизни нашея, яко упокоил еси нас в прешедшем нощном времени, и воздвигл еси нас от ложей наших, и поставил еси нас в поклонение честнаго и славнаго имене Твоего. Темже молимся Тебе. Господи: даждь нам благодать и силу, да сподобимся Тебе пети разумно, и молитися непрестанно: и выну к Тебе зрети, Спасителю и Благодетелю наших душ. страхом и трепетом свое спасение действующе. Услыши убо и помилуй. Благоутробне, нас: сокруши под ноги нашя невидимыя ратники и враги: приими яже по силе нашей благодарения: даждь нам благодать и силу во отверзение уст наших, и научи нас оправданием Твоим. Яко что помолимся, якоже подобает, не вемы, аще не Ты, Господи, Духом Твоим Святым наставищи ны. Аще же что согрешихом даже до настоящаго часа, словом, или делом, или помышлением, волею, или неволею, ослаби, остави, прости. Аще бо беззакония назриши, Господи, Господи, кто постоит? Яко у Тебе очищение есть, у Тебе избавление. Ты еси Един Свят, Помощник Крепкий, и Защититель жизни нашея, и Тя благословим во вся веки, аминь.

## КАФИСМА ПЯТАЯНАДЕСЯТЬ

#### Аллилуча, 105.

<sup>1</sup> Испове́дайтеся Господеви, я́ко Благ, я́ко в век ми́лость. Его. <sup>2</sup> Кто́ возглаго́лет си́лы Госпо́дни? Слы́шаны сотвори́т вся хвалы́ Его? <sup>3</sup> Блаже́ни храня́щии суд и творя́щии пра́вду во вся́кое время. <sup>4</sup> Помяни́ нас, Господи, во благоволе́нии люде́й Твоих, посети́ нас спасе́нием Твоим. <sup>5</sup> Ви́дети во бла́гости избра́нныя Твоя, возвесели́тися в весе́лии язы́ка Твоего, хвали́тися с достоя́нием Твоим. <sup>6</sup> Согреши́хом со отцы́ на́шими, беззако́н-

новахом, неправдовахом. 7 Отцы наши во Египте не разумеща чудес Твоих, ни помянуща множества милости Твоея и преогорчища восходяще в Чермное море. 8 И спасе их имене Своего ради, сказати силу Свою, 9 и запрети Чермному морю, и изсяче, и настави я в бездне, яко в пустыни. 10 И спасе я из руки ненавидя-щих, и избави я из руки врагов. 11 Покры вода стужаю-щыя им, ни един от них избысть. 12 И вероваша словеси Его, и воспеша хвалу Его. 13 Ускорища, забыша дела Его, не стерпеща совета Его 14 и похотеща желанию в пустыни, и искусища Бога в безводней. 15 И даде им прошение их, посла сытость в душы их. 16 И прогневаша Моисе́а в стану, Аарона святаго Господня. 17 Отверзеся земля и пожре Дафана, и покры на сонмищи Авирона, 18 и разжжеся огнь в сонме их, пламень попали грешники. 19 И сотворища тельца в Хориве, и поклонишася истуканному, 20° и изменища славу Его в подобие тельца ядущаго траву, 21 и забыша Бога спасающаго их, сотворшаго велия во Египте, 22 чудеса в земли Хамове, страшная в мори Чермнем. 23 И рече потребити их, аще не бы Моисей, избранный Его, стал в сокрушении пред Ним, возвратити ярость Его, да не погубит их. 24 И уничижища землю желанную, не яща веры словеси Его, <sup>25</sup> и поропташа в селениих свойх, не услышаша гласа Господня. <sup>26</sup> И воздвиже руку Свою на ня, низложити я в пустыни. 27 И низложити семя их во языцех, и расточити я в страны. <sup>28</sup> И причастишася Веельфегору, и снедоша жертвы мертвых. 29 И раздражища его в начинаниих своих, и умножися в них падение. 30 И ста Финеес. и умилостиви, и преста сечь. 31 И вменися ему в правду, в род и род до века. 32 И прогневаща Его на воде пререкания, и озлоблен бысть Монсей их ради, 33 яко преогорчища дух его и разнствова устнами своима. 34 Не потребиша языки, яже рече Господь им, 35 и смесишася во языцех, и навыкоша делом их. 36 И поработаша истуканным их, и бысть им в соблазн, <sup>37</sup> и пожроша сыны своя и дщери своя бесовом, 38 и пролияща кровь неповинную, кровь сынов своих и дщерей, яже пожроша истуканным ханаанским, и убиена бысть земля их кровьми, <sup>39</sup> и осквернися в делех их, и соблудища в начинаниих своих. 40 Й разгневася яростию Господь на люди Своя, и омерзи достояние Свое, 41 и предаде я в руки врагов, и облада́ша ими ненави́дящии их. <sup>42</sup> И стужи́ша им врази́ их, и смири́шася под рука́ми их. <sup>43</sup> Мно́жицею изба́ви я, ти́и же преогорчи́ша Его сове́том свои́м и смири́шася в беззако́ниих свои́х. <sup>44</sup> И ви́де Господь, внегда́ скорбе́ти им, внегда́ услы́шаше моле́ние их. <sup>45</sup> И помяну́ завет Свой, и раска́яся по мно́жеству ми́лости Своея, <sup>46</sup> и даде́ я́ в щедро́ты пред всеми плени́вшими я́. <sup>47</sup> Спаси́ ны, Господи, Боже наш, и собери́ ны от язы́к испове́датися и́мени Твоему́ свято́му, хвали́тися во хвале́ Твоей. <sup>48</sup> Благослове́н Господь Бог Изра́илев от века и до века. И реку́т вси лю́дие: бу́ди, бу́ди.

#### Слава:

#### Аллилуна, 106.

1 Исповедайтеся Господеви, яко Благ, яко в век милость Его. 2 Да рекут избавлении Господем, ихже избави из руки врага з и от стран собра их, от восток и запад, и севера, и моря. 4 Заблудища в пустыни безводней. пути града обительнаго не обретоша. 5 Алчуще и жаждуще, душа их в них исчезе. 6 И воззваща ко Господу. внегда скорбети им, и от нужд их избави я, 7 и настави я на путь прав, внити во град обительный. 8 Да исповедятся Господеви милости Его, и чудеса Его сыновом человеческим, 9 яко насытил есть душу тшу и душу алчущу исполни благ. 10 Седящыя во тьме и сени смертней, окованныя нищетою и железом, 11 яко преогорчища словеса Божия и совет Вышняго раздражища. 12 И смирися в трудех сердце их, и изнемогоша, и не бе помогаяй. 13 И воззваща ко Господу, внегда скорбети им, и от нужд их спасе я, 14 и изведе я из тымы и сени смертныя, и узы их растерза. 15 Да исповедятся Господеви ми-лости Его, и чудеса Его сыновом человеческим, 16 яко сокруши врата медная и верей железныя сломи. 17 Восприят я от пути беззакония их, беззаконий бо ради свойх смиришася. 18 Всякаго брашна возгнушася душа их, и приближишася до врат смертных. 19 И воззваща ко Господу. внегда скорбети им, и от нужд их спасе я, 20 посла слово Свое и исцели я, и избави я от растлений их. 21 Да исповедятся Господеви милости Его, и чудеса Его сыновом человеческим, 22 и да пожрут Ему жертву хвалы, и да возвестя́т дела́ Его в радости. 23 Сходя́щии

в море в кораблох, творящии делания в водах многих. 24 тин видеша дела Господня и чудеса Его во глубине. <sup>25</sup> Рече. и ста дух бурен, и вознесощася волны его, <sup>26</sup> восходят до небес и низходят до бездн, душа их в злых таяше: 27 смятошася, подвигошася, яко пияный, и вся мудрость их поглощена бысть. <sup>28</sup> И воззваща ко Господу, внегда скорбети им, и от нужд их изведе я, 29 и повеле бури, и ста в тишину, и умолкоша волны его. 30 И возвеселишася, яко умолкоша, и настави я в пристанище хотения своего. 31 Да исповедятся Господеви милости Его, и чудеса Его сыновом человеческим: 32 да вознесут Его в церкви людстей и на седалищи старец восхвалят Его. 33 Положил есть реки в пустыню, и исходища водная в жажду, 34 землю плодоносную в сланость, от злобы живущих на ней. 35 Положил есть пустыню во езера водная и землю безводную во исходища водная. 36 И насели тамо алчущыя, и составиша грады обительны, <sup>37</sup> и насеяша села, и насадиша винограды, и сотворища плод житен. 38 И благослови я, и умножищася зело, и скоты их не умали. 39 И умалишася, и озлобишася от скорби зол и болезни. 40 Излияся уничижение на князи их, и облазни я по непроходней, а не по пути. 41 И поможе убогу от нишеты и положи яко овцы отечествия. 42 Узрят правии и возвеселятся, и всякое беззаконие заградит уста своя. 43 Кто премудр и сохранит сия? И уразумеют милости Господни.

#### Слава:

## 1 Песнь, псалом Давиду, 107.

<sup>2</sup> Гото́во се́рдце мое, Боже, гото́во се́рдце мое: воспою́ и пою́ во сла́ве моей. <sup>3</sup> Воста́ни сла́ва моя, воста́ни
псалти́рю и гу́сли, воста́ну рано. <sup>4</sup> Испове́мся Тебе в лю́дех, Господи, пою́ Тебе́ во язы́цех. <sup>5</sup> Яко ве́лия верху́
небе́с ми́лость Твоя и до о́блак и́стина Твоя. <sup>6</sup> Вознеси́ся
на Небеса́, Боже, и по все́й земли́ сла́ва Твоя́, <sup>7</sup> яко да
изба́вятся возлю́бленнии Твои́: спаси́ десни́цею Твое́ю и
услы́ши мя. <sup>8</sup> Бог возглаго́ла во святе́м Свое́м: вознесу́ся и разделю́ сики́му, и удо́ль селе́ний разме́рю. <sup>9</sup> Мой
есть Галаа́д и Мой есть Манасси́й, и Ефре́м заступле́ние
главы́ Моея́, Иу́да царь Мой. <sup>10</sup> Моа́в коно́б упова́ния
Моего на Идуме́ю наложу́ сапо́г Мой: Мне иноплеме́н-

ницы покори́шася. <sup>11</sup> Кто введе́т мя во град огражде́ния? Или́ кто наста́вит мя до Идуме́и? <sup>12</sup> Не Ты ли, Боже, отри́нувый нас? И не изы́деши, Боже, в си́лах наших? <sup>13</sup> Даждь нам по́мощь от ско́рби, и су́етно спасе́ние челове́ческо. <sup>14</sup> О Бозе сотвори́м си́лу, и Той уничижи́т враги́ на́шя.

#### В конец, псалом Давиду, 108.

<sup>1</sup> Боже, хвалы́ моея́ не премолчи́, <sup>2</sup> яко уста́ гре́шнича и уста льстиваго на мя отверзошася, глаголаша на мя языком льстивым. <sup>3</sup> и словесы ненавистными обыдоша мя, и бращася со мною туне. 4 Вместо еже любити мя. оболгаху мя, аз же моляхся, 5 и положища на мя злая за благая, и ненависть за возлюбление мое. 6 Постави на него грешника, и диавол да станет одесную его. 7 Внегда судитися ему, да изыдет осужден, и молитва его да будет в грех. 8 Да будут дние его мали, и епископство его да приимет ин: 9 да будут сынове его сири, и жена его вдова: 10 движущеся да преселятся сынове его и воспросят, да изгнани будут из домов своих. 11 Да взыщет заимодавец вся, елика суть его, и да восхитят чуждин труды его. 12 Да не будет ему заступника, ниже да будет ущедряяй сироты его. 13 Да будут чада его в погубление, в роде едином да потребится имя его. 14 Да воспомянется беззаконие отец его пред Господем, и грех матере его да не очистится. 15 Да будут пред Господем выну и да потребится от земли память их. 16 Занеже не помяну сотворити милость, и погна человека нища и убога, и умилена сердцем умертвити. 17 И возлюби клятву, и прийдет ему, и не восхоте благословения, и удалится от него. 18 И облечеся в клятву яко в ризу, и вниде яко вода во утробу его, и яко елей в кости его. 19 Да будет ему яко риза, в нюже облачится, и яко пояс, имже выну опоясуется. 20 Сие дело оболгающих мя у Господа и глаголющих лукавая на душу мою. 21 И ты, Господи, Господи, сотвори, со мною имене ради Твоего, яко блага милость Твоя. 22 Избави мя, яко нищ и убог есмь аз. и сердце мое смятеся внутрь мене. 23 Яко сень, внегда укленитися ей, отъяхся, стрясохся яко прузи. 24 Колена моя изнемогоста от поста, и плоть моя изменися елеа ради. 25 И аз бых поношение им, видеша мя, покиваша

глава́ми своими. <sup>26</sup> Помози́ ми, Господи Боже мой, и спаси́ мя по ми́лости Твоей, <sup>27</sup> и да разуме́ют, яко рука́ Твоя сия́, и Ты, Господи, сотвори́л еси ю́. <sup>28</sup> Проклену́т ти́и, и Ты благослови́ши, востаю́щии на мя да постыдя́тся, раб же Твой возвесели́тся. <sup>29</sup> Да облеку́тся оболга́ющии мя в срамоту́, и оде́ждутся, яко оде́ждею, студо́м свои́м. <sup>30</sup> Испове́мся Господеви зело́ усты́ мои́ми, и посреде́ мно́гих восхвалю́ Его, <sup>31</sup> яко предста́ одесну́ю убо́гаго, е́же спасти́ от гоня́щих ду́шу мою.

#### Слава:

#### По 15-й кафисме, Трисвятое.

Таже тропари, елас 1: Яко пучина многа прегрешений монх, Спасе, и люте погрузихся согрешеньми монми: даждь ми руку, яко Петрови, и спаси мя, Боже, и помилуй мя.

Слава: Яко помышлении лукавыми и делы осудихся, Спасе, мысль ми даруй обращения, Боже, да зову: спаси мя, Благодетелю Благий, и помилуй мя.

И ныне: Богоблаженная Отроковице и Пренепорочная, скверна мя суща и окалянна от деяний безместных, и скверных помышлений, очисти мя, окаяннаго, Нескверная и Чистая, Всесвятая Мати Дево.

#### Господи, помилуй (40) и молитва:

Владыко Господи Иисусе Христе, Ты еси Помощник мой, в руках Твоих есмь аз, помози ми, не остави мене согрешити к Тебе, яко заблужден есмь, не остави мя последовати воли плоти моея, не презри мя, Господи, яко немощен есмь. Ты веси полезное мне, не остави мя погибнути грехи мойми, не остави мя, Господи, не отступи от мене, яко к Тебе прибегох, научи мя творити волю Твою, яко Ты еси Бог мой. Исцели душу мою, яко согреших Ти, спаси мя ради милости Твоея, яко пред Тобою суть вси стужающии ми, и несть мне иное прибежище, токмо Ты, Господи. Да постыдятся убо вси востающии на мя и ищущии душу мою, еже потребити ю, яко Ты еси Един Сильный, Господи, во всех, и Твоя есть слава во веки веков, аминь.

# КАФИСМА ШЕСТАЯНАДЕСЯТЬ

#### Псалом Давиду, 109.

<sup>1</sup> Рече́ Господь Го́сподеви моему: седи́ одесну́ю Мене, до́ндеже положу́ враги́ Твоя подно́жие ног Твоих. <sup>2</sup> Жезл си́лы по́слет ти Господь от Сио́на, и госпо́дствуй посреде́ враго́в Твоих. <sup>3</sup> С Тобо́ю нача́ло в день си́лы Твоея, во све́тлостех святы́х Твоих, из чре́ва пре́жде денни́цы роди́х Тя. <sup>4</sup> Кля́тся Господь и не раска́ется: Ты иерей во век, по чи́ну Мелхиседе́кову. <sup>5</sup> Господь одесну́ю Тебе сокруши́л есть в день гне́ва Своего цари́. <sup>6</sup> Су́дит во язы́цех, испо́лнит паде́ния, сокруши́т главы́ на земли́ мно́гих. <sup>7</sup> От пото́ка на пути́ пие́т, сего́ ра́ди вознесе́т главу́.

# Аллилуиа, 110.

<sup>1</sup> Исповемся Тебе, Господи, всем сердцем мойм в совете правых и со́нме. <sup>2</sup> Ве́лия дела́ Господня, изы́скана во всех во́лях Его. <sup>3</sup> Испове́дание и великоле́пие де́ло Его и пра́вда Его пребыва́ет в век века. <sup>4</sup> Па́мять сотвори́л есть чуде́с Своих, Милостив и Щедр Господь. <sup>5</sup> Пи́щу даде́ боя́щымся Его, помяне́т в век заве́т Свой. <sup>6</sup> Кре́пость дел Своих возвести́ лю́дем Своим, да́ти им достоя́ние язы́к. <sup>7</sup> Дела́ рук Его и́стина и суд, ве́рны вся за́поведи Его, <sup>8</sup> утверже́ны в век века, сотворе́ны во и́стине и правоте́. <sup>9</sup> Избавле́ние посла́ лю́дем Своим: запове́да в век заве́т Свой. Свя́то и стра́шно и́мя Его. <sup>10</sup> Нача́ло прему́дрости страх Господень, ра́зум же благ всем творя́щым и́. Хвала́ Его пребыва́ет в век века.

#### Аллилуиа, псалом 111.

<sup>1</sup> Блаже́н муж, боя́йся Господа, в за́поведех Его восхо́щет зело́. <sup>2</sup> Си́льно на земли́ бу́дет се́мя его, род пра́вых благослови́тся: <sup>3</sup> сла́ва и бога́тство в дому́ его, и пра́вда его пребыва́ет в век века. <sup>4</sup> Возсия́ во тме свет пра́вым, ми́лостив и щедр, и пра́веден. <sup>5</sup> Благ муж, ще́дря и дая́: устро́ит словеса́ своя́ на суде́, я́ко в век не подви́жится. <sup>6</sup> В па́мять ве́чную бу́дет пра́ведник. <sup>7</sup> От слу́ха зла не убо́ится, <sup>8</sup> гото́во се́рдце его упова́ти на Господа Утверди́ся се́рдце его, не убо́ится, до́ндеже воззри́т на враги́ своя́. <sup>9</sup> Расточи́, даде́ убо́гим, пра́вда

его пребывает во век века, рог его вознесется в славе. <sup>10</sup> Грешник узрит и прогневается, зубы своими поскрежещет и растает. Желание грешника погибнет.

#### Слава:

#### Аллилуна, 112.

<sup>1</sup> Хвали́те, о́троцы, Господа, хвали́те и́мя Господне. 
<sup>2</sup> Бу́ди и́мя Господне благослове́но отны́не и до ве́ка. 
<sup>3</sup> От восто́к со́лнца до за́пад хва́льно и́мя Господне. 
<sup>4</sup> Высо́к над все́ми язы́ки Господь: над небесы́ сла́ва Его. 
<sup>5</sup> Кто я́ко Господь Бог наш? В высо́ких живы́й <sup>6</sup> и на смире́нныя призира́яй на небеси́ и на земли́, <sup>7</sup> воздвиза́яй от земли́ ни́ща и от гно́ища возвыша́яй убо́га, <sup>8</sup> посади́ти его с кня́зи, с кня́зи люде́й свои́х; <sup>9</sup> вселя́я непло́довь в дом ма́терь о ча́дех веселя́щуся.

#### Аллилуна, 113.

1 Во исходе Израилеве от Египта, дому Иаковля из людей варвар, <sup>2</sup> бысть Иудеа святыня Его, Израиль область его. 3 Море виде и побеже, Иордан возвратися вспять, 4 горы взыграшася, яко овни, и холми, яко а́гнцы о́вчии. 5 Что ти есть, мо́ре, яко побегло еси? И тебе, Иордане, яко возвратился еси вспять? 6 Горы, яко взыграстеся, яко овни, и холми, яко агнцы овчии? 7 От лица Господня подвижеся земля, от лица Бога Иаковля, 8 обращшаго камень во езера водная и несекомый во источники водныя. 9 Не нам, Господи, не нам, но имени Твоему даждь славу, о милости Твоей и истине Твоей. 10 Да не когда рекут языцы: где есть Бог их? 11 Бог же наш на небеси и на земли, вся елика восхоте. сотвори. 12 Идоли язык сребро и злато, дела рук человеческих. 13 Уста имут, и не возглаголют, очи имут, и не ýзрят,  $^{14}$  ýши и́мут, и не услышат, но́здри и́мут, и не обоня́ют,  $^{15}$  ру́це и́мут, и не ося́жут, но́зе и́мут, и не пойдут, не возгласят гортанем своим. 16 Подобни им да будут творящии я, и вси надеющиися на ня. 17 Дом Израилев упова на Господа: Помощник и Защититель им есть. 18 Дом Ааронь упова на Господа: Помощник и Защититель им есть. 19 Боящинся Господа уповаща на Господа: Помощник и Защититель им есть. 20 Господь помянув ны благословил есть нас, благословил есть дом

Изра́илев, благослови́л есть дом Ааро́нь, <sup>21</sup> благослови́л есть боя́щыяся Господа, ма́лыя с вели́кими. <sup>22</sup> Да приложи́т Господь на вы, на вы и на сы́ны ва́шя. <sup>23</sup> Благослове́ни вы Го́сподеви, сотво́ршему небо и зе́млю. <sup>24</sup> Небо небесе́ Господеви, зе́млю же даде́ сыново́м челове́ческим. <sup>25</sup> Не ме́ртвии восхва́лят Тя, Господи, ниже́ вси низходя́щии во ад, <sup>26</sup> но мы, живи́и, благослови́м Господа отны́не и до века.

## Аллилуиа, 114.

<sup>1</sup> Возлюби́х, яко услы́шит Господь глас моле́ния моего́, <sup>2</sup> яко приклони́ у́хо Свое мне, и во дни́ моя призову́. <sup>3</sup> Объя́ша мя боле́зни сме́ртныя, беды́ а́довы обрето́ша мя, скорбь и боле́знь обрето́х, и имя Господне призва́х: <sup>4</sup> о, Господи, изба́ви ду́шу мою. Ми́лостив Господь и Пра́веден, и Бог наш ми́лует. <sup>5</sup> Храня́й младе́нцы Господь: смири́хся, и спасе́ мя. <sup>6</sup> Обрати́ся, ду́ше моя, в поко́й твой, яко Господь благоде́йствова тя. <sup>7</sup> Яко изъят ду́шу мою от сме́рти, о́чи мои от слез и но́зе мои от поползнове́ния. <sup>8</sup> Благоугожду́ пред Господем во стране́ живы́х.

#### Слава:

# Аллилуна, 115.

<sup>1</sup> Ве́ровах, те́мже возглаго́лах, аз же смири́хся зело́. 
<sup>2</sup> Аз же рех во изступле́нии моем: всяк челове́к ложь. 
<sup>3</sup> Что возда́м Господеви о всех, яже воздаде́ ми? <sup>4</sup> Ча́шу спасе́ния прииму́ и и́мя Господне призову́, <sup>5</sup> моли́твы моя Господеви возда́м пред все́ми людьми́ Его. <sup>6</sup> Честна́ пред Господем смерть преподо́бных Его. <sup>7</sup> О, Господи, аз раб Твой, аз раб Твой и сын рабы́ни Твоея; растерза́л еси́ у́зы моя. <sup>8</sup> Тебе́ пожру́ же́ртву хвалы́, и во и́мя Господне призову́. <sup>9</sup> Моли́твы моя Господеви возда́м пред все́ми людьми́ Его, <sup>10</sup> во дво́рех до́му Господня, посреде́ тебе́, Иерусали́ме.

# Аллилуиа, 116.

<sup>1</sup> Хвали́те Господа вси язы́цы, похвали́те Его вси лю́дие, <sup>2</sup> яко утверди́ся милость Его на нас, и и́стина Госпо́дня пребыва́ет во век.

# Аллилуиа, 117.

1 Исповедайтеся Господеви, яко Благ, яко в век милость Его. <sup>2</sup> Да речет убо дом Израилев: яко Благ, яко в век милость Его. <sup>3</sup> Да речет убо дом Ааронь: яко Благ, яко в век милость Его. 4 Да рекут убо вси боящиися Господа: яко Благ, яко в век милость Его. 5 От скорби призвах Господа, и услыша мя в пространство. 6 Господь мне Помощник, и не убоюся, что сотворит мне человек. 7 Господь мне Помощник, и аз воззрю на враги моя. 8 Благо есть надеятися на Господа, нежели надеятися на человека. 9 Благо есть уповати на Господа. нежели уповати на князи. 10 Вси языцы обыдоща мя, и именем Господним противляхся им. <sup>11</sup> обышедше обыдоща мя, и именем Господним противляхся им. 12 обыдоша мя, яко пчелы сот, и разгорешася, яко огнь в тернии, и именем Господним противляхся им. 13 Отриновен превратихся пасти, и Господь прият мя. 14 Крепость моя и пение мое Господь, и бысть ми во спасение. 15 Глас ралости и спасения в селениих праведных: десница Господня сотвори силу. 16 десница Господня вознесе мя. десница Господня сотвори силу. 17 Не умру, но жив буду, и повем дела Господня. 18 Наказуя наказа мя Господь, смерти же не предаде мя. 19 Отверзите мне врата правды, вшед в ня исповемся Господеви. 20 Сия врата Господня, праведнии внидут в ня. 21 Исповемся Тебе, яко услышал мя еси, и был еси мне во спасение. 22 Kámenь, егоже небрегоша зиждущии, сей бысть во главу угла: 23 от Господа бысть сей, и есть дивен во очесех наших. 24 Сей день, егоже сотвори Господь, возрадуемся и возвеселимся вонь. 25 О, Господи, спаси же, о Господи, поспеши же. <sup>26</sup> Благословен грядый во имя Господне, благослови́хом вы из дому Господня. 27 Бог Господь, и явися нам: составите праздник во учащающих до рог олтаревых. <sup>28</sup> Бог мой еси Ты, и исповемся Тебе, Бог мой еси Ты, и вознесу Тя. Исповемся Тебе, яко услышал мя еси, и был еси мне во спасение. 29 Исповедайтеся Господеви, яко Благ, яко в век милость Его.

Слава:

## По 16-й кафисме, Трисвятое.

Таже тропари, глас 1: Ин мир тебе, душе, ожидает, и Судия хощет твоя обличити тайная и лютая. Не пребуди убо в здешних, но предвари вопиющи Судии: Боже, очисти мя и спаси мя.

Слава: Яко прегрешеньми многими и язвами безмерными облежимь есмь, Спасе, согрешаяй молю Твое благоутробие, Христе: врачу недугующих, посети, и исцели, и спаси мя.

И ныне: Душе моя, что нерадиво живеши ленящися? Что не печешися о злых, иже содеяла еси в житии? Потщися исправитися прежде даже дверь не заключит тебе Господь. Богородице притецы, припади и возопий: упование ненадеемых, спаси мя, много к Тебе прегрешивша, Владычице Пречистая.

# Господи, помилуй (40) и молитва:

Господи Святый, в Вышних живый, и всевидящим Твоим оком призира́яй на всю тварь, Тебе приклона́ем вы́ю души́ и телесе́, и Тебе мо́лимся, Святый святых: простри́ ру́ку Твою неви́димую от свята́го жили́ща Твоего, и благослови́ вся ны, и прости́ нам всякое согрешение, во́льное же и нево́льное, словом или́ делом. Да́руй нам, Го́споди, умиле́ние, да́руй сле́зы духо́вныя от души́, во очище́ние многих наших грехов, да́руй ве́лию Твою милость на мир Твой и на ны недосто́йныя рабы Твоя. Яко благослове́но и препросла́влено есть имя Твое, Отца и Сына и Святаго Духа, ныне и присно, и во веки веков, аминь.

# КАФИСМА СЕДМАЯНАДЕСЯТЬ

# Аллилуиа, 118.

<sup>1</sup> Блажени непорочнии в путь, ходящии в законе Господни. <sup>2</sup> Блажени испытающии свидения Его, всем сердцем взыщут Его, <sup>3</sup> не делающии бо беззакония, в путех Его ходиша. <sup>4</sup> Ты заповедал еси заповеди Твоя сохранити зело. <sup>5</sup> Дабы исправилися путие мои, сохранити

оправдания Твоя. 6 Тогда не постыжуся, внегда призрети ми на вся заповеди Твоя. <sup>7</sup> Исповемся Тебе в правости сердца, внегда научити ми ся судьбам правды Твоея. 8 Оправдания Твоя сохраню, не остави мене до зела́. 9 В чесо́м исправит юне́йший путь свой? Внегда́ сохранити словеса Твоя. 10 Всем сердцем мойм взысках Тебе, не отрини мене от заповедей Твоих. 11 В сердце моем скрых словеса Твоя, яко да не согрешу Тебе. 12 Благословен еси. Господи, научи мя оправданием Твоим. 13 Устнама моима возвестих вся Твоих. 14 На пути свидений Твоих насладихся, яко о всяком богатстве. 15 В заповедех Твоих поглумлюся, и уразумею пути Твоя. 16 Во оправданиих Твоих поучуся, не забуду словес Твоих. 17 Воздаждь рабу Твоему: живи мя, и сохраню словеса Твоя. 18 Открый очи мои, и уразумею чудеса от закона Твоего. 19 Пришлец аз есмь на земли, не скрый от мене заповеди Твоя. 20 Возлюби дуща моя возжелати судьбы Твоя на всякое время. <sup>21</sup> Запретил еси гордым, прокляти уклоняющинся от заповедей Твоих. 22 Отъими от мене понос и уничижение, яко свидений Твойх взысках. 23 Ибо седоща князи и на мя клеветаху, раб же Твой глумлящеся во оправданиих Твоих. 24 Ибо свидения Твоя поучение мое есть, и совети мои оправдания Твоя. <sup>25</sup> Прильпе земли душа моя, живи мя по словеси Твоему. 26 Пути моя возвестих, и услышал мя еси, научи мя оправданием Твоим. 27 Путь оправданий Твоих вразуми ми, и поглумлюся в чудесех Твоих. <sup>28</sup> Воздрема душа моя от уныния, утверди мя в словесе́х Твоих. 29 Путь неправды отстави от мене, и законом Твоим помилуй мя. 30 Путь истины изволих, и судьбы Твоя не забых. 31 Прилепихся свидением Твоим, Господи, не посрами мене. 32 Путь заповедей Твоих текох, егда разширил еси сердце мое. 33 Законоположи мне, Господи, путь оправданий Твоих, и взыщу и выну. 34 Вразуми мя, и испытаю закон Твой, и сохраню и всем сердцем моим. 35 Настави мя на стезю заповедей Твоих, яко тую восхотех. 36 Приклони сердце мое во свидения Твоя, а не в лихоимство. 37 Отврати очи мои. еже не видети суеты, в пути Твоем живи мя. <sup>38</sup> Постави рабу Твоему слово Твое в страх Твой. 39 Отъими поношение мое, еже непщевах, яко судьбы Твоя благи. 40 Ce возжелах заповеди Твоя, в правде Твоей живи мя. 41 И да прийдет на мя милость Твоя, Господи, спасение Твое по словеси Твоему, 42 и отвещаю поношающым ми слово, яко уповах на словеса Твоя. 43 И не отъими от уст моих словесе истинна до зела, яко на судьбы Твоя уповах, 44 и сохраню закон Твой выну, в век и в век века. 45 И хождах в широте, яко заповеди Твоя взысках. 46 и глаголах о свидениих Твоих пред пари, и не стыдяхся. 47 и поучахся в заповедех Твоих, яже возлюбих зело: 48 и воздвигох руше мои к заповедем Твоим, яже возлюбих, и глумляхся во оправданиих Твоих. 49 Помяни словеса Твоя рабу Твоему, ихже упование дал ми еси. 50 То мя утеши во смирении моем, яко слово Твое живи мя. <sup>51</sup> Гордии законопреступоваху до зела, от закона же Твоего не уклонихся. 52 Помянух судьбы Твоя от века, Господи, и утешихся. 53 Печаль прият мя от грешник, оставляющих закон Твой. 54 Пета бяху мне оправдания Твоя на месте пришельствия моего. 55 Помянух в нощи имя Твое, Господи, и сохраних закон Твой. 56 Сей бысть мне, яко оправданий Твоих взысках. 57 Часть моя еси, Господи, рех сохранити закон Твой. 58 Помолихся лицу Твоему всем сердцем моим: помилуй мя по словеси Твоему. 59 Помыслих пути Твоя, и возвратих нозе мои во свидения Твоя. 60 Уготовихся и не смутихся сохранити заповеди Твоя. 61 Ужя грешник обязашася мне, и закона Твоего не забых. 62 Полунощи востах исповедатися Тебе о судьбах правды Твоея. 63 Причастник аз есмь всем боящымся Тебе и хранящым заповеди Твоя. 64 Милости Твоея, Господи, исполнь земля, оправданием Твоим научи мя. 65 Благость сотворил еси с рабом Твоим, Господи, по словеси Твоему. 66 Благости и наказанию, и разуму научи мя, яко заповедем Твоим веровах. 67 Прежде даже не смирити ми ся, аз прегреших, сего ради слово Твое сохраних. 68 Благ еси Ты, Господи, и благостию Твоею научи мя оправданием Твоим. 69 Умножися на мя неправда гордых, аз же всем сердцем мойм испытаю заповеди Твоя. 70 Усырися яко млеко сердце их, аз же закону Твоему поучихся. 71 Благо мне, яко смирил мя еси, яко да научуся оправданием Твоим. 72 Благ мне закон уст Твоих, паче тысящ злата и сребра.

Слава:

73 Руце Твои сотвористе мя и создасте мя, вразуми мя, и научуся заповедем Твоим, 74 Боящиися Тебе узрят мя и возвеселятся, яко на словеса Твоя уповах. 75 Разумех, Господи, яко правда судьбы Твоя, и войстинну смирил мя еси. <sup>76</sup> Буди же милость Твоя, да утешит мя по словеси Твоему рабу Твоему. 77 Да прийдут мне щедроты Твоя, и жив буду, яко закон Твой поучение мое есть. 78 Да постыдятся гордии, яко неправедно беззаконноваша на мя, аз же поглумлюся в заповедех Твонх. 79 Да обратят мя боящинся Тебе и ведящии свидения Твоя. 80 Бу́ди се́рдце мое непоро́чно во оправда́ниих Твоих, яко да не постыжуся. 81 Исчезает во спасение Твое душа моя, на словеса Твоя уповах. 82 Исчезоща очи мои в слово Твое, глаголюще: когда утешиши мя? 83 Зане бых яко мех на слане, оправданий Твоих не забых. 84 Колико есть дней раба Твоего? Когда сотворищи ми от гонящих мя суд? 85 Поведаша мне законопреступницы глумления, но не яко закон Твой. Господи. 86 Вся заповеди Твоя истина; неправедно погнаша мя, помози ми. 87 Вмале не скончаша мене на земли, аз же не оставих заповедей Твоих. 88 По милости Твоей живи мя, и сохраню свидения уст Твоих. 89 Во век, Господи, слово Твое пребывает на Небеси. 90 В род и род истина Твоя. Основал еси землю, и пребывает. 91 Учинением Твоим пребывает день, яко всяческая работна Тебе. 92 Яко аще бы не закон Твой поучение мое был, тогда убо погибл бых во смирении моем. 93 Во век не забуду оправданий Твоих, яко в них оживил мя еси.

# [Среда:]

<sup>94</sup> Твой есмь аз, спаси мя, яко оправданий Твоих взысках. <sup>95</sup> Мене ждаша грешницы погубити мя, свидения Твоя разумех. <sup>96</sup> Всякия кончины видех конец, широка заповедь Твоя зело. <sup>97</sup> Коль возлюбих закон Твой, Господи, весь день поучение мое есть. <sup>98</sup> Паче враг мойх умудрил мя еси заповедию Твоею, яко в век моя есть. <sup>99</sup> Паче всех учащих мя разумех, яко свидения Твоя поучение мое есть. <sup>100</sup> Паче старец разумех, яко заповеди Твоя взысках. <sup>101</sup> От всякаго пути лукава возбраних ногам мойм, яко да сохраню словеса Твоя. <sup>102</sup> От судеб Твонх не уклонихся, яко Ты законоположил ми еси. <sup>103</sup> Коль сладка гортани моему словеса Твоя, паче меда

устом моим. 104 От заповедей Твоих разумех, сего ради возненавидех всяк путь неправды. 105 Светильник ногама монма закон Твой и свет стезям монм. 106 Кляхся и поставих сохранити судьбы правды Твоея. 107 Смирихся до зела. Господи, живи мя по словеси Твоему. 108 Вольная уст моих благоволи же, Господи, и судьбам Твоим научи мя. 109 Душа моя в руку Твоею выну, и закона Твоего не забых. 110 Положища грешницы сеть мне, и от заповедей Твоих не заблудих. 111 Наследовах свидения Твоя во век, яко радование сердца моего суть. 112 Приклоних сердце мое сотворити оправдания Твоя в век за воздаяние. 113 Законопреступныя возненавидех, закон же Твой возлюбих. 114 Помощник мой и Заступник мой еси Ты. на словеса Твоя уповах. 115 Уклонитеся от мене лукавнующии, и испытаю заповеди Бога моего. 116 Заступи мя по словеси Твоему, и жив буду, и не посрами мене от чаяния моего. 117 помози ми, и спасуся, и поучуся во оправданиих Твоих выну. 118 Уничижил еси вся отступающыя от оправданий Твоих, яко неправедно помышление их. 119 Преступающыя непшевах вся грешныя земли, сего ради возлюбих свидения Твоя. 120 Пригвозди страху Твоему плоти моя, от судеб бо Твоих убояхся. 121 Сотворих суд и правду, не предаждь мене обидящым мя. 122 Восприими раба Твоего во благо, да не оклеветают мене гордии. 123 Очи мои исчезосте во спасение Твое и в слово правды Твоея. 124 Сотвори с рабом Твоим по милости Твоей, и оправданием Твоим научи мя. 125 Раб Твой есмь аз: вразуми мя, и увем свидения Твоя. 126 Время сотворити Господеви: разорища закон Твой. 127 Сего ради возлюбих заповеди Твоя паче злата и топазия. 128 Сего ради ко всем заповедем Твоим направляхся, всяк путь неправды возненавидех. 129 Дивна свидения Твоя, сего ради испыта я душа моя. 130 Явление словес Твоих просвещает и вразумляет младенцы. 131 Уста моя отверзох и привлекох дух, яко заповедей Твоих желах.

## Слава:

<sup>132</sup> Призри на мя и помилуй мя, по суду любящих имя Твое. <sup>133</sup> Стопы моя направи по словеси Твоему, и да не обладает мною всякое беззаконие. <sup>134</sup> Избави мя от клеветы человеческия, и сохраню заповеди Твоя. <sup>135</sup> Лице Твое просвети на раба Твоего и научи мя

оправданием Твоим. 136 Исходища водная изведосте очи мой, понеже не сохраних закона Твоего. 137 Праведен еси, Господи, и прави суди Твои. 138 Заповедал еси правду свидения Твоя, и истину зело. 139 Истаяла мя есть ревность Твоя, яко забыша словеса Твоя врази мои. <sup>140</sup> Разжже́но сло́во Твое зело́, и раб Твой возлюби́ е́. 141 Юнейший аз есмь и уничижен, оправданий Твоих не забых. 142 Правда Твоя правда во век, и закон Твой истина. 143 Скорби и нужды обретоша мя, заповеди Твоя поучение мое. <sup>144</sup> Правда свидения Твоя в век, вразуми мя, и жив буду. 145 Воззвах всем сердцем моим, услыши мя, Господи, оправдания Твоя взыщу. 146 Воззвах Ти, спаси мя, и сохраню свидения Твоя. 147 Предварих в безгодии и воззвах, на словеса Твоя уповах. 148 Предваристе очи мои ко утру, поучитися словесем Твоим. 149 Глас мой услыши, Господи, по милости Твоей: по судьбе Твоей живи мя. 150 Приближишася гонящии мя беззаконием. от закона же Твоего удалишася. 151 Близ еси Ты, Господи, и вси путие Твои истина. 152 Исперва познах от свидений Твоих, яко в век основал я еси. 153 Виждь смирение мое, и изми мя, яко закона Твоего не забых. 154 Суди суд мой и избави мя, словесе ради Твоего живи мя. 155 Далече от грешник спасение, яко оправданий Твоих не взыскаща. 156 Щедроты Твоя многи, Господи, по судьбе Твоей живи мя. 157 Мнози изгонящии мя и стужающии ми, от свидений Твоих не уклонихся. 158 Видех неразумевающыя и истаях, яко словес Твоих не сохраниша. 159 Виждь, яко заповеди Твоя возлюбих, Господи, по милости Твоей живи мя. 160 Начало словес Твоих истина, и во век вся судьбы правды Твоея. 161 Князи погнаша мя туне, и от словес Твоих убояся сердце мое. 162 Возрадуюся аз о словесех Твоих, яко обретаяй корысть многу. 163 Неправду возненавидех и омерзих, закон же Твой возлюбих. 164 Седмерицею днем хвалих Тя о судьбах правды Твоея. 165 Мир мног любящым закон Твой, и несть им соблазна. 166 Чаях спасения Твоего, Господи, и заповеди Твоя возлюбих. 167 Сохрани душа моя свидения Твоя, и возлюби я зело. 168 Coxpaних заповеди Твоя, и свидения Твоя, яко вси путие мои пред Тобою, Господи. 169 Да приближится моление мое пред Тя, Господи, по словеси Твоему вразуми мя. 170 Да вийдет прошение мое пред Тя, Господи, по словеси Твоему

изба́ви мя. <sup>171</sup> Отры́гнут устне́ мон пе́ние, егда́ научи́ши мя оправда́нием Твоим. <sup>172</sup> Провеща́ст язык мой словеса́ Твоя, яко вся за́поведи Твоя пра́вда. <sup>173</sup> Да бу́дет рука́ Твоя е́же спасти́ мя, яко за́поведи Твоя изво́лих. <sup>174</sup> Возжела́х спасе́ние Твое, Господи, и зако́н Твой поуче́ние мое есть. <sup>175</sup> Жива́ бу́дет душа́ моя и восхва́лит Тя, и судьбы́ Твоя помо́гут мне. <sup>176</sup> Заблуди́х, яко овча́ поги́бшее: взыщи́ раба Твоего, яко за́поведей Твоих не забы́х.

#### Слава:

# По 17-й кафисме. Трисвятое.

Таже тропари, глас 2: Согреших к Тебе, Спасе, яко блудный сын: приими мя, Отче, кающагося, и помилуй мя, Боже.

Слава: Зову́ к Тебе, Христе́ Спа́се, мытаре́вым гла́сом: очи́сти мя я́коже о́наго и поми́луй мя, Боже.

И ныне: Богоро́дице, не презри мя тре́бующа заступле́ния Твоего: на Тя бо упова́ душа моя, и помилуй мя.

# Господи, помилуй (40) и молитва:

Владыко Господи Вседержителю и Творче всех, шелрот Отец, и милости Бог, от земли создавый человека, и показавый его по образу Твоему и по подобию, да и тем прославится великолепое имя Твое на земли, и исторгнена убо преступлением твойх заповедей, паки на лучшее возсоздавый его во Христе Твоем, и возвелый на Небеса: благодарю Тя, яко умножил еси на мне величие Твое, и не предал мя еси врагом моим в конец, исторгнути мя ищущым в пропасть адову, ниже оставил мя еси погибнути со беззаконии моими. Ныне убо, Многомилостиве и Любоблаже Господи, не хотяй смерти грешнаго, но обращения ожидаяй, и приемляй: Иже низверженныя исправляяй, сокрушенныя исцеляяй, обрати и мене к покаянию, и низверженнаго исправи, и сокрушеннаго исцели: помяни Твоя щедроты, и яже от века Твою непостижимую благость и моя безмерная забуди беззакония, яже делом и словом, и мыслию соверших: разреши ослепление сердца моего, и даждь ми слезы умиления на очищение скверны мысли моея. Услыши, Господи, вонми, Человеколюбче, очисти. Благоутробне.

и от мучительства во мне царствующих страстей окаянную мою душу свободи. И не ктому да содержит мя грех, ниже да возможет на мя боритель демон, ниже к своему хотению да ведет мя, но державною Твоею рукою, его владычества исхитивый мя, Ты царствуй во мне. Благий и Человеколюбивый Господи, и всего Твоего быти, и жити мне прочее по Твоей благоволи воли. И подаждь ми неизреченною благостию сердца очищение, уст хранение, правоту деяний, мудрование смиренное, мир помыслов, тишину душевных моих сил, радость духовную, любовь истинную, долготерпение, благость, кротость, веру нелицемерну, воздержание обдержательное, и всех мя благих плодов исполни, дарованием Святато Твоего Луха. И не возведи мене в преполовение дний моих, ниже неисправлену и неготову душу мою восхитиши, но соверши мя Твоим совершенством, и тако мя настоящаго жития изведи, яко да невозбранно прошед начала и власти тьмы, Твоею благодатию узрю и аз неприступныя Твоея славы доброту неизреченную, со всеми святыми Твоими, в нихже освятися, и прославися всечестное и великолепое имя Твое, Отца и Сына и Святаго Духа, ныне и присно, и во веки веков, аминь.

# КАФИСМА ОСМАЯНАДЕСЯТЬ

## Песнь степеней, 119.

<sup>1</sup> Ко Господу, внегда́ скорбе́ти ми, воззва́х, и услы́ша мя. <sup>2</sup> Господи, изба́ви ду́шу мою от усте́н непра́ведных и от язы́ка льсти́ва. <sup>3</sup> Что да́стся тебе́, или́ что приложи́тся тебе́ к язы́ку льсти́ву? <sup>4</sup> Стре́лы си́льнаго изощре́ны, со у́гльми пусты́нными. <sup>5</sup> Увы́ мне, яко прише́льствие мое продолжи́ся, всели́хся с селе́нии Кида́рскими. <sup>6</sup> Мно́го прише́льствова душа́ моя, с ненави́дящими ми́ра бех ми́рен: <sup>7</sup> егда́ глаго́лах им, боря́ху мя ту́не.

## Песнь степеней, 120.

<sup>1</sup> Возведо́х о́чи мои в го́ры, отню́дуже прийдет по́мощь моя. <sup>2</sup> По́мощь моя от Господа, сотво́ршаго не́бо и зе́млю. <sup>3</sup> Не даждь во смяте́ние ноги́ твоея, ниже́ воз-

дремлет храняй тя, <sup>4</sup> се не воздремлет, ниже уснет храняй Израиля. <sup>5</sup> Господь сохранит тя, Господь покров твой на руку десную твою. <sup>6</sup> Во дни солнце не ожжет тебе, ниже луна нощию. <sup>7</sup> Господь сохранит Тя от всякаго зла, сохранит душу твою Господь. <sup>8</sup> Господь сохранит вхождение твое и исхождение твое, отныне и до века.

## Песнь степеней, 121.

<sup>1</sup> Возвесели́хся о ре́кших мне: в дом Господень по́йдем. <sup>2</sup> Стоя́ще бя́ху ноги́ на́шя во дво́рех Твоих, Иерусали́ме. <sup>3</sup> Иерусали́м зи́ждемый яко град, ему́же прича́стие его вку́пе. <sup>4</sup> Тамо бо взыдо́ша коле́на, коле́на Господня, свиде́ние Изра́илево, испове́датися и́мени Господню, <sup>5</sup> яко та́мо седо́ша престо́ли на суд, престо́ли в дому́ Давидове. <sup>6</sup> Вопроси́те же я́же о ми́ре Иерусали́ма: и оби́лие любящым тя. <sup>7</sup> Бу́ди же мир в си́ле твоей и оби́лие в столпостена́х твоих. <sup>8</sup> Ра́ди бра́тий моих и бли́жних моих глаго́лах у́бо мир о тебе. <sup>9</sup> До́му ради Господа Бога на́шего взыска́х блага́я тебе.

## Песнь степеней, 122.

<sup>1</sup> К Тебе возведо́х о́чи мои, живу́щему на Небеси́. 
<sup>2</sup> Се яко о́чи раб в руку́ госпо́дий своих, яко о́чи рабы́ни в руку́ госпожи́ своея́, та́ко о́чи на́ши ко Господу Богу на́шему, до́ндеже уще́дрит ны. 
<sup>3</sup> Поми́луй нас, Господи, поми́луй нас, яко по мно́гу испо́лнихомся уничиже́ния, 
<sup>4</sup> наипа́че напо́лнися душа́ на́ша поноше́ния гобзу́ющих и уничиже́ния го́рдых.

# Песнь степеней, 123.

<sup>1</sup> Яко а́ще не Господь бы был в нас, да рече́т у́бо Изра́иль, <sup>2</sup> яко а́ще не Господь бы был в нас, внегда́ воста́ти челове́ком на ны, у́бо живы́х поже́рли бы́ша нас, <sup>3</sup> внегда́ прогне́ватися я́рости их на ны, у́бо вода́ потопи́ла бы нас. <sup>4</sup> Пото́к пре́йде душа́ на́ша, <sup>5</sup> у́бо пре́йде душа́ на́ша во́ду непостоя́нную. <sup>6</sup> Благослове́н Господь, и́же не даде́ нас в лови́тву зубо́м их. <sup>7</sup> Душа́ на́ша, яко пти́ца изба́вися от се́ти ловя́щих: сеть сокруши́ся, и мы

избавлени быхом. <sup>8</sup> Помощь наша во имя Господа, сотворшаго небо и землю.

#### Слава:

#### Песнь степеней, 124.

<sup>1</sup> Надеющиися на Господа, яко гора́ Сио́н: не подвижится в век живы́й во Иерусали́ме. <sup>2</sup> Го́ры о́крест его, и Господь о́крест люде́й Своих отныне и до века. <sup>3</sup> Яко не оста́вит Господь жезла́ гре́шных на жре́бий пра́ведных, яко да не про́струт пра́веднии в беззако́ния рук своих. <sup>4</sup> Ублажи́, Господи, благи́я и пра́выя се́рдцем. <sup>5</sup> Уклоня́ющыяся же в развраще́ния отведе́т Господь с де́лающими беззако́ние. Мир на Израиля.

# Песнь степеней, 125.

¹ Внегда́ возвратити Господу плен Сио́нь, бы́хом яко уте́шени. ² Тогда́ испо́лнишася ра́дости уста́ на́ша и язы́к наш весе́лия, тогда́ реку́т во язы́цех: возвели́чил есть Господь сотвори́ти с ни́ми. ³ Возвели́чил есть Господь сотвори́ти с на́ми: бы́хом веселя́щеся. ⁴ Возврати́, Господи, плене́ние на́ше, яко пото́ки ю́гом. ⁵ Се́ющии слеза́ми, ра́достию по́жнут. ⁵ Ходя́щии хожда́ху и пла́кахуся, мета́юще се́мена своя́, гряду́ще же прии́дут ра́достию, взе́млюще рукоя́ти своя́.

#### Песнь степеней, 126.

<sup>1</sup> Аще не Господь сози́ждет дом, всу́е труди́шася зи́ждущии. Аще не Господь сохрани́т град, всу́е бде стреги́й. <sup>2</sup> Всу́е вам есть у́треневати, воста́нете по седе́нии, яду́щии хлеб боле́зни, егда́ даст возлю́бленным Своим сон. <sup>3</sup> Се достоя́ние Господне сы́нове, мзда плода́ чре́вняго. <sup>4</sup> Яко стре́лы в руце́ си́льнаго, та́ко сы́нове оттрясе́нных. <sup>5</sup> Блаже́н, и́же испо́лнит жела́ние свое от них. Не постыдя́тся, егда́ глаго́лют враго́м своим во врате́х.

#### Песнь степеней, 127.

<sup>1</sup> Блажени еси боящиися Господа, ходящии в путех Его. <sup>2</sup> Труды плодов твоих снеси: блажен еси, и добро тебе будет. <sup>3</sup> Жена твоя, яко лоза, плодовита в странах

дому твоего, 4 сынове твои, яко новосаждения масличная, окрест трапезы твоея. 5 Се тако благословится человек бояйся Господа. 6 Благословит тя Господь от Сиона, и узриши благая Иерусалима вся дни живота Твоего, 7 и узриши сыны сынов твоих. Мир на Израиля.

## Песнь степеней, 128.

<sup>1</sup> Множицею брашася со мною от юности моея, да речет убо Израиль: <sup>2</sup> множицею брашася со мною от юности моея, ибо не премогоша мя. <sup>3</sup> На хребте моем делаша грешницы, продолжиша беззаконие свое. <sup>4</sup> Господь Праведен ссече выя грешников. <sup>5</sup> Да постыдятся и возвратятся вспять вси ненавидящии Сиона. <sup>6</sup> Да будут, яко трава на здех, яже прежде восторжения изсше, <sup>7</sup> еюже не исполни руки своея жняй, и недра своего рукояти собираяй, <sup>8</sup> и не реша мимоходящии: благословение Господне на вы, благословихом вы во имя Господне.

#### Слава:

## Песнь степеней, 129.

<sup>1</sup> Из глубины воззвах к Тебе, Господи, Господи, услыши глас мой. <sup>2</sup> Да бу́дут у́ши Твои вне́млюще гла́су моле́ния моего́. <sup>3</sup> Аще беззако́ния на́зриши, Господи, Господи, кто постои́т? Аще у Тебе очище́ние есть. <sup>4</sup> Имене ра́ди Твоего потерпе́х Тя, Господи, потерпе́ душа́ моя в сло́во Твое, упова́ душа́ моя на Господа. <sup>5</sup> От стра́жи у́тренния до но́щи, от стра́жи у́тренния да упова́ет Изра́иль на Господа. <sup>6</sup> Яко у Господа ми́лость, и мно́гое у Него избавле́ние, и Той изба́вит Изра́иля от всех беззако́ний его.

#### Песнь степеней, 130.

<sup>1</sup> Господи, не вознесе́ся се́рдце мое, ниже́ вознесо́стеся о́чи мои, ниже́ ходи́х в вели́ких, ниже́ в ди́вных па́че мене́. <sup>2</sup> Аще не смиреному́дрствовах, но вознесо́х ду́шу мою, яко отдое́ное на ма́терь свою́, та́ко возда́си на ду́шу мою. <sup>3</sup> Да упова́ет Изра́иль на Господа, отны́не и до ве́ка.

# Песнь степеней, 131.

<sup>1</sup> Помяни, Господи, Давида и всю кротость его: <sup>2</sup> яко клятся Господеви, обещася Богу Иаковлю: 3 аще вниду в селение дому моего, или взыду на одр постели моея. 4 аще дам сон очима мойма и веждома мойма дремание. и покой скраниама моима, 5 дондеже обрящу место Господеви, селение Богу Иаковлю. 6 Се слышахом я во Евфрафе, обретохом я в полях дубравы. 7 Внидем в селения Его, поклонимся на место, идеже стоясте нозе Его. 8 Воскресни, Господи, в покой Твой, Ты и кивот святыни Твоея. 9 Священницы Твои облекутся правдою, и преподобнии Твои возрадуются. 10 Давида ради раба Твоего не отврати лице помазаннаго Твоего. 11 Клятся Господь Давиду истиною и не отвержется ея: от плода чрева твоего посажду на престоле твоем. 12 Аще сохранят сынове твой завет Мой, и свидения Моя сия, имже научу я, и сынове их до века сядут на престоле твоем. 13 Яко избра Господь Сиона, изволи и в жилище Себе. <sup>14</sup> Сей покой Мой во век века, зде вселюся, яко изволих и. 15 Ловитву его благословляяй благословлю, нищыя его насыщу хлебы, 16 священники его облеку во спасение, и преподобнии его радостию возрадуются. 17 Тамо возращу рог Давидови, уготовах светильник помазанному Моему. 18 Враги его облеку студом, на немже процветет святыня Моя.

## Песнь степеней, 132.

¹ Се что добро, или что красно, но еже жити братии вку́пе? ² Яко ми́ро на главе́, сходя́щее на браду́, браду́ Ааро́ню, сходя́щее на оме́ты оде́жды его, ³ яко роса́ Аермо́нская сходя́щая на го́ры Сио́нския, яко та́мо запове́да Господь благослове́ние и живо́т до века.

## Песнь степеней, 133.

 $^1$  Се ны́не благослови́те Господа вси раби́ Господни, стоя́щин в хра́ме Господни, во дво́рех до́му Бога на́шего.  $^2$  В но́щех воздежи́те ру́ки ва́шя во свята́я, и благослови́те Господа.  $^3$  Благослови́т тя Господь от Сио́на, сотвори́вый не́бо и зе́млю.

Слава:

## По 18-й кафисме, Трисвятое.

Таже тропари, глас 2: Прежде даже не осудиши мя, Господи мой, Господи, даждь ми обращение, и исправление многих моих грехов, даждь ми умиление духовное, яко да возопню к Тебе: Благоутробне, Человеколюбче Боже мой, спаси мя.

Слава: Несмысленным скотом уподобивыйся аз, блудный, приложихся им: обращение ми даруй, Христе, яко да прииму у Тебе велию милость.

И ныне: Не отврати, Владычице, лица́ Твоего́ от мене́, моля́щагося Тебе, но, я́ко Благоутро́бная Мати Ще́драго Бога, потщи́ся прежде конца обращение мне даровати, яко да спа́сся Тобою, воспою́ Тя, я́ко спасение и упование мое, непосра́мленное, Госпоже́ моя.

# Господи, помилуй (40) и молитва:

Господи, да не яростию Твоею обличищи мене, ниже гневом Твоим накажеши мя. Владыко Господи Иисусе Христе, Сыне Бога Живаго, помилуй мя, грешнаго, нищаго, обнаженнаго, лениваго, нерадиваго, прекословнаго, окаяннаго, блудника, прелюбодея, малакия, мужеложника, сквернаго, блуднаго, неблагодарнаго, немилостиваго, жестокаго, пияницу, сожженнаго совестию, безличнаго, бездерзновеннаго, безответнаго, недостойнаго Твоего человеколюбия, и достойна всякаго мучения, и геенны, и муки. И не ради множества толиких моих согрешений, множеству подложиши, избавителю мук: но помилуй мя, яко немощен есмь, и душею, и плотию, и разумом, и помышлением, и имиже веси судьбами спаси мя, недостойнаго раба Твоего, молитвами Пречистыя Владычицы нашея Богородицы, и всех святых, от века Тебе благоугождших: яко благословен еси во веки веков, аминь.

# КАФИСМА ДЕВЯТАЯНАДЕСЯТЬ

# Аллилуна, 134.

<sup>1</sup> Хвали́те и́мя Господне, хвали́те, раби́ Господа, <sup>2</sup> стоя́щии во хра́ме Господни, во дво́рех до́му Бога на́шего. <sup>3</sup> Хвали́те Господа, я́ко Благ Господь, по́йте и́ме-

ни Его, яко добро: 4 яко Иакова избра Себе Господь. Израиля в достояние Себе. 5 Яко аз познах, яко Велий Господь, и Господь наш над всеми боги. 6 Вся елика восхоте Господь, сотвори на небеси и на земли, в морях и во всех безднах. 7 Возводя облаки от последних земли. мо́лнии в дождь сотвори, изводяй ветры от сокровищ Своих. 8 Иже порази первенцы Египетския, от человека до скота. 9 Посла знамения и чудеса посреде тебе. Египте, на фараона и на вся рабы его. 10 Иже порази языки миоги и изби цари крепки: 11 Сиона, царя Аморрейска, и Ога, царя Васанска, и вся царствия Хапаанска, 12 и даде землю их достояние, достояние Израилю, людем Свойм. 13 Господи, имя Твое в век и память Твоя в род и род: 14 яко судити имать Господь людем Своим, и о рабех Свойх умолится. 15 Идоли язык, сребро и злато, дела́ рук челове́ческих. <sup>16</sup> Уста́ имут, и не возглаго́лют, о́чи имут, и не у́зрят, <sup>17</sup> у́ши имут, и не услышат, ниже́ бо есть дух во усте́х их. <sup>18</sup> Подо́бни им да бу́дут творя́щии я, и вси надеющиися на ня. 19 Доме Израилев, благословите Господа, доме Ааронь, благословите Господа, доме Левиин, благословите Господа. 20 Боящиися Господа, благословите Господа, 21 Благословен Господь от Сиона, живый во Иерусалиме.

# Аллилу́иа, 135.

1 Исповедайтеся Господеви, яко благ, яко в век милость Его. <sup>2</sup> Исповедайтеся Богу богов, яко в век милость Его. <sup>3</sup> Исповедайтеся Господеви господей, в век милость Его. 4 Сотворшему чудеса велия единому. яко в век милость Его. 5 Сотворшему небеса разумом, яко в век милость Его. 6 Утвердившему землю на водах, яко в век милость Его. 7 Сотворшему светила велия единому, яко в век милость Его. 8 Солнце во область дне, яко в век милость Его. 9 Луну и звезды во область нощи, яко в век милость Его. 10 Поразившему Египта с первенцы его, яко в век милость Его, 11 и изведшему Израиля от среды их, яко в век милость Его. 12 Рукою крепкою и мышцею высокою, яко в век милость Его. 13 Раздельшему Чермное море в разделения, яко в век милость Его. 14 И проведшему Израиля посреде его, яко в век милость Его. 15 И истрясшему фараона и силу его

в мо́ре Чермно́е, яко в вск ми́лость Его́. <sup>16</sup> Прове́дшему лю́ди Своя в пусты́ни, яко в век ми́лость Его. <sup>17</sup> Порази́вшему цари́ ве́лия, яко в век ми́лость Его́, <sup>18</sup> и уби́вшему цари́ крепкия, яко в век ми́лость Его́. <sup>19</sup> Сио́на, царя́ Аморре́йска, яко в век ми́лость Его́, <sup>20</sup> и Ога, царя́ Васа́нска, яко в век ми́лость Его́, <sup>21</sup> И да́вшему зе́млю их досто́ние, яко в век ми́лость Его. <sup>22</sup> Досто́ние Изра́илю, рабу́ Своему́, яко в век ми́лость Его́. <sup>23</sup> Яко во смире́нии на́шем помяну́ ны Господь, яко в век ми́лость Его́. <sup>24</sup> И изба́вил ны есть от враго́в на́ших, я́ко в век ми́лость Его́. <sup>26</sup> Испове́дайтеся Богу Небесному, яко в век ми́лость Его. <sup>26</sup> Испове́дайтеся Богу Небесному, яко в век ми́лость Его́.

# Давиду Иеремием, 136.

¹ На река́х Вавило́нских, та́мо седо́хом и пла́кахом, внегда́ помяну́ти нам Сио́на. ² На ве́рбиих посреде́ его́ обе́сихом орга́ны на́шя. ³ Яко та́мо вопроси́ша ны пле́ншии нас о словесе́х пе́сней и ве́дшии нас о пе́нии: воспойте нам от пе́сней Сио́нских. ⁴ Қа́ко воспое́м песнь Господню на земли́ чужде́й? ⁵ Аще забу́ду тебе́, Иерусали́ме, забве́на бу́ди десни́ца моя́. ⁶ Прильпни́ язык мой горта́ни моему́, аще не помяну́ тебе́, аще не предложу́ Иерусали́ма, яко в нача́ле весе́лия моего́. ⊓ Помяни́, Господи, сы́ны Едо́мския, в день Иерусали́мль глаго́лющыя: истоща́йте, истоща́йте до основа́ний его́. в Дщи Вавило́ня окая́нная, блаже́н иже возда́ст тебе́ воздая́ние твое́, е́же воздала́ еси́ нам. 9 Блаже́н и́же и́мет и разбие́т младе́нцы Твоя о ка́мень.

## Слава:

# Псалом Давиду, Аггеа и Захарии, 137.

<sup>1</sup> Исповемся Тебе, Господи, всем сердцем мойм, и пред Ангелы воспою Тебе, яко услышал есй вся глаго́лы уст мойх. <sup>2</sup> Поклоню́ся ко хра́му свято́му Твоему́ и исповемся и́мени Твоему́ о ми́лости Твое́й и истине Твое́й, яко возвели́чил есй над всем имя Твое́ свято́е. <sup>3</sup> Во́ньже аще де́нь призову́ Тя, ско́ро услы́ши мя: умно́жиши мя в души́ мое́й си́лою Твое́ю. <sup>4</sup> Да испове́дятся Тебе, Господи, вси ца́рие зе́мстии, яко услы́шаша вся глаго́лы

уст Твойх, <sup>5</sup> и да воспою́т в путе́х Господних, яко ве́лия сла́ва Господня, <sup>6</sup> яко Высо́к Господь, и смире́нныя призира́ет, и высо́кая издале́ча весть. <sup>7</sup> Аще пойду́ посреде́ ско́рби, живи́ши мя, на гнев враг мои́х просте́рл еси́ ру́ку Твою́, и спасе́ мя десни́ца Твоя́. <sup>8</sup> Господь возда́ст за мя. Господи, ми́лость Твоя во век, дел руку́ Твоею не пре́зри.

# В конец Давиду, псалом Захариин в разсеянии, 138.

<sup>1</sup> Господи, искусил мя еси и познал мя еси. Ты позна́л еси седание мое и востание мое. <sup>2</sup> Ты разуме́л еси помышления моя издалеча: 3 стезю мою и уже мое Ты еси изследовал, и вся пути моя провидел есн. 4 Яко несть льсти в языце мое́м: се, Господи, Ты позна́л еси. <sup>5</sup> Вся последняя и древняя: Ты создал еси мя, и положил сси на мне руку Твою. 6 Удивися разум Твой от мене, утвердися, не возмогу к нему. 7 Камо пойду от Духа Твосго? И от лица Твоего камо бежу? 8 Аще взыду на небо — Ты тамо еси, аще сниду во ад — тамо еси. 9 Аще возму криле мой рано в вселюся в последних моря — 10 и тамо бо рука Твоя наставит мя и удержит мя десница Твоя. 11 Й рех: еда тма поперет мя, и нощь просвещение в сладости моей? 12 Яко тма не помрачится от Тебе, и ношь. яко день, просветится, яко тма ея, тако и свет ея. 13 Яко Ты создал еси утробы моя, восприял мя еси из чрева матере моея. 14 Исповемся Тебе, яко страшно удивился еси: чудна дела Твоя, и душа моя знает зело. 15 Не утайся кость моя от Тебе, юже сотворил еси в тайне, и состав мой в преисподних земли. 16 Несоделанное мое видесте очи Твои, и в книзе Твоей вси напишутся, во днех созиждутся и никтоже в них. 17 Мне же зело честни быша друзи Твои, Боже, зело утвердишася владычествия их. 18 Изочту их, и паче песка умножатся; востах, и еще есмь с Тобою. 19 Аще избиеши грешники, Боже, мужие кровей, уклонитеся от мене. 20 Яко ревниви есте в помышлениих, приимут в суету грады Твоя. 21 Не ненавидящыя ли Тя, Господи, возненавидех, и о вразех Твоих истаях? <sup>22</sup> Совершенною ненавистию возненавидех я, во враги быша ми. 23 Искуси мя, Боже, и увеждь сердце мое, истяжи мя и разумей стези моя, 24 и виждь, аще луть беззакония во мне, и настави мя на путь вечен.

# В конец, псалом Давиду, 139.

1 Изми мя, Господи, от человека лукава, от мужа неправедна избави мя, <sup>2</sup> иже помыслиша неправду в сердце, весь день ополчаху брани, з изостриша язык свой, яко змийн, яд аспидов под устнами их. 4 Сохрани мя, Господи, из руки грешничи, от человек неправедных изми мя, иже помыслима запяти стопы моя. <sup>5</sup> Скрыша гордии сеть мне, и ужы препяща сеть ногама мойма. 6 При стези соблазны положища ми. 7 Рех Господеви: Бог мой еси Ты, внуши, Господи, глас моления моего! <sup>8</sup> Господи, Господи, сило спасения моего, осенил еси над главою моею в день брани. 9 Не предаждь мене, Господи, от желания моего грешнику: помыслиша на мя, не остави мене, да не когда вознесутся. 10 Глава окружения их, труд устен их покрыет я. 11 Падут на них углия о́гненная, низложи́ши я́ в страсте́х, и не постоя́т. 12 Муж язычен не исправится на земли: мужа неправедна злая уловят во истление. 13 Познах, яко сотворит Господь суд нищым и месть убогим. 14 Обаче праведнии исповедятся имени Твоему, и вселятся правии с лицем Твоим.

#### Слава:

# Псалом Давиду, 140.

1 Господи, воззвах к Тебе, услыши мя: вонми гласу моления моего, внегда воззвати ми к Тебе. <sup>2</sup> Да исправится молитва моя, яко кадило пред Тобою, воздеяние руку моею — жертва вечерняя. 3 Положи, Господи, хранение устом моим, и дверь ограждения о устнах моих. 4 Не уклони сердце мое в словеса лукавствия, непщевати вины о гресех, с человеки делающими беззаконие, и не сочтуся со избранными их. 5 Накажет мя праведник милостию и обличит мя, елей же грешнаго да не намастит главы моея, яко еще и молитва моя во благоволениих их. 6 Пожерты быша при камени судий их: услышатся глаголи мои, яко возмогоша, 7 Яко толща земли проседеся на земли, расточишася кости их при аде. <sup>8</sup> Яко к Тебе, Господи, Господи, очи мои: на Тя уповах, не отыми душу мою. 9 Сохрани мя от сети, юже составиша ми, и от соблазн делающих беззаконие. 10 Падут во мрежу свою грешницы: един есмь аз, дондеже прейду́.

# <sup>1</sup> Разума Давиду, внегда быти ему в вертпе молящемуся, 141.

<sup>2</sup> Гла́сом моим ко Господу воззва́х, гла́сом моим ко Господу помоли́хся. <sup>3</sup> Пролию́ пред Ним моле́ние мос, печа́ль мою пред Ним возвещу́. <sup>4</sup> Внегда́ исчеза́ти от мене́ ду́ху моему́: и Ты позна́л есй стези́ моя: на пути́ сем, по нему́же хожда́х, скры́ша сеть мне. <sup>5</sup> Смотря́х одесну́ю и возгля́дах, и не бе зна́яй мене́: поги́бе бе́гство от мене́, и несть взыска́яй ду́шу мою́. <sup>6</sup> Воззва́х к Тебе, Господи, рех: Ты еси́ упова́ние мое́, часть моя еси́ на земли́ живы́х. <sup>7</sup> Вонми́ моле́нию мосму́, я́ко смири́хся зело́, изба́ви мя от гоня́щих мя, я́ко укрепи́шася па́че мене́. <sup>8</sup> Изведи́ из темни́цы ду́шу мою, испове́датися и́мени Твоему. Мене́ ждут пра́ведницы, до́ндеже возда́си мне.

# Псалом Давиду, егда гоняше его Авессалом, сын его, 142.

<sup>1</sup> Господи, услыши молитву мою, внуши моление мое во истине Твоей, услыши мя в правде Твоей 2 и не вниди в суд с рабом Твоим, яко не оправдится пред Тобою всяк живый. <sup>3</sup> Яко погна враг душу мою, смирил есть в землю живот мой, посадил мя есть в темных, яко мертвыя века. <sup>4</sup> И уны во мне дух мой, во мне смятеся сердце мое. 5 Помянух дни древния, поучихся во всех делех Твоих, в творениих руку Твоею поучахся. 6 Воздех к Тебе руце мои, душа моя, яко земля безводная Тебе. <sup>7</sup> Скоро услыши мя, Господи, исчезе дух мой, не отврати лица Твоего от мене, и уподоблюся низходящым в ров. 8 Слышану сотвори мне заутра милость Твою, яко на Тя уповах. Скажи мне, Господи, путь воньже пойду, яко к Тебе взях душу мою. 9 Изми мя от враг моих, Господи, к Тебе прибегох. 10 Научи мя творити волю Твою, яко Ты еси Бог мой. Дух Твой Благий наставит мя на землю праву. 11 Имене Твоего ради, Господи, живиши мя, правдою Твоею изведеши от печали душу мою. 12 И милостию Твоею потребиши враги моя и погубиши вся стужающыя души моей, яко аз раб Твой есмь.

Слава:

## По 19-й кафисме, Трисвятое.

Таже тропари, глас 7: Благодаря, славлю Тя, Боже мой, яко всем дал еси грешником покаяние. Спасе, не посрами мене, егда приидеши судити миру всему, срамная дела сотворшаго.

Слава: Безмерная Тебе прегрешив и безмерных мучений ожидаю, Боже мой, ущедрив, спаси мя.

И ныне: Ко множеству милости Твоея ныне прибегаю: разреши вериги. Богородице, согрешений моих.

# Господи, помилуй (40) и молитва:

Владыко Христе Боже, Иже Страстьми Твоими страсти моя исцеливый и язвами Твоими язвы моя уврачевавый, даруй мне, много Тебе прегрешившему, слезы умиления, сраствори моему телу от обоняния животворящаго Тела Твоего, и наслади душу мою Твоею Честною Кровию от горести, еюже мя сопротивник напой. Возвыси мой ум к Тебе, долу привлекшийся, и возведи от пропасти погибели, яко не имам покаяния, не имам умиления, не имам слезы утешительныя, возводящия чада ко своему наследию. Омрачихся умом в житейских страстех, не могу воззрети к Тебе в болезни, не могу согретися слезами, яже к Тебе любве, но, Владыко Господи. Иисусе Христе, Сокровище Благих, даруй мне покаяние всецелое, и сердце люботрудное во взыскание Твое, даруй мне благодать Твою, и обнови во мне зраки Твоего образа. Оставих Тя, не остави мене, изыди на взыскание мое, возведи к пажити Твоей, и сопричти мя овцам избраннаго Твоего стада, воспитай мя с ними от злака Божественных Твоих таинств, молитвами Пречистыя Твоея Матере и всех святых Твоих, аминь.

# КАФИСМА ДВАДЕСЯТАЯ

## Псалом Давиду, к Голиафу, 143.

<sup>1</sup> Благословен Господь Бог мой, научаяй руце мои на ополчение, персты моя на брань. <sup>2</sup> Милость моя и прибежище мое, Заступник мой и Избавитель мой, Защититель мой, и на Него уповах: повинуяй люди моя

под мя. 3 Господи, что есть человек яко познался еси ему? Или сын человечь, яко вменяещи его? 4 Человек суете уподобися: дние его яко сень преходят. 5 Господи. приклони небеса, и сниди, коснися горам, и воздымятся. 6 Блесни молнию, и разженеши я, посли стрелы Твоя, и смятеши я. 7 Посли руку Твою с высоты, изми мя и избави мя от вод многих, из руки сынов чуждих, в ихже уста глаголаша суету, и десница их - десница неправды. 9 Боже, песнь нову воспою Тебе, во псалтири десятоструннем пою Тебе, 10 дающему спасение царем, избавляющему Давида, раба Своего, от меча люта. 11 Избави мя, и изми мя из руки сынов чуждих, ихже уста глаголаща cvetý, и десница их — десница неправды. 12 Ихже сынове их яко новосаждения водруженная в юности своей. Дщери их удобрены, преукращены, яко подобие храма. 13 Хранилища их исполнена, отрыгающая от сего в сие, овцы их многоплодны, множащыяся во исходищах своих, волове их толсти. 14 Несть падения оплоту. ниже прохода, ниже вопля в стогнах их. 15 Ублажиша люди, имже сия суть. Блажени людие, имже Господь Бог их.

# Хвала Давиду, 144.

1 Вознесу Тя, Боже мой, Царю мой, и благословлю имя Твое в век и в век века. 2 На всяк день благословлю Тя и восхвалю́ имя Твое в век и в век века. <sup>3</sup> Ве́лий Господь и хвален зело, и величию Его несть конца. 4 Род и род восхвалят дела Твоя и силу Твою возвестят. 5 Великоле́пие сла́вы святы́ни Твоея возглаго́лют и чудеса Твоя поведят. 6 И силу страшных Твоих рекут и величие Твое поведят. 7 Память множества благости Твоея отрыгнут и правдою Твоею возрадуются. В Шедр и Милостив Господь, Долготерпелив и Многомилостив. <sup>9</sup> Благ Господь всяческим, и щедроты Его на всех делех Его. 10 Да исповедятся Тебе, Господи, вся дела Твоя, и преподобнии Твои да благословят Тя. 11 Славу Царствия Твоего рекут, и силу Твою возглаголют, 12 сказати сыновом человеческим силу Твою, и славу великолепия Царствия Твоего. <sup>13</sup> Царство Твое, Царство всех веков, и владычество Твое во всяком роде и роде. Верен Господь во всех словесех Свойх и Преподобен во всех делех Своих. <sup>14</sup> Утвержда́ет Господь вся низпа́дающыя и возставля́ет вся низве́рженныя. <sup>15</sup> Очи всех на Тя упова́ют, и Ты да́еши им пи́щу во благовре́мении. <sup>16</sup> Отверза́еши Ты ру́ку Твою и исполня́еши вся́кое живо́тно благоволе́ния. <sup>17</sup> Пра́веден Господь во всех путе́х Своих и Преподо́бен во всех де́лех Своих. <sup>18</sup> Близ Господь всем призыва́ющым Его, всем призыва́ющым Его во и́стине. <sup>19</sup> Во́лю боя́шихся Его сотвори́т и моли́тву их услы́шит и спасе́т я́. <sup>20</sup> Храни́т Господь вся лю́бящыя Его и вся гре́шники потреби́т. <sup>21</sup> Хвалу́ Господню возглаго́лют уста́моя, и да благослови́т вся́ка плоть и́мя свято́е Его в век и в век века.

#### Слава:

# Аллилуна, Аггеа и Захарии, 145.

<sup>1</sup> Хвали́, душе́ моя, Господа. <sup>2</sup> Восхвалю Господа в животе́ мое́м, пою Богу моему́, до́ндеже есмь. <sup>3</sup> Не наде́йтеся на кня́зи, на сы́ны челове́ческия, в ни́хже несть спасе́ния. <sup>4</sup> Изы́дет дух его и возврати́тся в зе́млю свою́. В той день поги́бнут вся помышле́ния его. <sup>5</sup> Блаже́н, ему́ же Бог Иа́ковль Помо́щник его, упова́ние его на Господа Бога своего́, <sup>6</sup> сотво́ршаго не́бо и зе́млю, мо́ре и вся, я́же в них, храня́щаго и́стину в век, <sup>7</sup> творя́щаго суд оби́димым, дающаго пи́щу а́лчущым. Господь реши́т окова́нныя. <sup>8</sup> Господь умудря́ет слепцы́. Господь возво́дит низве́рженныя. Господь лю́бит пра́ведники. <sup>9</sup> Господь храни́т прише́льцы, си́ра и вдову́ прии́мет и путь гре́шных погуби́т. <sup>10</sup> Воцари́тся Господь во век, Бог твой, Сио́не, в род и род.

# Аллилуна, 146.

<sup>1</sup> Хвали́те Господа, яко благ псало́м. Богови на́шему да услади́тся хвале́ние. <sup>2</sup> Зи́ждай Иерусали́ма Господь, разсе́яния Израилева собере́т. <sup>3</sup> Исцеля́яй сокруше́нныя се́рдцем и обязу́яй сокруше́ния их. <sup>4</sup> Исчита́яй множество звезд и всем им имена́ нарица́яй. <sup>5</sup> Ве́лий Господь наш, и ве́лия кре́пость Его, и ра́зума Его несть числа́. <sup>6</sup> Прие́мляй кро́ткия Господь, смиря́яй же гре́шники до земли́. <sup>7</sup> Начни́те Го́сподеви во испове́дании, по́йте Богови нашему в гу́слех. <sup>8</sup> Одева́ющему не́бо о́блаки,

уготовляющему земли дождь, прозябающему на горах траву и злак на службу человеком, <sup>9</sup> дающему скотом пищу их, и птенцем врановым призывающым Его. <sup>10</sup> Не в силе констей восхощет, ниже в лыстех мужеских благоволит. <sup>11</sup> Благоволит Господь в боящихся Его и во уповающих на милость Его.

# Аллилуна, Аггеа и Захарии, 147.

<sup>1</sup> Похвали, Иерусалиме, Господа, хвали Бога твоего, Сио́не, <sup>2</sup> яко укрепи верей врат твоих, благослови сы́ны твоя в тебе. <sup>3</sup> Полага́яй преде́лы твоя мир, и ту́ка пшенична насыща́яй тя. <sup>4</sup> Посылаяй слово Свое земли́, до ско́рости тече́т слово Его, <sup>5</sup> даю́щаго снег Свой, яко во́лну, мглу, яко пепел, посыпающаго, <sup>6</sup> мета́ющаго го́лоть Свой, яко хле́бы. Проти́ву лица́ мра́за Его кто постоит? <sup>7</sup> По́слет слово Свое, и иста́ет я́, дхнет дух Его, и потеку́т во́ды. <sup>8</sup> Возвеща́яй слово Свое Иакову, оправда́ния и судьбы́ Своя Изра́илеви. <sup>9</sup> Не сотвори́ та́ко всякому язы́ку, и судьбы́ Своя не яви́ им.

#### Czaca:

# Аллилуна, Аггеа и Захарии, 148.

1 Хвалите Господа с небес, хвалите Его в вышних. 2 Хвалите Его, вси Ангели Его, хвалите Его, вся силы Его. 3 Хвалите Его, солнце и луна, хвалите Его, вся звезды и свет. 4 Хвалите Его Небеса небес и вода, яже превыше небес. 5 Да восхвалят имя Господне: яко Той рече, и быша, Той повеле, и создашася. 6 Постави я в век и в век века, повеление положи, и не мимо идет. 7 Хвалите Господа от земли, змиеве и вся бездны: 8 огнь, град, снег, голоть, дух бурен, творящая слово Его, 9 горы и вси холми, древа плодоносна и вси кедри, 16 зверие и вси скоти, гади и птицы пернаты. 11 Царие земстии и вси людие, князи и вси судий земстии. 12 юноши и девы, старцы с юнотами 13 да восхвалят имя Господне, яко вознесеся имя Того Единаго, исповедание Его на земли и на небеси. 14 И вознесет рог людей Своих, песнь всем преподобным Его, сыновом Израилевым, людем, приближающымся Ему.

# Аллилуна, 149.

<sup>1</sup> Воспойте Господеви песнь нову, хваление Его в церкви преподобных. <sup>2</sup> Да возвеселится Израиль о сотворшем Его, и сынове Сиони возрадуются о Царе своем. <sup>3</sup> Да восхвалят имя Его в лице, в тимпане и псалтири да поют Ему. <sup>4</sup> Яко благоволит Господь в людех Своих, и вознесет кроткия во спасение. <sup>5</sup> Восхвалятся преподобнии во славе и возрадуются на ложах своих. <sup>6</sup> Возношения Божия в гортани их, и мечи обоюду остры в руках их: <sup>7</sup> сотворити отмщение во языцех, обличения в людех, <sup>8</sup> связати цари их путы, и славныя их ручными оковы железными, <sup>9</sup> сотворити в них суд написан. Слава сия будет всем преподобным Его.

# Аллилуна, 150.

<sup>1</sup> Хвали́те Бога во святы́х Его, хвали́те Его во утверже́нии си́лы Его. <sup>2</sup> Хвалите Его на си́лах Его, хвали́те Его по мно́жеству вели́чествия Его. <sup>3</sup> Хвалите Его во гла́се тру́бнем, хвалите Его во псалтири и гуслех. <sup>4</sup> Хвали́те Его в тимпа́не и ли́це, хвали́те Его во стру́нах и орга́не. <sup>5</sup> Хвали́те Его в кимва́лех доброгла́сных, хвали́те Его в кимва́лех восклица́ния. <sup>6</sup> Всякое дыха́ние да хва́лит Господа.

Слава, и ныне: Аллилуиа.

Сей псалом особь писан, Давидов, и вне числа 150 псалмов, внегда единоборствоваше на Голиафа.

Мал бех в братии моей и юнший в дому отца моего, пасох овцы отца моего. Руще мои сотвористе орган, и персты мои составиша псалтирь. И кто возвестит Господеви моему? Сам Господь, Сам услышит. Сам посла Ангела Своего, и взят мя от овец отца моего, и помаза мя елеем помазания своего. Братия моя добри и велицы, и не благоволи в них Господь. Изыдох в сретение иноплеменнику, и проклят мя идолы своими. Аз же, исторгнув меч от него, обезглавих его, и отъях поношение от сынов Израилевых.

# По 20-й кафисме, Трисвятое.

Таже тропари, глас 8: Исполнение всех благих Ты еси, Христе мой, исполни радости и веселия душу мою, и спаси мя, яко Един Многомилостив.

Слава: Аще и согреших, Христе́ Спа́се мой, пред Тобою, ино́го Бога ра́зве Тебе не вем, дерза́ю же на Твое благоутро́бие, обраща́ющагося приими мя, Благоутро́бие Отче и Сыне Единоро́дне и Ду́ше Святы́й, я́ко блу́днаго сына, и спаси́ мя.

И ныне: Иного прибежища и теплаго предстательства, разве Тебе, не вем, яко дерзновение имущи ко из Тебе рожденному, Владычице, помози и спаси мя, раба Твоего.

# Господи, помилуй (40) и молитва:

Господи Инсусе Христе Боже мой, помилуй мя, грешнаго, и прости ми, недостойному рабу Твоему, елика Ти согреших чрез все живота моего время, и даже до днесь. и аще что яко человек согреших, вольная моя прегрещения и невольная, делом и словом, яже умом и мыслию. яже от совосхищения и невнимания, и многия моея лености и небрежения. Аще же именем Твоим кляхся, аще же лжекляхся, или хулих мыслию, или кого укорих, или оклеветах, или опечалих, или в нечесом прогневах, или окрадох, или блудствовах, или солгах, или тайно ядох, или друг достиже ко мне, и презрех его, или брата оскорбих и преогорчих, или стоящу ми на молитве и псалмопении, ум мой лукавый на лукавая обхождаще. или паче лепаго насладихся, или безумно смеяхся, или кощунно глаголах, или тщеславихся, или гордихся, или доброту суетную видех и от нея прельстихся, или нелепая мне поглумихся. Аше в чесом о молитве моей нерадих, или заповедей духовнаго моего отца не сохраних, или празднослових, или ино что лукавое сотворих, сия бо вся и вящшая сих содеях, ихже ниже помию. Помилуй, Господи, и прости ми вся, да в мире усну и почию, поя, и благословя, и славя Тя, со Безначальным Твоим Отцем и с Пресвятым, и Благим, и Животворящим Твоим Духом, ныне и присно и во веки веков. Аминь.

# МОЛИТВЫ ПО ПРОЧТЕНИИ НЕСКОЛЬКИХ КАФИСМ ИЛИ ВСЕЙ ПСАЛТИРИ

# По совершении же неколиких кафисм или всей Псалтири

Досто́йно есть... *или* О Тебе́ ра́дуется... Трисвято́е. И по Отче наш.

Тропари, глас 6:

Помилуй нас, Господи, помилуй нас, всякаго бо ответа недоумеюще, сию Ти молитву, яко Владыце, грешнии приносим: помилуй нас.

#### Слава:

Честное пророка Твоего, Господи, торжество, Небо Церковь показа, с человеки ликуют Ангели. Того молитвами, Христе Боже, в мире управи живот наш, да поем Ти: Аллилуна.

#### И ныне:

Многая множества моих, Богородице, прегрешений: к Тебе прибегох, Чистая, спасения требуя. Посети немощствующую мою душу и моли Сына Твоего и Бога нашего дати ми оставление, яже содеях лютых, Едина Благословенная.

Таже, Господи, помилуй (40). И поклонов, елико мощно, с молитвою Господи и Владыко живота моего...

Посем глаголи молитву сию со вниманием:

Многомилостиве и Премилостиве Господи и всего добра дателю, Человеколюбче, и всея вселенныя Царю, многоименитый Владыко и Господи! Нищ и убог есмь аз, дерзаю призывати чудное и страшное, и святое имя Твое, егоже вся тварь Небесных сил страхом трепещут. Низу на земли неизреченнаго Твоего человеколюбия смотрение удивил еси, посланием возлюбленнаго Твоего Отрока, Егоже от безначальных недр Твоея Отеческия славы, неразлучным Божеством отрыгнул еси, да человеки со Ангелы во един состав устроит. Помяни, Господи, моего уныния смирение, кал сый и персть, Тебе, неизглаголаннаго Света призываю, немощию плоти обложен, юже милостивне слово Твое понесе, и смертию

Своею от работы вражия свободил есть душы нашя, да общники вся, иже верою ярем работы Твоея на ся вземшыя, славы Твоея сподобит их, от неяже сатана льстивый отпаде. Помилуй мя, омраченнаго греховными помыслы, возведи ум мой удавленный тернием лености и лядиною непокорства. Утверди сердце мое по Тебе горети, очима моима источник слез посли, и на конец исхода души моей сотвори мя безпорочна Твоего угодника, наставляя мя к Тебе подвизатися усердно. Помяни, Господи, родители моя милосердием Твоим и вся ближния моя, и братию, и други, и соседы, и вся православныя христианы, и спаси мя молитвами всех святых. И приими в честь сия псалмы и молитвы, яже глаголах пред Тобою за ся, и немерзко Ти буди с воздыханием моление сие, яко милостив сый и Человеколюбец, и Тебе Безначальнаго Отца славим со Единородным Твоим Сыном и со Святым Духом, ныне и присно, и во веки веков. Аминь.

Посем Честнейшую Херувим... Слава, и ныне. Господи, помилуй (трижды). Благослови.

Аще иерей, кончает священнически, аще ли простый,

кончает сице:

Господи Инсусе Христе, Сыне Божий, молитв ради Пречистыя Твоея Матере, силою Честнаго и Животворящаго Креста и святых Небесных сил безплотных, и преподобных и богоносных отец наших, и святаго пророка Давида, и всех святых, помилуй и спаси мя, грешнаго, яко Благ и Человеколюбец.

# КАНОН МОЛЕБНЫЙ ПРИ РАЗЛУЧЕНИИ ДУШИ ОТ ТЕЛА

Канон молебный ко Господу нашему Инсусу Христу и Пречистей Богородице Матери Господни при разлучении души от тела всякаго правовернаго

Приходит игумен, к мирскому же отец его духовный, и вопрошает, аще есть кое слово, или дело забвения ради, или студа, или кая злоба к коему брату неисповедана, или непрощена есть, вся должен есть изыскивати и вопрошати по единому умирающаго.

Посем начинает иерей: Благословен Бог наш... (аше ли мирский: Молитвами святых отец наших Господи Инсусе Христе Боже наш. помилуй нас). Трисвятое. По Отче наш. Господи, помилуй [12].

Приидите, поклонимся... [трижды]. Помилуй мя. Бо-

же... (псалом 50 (стр. 160))

Канон молебный от лица человека с душею разлучающагося и не могицаго глаголати. Глас 6.

#### Песнь 1

Ирмос: Яко по суху пешешествовав Израиль, по бездне стопами, гонителя фараона видя потопляема. Богу победную песнь поим, вопияще,

Припев: Пресвятая Богородице, спаси нас.

Каплям подобно дождевным, злин и малин дние мой. летним обхождением оскудевающе, помалу исчезают vжé, Владычице, спаси мя.

Твоим благоутробием и многими щедротами Твоими. Владычице, преклоняема естественно, в час сей ужас-

ный предстани ми. Помощнице Непоборимая.

Содержит ныне душу мою страх велик, трепет неисповедим и болезнен есть, внегда изыти ей от телесе. Пречистая, юже утеши.

Слава: Грешным и смиренным известное прибежище, о мне извести Твою милость, Чистая, и бесовския избави руки, якоже бо пси мнози обступиша мя.

И ныне: Се время помощи, се время Твоего заступления, се, Владычице, время, о немже день и нощь припалах тепле и моляхся Тебе.

## Песнь 3

Несть свят, якоже Ты, Господи Боже мой, вознесый рог верных Твоих, Блаже, и утвердивый нас на камени исповедания Твоего.

Издалеча сего дне, Владычице, провидя, и того яко пришедша помышляяй присно, слезами теплыми молях-

ся не забыти мене.

Обыдоша мя мысленнин рыкающе скимны, и ищут восхитити и растерзати мя горце, ихже зубы, Чистая, и челюсти сокруши и спаси мя.

Угасшу убо отнюд органу словесному, и связавшуся языку, и затворившуся гласу, в сокрушении сердца мо-

лю Тя, Спасительнице моя, спаси мя.

Слава: Приклони ухо Твое ко мне, Христа Бога моего Мати, от высоты многия славы Твоея, Благая, и услыши стенание конечное, и руку ми подаждь.

И ныне: Не отврати от мене многия щедроты Твоя, не затвори утробу Твою человеколюбную, Чистая; но предстани ми ныне и в час судный помяни мя.

#### Песнь 4

Христос моя сила, Бог и Господь, честная Церковь боголенно поет, взывающи, от смысла чиста о Господе

празднующи.

Умовение согрешением, ток слезный ныпе положи, Благая, сердца мосго сокрушение приемлющи: о Тебе утверждающу упование, Благая, егда како страшнаго мя избавиши отненнаго мучения, яко Сама благодати еси источник, Богородительнице.

Непосты́дное и Непогреши́тельное всем, иже в нуждах, прибежище, Владычице Пренепорочная, Ты ми бу-

ди Заступница в час испытания.

Простерши Пречистем Твой и Всечестней руце, яко священний голубине криле, под кровом и сению тех покрый мя, Владычице.

Слава: Воздушнаго князя насильника, мучителя, страшных путей стоятеля и напраснаго сих словоиспытателя, сподоби мя прейти невозбранно отходяща от земли.

И ныне: Се мя, Владычице, страх усрете, егоже и бояхся; се подвиг велик объят мя, в немже буди ми Помощница, Надежде спасения моего.

## Песнь 5

Божинм светом Твоим, Блаже, утренюющих Ти души любовию озари, молюся, Тя ведети, Слове Божий, Истиннаго Бога, от мрака греховнаго взывающа.

Не забу́ди мя, Благая, ниже́ отврати́ от мене́, Твоего́ о́трока, лице́ Твое́, но услыши мя, яко скорблю́, и вонми́ души мое́й, и сию́ изба́ви.

Иже по плоти, сродницы мои, и иже по духу братие, и друзи, и обычнии знаемии, плачите, воздохните, сетуй-

те, се бо от вас ныне разлучаюся.

Ныне избавляяй никако и помогаяй войстинну никтоже. Ты помози ми, Владычице, да не яко человек безпомощен, в руках враг мойх затворен буду.

Слава: Вшедше, святии мои Ангели, предстаните судищу Христову, колене свой мыслении преклоньше, плачевне возопийте Ему: помилуй, Творче всех, дело рук твойх, Блаже, и не отрини его.

И ныне: Поклоньшеся Владычице и Пречистей Матери Бога моего помолитеся, яко да преклонит колена с вами, и преклонит Его на милость: милости бо сущи и питательница услышана будет.

#### Песнь 6

Житейское море, воздвизаемое зря напастей бурею, к тихому пристанищу Твоему притек, вопию Ти: возведи от тли живот мой, Многомилостиве.

Устне мои молчат, и язык не глаголет, но сердце вещает: огнь бо сокрушения сие снедая внутрь возгарается, и гласы неизглаголанными Тебе, Дево, призывает.

Призри на мя свыше, милости Божия, и милостивно вонми ныне на мое посещение снити, яко да видев Тя, от телесе изылу радуяся.

Растерзаеми соузы, раздираеми закони естественнаго стущения, и составления всего телеснаго, нужду нестерпимую и тесноту сотворяют ми.

Слава: Святых Ангел священным и честным рукам преложи мя, Владычице, яко да тех крилы покрывся, не вижу безчестнаго и смраднаго и мрачнаго бесов образа.

И ныне: Чертоже Божий Всечестне, Небесному разумному чертогу сподоби мя мою угасшую и несияющую свещу вжегши, святым елеем милости Твоея.

# Кондак, глас 6

Душе моя, душе моя, востани, что спиши, конец приближается, и нужда ти молвити: воспряни убо, да пощадит тя Христос Бог, Иже везде сый, и вся исполняяй.

Икос: Христово врачевство видя отверсто, и от сего Адаму источающе здравие, пострадав уязвися диавол, яко беды приемля рыдаше, и своим другом возопи: что сотворю Сыну Мариину? Убивает мя Вифлеемлянин, Иже везде сый и вся исполняяй.

#### Песнь 7

Росодательну убо пещь содела Ангел, преподобным отроком, халдей же опаляющее веление Божие, мучителя увеща вопити: благословен еси, Боже отец наших.

Нощь смертная мя постиже неготова, мрачна же и безлунна, препущающи неприготовлена к долгому оному пути страшному: да спутешествует ми Твоя милость, Владычице.

Се вси дние мои исчезоща войстинну в суете, якоже пишется, и лета моя со тщанием, сети же смертныя войстинну и горькия предварища мою душу, яже мя обдержат.

Множество грехов мойх да не возможет победити Твоего многаго благоутробия, Владычице, но да обыдет мя Твоя милость и вся да покрыет беззакония моя.

Слава: Отводящии мя отсюду находят, содержаще мя всюду: душа же моя отлагает и страшится, многа исполнена мятежа, юже утеши, Чистая, явлением Твоим.

И ныне: Спечалующаго ниединаго в скорби моей, пиже утешающаго обретох, Владычице, нбо друзи мой и знаемии вкупе оставиша мя ныне, но, надежде моя, никакоже да не оставиши мя.

# Песнь 8

Из пламене преподобным росу источил еси, и праведнаго жертву водою попалил еси, вся бо твориши, Христе, токмо еже хотети. Тя превозносим во вся вски.

Яко Бога Человеколюбца Мати Человеколюбивая, тихим и милостивым вонми оком, егда от тела душа моя отлучается, да Тя во вся веки славлю, Святая Бо-

городице.

Убе́гнути ми варвар безпло́тных полки, и возду́шныя бе́здны возни́кнути, и к Небеси взы́ти мя сподо́би, да Тя во ве́ки сла́влю. Свята́я Богородице.

Рождшая Господа Вседержителя, горьких мытарств начальника миродержца отжени далече от мене, внегда скончатися хощу, да Тя во веки славлю, Святая Богородице.

Слава: Великой последней гласящей трубе, в страшное и грозное воскрешение суда, воскресающым всем, помяни мя тогда, Святая Богородице.

И ныне: Высокая Владыки Христа палато, Твою благодать свыше пославши, предвари мя ныне в день озлобления, да Тя славлю во веки вся, Святая Богородице.

#### Песнь 9

Бога челове́ком невозмо́жно ви́дети, на Него́же не сме́ют чи́ни Ангельстии взира́ти. Тобо́ю же, Всечистая, яви́ся челове́ком Сло́во Воплоще́нно. Его́же велича́юще, с Небесными вои, Тя ублажа́ем.

О, како узрю Невидимаго? Како ужасное оно претерплю видение? Како дерзну отверсти очи? Како моего Владыку смею видети, Егоже не престаях от юности

огорчевая присно?

Свята́я Отрокови́це, Богороди́тельнице, на мое смире́ние милосердно при́зри, умиле́нное мое и после́днее моле́ние сие прии́мши, и му́чащаго ве́чнующаго огня потши́ся изба́вити мя.

Храмы святыя осквернившая, скверный и телесный храм оставивши, Тебе, Божий всечестный храме молит, Отроковице Дево Мати, душа моя тьмы кромешния убежати и лютаго геенскаго жжения.

Слава: Зря конец близу жития моего, и помышляя безместных мыслей, деяний же, Всечистая, душу мою делательницу, люте уязвляюся стрелами совести, но преклоншися милостивно, буди ми Предстательница.

И ныне: Сын дастся нам за милость, Сын Божий, и Ангельский Царь, Превечный от чистых кровей Твоих

Челове́к проше́д. Его́же умилостиви, Отрокови́це, страстие́й мое́й душе́, исторга́емей лю́те от окая́ннаго моего́ телесе́.

Таже, Достойно есть...

Молитва, от иереа глаголемая на исход души:

Владыко Господи Вседержителю, Отче Господа нашего Иисуса Христа, Иже всем человеком хотяй спастися и в разум истины приити, не хотяй смерти грешпому, но обращения и живота; молимся, и мили ся Ти деем, душу раба Твоего (имярек) от всякия узы разреши и от всякия клятвы свободи, остави прегрешения ему, яже от юности, ведомая и неведомая, в деле и слове, и чисто исповеданная, или забвением, или студом утаеная. Ты бо Един еси разрешаяй связанныя и исправляяй сокрушенныя, надежда неначаемым, могий оставляти грехи всякому человеку, на Тя упование имущему. Ей, Человеколюбивый Господи, повели, да отпустится от уз плотских и греховных, и приими в мир душу раба Твоего сего (имярек), и покой ю в вечных обителех со святыми Твоими, благодатию Единороднаго Сына Твоего, Господа Бога и Спаса нашего Иисуса Христа, с Нимже благословен еси, с Пресвятым и Благим, Животворящим Твоим Духом, ныне и присно, и во веки веков. Аминь.

# ПОСЛЕДОВАНИЕ ПО ИСХОДЕ ДУШИ ОТ ТЕЛА

Изшедшей убо души от тела, абие иерей начинает: Благословен Бог... Трисвятое. И по Отче наш. Яко Твое есть Царство...

Посем с предстоящими поет или чтет тропари сия: Со духи праведных скончавшихся душу раба Твоего, Спасе, упокой, сохраняя ю во блаженной жизни, яже у Тебе, Человеколюбче.

В поконщи Твоем, Господи: идеже вси святии Твой упокоеваются, упокой и душу раба Твоего, яко Един еси Человеколюбец.

Слава: Ты еси Бог, соше́дый во а́д и у́зы окова́нных разреши́вый, Сам и ду́шу раба́ Твоего́ упоко́й.

И ныне: Едина Чистая и Непорочная Дево, Бога без семене рождшая, моли спастися души его.

По сих же иерей глаголет ектению сию:

Помилуй нас, Боже, по велицей милости Твоей, молим Ти ся, услыши и помилуй.

Господи, помилуй (трижды).

Еще мо́лимся о упокоении души усо́пшаго раба Бо́жия (имярек), и о еже́ проститися ему́ вся́кому прегреше́нню, вольному же и нево́льному.

Господи, помилуй (трижды).

Яко да Господь Бог учинит душу его, идеже праведнии упокоеваются.

Господи, помилуй (трижды).

Милости Божия, Царства Небеснаго и оставления грехов его у Христа Безсмертнаго Царя и Бога нашего просим.

Подай, Господи.

Иерей: Господу помолимся.

Клирицы: Господи, помилуй.

Иерей: Боже духов и всякия плоти, смерть поправый, и диавола упразднивый, и живот миру Твоему даровавый, Сам, Господи, покой душу усопшаго раба Твоего (имярек) в месте светле, в месте злачне, в месте покойне, отнюдуже отбеже болезнь, печаль и воздыхание, всякое согрешение, содеянное им словом, или делом, или помышлением, яко Благий Человеколюбец Бог, прости: яко несть человек, иже жив будет, и не согрешит. Ты бо Един кроме греха, правда Твоя, правда во веки, и слово Твое истина.

Яко Ты еси Воскресение и Живот, и Покой усопшаго раба́ Твоего (имярек), Христе́ Боже наш, и Тебе́ сла́ву возсыла́ем, со Безнача́льным Твоим Отце́м, и Пресвяты́м, и Благи́м, и Животворя́щим Твои́м Ду́хом, ны́не и при́сно, и во ве́ки веко́в.

Клирицы: Аминь.

Скончав же сия, чтет псалом 90: Живый в помощи... И абие поет или глаголет канон сей за преставльшагося. Глас 8.

#### Песнь 1

Ирмос: Во́ду проше́д, яко́ су́шу, и еги́петскаго эла избежа́в, изра́нльтянин вопия́ше: Изба́вителю и Бо́гу на́шему пои́м.

Стих: Покой, Господи, душу усопшаго раба Твоего. Отверз уста моя, Спасе, слово ми подаждь молитися, Милосерде, о ныне преставленном, да покоиши душу его, Владыко.

Мертв быв плотию, Спасе, и во гробе положен с мертвыми, душу раба Твоего покой в месте злачне, яко Милосерд.

Слава: Молебный глас мой услыши, Боже Триипостасне, и учини душу преставленнаго в недрех Авраамлих, Избавителю.

И ныне: Ты, Пречистая Богоро́дице, Его́же без искуса мужеска заче́нши родила́ еси, моли́ Сы́на Твоего́ пода́ти поко́й рабу́ Твоему́ преста́вленному.

## Песнь 3

Небеснаго круга Верхотворче Господи и Церкви Зиждителю, Ты мене утверди в любви Твоей, желаний краю, верных утверждение, Едине Человеколюбче.

В месте злачне, в месте покойне, идеже лицы святых веселятся, душу раба Твоего преставленнаго покой, Хри-

сте, Едине Милостиве.

Идеже лицы святых, тамо вчини, Владыко, послужившаго Тебе всем сердцем и воздвигшаго иго Твое на рамо свое, яко Един Владыка живота и смерти.

Слава: Небесный Отче Вседержителю, и Сыне Единоро́дный, и Ду́ше Святый Исхо́дный, пре́зри уме́ршаго согреше́ния и в Це́ркви пе́рвенец всели его́ сла́вити Тя со все́ми уго́ждшими Тсбе́.

И ныне: Яко Мати Святая Пресвятаго Бога, Владычице всяческих, Марие Богородице, со всеми святыми Сего моли душу покоити раба Твоего в Небесных селениих.

#### Песнь 4

Услышах, Господи, смотрення Твоего таннство, разумех дела Твоя и прославих Твое Божество.

Сошедый в преисподняя, Христе, совоздвигл еси умершыя вся, и преставльшагося от нас покой, Спасе, яко Щедр.

Никтоже без греха есть, токмо Ты Един, Владыко: сего ради преставленному и грехи остави, и в рай того

всели́.

Слава: Услыши, Троице Святая, гласы молебныя, приносимыя Тебе в церкви о усопшем, и Богоначальным Твоим светом озари душу, омраченную суетными привержении.

И ныне: Родила́ еси́, Пречи́стая, без му́жеска се́мене, Бо́га Соверше́нна и Челове́ка Соверше́нна, взе́млющаго грехи́ на́шя, Де́во. Того́ моли́, Госпоже́, преста́вльшемуся рабу́ Твоему́ пода́ти поко́й.

#### Песнь 5

Просвети нас повелении Твоими, Господи, и мышцею Твоею высокою Твой мир подаждь нам, Человеколюбче.

Имый живота и смерти власть, преставленнаго от нас покой, Христе Боже. Ты бо еси всех, Спасе, Покой и Живот.

На Тя, Спасе, надежду возложь, умерый отъйде от нас, Ты же, Господи, ущедри его, яко Бог Многомилостив.

Слава: Просвети нас, Трисвяте, воспеваемый Владыко, молящихся Тебе, мир Небесный прияти, и в мирных селех душу вчини, отшедшую от временных, в надежде безконечныя жизни.

И ныне: Шу́яго стоя́ния, Пречистая, изба́вити преста́вленнаго умоли Сы́на Твоего́, Де́во Госпоже́, я́ко Спа́са и Бо́га нашего Ма́ти Су́щая.

## Песнь 6

Молитву пролию ко Господу, и Тому возвещу печали моя, яко зол душа моя исполнися и живот мой аду приближися, и молюся, яко Иона: от тли, Боже, возведимя.

Ада испроверг, Владыко, воскресил еси умершыя от века и ныне преставленнаго от нас в недро Авраамле Ты, Боже, всели, прегрешения вся отпустив, яко Мило-

се́рд.

Заповедь, ю́же ми дал еси, Бо́же, преступих и сме́ртен бых, но Ты, Бо́же, соше́дый во гроб и ду́шы я́же от ве́ка воскреси́вый, не возста́ви мене́, Влады́ко, на муче́ние, но на поко́й, преста́вленный вопие́т Тебе́ на́ми, Многоми́лостиве.

Слава: Мо́лим Тя, Безнача́льне Отче и Сы́не и Ду́ше Святы́й, зло́бою душезло́бнаго ми́ра озло́бленную и к Тебе́ Зижди́телю преше́дшую ду́шу во а́дово дно не отри́ни, Бо́же, Спа́се мой.

И ныне: С Небесе Христос Бог наш, яко дождь на руно, Пречистая, сниде на Тя, напаяя весь мир и изсушая вся безбожныя потоки, наводняяй всю землю разумом Своим, Приснодево, Того моли дати покой преставленному рабу Твоему.

# Кондак, глас 8:

Со святыми упокой, Христе, душу раба Твоего, идеже несть болезнь, ни печаль, ни воздыхание, но жизнь безконечная.

## Икос:

Сам Един еси Безсмертный, сотворивый и создавый человека: земнии убо от земли создахомся и в землю туюжде пойдем, якоже повелел еси, Создавый мя, и рекий ми: яко земля еси и в землю отъйдеши, аможе вси человецы пойдем, надгробное рыдание творяще песны: Аллилуиа, Аллилуиа, Аллилуиа.

# Песнь 7

От Иуде́и доше́дше о́троцы, в Вавило́не иногда́, ве́рою Тро́ическою пла́мень пе́щный попра́ша, пою́ще: отце́в Бо́же, Благослове́н еси́.

Влады́ко Христе́ Бо́же, егда́ хо́щеши суди́ти ми́ру, пощади́ ду́шу раба́ Твоего́, его́же от нас прия́л еси́, вопиющаго: оте́ц на́ших Бо́же, Благослове́н еси́.

В пищи райстей, идеже праведных души веселятся послуживших Тебе, причти с ними, Христе, душу раба Твоего, воспевшаго: отец наших Боже, Благословен еси.

Слава: Иудейския три отроки спасый во огни, в триех лицех воспетый, избави огня вечнаго усопшаго, воспевшаго Ти верно: отец наших Боже, Благословен еси.

И ныне: Иса́иа Тя Жезл нарече, Чистая, Данийл же Го́ру Несеко́мую, Иезеки́иль же Дверь, из Нея́же пройде Христо́с, мы же Тя, Истинную Богоро́дицу имену́юще, велича́ем.

#### Песнь 8

Седмеріцею пещь, халдейский мучитель, богочестивым нейстовно разжже, силою же лучшею спасены сия видев, Творцу и Избавителю вопияще: отроцы, благословите, священницы, воспойте, людие, превозносите во вся веки.

Сконча́в тече́ние и к Тебе́ прибего́х, Го́споди, преста́вленный вопие́т ны́не: прегреше́ния оста́ви, Христе́ Бо́же, и не осуди́ мене́, егда́ хо́щеши суди́ти всем, ве́рно бо Тебе́ взыва́х: вся дела́ Госпо́дня, Го́спода по́йте и превозноси́те Его́ во ве́ки.

Понесшаго, Владыко, и́го Твое́ на ра́ме Свое́м, и бремя Твое́ ле́гкое, а́ще и не всегда́, оба́че в ме́сте преподо́бных Твои́х всели́ ду́шу его, воспе́вшаго Тебе, Христе́ Спа́се: о́троцы, благослови́те, свяще́нницы, воспо́йте, лю́дие, превозноси́те Его́ во ве́ки.

Благословим Отца и Сына и Святаго Духа, Господа.

Безнача́льная Тро́ице Свята́я, Бо́же Отче и Сы́не и Ду́ше Святы́й, в ли́це святы́х причти ду́шу преста́вленнаго раба́ Твоего́ и огня́ ве́чнаго изба́ви, да Тя хва́лит, воспева́я во ве́ки: о́троцы, благослови́те, свяще́нницы, воспо́йте, лю́дие, превозноси́те Его́ во ве́ки.

И ныне: Тя, Дево, пророчестии лицы прорекоша, прозряще бо Тя прозорливыма очима: ов убо Жезл нарече Тя, ин же Дверь Восточную, ов же Гору человеки Несекомую. Мы же исповедуем Тя воистинну Богородицу, Бога всяческих рождшую, Егоже моли упокоити преставленнаго во веки вся.

#### Песнь 9

Ужасеся о сем небо, и земли удивишася концы, яко Бог явися человеком плотски, и чрево Твое бысть пространнейшее Небес. Тем Тя, Богородицу, Ангелов и человек чиноначалия величают.

Иису́се Бо́же мой, Спа́се, Ада́мле Ты взял еси́ преступле́ние и сме́рти вкуси́л еси́, да челове́ки от нея́ свободи́ши, Милосе́рде. Те́мже мо́лим Тя, Ми́лостиве: преста́вленнаго поко́й, я́ко Благ, во дво́рех святы́х Твои́х, я́ко Еди́н Всеблагій и Милосе́рдый.

Несть никтоже, Милосерде, иже не согреши в человецех, токмо Ты Един, Иисусе Христе, вземляй грехи всего мира. Темже, очистив раба Твоего от прегрешений, вчини во святых Твоих дворех: Ты бо Живот еси и Покой, и Свет, и Веселие всех Тебе благоугодивших.

Слава: Удиви́ся все естество́ челове́ческое, ка́ко Безнача́льнаго Отца́ Сын Сый Единоро́дный, плоть от Де́вы де́йством Свята́го Ду́ха прия́л еси, и пострада́л еси я́ко челове́к, да уме́ршыя оживи́ши. Тем и преста́вленнаго ны́не от нас, приле́жно мо́лим Тя, во стране́ живых, я́ко Благ, всели́.

И ныне: Невесту Тя нарицаем, Пречистая, Отца невидимаго и Матерь Сына из Тебе Духом Святым воплощеннаго, и молебницу Тя о усопшем рабе Твоем, предлагаем: Тебе бо Помощницу имамы земнии, и любовию поюще Тя величаем.

Достойно есть... Трисвятое. По Отче наш.

# Тропарь, глас 6:

Един естеством Сый Животворец, Христе, и благости воистинну неизследимая пучина, ныне преставльшагося раба Твоего Царствия Твоего сподоби: Ты бо Един еси имеяй множество щедрот и безсмертие.

## Слава, и ныне, Богородичен:

Источник живота рождшая, Владычице, Избавителя миру Иисуса Господа, Того прилежно моли безконечнаго живота преставльшагося ныне раба Твоего сподобити: Ты бо христиан Едина еси известнейшая Помощница.

Таже, Господи, помилуй [12]. И молитву сию:

Помяни, Господи Боже наш, в вере и надежди живота вечнаго преставльшагося раба Твоего, брата нашего [имярек.] и яко Благ и Человеколюбец, отпущаяй грехи, и потребляяй неправды, ослаби, остави и прости вся вольная его согрешения и невольная, избави его вечныя муки и огня геенскаго, и даруй ему причастие и наслаждение вечных Твойх благих, уготованных любящым Тя: аще бо и согреши, но не отступи от Тебе, и несумненно во Отца и Сына и Святаго Духа, Бога Тя в Троице славимаго, верова, и Единицу в Троице и Троицу во Единстве, православно даже до последняго своего издыхания исповеда. Темже милостив тому буди, и веру, яже в Тя вместо дел вмени, и со святыми Твоими яко Шедо упокой: несть бо человека, иже поживет и не согрещит. Но Ты Един еси кроме всякаго греха, и правда Твоя, правда во веки, и Ты еси Един Бог милостей и щедрот, и человеколюбия, и Тебе славу возсылаем Отцу и Сыпу и Святому Духу, ныне и присно, и во веки веков.

Клирицы: Ами́нь. Иерей: Прему́дрость. Клирицы: Честне́йшую Херуви́м... Иерей: Сла́ва Тебе́, Христе́ Бо́же, Упова́ние на́ше, сла́ва Тебе́. Клирицы: Слава, и ныне. Го́споди, поми́луй [трижды]. Благослови́. Иерей творит

отпуст сей:

Воскресый из мертвых Христо́с Истинный Бог наш моли́твами Пречи́стыя Своея́ Ма́тере, святы́х сла́вных и всехва́льных апо́стол, преподо́бных и богоно́сных оте́ц на́ших и всех святы́х, ду́шу от нас преста́вльшагося раба́ Своего́ в селе́ниих пра́ведных учини́т, и в не́дрех Авраа́ма упоко́ит, и с пра́ведными причте́т, и нас поми́лует, я́ко Благ и Человеколю́бец.

Клирицы: Аминь.

Иерей же глаголет:

Во блаженном успении, вечный покой подаждь, Господи, усопшему рабу Твоему [имярек,] и сотвори ему вечную память.

Отпевше же трижды: Вечная память, отходят во свояси.

#### О ПСАЛТИРИ

Псалтирион, по-гречески, — струнный музыкальный инструмент, в сопровождении которого в глубокой древности пелись обращенные к Богу молитвенные песнопения. Сами песнопения получили поэтому название псалмов, и сборник их стал называться Псалтирью. Псалмы были объединены в одну книгу в V веке до Рождества Христова. На славянский язык с греческого Псалтирь переведена братьями святыми равноапостольными Мефодием и Кириллом, учителями славян, в середине IX века, как упоминает об этом преподобный Нестор Летописец († ок. 1114). Псалтирь впервые изданию-славянски типографским тиснением с древних рукописей в Кракове в 1491 году.

В Церкви Христовой Псалтирь получила особенно широкое применение в богослужении. У христиан богослужебное употребление Псалтири началось уже во времена апостольские (1 Кор. 14, 26; Еф. 5. 19; Кол. 3, 16). Псалтирь послужила источником большей части вечерних и утренних молитв. Псалмы входят в состав почти

каждого чина православного богослужения.

На Руси Псалтирь была широко распространена. Она имела немаловажное значение в жизни русского человека: она употреблялась и как книга богослужебная, и как назидательная для домаш-

него чтения, а также была основной учебной книгой.

В Псалтири из 150 псалмов / часть относится к Спасителю — Господу Иисусу Христу; они важны в сотериологическом плане (сотериология — учение о спасении человека от греха). Эти псалмы называются мессианскими (Мессия, с еврейского, значит — Спаситель). Различают псалмы мессианские в прямом и в прообразовательном смысле. Первые говорят только о грядущем Мессии — Господе Иисусе Христе (Пс. 2, 15, 21, 44, 68, 71, 109). Вторые повествуют о лицах и событиях Ветхого Завета (царь и пророк Давид, царь Соломон и др.), прообразующих Новый Завет Господа Иисуса Христа и Его Церковь (Пс. 8, 18, 34, 39, 40, 67, 77, 96, 101, 108, 116, 117).

151-й псалом посвящен псалмопевцу Давиду. Этот псалом со-

держится в греческой и славянской Библии.

Псалтирь вначале делилась на пять частей применительно к древнему богослужебному порядку. В современном богослужебном Уставе Православной Церкви принято деление Псалтири для удобства при употреблении ее за богослужением и в домашнем (келейном) правиле на 20 разделов — кафизм (кафисм)\*, каждая из

<sup>•</sup> От греч. «кафизо» — «сижу». В древней Церкви за богослужениями, особенно на утрени, после псалмов, которые пелись стоя, полагались перерывы для духовных размышлений о пропетых псалмах. Во время этих размышлений сидели. Из таких размышлений возникли песнопения, именуемые «седальнами». Впоследствие стали сидеть и во время чтения псалмов, а название «кафизма» (то есть «седален», «седальный») перенесли и на псалмы. В славянском Уставе слово «кафизма» оставлено для разделов Псалтири, а богослужебные песнопения названы славянским словом «седальны».

которых делится на три «Славы», или статии. После каждой «Славы» трижды читается «Аллилуиа, аллилуиа, аллилуиа, слава Тебе, Боже!».

Псалмы читаются в храме ежедневно за всяким утренним и всчерним богослужением. Полностью Псалтирь прочитывается в течение каждой недели (т. е. седмицы), а Великим постом — дважды в течение седмицы.

Святейший Патриарх Пимен показывает нам пример благоговейного отношения к Книге псалмов каждодневным чтением ее бого-

духновенных славословий и молитв.

Домашнее молитвенное правило находится в глубокой молитвенной связи с богослужением храмовым: утренняя келейная молитва, начиная новый день, предваряет богослужение и внутренне готовит к нему верующего, вечерняя, заканчивая день, как бы завершает и церковную службу. Если верующий не был в храме за богослужением, он может включить в свое домашнее правило псалмы. Число псалмов при этом может быть различным — в зависимости от намерений и возможностей верующего. В любом случае отцы и подвижники Церкви предлагают верующему читать псалмы ежсдневно, полагая непременным условием духовной пользы чтения и изучения псалмов благочестие и чистоту сердца.

#### О чтении Псалтири по усопшим

В Православной Церкви издревле существует благочестивый обычай чтения Псалтири над телом умершего диакона, монаха и мирянина. (Над почившим священником и епископом читается Евангелие.) Псалмы читаются непрерывно (кроме времени, когда совершаются при гробе панихиды или литии) до погребения усопшего и в память его после погребения. Это чтение служит молитвой Господу о усопшем, утешает скорбящих о почившем и обращает их молитвы о нем к Богу. Порядок чтения Псалтири при этом такой: каждая кафизма начинается молитвословием «Приидите, поклонимся...» (трижды); по каждой «Славе» кафизмы читается молитва «Помяни, Господи Боже наш...», находящаяся в конце «Последования по исходе души», и на ней поминается имя усопшего, а по окончании кафизмы читаются Трисвятое по Отче наш, тропари покойны и положенная после каждой кафизмы молитва.

Совершать чтение Псалтири по усопшем может всякий благо-

честивый мирянин.

# СОДЕРЖАНИЕ

Молитвы утрениие		•		٠	٠	3
Молитвы на сои грядущим		•	•		٠	14
Канон покаянный ко Господу Инсусу Христу						24
Канон молебный ко Пресвятой Богородице						29
Канон Ангелу-хранителю						36
Каноп святому Иоанну Предтече						42
Акафист Иисусу Сладчайшему						48
Акафист Пресвятой Богородице						56
Акафист Святителю Николаю						64
Последование ко Святому Причащению						70
Благодарственные молитвы по Святом Причащении						86
Тропари праздникам						90
Молитвословия из Триодей постной и цветной						102
Тропари воскресные						105
Тропари дневные						109
Заповеди Божии						111
О крестном знамении и поклонах						112
Молитвы разные						113
Молитвы перед началом чтения Псалтири						122
Псалмы						123
Молитвы по прочтении нескольких кафисм или всей						239
Канон молебный при разлучении души от тела						
Последование по исходе души от тела	•	•	•	•	•	246
О Псалтири		•	•	•		254
О чтении Псалтири по усопшим						255

Репринтное воспроизведение издания Московской Патриархии 1988 года. Издательство «Единство».

Тираж 100.000. Зак. 13. Формат 60x84/16. Типография имени М. И. Калинина Ростовского уприздата. 344081. Ростов-на-Дону, Советская, 57.

Псалом да будет непрестанно в устах твоих.

Где псалом с сокрушением, там и Бог с Ангелами.

Псалом — радость боголюбцев: он отгоняет празднословие, прекращает смех, напоминает суд, возбуждает душу к Богу, сликовствует с Ангелами.

Псалом делает светлыми праздники, он производит печаль по Богу. Псалом и из каменного сердца источает слезы. Псалом — дело Ангелов, Небесное жительство, духовное кадило. Псалом — просвещение душ, освящение тел.

Псалом — привлечение Ангельской помощи, оружие против страха ненужного, упокоение от дневных трудов, безопасность младенцев, украшение пожилым, утешение старцам, приличное убранство женщинам.

Псалмопение и молитва при смиренном помысле возвышают ум над недозволенными страстями и душу делают более мужественною к вожделению Небесных благ.

## Преподобный Ефрем Сирин

Кто поет псалмы, тот, хотя был крайне развратным, стыдясь псалма, обуздывает силу сладострастия и, хотя обременен был бесчисленными пороками и одержим унынием, — услаждаясь удовольствием, облегчает свои мысли, окрыляет ум и возвышает душу.

Если ты впал в искушение, то почерпнешь в псалмах обильное утешение; если согрешишь, найдешь здесь тысячи готовых лекарств, впадешь ли в бедность или в какое несчастье, — (псалмы) укажут тебе многие пристани.

Всегда псалмопение является торжеством для радующихся, утешением для унывающих... Оно укрощает страсти, как диких зверей: обуздывает невоздержание, погашает несправедливость поддерживает правду, низлагает хульные замыслы, убивает постыдные мысли, возвещает Божественный закон, проповедует Бога, разъясняет веру, заграждает уста еретиков, созидает Церковь.

Святитель Иоанн Златоуст

Книга псалмов... есть общая сокровищница добрых учений и тщательно отыскивает, что каждому на пользу. Она врачует и застарелые раны души, и недавно уязвленному подает скорое исцеление, и болезненное восставляет, и неповрежденное поддерживает; вообще же, сколько можно, истребляет страсти, какие в жизни человеческой под разными видами господствуют над душами.

Псалом — тишина души, раздаятель мира. Он смягчает раздражительность души и уцеломудривает невоздержанность. Он утишает мятежные и волнующие помыслы. Псалом — посредник дружбы, единение между далекими и примирение враждующих. Ибо кто может почитать еще врагом того, с кем возносит единый глас к Богу? Посему псалмопение доставляет нам одно из величайших благ — любовь, кзобретая совокупное пение, вместо узла к единению, и сводя людей в один согласный лик. Псалом — убежище от демонов, вступление под защиту Ангелов, оружие в ночных страхованиях, упокоение от дневных трудов, безопасность для младенцев, украшение в цветущем возрасте, утешение старцам, самое приличное убранство жен.

Псалом населяет пустыни, уцеломудривает торжища. Для нововступающих — это начатки утешения, для преуспевающих — приращение ве́дения, для совершенных — утверждение; это глас Церкви. Он делает празднества светлыми; он производит «печаль яже по Бозе». Ибо псалом и из каменного сердца вынуждает слезы. Псалом — занятие Ангелов, Небесное сожительство, духовный фимнам. Это мудрое изобретение Учителя, устроившего, чтобы мы пели и вместе учились полезному...

Чему же не научишься из псалмов?! Не познаешь ли отсюда величие мужества, строгость справедливости. честность целомудрия, совершенство благоразумия, образ покаяния, меру терпения и всякое из благ, какое не начменуєшь?! Здесь есть совершенное богословие, предречение о пришествии Христовом во плоти, угроза судом, надежда воскресения, страх наказания, обетование славы, откровения таннств. Все как бы в великой и общей сокровищнице собрано в Книге псалмов.

Святитель Василий Великий

